






IOANNIS  
DE  
BVSSIERES  
BELLIOCENSIS,  
è Societate Iesv,  
HISTORIA  
FRANCICA:

PARS SECVNDA,

Ab HVGONE CAPETIO, ad  
CAROLVM VII.

*Assist. Gallia*  
*Soc. Jesu*




LVGDVNI,

Sumpt. GVILL. BARBIER, IOAN. GIRIN,  
& FRANC. COMBA, via Mercatoria,  
sub signo Prudentiz.

M. DC. LXI.  
CVM PRIVILEGIIS.







*Summa Privilegij Regij.*

**G** Autum est auctoritate Regis, ne quis in Regno suo aliisve locis suæ ditioni subiectis, Librum, cui titulus est, *Ioannis De Bussieres, à Societate IESV, Historia Francica, quatuor Partibus comprehensa*, absque Auctoris consensu imprimat aut duendat, in decem proximos annos à die absoluti Operis; mulctâ indictâ, qui secus fecerit; |provt fusiùs in diplomate Regio continetur. Datum Parisiis, die 27. Septembris 1660.

De mandato Regis,

LE COQ.

*Summa Privilegij Prolegati Aue-  
nionensis.*

**C**Autum est auctoritate Prolegati Aue-  
nionensis ne quis typis mandet Li-  
brum, cui titulus est, *Historia Francica,*  
*Ioannis De Bussieres, è Societate IESU, Parti-*  
*bus quatuor comprehensa*, præter Auctoris  
facultatem, poenâ indictâ, si quis secus fe-  
cerit; vti fusiùs in diplomate continetur.  
Datum Auenione, 13. Iulij 1660.

Signatum,

LASCARIS.

\$1477774



---

*Summa Privilegij Prouincialis.*

**L** Aurentius Grannon, Prouincialis Societatis IESU, in Prouincia Lugdunensi, iuxta facultates concessas à Regibus eidem Societati, permittit Bibliopolæ quem designabit P. Ioannes De Bussieres, ex eadem Societate, typis mandare ac diuendere Librum, in decem annos proximos, cui titulus est, Historia Francica. Datum Lugduni 20. Aprilis 1660.

Signatum,

LAVRENT. GRANNON.

Ioannes



**I**Oannes De Buffieres, è Societate IESV,  
supradicta Priuilegia concessit *Guillelmo*  
*Barbier, Ioanni Girin, & Francisco Comba,*  
Bibliopolis Lugdunensibus, iuxta pacta  
cum iis conuenta. Lugduni, die septimo  
Ianuarij 1661.

---

*Editio absoluta die prima Februarij.*

M. D C. L X I.

*Reges*



*Reges Francie, ab Stirpe tertia.*

**F** Vgo Capetius. Lib. vij.  
Robertus. num. ij.  
Henricus. num. v.  
Philippus. num. vij.  
Ludouicus Crassus. num. xj.  
Ludouicus Iunior, nomine septimus. num.  
xviij.  
Philippus Augustus. num. xxvij.  
Ludouicus VIII. Lib. 8. n. xiv.  
Ludouicus IX. dictus Sanctus. n. xvij.  
Philippus III. dictus Audax. Lib. 9. n. iv.  
Philippus IV. Pulcher dictus. n. xiv.  
Ludouicus X. Hutinus dictus. num. xxv.  
Philippus V. Longus dictus. num. xxvi j.  
Carolus IV. Pulcher dictus. n. xxviii j.  
Philippus VI. dictus Valesius. Lib. 10. n. i.  
Ioannes. num. xvi.  
Carolus V. Sapiens dictus. Lib. 11. n. i.  
Carolus VI. Dilectus dictus. n. xij.  
Carolus VII, Victor dictus. Lib. 12. n. xiv.

HISTORIÆ



# HISTORIÆ FRANCICÆ,

## *LIBER SEPTIMVS.*



APRO Carolo, & in custodiam tradito, Hugoni regnanti parta tranquillitas. Sed quoniam regnum arti potius debebatur quàm armis, arte & industriâ retinendum fuit.

Et illicò amplissima regni de-

tracta pars; quæ ambitionis immodicæ pœna; prouinciarum Administratores in regiminis partem admissi sunt; ex regentibus in patrimonium datæ; quique antea Ducum Comitumque inani titulo, regiones traditas ad Regis arbitrium moderabantur, nunc vsurpato in obnoxias gentes pleno iure, potestatem regiam sibi vindicarunt. Assertus quidem dignitati Regis honos in speciem, abdicato titulo & insignibus regiis, auctoritate intra Ducis Comitiseve appellationem coercitâ, & supremo iure Regis illibato; sed ius illud ubi vis pollebat plerumque umbratile; solidâ dominatione incumbente prouinciis,

I.

HUGO  
CAPE-  
TIVS  
REX.

Duca  
& Comites  
unde  
orti.



— & in hæredes transfusâ. Hinc nati Britan-  
 HUGO niæ, Burgundiæ, & Aquitaniæ Duces; Co-  
 CAPE- mites Flandrensis, Tolosanus, Andegauen-  
 TIVS. sis, & alij; Monarchiâ Franciæ in Topar-  
 chias diuisâ; & quò in plures perueniret  
 hæreditas, eò minor. Nec Regi sua Francia

*Robertus  
 r. cõ-  
 fors.*

noménque Regium integrum fuit; quippe  
 Robertum vnicum filium admisit in solium;  
 regnum sibi in partem præripiens, quod vin-  
 dicaret familiæ; throni passus consortem dum  
 viueret, vt regnaret & mortuus. Ita Rober-  
 tus Rhemis inunctus & inauguratus, & re-

*Eius  
 dotes.*

ligione ius regni sancitum. Et quidem di-  
 gnus, qui viuo Patri scriberetur hæres; sua-  
 uitate morum, affabilitate, temperantiâ, &  
 liberalitate insignis; per quas dotes Francis  
 charissimus, iam animorum calculis Rex de-  
 stinabatur. Et Principem eruditio commen-  
 dabat, institutum humanioribus litteris à  
 Gerberto, & accuratè excultum studiis, in-  
 dole iuuenis applicante se ad potiora. Hugo  
 his constitutis, vt Regi in posterum æmu-

*Comitu  
 Parisi-  
 ensis  
 extin-  
 cta di-  
 gnitas*

lum tolleret, Comitis Parisiensis dignitatem  
 extinxit; quippe vt Carlouingij Magistros  
 Palatij abrogauerant, quo ipsi nomine à Me-  
 rouingianis extorserant regnum; ita Cape-  
 tius haud ignarus, sibi suisque maioribus  
 viam munitam ad sceptrum Parisiensis Co-  
 mitis dignitate; ne peccarent exemplo po-  
 steri, modum peccandi eripuit: documento  
 egregio, ne Reges sibi proximum quem-  
 quam constituent; cùm admoto ad regnum  
 propius, nihil pronius sit, quàm in regnum  
 ipsum votum adiicere. Res domi pacatas  
 noua tempestas conturbauit statim. Hugo  
 sub regni initiis Arnulphum natum è Lotha-  
 rio Rege, sed impari matre, Rhemensem Ar-  
 chiepiscopum designauerat; seu amore pa-  
 tris atque memoriâ; seu captatâ indulgen-  
 tiæ famâ, regij sanguinis veneratione. At Ar-  
 nulpho beneficij memoria non constiterat

*Arnul-  
 phus  
 Rhe-  
 mensis  
 Archi-  
 episcopus.*

satis;

fatis ; nam dicebatur fauisse Carolo , & pro-  
dendi Rhemos iniuisse consilium. Quare Hu-  
go victor, memórque iniuriæ , vt Arnulphum  
infulis spoliaret , ad Ioannem X V. Pontifi-  
cem Legatos mittit ; quibus repulsis , Rex  
concilium Rhemis ab Episcopis Gallix con-  
uocari curat ; in quo Arnulphus postulatus  
læsa maiestatis , magnâ quanquam alterca-  
tione , Seguino Senonensi Archiepiscopo ir-  
ritante Concilium ; sanciente Arnulpho Au-  
relianensi , impigro viro & vehementis in-  
genij ; Arnulphus reus sede eiectus est , &  
Gerbertus Roberti præceptor suffectus infu-  
lis. Id enim uerò Ioanni Pontifici molestis-  
simum accidit ; imminutâ auctoritate , & re-  
pulsâ contemptu irritâ ; idcò Leonem in  
Franciam legat , à quo Mosonij euocatur  
Concilium ; præsensque Gerbertus causam  
perorauit , tantâ eloquentiâ , vt amplius sit  
pronuntiatum , résque dilata in alterum Con-  
cilium , quod Rhemis indictum est. At Ger-  
bertus Pontificiæ potestatis , seu metu , seu  
conscientiâ , secessit in Germaniam ad Otho-  
nem Imperatorem , passus se absentem exau-  
ctorari , & Arnulphum restitui ; quanquam  
indignans multum & per epistolas conquere-  
rens. Decreto Concilij videbatur peti Regis  
auctoritas , & obici Pontificiæ : Hugo tamen  
prudenti consilio rem dissimulauit ; memoc  
quàm radice tenerâ staret regnum ; nec cen-  
suit recentem potestatem & quasi vagientem  
in cunis , cum vetere totque annorum robore  
confirmata , magno periculo componendam.  
Nono regni anno desiit viuere ; vnâ re me-  
morabilis , quæ præpolleat pluribus , quod re-  
gnum in se , & familiam suam deriuauit ; non  
armis quidem ; sed industriâ atque ingenio ;  
nec enim militaris ars sola regia est ; & quæ-  
dam efficacissima vis est ingeniorum vt cor-  
porum.

HUGO  
CAPE-  
TIVS.  
*Deys-  
tur.*

*Substi-  
tuto  
Ger-  
berto.*

*Et re-  
stitui-  
tur.*

Anno  
996.  
vel  
97.

*Capetj  
mors.*

II.

Robertum iam antè in regnum adscitum,

RO-  
BER-  
TVS.  
RE-  
GNAT.  
*Bertam  
ducit.*

*Mox  
Constā-  
tiam  
ducit.  
Constā-  
tia in-  
doles.*

*Et fa-  
cinus  
in Hu-  
gonem.*

sed nondum fruentein imperio, imperium ipsum & licentia corruerunt. Primum ut pleraque alia malum à feminâ. Rex amore captus Bertam Eudonis Comitis viduam duxit uxorem: & coniugium quidem culpæ prætextum; nam Berta duplici vinculo affinitatis, tum sanguinis tum spiritûs, arcebatur à Regis thalamo; nec solutio legis à Pontifice petita; ut flagitiosæ omninò nuptiæ, & specie Sacramenti induceretur incestus. Ideò Robertum Gregorius V. anathemate percussit; cuius terrore Rex Bertam reiecit; plagâ tandem animi persanatâ. Quæsitæ postea nuptiæ nouæ; ducta Constantia Prouinciæ Comitis filia. Nec omninò felices nuptiæ, quanquam iustæ atque legitimæ; nam Constantia formâ corporis, celeberrima, sed audax mulier ambitiosa & præceps, quæ potestatis consortem non caperet, optimo Principi materia patientiæ fuit. Vno facinore mulicris indoles patuit. Regis gratiâ florebat in paucis Hugo quidem Bellouacensis; statim adstitit prosperitatis comes inuidia; Reginamque ipsam incendit, indignantem potentiâ æmulum & forsan superiorem insurgere. Et dicebatur Hugo Regem impellere ad comprimendam audaciam feminæ; *Amori in coniugem suam esse metam; nihil periculosius quàm uxorium Principē feminas in familiarum curam non regnorum natas; præsertim in Francia; eas profuturas in publicum, non capite quidem, sed utero, si Reges pariant.* Ea seu vera, seu ab æmulis ficta, renuntiata Constantiæ, impotentem animum inflammaverunt. At blandiri Regi cùm negaret superbix tumor: Fulconem Comitem Andegauensem eundemque auunculum appellat Regina vindicem; paremque nacta votis ultorem, duodecim equites ad eandem impetrat. Nec petita vindictæ opportunitas loci aut temporis; sub ipsis Regis oculis Hugo ab equitibus cæsus



## Liber Septimus.

S

taxus est, & in frustra discriptus; nullâ sceleris poena, vel patrati vel iussi; Rege contumeliam donante coniugi, & patientiâ criminis domesticam tranquillitatem mercante. At qui, domi ferebat vxorem, foris proteruos & rebelles domabat. Ab Eudone Comite Carnutensi prima belli fax; is Melodunum proditione inuaserat. Gualterius pro Burcardo Comite urbem tenebat, qui in donum perfidus, assentiente & impellente vxore, Eudoni appellato oppidum tradit. Continuò Robertus, Burcardo iniuriam postulante, ducto exercitu, Melodunum obsidet, premittitque tam arctè, vt Eudoni iam salutis spes nulla suppeteret, præter Regis clementiam; quâ appellatâ, urbem cum proditoribus dedit; ipsi parcitum, vocati in supplicium rei, Gualterio & vxore necatis suspendio, ne indulgentia scelus propagaret. Is motus facilis, reliqui ardui magis atque impediti. Pro Burgundiâ bellum commotum est; & erat dignum armis operæ prætium. Henrico Roberti patruo Ducatus Burgundiæ in patrimonium cesserat, Hugone Capetio in spem regni vocato; is cum sine liberis decederet, vxoris arte Guillelmum priuignum Albetti Longobardiæ Ducis filium adoptauit, scripsitque heredem. Nec dubitauit Guillelmus cernere hereditatem, seque in Burgundiæ Ducem ingerere; eo maximè fretus quod plerique Proceres manu & mente promouerent consilium, Bruno Episcopus Lingonensis, Landricius Comes Niuernensis, Guillelmus Comes Pictauiensis, & alter Guillelmus Comes Arelatensis; quorum intererat Regem imminui, & tam amplâ prouinciâ spoliari; erâtque Guillelmo Reginaldus filius, fortis in paucis iuuenis, clarusque militiâ, cupiditatis paternæ fulcrum & anchora. Contrà Robertus primùm iure; pòst armis pugnabat. *Se legitimum heredem patrui; sibi proximo affini deberi Bur-*

RO-  
BER-  
TVS.

Robertus Melodunum recipit.

Et Burgundiam.

RO-  
BER-  
TVS. gundiam ; testamento frustra scriptum haredem, cum ipsa hereditas ad regnum spectaret; feudo eâ conditione permissio, ut si Dux sine masculâ prole decederet, sorti pristina redderetur feudum, ac trunco suo ramus. Mox ad arma ventum, conscriptusque ingens exercitus, Richardo Duce Normanniæ triginta millia deducente : quippe prudentissimo Regi nihil antiquius, quàm ab initiis militarem gentem Ducemque fortissimum sibi adiungere ; eundem hosti detracturus, & communi bello imminuens. Ita copiæ in Burgundiam ductæ, & obsessa Antisiodorum. Ea an capta sit, auctores discrepant ; aliis cælo prodigia euocantibus, quæ Regem expellerent ; aliis Regem per ipsa prodigia, euersosque cœlitus muros, intra Aualonem castrum mittentibus. Ego vt nihil ausim asserere in re ancipiti ; ita de euentu non possum ambigere ; quin tota Burgundia ad Regem regni-que corpus traducta sit : & inclinatus animus affirmare, id armis præstitum ; quomodo enim tot viri Principes, pulso Rege & ignominiam passo, ceptis abstintissent, præmiûmque victoriæ tradidissent victo ipsi victores ?

## III.

Motus  
ob Lo-  
tharingiam.

Causa  
belli.

Expeditum Regem Burgundiâ, Lotharingia nouo bello implicuit. Lotharingiæ Dux, vnus è Carlouingiis superstes Otho, nullis liberis relictis obierat : dux hinc sorores ; quarum altera Lamberto Montensi Comiti, Huberto Namurcensi altera nupserat. Ad eas haud dubiè attinebat hæreditas fratris ; sed Godofredus Arduenniæ Comes Othonis auunculus, deposcebat eandem ; nullo quidem legitimo iure, quem sorores excluderent ; arcessito tamen, impetrato consensu ab Henrico Imperatore, iure ancipiti, Mars videbatur pronuntiaturus sententiam. Augebat difficultatem, quod Balduinus Flandriæ Comes, qui Lotharingiam Namurcensem inter & Montanum diuisam mallet, quàm

quàm ad Godofredum peruenire integram, eos consiliis auxiliisque iuuabat, quin & Robertum Regem, vt iisdem faueret impulit; ne Ducem Lotharingæ Germanis obnoxium pateretur; nève recrudescerent gentium odia. Ita Balduinus manu validâ à Francis receptâ, Valencenas aliâque ad Scaldim oppida expugnat, totique Lotharingæ imminet victor. Godofredus obiecturus munimen fulmini, Imperatorem appellat, vt quod donasset ipse tueretur: nec is moram traxit, quin succinctus exercitu penetraret in Flandriam. Valencenas impugnavit primùm, dein Gandauum; & quanquam utrobique repulsus, tamen cum vastatis agris incumberet, placuit controuersiam pacè dirimere. Eâ Valencenæ Imperatori concessâ, quibus postea Balduino cecidit; Godofredo assertâ Lotharingâ; Namurcensi & Montano spes euanescere. Paci adscripsit Robertus; seu ratus sibi factum satis, acquiescente Flandrensi; seu à bello auersus, quod infensas gentes Francos & Germanos rursus committeret; suo magno periculo; cum noua imperia stabiliantur pace, bello reuellantur. Ideò placuit ad vinciendam arctius pacem, im colloquium venire Principes; amnis Mosâ vtriusque imperij limes eam in rem lectus; ( alij malè charum in Biturigibus scribunt ), & ne quid alterutrius dignitati obesset, Scaphæ hinc inde dispositæ, vt in amne medio conuenirent. Sed Christiana demissio impedimenta nescit dignitatis. Henricus Imperator, quo die indictum colloquium erat, eo, mane primo, transito fluuio ad Robertum pergit, & abiecto fastu amicè & familiariter, vt cum fratre agit. Exceptus ab Rege optimo, humanitate maiore quàm pompâ, ad sacrum ductus, deinde ad prandium, à mensâ suauissimis colloquiis habitis, in castra rediit. Rex sequenti die primâ itidem luce ad Henricum transit, parique lau-

ROBERTVS.

*Succes-  
sus.*

*Rex  
cum  
Henri-  
co Im-  
perato-  
re coi-  
loqui-  
tur.*

RO-  
BER-  
TVS.

de, nisi quod præiussit exemplum; pariter-  
que exceptus, impleuit se sanctissimis Princî-  
pis piis sermonibus. Accessit spectaculum  
suauissimum Cunegundis, Imperatoris con-  
iux & virgo, quæ formam oris egregiam for-  
mositate animi vinceret, viro digna consors,  
cum eo post Sanctorum fastis adscripta; Ro-  
berto mirante felicitatem Henrici, quam ipse  
nesciret. Præterea liberalitate certatum & ab-  
stinentiâ; Francus ad Germanum, præter gem-  
mas aurique copiam, centum equos misit,  
phaleratos magnificè, cuique adiunctis loricâ  
& galeâ; vt equiti præter equum sua arma  
essent; Germanus admisit Sacrum Euangelij  
codicem, ac dentem S. Vincentij, remisit cæte-  
ra; pietati & temperantiæ obsequens; & Cu-  
negundis par nauicularum ex auro, credo in  
inaures, accepit; ne Regem abstinentiâ læde-  
ret. Oblatæ pariter Franco in munus, centum  
auri libræ facti industriè, ex quibus is duas  
nauiculas cepit; cæteris integris, Henricum  
imitatus & Coniugem. Ita solutum collo-  
quium, magnâ vtrinque beneuolentiâ, & præ-  
sentiâ famam superante.

I V.  
Rober-  
tus de-  
liberat  
de Hu-  
gone co-  
ronan-  
do.

Robertus pacato regno, heredem sibi viuo  
quærendum censuit, vltra vitam promoturus  
pacem. Ideò trium quos è constantiâ suscepe-  
rat liberos, maximum Hugonem, puerum de-  
cennem, imitaturus Patrem, destinat regno.  
Intercedebant viri prudentes, ancepsque con-  
siliū in deteriolem partem vertebant. Re-  
gem adhuc atate vegetâ, inauspicatò here-  
dem dicere, parum cautè consortem imperij;  
nihil adolescenti perniciosius potestate, quâ  
atas lubrica agatur in præceps, & ruenti  
sponte calcatur addatur. Hugonem adhuc im-  
puerem, prodesse non admodum, obesse pluri-  
mum Patri posse; adulatoribus iuuentute  
obnoxia, & ad praua quæque opportunâ. Ipse  
sibi Rex documento foret, qui statim abreptus  
potestatis licentiâ, indolem bonam adolescen-  
tiâ

*tiâ corruperit , ac ruina regnum admouerit, Dei bonitate tandem respiciens. Nunc domi foris,que tranquilla omnia;quid nouas turbas præpofterè prudens arcefferet?nunc satius præsentibus frui , & futura Deo permittere ; qui plerumque longa consilia discutit,ne mortales supra se sapiant. Ea cùm verè dicerentur,tamen perstabat in sententiâ Rex , argumento vno refellens obiecta ; stabiliendum in familiâ regnum ; nec id posse tutius , quàm assumpto in thronum filio ; minus esse Principem, qui non caueat posteris ; priuatos familias in secula plura componere ; quid Reges ? breuissimo vita spatio conscribent curas , & brutorum instar vitâ suâ uiuent ? nam de pueri licentiâ quod timerent, id ad se spectare ; eundemque se franos admouere posse, qui stimulos ; & tam Regem in potestate futurum quàm puerum. Ita Hugonem filium inungi curat ; præter cætera Constantiam metuens, quæ Roberto liberorum minimo studens impensius, concussura regnum videbatur , vt Robertum suum promoueret. Hugoné inaugurato, Robertus inuigilans ne quid licentiæ affricaret puero potestas , præter Regis titulum , cæterorum parcus , suppeditabat sumptus permodicos : & Constantia filium habebat haud melius,nouerca haud mater,Regemque odiosum laceſſebat asperrimis verbis. Sæpe remedia cùm immodica sunt, in morbum deflectunt;hac asperitate pueri animus à patre auersus, data adulatoribus grassandi libertas,querelæ ortæ atque propositæ ; actandem Hugo ab Aula profugus , administrationē regni capeſſiuit,scripto milite,publicoque ære intercepto.Inclinabat res ad ciuile bellum ; cùm repente Deo immutante animos,Hugo supplex ad Patrem adiit,donatúsque venia,& in posterum liberaliùs habitus, magni Principis edebat specimina;quæ haudquaquam impleuit, morte præreptus ; lugen-*

RO.  
BER-  
TVS.

Hugo  
corona-  
tus,

Rebellis  
in pa-  
trem

Respi-  
scit  
Et mo-  
ritura  
Anno  
1025.

RO-  
BER-  
TVS. te Patre fatum immaturum, excussa consilia,  
& columnam regni prostratam. Nihilò secius  
Rex ad Henricum secundò genitum adiecit  
animum; & tametsi Constantia pro Roberto  
nouatis studiis ad immutandam mariti men-  
tem nihil non moueret, Rex immotus stetit,  
turbasque domesticas tranquillitati publicæ

Henri  
cum fi-  
lium  
coronat  
Roberto.  
Rex.

Qui re-  
bellat  
in pa-  
trem.  
Et cum  
eo re-  
conci-  
liatur.

Anno  
1032.  
Roberti  
mors.

Eius  
Hymni.

Et reli-  
gio.

posthabens, Henricum adscripsit imperio,  
prætermisso Roberto. Constantia similiter in  
proposito stetit, & eadem asperitate Henri-  
cum excipiens qua Hugonem, adigit in re-  
bellandi necessitatem. Fefellit tamen consi-  
lium feminæ, quod Robertus Henrico fratri  
se adiunxit, iunctoque scelere matris votum  
euertit. Continuò vastati agri, direptæ prouin-  
ciæ, bellumque commotum; cuius campus  
Burgundia. Rex ducto exercitu in filios mo-  
uit; & crimen pœna iam assequebatur; cum  
Guillelmus sancti Benigni Antistes, libero-  
rum causâ intercessit; appellauit naturam,  
suscitauit patrem in Rege, & ab optimo Prin-  
cipe veniam abstulit Bonâ fide liberi reconcil-  
liati; ac Regi properanti ad mortem tranquil-  
litas pacta. Quam obiit anno sexagesimo vitæ;  
Roberto Burgundiâ in patrimonium datâ.  
Doctrinâ & pietate, insignis pro more tem-  
porum, scripsit Hymnos Latinis versibus; nam  
Poësi afficiebatur quam plurimum; Româ-  
que profectum religionis causâ auctor est  
Trithemius; suâque carmina nouum Ana-  
thema imposuisse aræ sancti Petri; vel inge-  
nij partu professus obsequium. Abbantias mul-  
tas erexit, verè religiosus, & Numa Franci-  
cus, qui stabiliret pietate imperium, & radices  
altas à cœlo peteret.

V.

Henricus Roberto mortuo capeffit regnum,  
quanquam haud pacatum; turbæ à Constan-  
tia matre, quæ Henrico iam pridem infensa,  
& dominandi percupida, regnum permisce-  
bat, ut odio & ambitioni litaret. De iure  
regni disceptare non ausa, regni vsum voca-  
bat.

bat in dubium; Henricum etate immaturâ,  
 & tanto oneri impare; recentem adhuc à re-  
 bellione, & ab sanguine prædâque urbium  
 quas diripuisset; non committendam lupis  
 ouium curam; bis parricidam qui patrem &  
 subditos armis petiisset, distare longius à Pa-  
 tre patria. Robertum alterum filium, partici-  
 pem criminis a quo iure esse; etas dum utrius-  
 que vitia decoquat præstolandum, nec scele-  
 ratis adolescentibus reipublica clauum per-  
 mittendum. Interea administraret ipsa impe-  
 rium, mater Regis & coniux; non ignara re-  
 giminis, publicamque rem Francia longo usu  
 docta. Ita regnum scindebatur in partes, pri-  
 uatâsque familias diuidebat Regia; cùm su-  
 bitò affulsit lux vnde procella terrebat. Con-  
 stantia Fulcone Andegauensi auunculo nite-  
 batur summoperè, viro acerrimo, confirmatæ  
 potentiæ, notæque audaciæ. At is neptem de-  
 seruit, seu bono Franciæ fato, seu iniquæ cu-  
 piditati infensus (nam post Ierosolymitanum  
 iter susceptum, à vi in religionem & pietatem  
 conuerterat se) ambitiosam feminam seuerè  
 monuit, asperèque corripuit; ut ne ambitio-  
 ne regnum pessumdaret; olim sat peccatum  
 Roberti indulgentiâ; uxor mala piam ma-  
 trem indueret; sceptrum intactum relinque-  
 ret filio, quod Deus, natura, & populorum  
 assensus dedissent. Relicta mulier armis absti-  
 nuit, quæsiuitque secessum, impotens ambi-  
 tionis; & cùm mallet nullo esse loco quàm  
 secundo, anno vertente mærore obiit; ita  
 arduum est solitudinem ferre occupatis, & ab  
 Aula excidisse letale est. Scio regni primordia  
 narrari secus ab aliis, & Henricum fratrem-  
 que infensis armis opponi; sed Glabrum se-  
 quutus sum, his cœuum temporibus, dignum  
 prorsus fide; nec aliorum refello mendacia,  
 scribentium Henricum natu minorem, Ro-  
 bertum maiorem; quædam enim contemptu  
 ipso eludenda sunt, atque silentio. Henrico

HEN-  
RICVS  
REX.

Co-  
stantia  
re...is  
turbat.

Et ab-  
sistit.

Reiecti  
qui  
fratres  
sponunt.

HEN-  
RICVS  
I.

*Henricus  
Guillel-  
moNor-  
manniã  
afferit.*

*Bur-  
gundia  
diuisio.*

*Bur-  
gundia  
Iura-  
na.*

*Et Frã-  
cica  
Et Ger-  
manica  
Frãche  
Conté.*

regnum ab his turbis tranquillum fuit ; is-  
vnam suscepit expeditionem admodum cele-  
brem. Robertus Ricardi filius Normanniæ  
Dux cum à peregrinatione sanctâ rediret.  
(quod religionis genus his temporibus fre-  
quens) Nicææ vitam clauserat. Huic liberi  
nulli, præter Guillelmum quæsitum, soluto  
concubiru ex matre impare ; quem tamen  
heredem dixit, & commendauit Henrici fi-  
dei. Eum Normanni Proceres, quasi spurium  
indignisque natalibus respuebant, armisque  
pellebant ; Henricus susceptâ adolescentis  
tutelâ, modicis copiis in Normanniam pene-  
trans, ingentem exercitum fudit ; & prouin-  
ciam totam bonâ fide Guillelmo tradidit. Est  
is Guillelmus, qui ferro regnum parabit in  
Anglia, hostesque Franciæ infensissimos pa-  
riet ; vt tantæ clades nostra sint beneficia ;  
fidei & iustitiæ fœtu prorumpente in odia. In  
Campania & Aquitania varij extitere mo-  
tus, qui minus ad Henricum spectabant ; ta-  
men non omiserim recensere, quid Burgun-  
diæ regno contigerit. Amplissima illa prouin-  
cia sub Carolo Caluo diuisa trifariam, toti-  
dem nacta Principes erat ; nam Burgundia  
Iurana, Francica, & Germanica appellabatur.  
Iurana, quæ ad montem Iuram protende-  
batur, sedem dederat regno ; complexa Allobro-  
ges veteres, hoc est Sabaudos & Delphinates,  
ad læuam ripam Rhodani, & Salyos seu Pho-  
censes ad alueum Vari. Eas regiones, sicut in  
Carolo Caluo adscripsi, in regnum vel Are-  
latense vel Burgundicum, Carolus Imperator  
Bosoni Richildis coniugis fratri tradiderat ;  
quas nunc Rodolphus nomine Iuranae Bur-  
gundiæ possidebat. Porro Francica eadem  
Burgundia erat, quam Robertus patruo mor-  
tuo inseruerat Franciæ ; quàmque Henricus  
ex testamento patris Roberto fratri consti-  
tuerat ; eamque postea Ducatus nomine Prin-  
cipes plurimi tenuerunt. At Germanica, quam  
Comitatum



Comitatum liberum hodie dicimus, Franciæ adiuncta, in ruinâ Caroliani Imperij, ab Germanis Imperatoribus inuasa, iisdem paruit; donec deinceps ad familias Flandrensem & Austriacam deuoluta est. Rodulpho Iurannæ Regi prouecto in senium, nulli erant liberi, sorores duæ; quarum altera Conrado secundo Imperatori, altera Eudoni Campaniæ Comiti, nupserant. Moriens Rex Conradum cum Henrico filio scripsit heredem, Eudone cum liberis prætermisso; affectu in Germanum præpollente, à quo sæpe in difficillimis rebus præsens auxilium consequutus erat. Eudo repulsæ impatiens, Conradum Hungarico bello amouente, inuadit in Burgundiam, plurésque vrbes subigit. At continuo Conradus in Burgundiam aduolat, vrbes recipit, pulsóque Eudoni cum exercitu imminens, Campaniam vastat; donec Eudo inops consilij Conradò supplicat, relictâque Burgundiâ ambitionem Campaniâ suâ claudit. Ita Imperatori amplæ illæ & feraces prouinciæ cedunt; Henrico Rege spectante, & Campani cladem non nolente: nam Principem ad Lutetiæ portas admotum, nouarum rerum cupidum, augeri tantâ ditione, existimabat in rem suam non fore; malebat traduci regnum ad Imperatores, qui lecti suffragiis ad tuendum illud imbecilles forent, nec admodum Franciam perturbarent semoti longius. Campanus nequaquam se calamitate continuit; & successu improspere pugná confertâ cum Gotholone Lotharingiæ Duce, obtruncatur in acie, inquietos spiritus opprimens morte; fato ambitionis, quæ summa cū petat, ad ima uoluitur. Eudoni liberi superstites duo Theobaldus & Stephanus Campaniam diuiserunt, ambitionis paternæ heredes in solidum; Stephano Brîu seu Brigiacus ager cum Campaniâ contigit, Theobaldo Carnutenses & Turones. At diuisi conseruerunt in scelus, & rebellauerunt in Henricum

HEN-  
RICVS  
I.

*Iurana  
data  
Impe-  
ratori-  
bus.*

*Campania li-  
mites  
domiti.*

HEN-  
RICVS  
I.

cum Regem; à quo acie profligati semel & iterum, spoliati sunt Turorum vrbe; eaque dōnata est Godefredo Andium Comiti, Fulconis filio; & post diuturnum obsidium capta; Stephanus sibi fugā consuluit, Theobaldus captus; emissusque post carcere, ad Henricum Imperatorem confugit; Regique quā posset facturus iniuriam, ab Imperatore dignitatem equestrem suscepit; veram iacturam inani titulo & vltionis vmbra compensans. Hæc pluribus gesta temporibus, narratione coniunxi, ipsā rerum serie perducente; & quando ad documentum Historiæ distinctio minuta temporum non admodum confert.

VI.  
Berengarius  
hereticus.

Interea pestes duæ grauissimæ, animorum altera, altera corporum, regnum affligerunt, Hæresis & Fames, quibus medicandis omnem curam Henricus adhibuit. Hæresim per Galliam spargebat Berengarius. Is Turonensis ortu, Fulberti Carnotensis viri sanctissimi educatus in scholâ, Magistri optimi prauus discipulus, mox Andegauensis Archidiaconus, de corpore Christi in Eucharistiâ sentiebat & docebat peruersa. Et quanquam Robertus nascentem hæresim omni ope conatus esset euellere; illa tamen occulta potius quàm euulsa, post Henrico Rege ciuiles inter tumultus, cum incremento vulgata, Francos intaminatam hætenus gentem inficiebat; eò securius, quod Bruno Andegauensis Episcopus fouebat dogma impium atque promouebat. Rex ne vltcrius toxicum serperet, pro suâ & paternâ pietate, Episcoporum Concilium euocandum censuit, quo doctrina noua discuteretur. Verum admonitus à Durando Leodiensî Episcopo, id spectare ad Apostolicam Sedem, Berengarij errores iam damnatos esse, poenâque veterem instaurandam; conquieuit Rex pius, laborauitque ne contagium ad suos manaret. Idem Berengarius postea in Concilio

Anno  
1035.

Concilio Turonensi damnatus, cum errores suos eiurasset; iterum tertiumque in eisdem relabens, serio vix unquam pœnituit; adeo difficile est superbiam humanæ mentis infringere, & demissionis iugo subiicere. Fames in corpora atrocissimè sæuit. Hæc ab Græciâ primùm in Italiam Germaniâque inuasa, triennium in Franciâ hæsit. Imbres assidui miserrimam luem importarunt; per eos corrupta sementis ac perditæ; & posteaquam annona absumpta est, horreâque exhausta, fame à tenuioribus ad opulentos progrediente, vilissima quæque tum radicum tum animalium in cibum rapta sunt, & iisdem deficientibus, humanæ carnes alimento fuerunt. Nam & propè Matiscônem in mendici cuiuspiam casâ, reperta sunt humana capita quadraginta octo, quorum corpora perditissimus homo vorauerat. Iamque vulgò ponebantur insidiæ, non pecuniis hominum, sed carni; prædonésque non opum erant, sed corporum. Famem, ut solet, vulgata pestis excepit, quæ depasceret calamitosas reliquias, horrendamque solitudinem in populosas vrbes induceret. Decurso triennio, redita tandem cœlo serenitas, agrisque fertilitas, pœnisque Deus ultra pepercit. His calamitatibus functus Henricus, cum ætas iam ad senium vergeret, pro instituto Patris atque Aui, Philippum filium, adhuc septennem, Rhemis in publico confesso Procerum, in regnum adsciuit. Nec diu vitam ab hærede dicto prorogauit, nam eâ decessit, anno vel proximo vel secundo; incerta quippe temporis ratio: pupillo Rege, fidei Balduini Comitis Flandrensis, commendato & tradito: isque Balduinus ab insulâ dictus, Philippi auunculus, ductâ in uxorem Alisiâ Rober-  
ti filiâ, habitus dignus est, cuius tutelæ sacratissimum pignus committeretur. Hénricus bonos inter Principes recensendus, pietate

HEN-  
RICVS  
I.

*Fames.*

Anno  
1044.

*Henri-  
cus fi-  
lium*

*coronat.*

Anno  
1060.

*Et mo-  
ritur.*

*Bou-  
donin  
del'Isle*

&c.

PHI-  
LIP-  
PVS I.  
REX.  
VII.  
Anno  
1061.

& religione ; qui parentum exemplo , suo se continens, magis de condendâ potentiâ quàm de ampliandâ sollicitus , vicinorum rebus abstinuit; progressus securos ratus, qui lenti sunt.

Henrico mortuo , in Philippo Rege octenni puero vacillabat regnum. Et quanquam indicendo Balduino tutore singularis prudentia Regis eluxerat, graues tamen casus imminebant. Nam præterquam quod Balduini virtus infringi poterat cupiditate regnandi ; & vinculum affinitatis tam stimulus ad scelus quàm frænum haberi ; quis cæteros Procures Flandrensi tantum non extraneo obsequentes faceret ? quis inter pares inæqualitatem tantam induceret ? quis iugum tam infirmo Rege non excuteret libens, virtute Francorum iam consenescente ; multis retrò annis nullo facinore. Verumtamen firmum stetit imperium; quæ firmantis Dei benignitas , & tutoris Balduini virtus. Etenim is summâ integritate ad regni clauum se applicans , non se modò abstinentem præstitit, tutorémque sanctissimum ; sed & alios in potestate habuit atque officio , tantumque perfecit vigilantia prudentiâ , vt re publicâ sine detrimento seruata, illibatum regnum pupillo pubertatem adepto tradiderit. Vni Vascones Tutori obsequium detrectabant , seu spe licentiæ, seu locorum distantiâ ; eratque discrimen, ne si palam armis peterentur, & excitarent socios criminis, & euocarent fautores. Itaque vim dissimulare oportuit. Saraceni hoc tempore non Hispaniam modò vexabant, sed aliquoties prorumpentes è finibus, excurrerant in proximos agros : illos vt comprimeret, exercitum scribit Balduinus, mouétque Pyrenæos versus ; deprehensi Vascones imparati, capti Duces rebellium, affectique supplicio ; gens tota domita & pacata ; vniûsque pœnâ prouinciæ , cæteræ metus & terrore coercitæ. Philippus interea quin-

decim

Bal-  
duinus  
tutor.

Vasco-  
nes do-  
nat.

decim annos implevit, suscepitque à Tutore regnum inconcussum, admirabilitate humanæ fidei maximâ. Ipse Balduinus paulò post obiit, alienis rebus felicior quàm suis. Quippe duorum maiori, quos moriens reliquit liberos, Balduino Flandriam donat, Roberto minori Frisiam, totâmque familiam Regi commendat. Post annos aliquot moritur, superstitibus duobus liberis cum Richilde coniuge; at Robertus frater tutelæ specie Flandriam occupat, nepotésque pellit. Richildis Philippi ope imploratâ, sanguinis affinitatem, ius iniuriâmque commemorât; nec cunctatur Rex, validisq; copiis irrumpit in Flandriam. Robertus quanquam longè impar, ubi nullum præter victoriam effugium patet, rem pugnæ committit; quâ ad Cassellium strenuè obitâ, Philippus victus est, & magnâ Francorum internecione actus in fugam. Memorabilis admodum pugna, prærogatiua cæteris fuit, quibus in posterum Francorum audacia, pœnas dedit desperationi hostium & infirmitati. Roberto Flandriam victoria dedit, sed incerto fructu; nisi Philippus tam arte victus esset quàm acie; cum enim nouum compararet exercitum, infirmitatis Robertus conscius, pacem impetrauit, eâ conditione, vt à defendendis Balduini liberis abstineret Rex, (eorum alter in pugnando occiderat) remque Patruo disceptandam permetteret. Propudiosa conditio, qua Aui beneficia Rex summâ iniuriâ prosequeretur in liberis, & innoxium Principem prodebat hosti armato. Huius pacis auctor Godfredus scribitur, Cancellarius regni, idemque Parisiensis Episcopus, obstrictus Roberto, quòd fratrem suum Eustachium, Cassellensi pugnâ captum, pretio nullo emiserat: ita sæpe priuata beneficia iniuriâ publicâ rependuntur; quasi communia detrimenta singulorum non sint.

PHI-  
LIP-  
PVS I.

*Philippus in Flandria vincitur.*

*Pax inter-*

PHI- Verum hostis haud paulò grauior, ex ma-  
 LIP- gnà rerum conuersione, surrexit in Fran-  
 PVS I. ciam. Guillelmus ille Roberti Normanni  
 VIII. spurius, Henrici Regis beneficio Dux Nor-  
 mannis impositus, ab Angliæ Rege Eduardo,

*Guil-  
 lelmus  
 An-  
 glia  
 Rex.*

quem auxilio iuuerat, hæres testamento Rex-  
 que Angliæ scribitur. Opulentissima Anglia  
 freto permodico ab Normannis diuisa, hære-  
 ditas erat luculenta, supra ipsum votum am-  
 bitionis; nec ideò cernenda sine lite. Heral-  
 dus inter Anglos Proceres nobilitate & po-  
 tentiâ eminens, Reginæ frater, rem indignam  
 ratus, si bellicosissimæ genti extraneus & spu-  
 rius imperaret, apud Nobiles Plebémque  
 conquestus, regnum sibi conficit, Guillelmo  
 ignominiosè excluso. At is appellans graui-  
 tatem iniuriæ, & Principum Christianorum  
 imploratis auxiliis, conscriptum illorum ope  
 exercitum imponit nauibus, & ad portum ap-  
 plicitus, Heraldò in diuersâ parte rebellan-  
 tem fratrem vincente; postmodum ipsi ob-  
 iectus, confligit acie, vincitque, Heraldò cæ-  
 so cum quadraginta septem Anglorum mil-  
 libus, Normannoꝝ desideratis sex milli-  
 bus. Hoc vno prælio tanta confecta res, re-  
 gnúmque nobilissimum ad Guillelmum ip-  
 siusque posteros transit: quo & ipse cele-  
 berrimum nomen Propagatoris inuenit; in-  
 tam multas prouincias vltra Oceanum pro-  
 pagatis finibus Normanniæ suæ. Eâ victoriâ  
 Philippo Regi natus est æmulus, bellúmque  
 subitum, quod primum Francos & Anglos  
 commisit. Belli quæ causa proxima, qui suc-  
 cessus, incertum admodum; nullâ face apud  
 Veteres, quæ lucem afferat. Nec mihi est ani-  
 mus immorari vagis dubiisque rumoribus;  
 & suppeditabunt deinceps amplissima eiuf-  
 modi cladium argumenta, quæ abundè sty-  
 lum ingeniúmque exerceant. Nunc prope-  
 ranti obseruasse suffecerit, malè belli cau-  
 sam à plerisque ludo assignari; nam cum id

Anno  
 1067.

*Conque-  
 rant.*

*Bellum  
 primū  
 in An-  
 glos.*

Antiquorum scripserit nullus ; nec in Francia filium Regis impunè læsum simile vero sit ; nonne ambitio regnorumque causæ, vicinos inter potentes & æmulos , suis ipsæ flammis bellum concitabunt ? frustra foliis aliunde spirantibus. *Certiora* sunt & nobiliora, quæ his temporibus ad tutelam fidei Franci gesserunt. Expeditio prima seruauit Hispaniã. Alphonsus VI. Castellæ Rex, quam fortissimus nobilisque victoriis, Martis postea varietate deiectus, sæpius victus à Saracenis, regnū agrè propugnabat, suamque Castellam; cum ad incrementum calamitas, Iusephus Africæ Imperator, numerosissimas copias transportat in Hispaniam, Maurisque Hispanis qua vi, quâ consilio sibi adiunctis, vniuersum propè orbem in Alphonsum ducit. Ille consilij inops & virium, spem adiungit in propinquam Franciam, & ad honestissimum bellum Regem vocat & Proceres. Ad has voces Philippus se voluptatibus suis continuit ; tres Principes suâ sponte ad bellum profecti ; primus Raimundus Comes Tolosanus, alter Raimundus Guidonis Burgundiæ Comitis filius; tum Henricus ex eadem Burgundiã ; nisi vt verosimilius ex Ducatu Burgundiæ, Roberti nepos, è stirpè regiã. Ii pugnacissimos quosque ducentes è Franciã, Hispanis iuncti, Mauros vel terrore nominis nullo certamine depulerunt ; vel ingenti fusos prælio profligarunt ; vindicatâ Alphonso Castellâ , finibusque regni longè porrectis. Sanè ab hoc facinore illustrissimum Portugalliæ regnum exortum est, in Henrico Burgundo; cui cum Alphonsus Galliciæ partem Mauris ereptam dedisset ; ipse donum suis victoriis augens, auctam ditio-nem ad Alphonsum filium transmisit; à quo Vlisippo capta, conditumque regnum, rebus famaque clarissimum ; in primas Orientis plagas transuectis nomine regni atque imperio,

PHI-  
LIP-  
PVS I.

*Franci  
in Hi-  
spaniã.*

*Contra  
Mau-  
ros.*

Anno  
1091.

*Portu-  
gallicæ  
regni.*

PHI-  
I. IPPVS  
I.  
I X.  
*Bellum  
sacrum.*

Anno  
1095.

*Croisen*

perio, ingenti bono fidei Christianæ, per immensa maria & inexplorata.

Facinus alterum Orbi terrarum illuxit, & per Francos potissimum sacrosanctam urbem, Christi Domini venerandam memoriâ Saracenis eripuit. Expeditionem verè Francicam dixero, cuius impulsor Petrus Eremita, auctor Urbanus II. Duces præcipui, militumque pars maxima, cuncti Franciæ originem debent. Petrus Eremita, natus Ambiani, cum Ierosolymam & loca sacra religionis causâ inuiseret, Christianorum iis in terris ærumnis grauissimis ingemiscens, participato cum Simeone Patriarchâ consilio, de urbe sacrâ liberandâ, in Europam redit; profectusque Romam, Urbanum II. Pontificem Maximum desiderio expeditionis sanctæ inflammat; & festinus in Franciam, scintillas magni spargit incendii. Urbanus eo afflatus, Franciam seligit, seu armamentarium & seminarium belli tam grauis. Claromontum in Arueris Concilium vocat, maximâque Antistitum Nobiliumque frequentiâ, inter alia plurima vni incumbit, vt sacrum bellum ad liberandam perfidis gentibus Palæstinam indiceret. Plures eâ de re conciones habuit; adeo faciles nactus auditores, vt Prælati quique in suas vrbes reuersi, pronuntiata sacrâ militiâ, multitudinem innumeram excitarint dantium nomina, & ad delectum sine delectu volantium. Constitutum stipendium dignum militiâ, plena noxarum in Deum venia; tessera, sanctissima Crux supra dextrum humerum insuta vestibus colore rubro; vnde celeberrima Cruce signatorum appellatio fluxit. Veritum præterea ne militatum bona vllâ lite appeteretur, neue ipsi vexarentur vllatenus quamdiu in expeditione perstarent, pendereturque omnia dū redirent. Repente trecenta hominum millia ad bellum conscripta sunt, ex Francia, Italia, atque Germania, (nam Hispani suis ipsi Mauris implicabantur) quorum




quorum Franci pars maxima. Durátque hodie monumentum rei, cùm in Palæstina terrisque ortiuis, Europæi omnes ad nostram ætatem Franci nuncupentur. Sacrosanctum bellum Scriptores plures & celeberrimos natum est; nec mei instituti est expeditionem persequi, inhærenti Regum vestigiis & Monarchiæ trunco: at non prætermiserim Ducum nomina, quanquam perscripta à pluribus; quæ enim nomina centum Famæ ora impleuerint, & in ipso Immortalitatis libro inscripta sint, quis sine præuaricatione scriptor omitat? Ij igitur Antistitum è numero Ademarum Aniciensis Episcopus, idémque Legatus Pontificis; Guillelmus Arausicanus Antistes: at è Nobilibus frequentissimi; quorum principes Hugo Veromanduorum Comes, Philippi Regis frater; Raimundus Comes Tolosanum, Robertus Comes Flandriæ, Robertus alter Normanniæ Dux Gulielmi Regis Angliæ filius, Stephanus Carnutum Comes, Godofredus Bullionius Dux Lotharingiæ, qui Bullioniam Toparchiam in eam expeditionem vendidit, regno Ierosolymitano mox donandus in præmium; eiúsque fratres Balduinus & Eustachius; Guillelmus Comes Forisicensis; Boëmundus Apuliæ Comes, & Tancredus nepos; aliisque plurimi. Tunc primùm in Franciâ Nobilium bona plebeis vendita; illis ad apparatus belli pecuniâ egentibus; his affluentibus, & iniquo contractu redimentibus probum feudorum titulo.

Eodem in Concilio rem arduam maximique momenti Urbanus perfecit, Philippo Rege sacris interdicto. Res paulò altiùs repetenda. Philippus Bertam uxorem duxerat, filiùmque susceperat Ludouicum; at voluptatibus otioque marcidus, coniuge vnâ minùs se continens: dum Turonibus fortè iter habet, visâ Bertradâ Fulconis Comitis Andegauensis vxore, in amorem eius exardescit, raptamque

PHI-  
LIP-  
PVS I.

Duces  
belli  
sacri.

X.  
Philip-  
pus Rex  
excom-  
muni-  
catur.



PHI-  
LIP-  
PVS I.

que per Aulicum nobilem lecto admouet, Bertâ vxore Monstrolium ablegatâ, adulterio gemino thalamum inquinans. Fulco dolore & impotentiâ vindictæ paulò post obiit: Philippus vt vinculum alterum effreni libidini solueret, de priori matrimonio rescindendo cogitans, ad Pontificem legat. Legatis reiectis non idcirco despondet animum; sed vocato Episcoporum cœtu, Principum noxis adulantium palpo nusquam non prætexto, assentientibus omnibus, præter vnum Iuonem Carnutensem, illegitimum cum Bertâ coniugium pronuntiatur. Quo iniquissimo iudicio Rex solutus in speciem, cùm Bertradâ palam matrimonium contrahit, impurissimi amoris excatus fuligine. Culpæ offensio cùm probos omnes afficeret, exclamarétque in flagitium Iuo Carnutensis, nec vllò vitæ metu bonorumve iacturâ quam passus est, absterri ab officio posset; tandem Urbanus in Concilio Claromontano re cognitâ Philippum Regem sacro fulmine percutit, Bertradâque adulteram, & à cœtu fidelium vtrumque amouet.

Anno  
1095.

Pœnæ grauitate deterritus Philippus, à Bertradâ secedit, culpâque deprecatus, sequenti annò ab Urbano absoluitur. Sed eo Romam profecto, atque demortuo, recrudescit flagitium, receptâque iterum in torum Regis Bertrada, instaurat crimen, pœnâque debitam. Vnde à Paschale Urbani successore Rex iterum diris deuouetur; perstititque in flagitio aliquandiu, donec noxæ vel satietate vel pœnitentiâ, seriò tandem adulteram dimittit, & reuocatâ vxore, restituitur à Paschale Ecclesiæ; Bertrada Fulconem filium petiit, suosque Andegauos; scenâ libidinis per annos plusculos apertâ, & florales ludos exhibente. Dum hæc geruntur, Philippus in tantum suorum contemptum incurrit, vt Nobiles passim rebellarent, auctoritate Regiâ nihili habitâ, & Monarchiâ Franciæ in Anarchiam prope-

Rex ab-  
solui-  
tur.

modum

modum lapsa. Ludouicus Philippi filius annum decimum tertium nondum impleuerat, iam geminâ affectus contumeliâ, seu in matre paterni criminis, seu nutantis regni in subditis. Generosi spiritus iuuenis, cum priorem non posset eluere; quid enim pius filius in Patrem tentaret? aggressus ad alteram, conscriptis copiis in rebelles mouet. Burcardus Mommorentij Dominus, cum S. Dionysij Abbatem vexaret, armis petitus, & obsessus in oppido, se tradit Ludouico; vrbs incensa est, castrum præsidio occupatum. Eâdem celeritate & seueritate oppressi, Drocensis & Mucius, qui Bellouacensem Ecclesiam diripiebant; Elbonus qui Rhemensem; Leonettus qui Aurelianensem; vt bellum pietatis causâ susceptum religioso Principi præiudicium foret. Mox in Aruernis perduelles compescuit; aliquantò post in Campaniâ; multo labore nec sine discrimine repullulantem Hydram exscindens. Pacatâ Franciâ, Philippus diem clausit extremum, anno vitæ sexagesimo, ad Benedicti propter Ligerim sepultus; qui præclara bellorum momenta ignauitâ corruptit; libidine & auaritiâ infamis in posteris; quam institutus eximiè; adeo praua indoles sui ipsa tenax est, & opposita bonæ frugis repagula emolitur.

Post patris obitum, Ludouicus omnem sollicitudinem adhibuit, vt quamprimum inugetetur, eratque in celeritate momentum. Prætermisso enim more, quem Reges ab Capetio vsurpauerant, vt viuo patri adscisceretur in regnum filius, vacare solium, & occupantis esse videbatur. Accedebat licentia Procerum, per ignauiam Philippi quæ libuissent per fas nefasque patrantium; eratque perfacile abnegato obsequio suâ cuique in prouinciâ ad imperium summum exsurgere. Erant & priuata in Ludouicum odia, Guidonis Comitæ Rupefortij, quod eius filiam Ludouicus desponsatam

PHILIPPUS L.  
LUDOUICUS  
FILIUS  
REBELLES  
DOMAT.  
LUDOUICUS  
VICI  
EX  
PEDITIO  
NES.

Anno  
1106.  
vel  
1109.  
Philippi  
mors.

XI.  
LUDOUICUS  
CRASSUS  
REX.  
VI. no-  
mine.

LV-  
DOVI-  
CVS  
CRAS-  
SYS.

*Iuan  
guratio  
diffici-  
lu.*

*Aure-  
lia obi-  
ta.*

*Rebelle  
domiti  
de Ro-  
chefort.*

desponsatam olim, reiecisset auctoritate Rhe-  
menfis Concilij, affinitatem prætexens; mul-  
tumque Guido pollebat opibus & clientelis.  
Huic adhærebat Campaniæ Comes, maiorum  
exemplo ad turbandas res nusquam non pa-  
ratus; & credebatur Henricus Rex Angliæ  
oleum instructo igni infundere, & praua fo-  
uere consilia, in turbis Franciæ promoturus  
rem suam. Nec ipsa inauguratio satis erat ex-  
plicita; nam cum Rhemis à Rhemenfi Præ-  
sule obeunda foret, dignitas Regis minus pa-  
tiebatur hunc Præsulem. Etenim cum anno  
proximo Paschalis Pontifex in Galliâ ageret,  
defuncto Manassi Rhemenfi Archiepiscopo  
Rodolphum substituerat, Rege non rogato:  
at Ludouicus factum indignans, Geruasium  
vnum è Palatinis in easdem Insulas nomina-  
uerat: verumtamen post turbas plurimas pe-  
nes Rodolphum erat possessio, nec deiici sine  
tumultu & graui periculo poterat. Ideò Lu-  
douicus Aureliæ inungi voluit & coronari, ab  
Demberto Senonensi Archiepiscopo: idque  
perfectum est quinto die post Patris obitum.  
Re confectâ, aduenere ab Rodolpho nuntij,  
qui intercederent vnctioni, quod vnus Rhe-  
menfis Episcopi vnctionem Regis dicerent  
fore; at irritâ intercessione, Rodolphus Regi  
reconciliatus iurauit obsequium, ab ipso in  
Insulas receptus, abrogato Geruasio; ea Rege  
constituente, ne multos inter hostes fulmen  
Pontificis in se eliceret. Inauguratione con-  
cussa non excussa rebellio, vim tandem quam  
fouebat exclusit. Guido Rupefortius, socio-  
rum ope & Angli pollicitis fretus, belli cau-  
sam serit: Eudonem filium Iossedi seu Cor-  
belij Dominum, quod in Regem propensior  
foret, adiutore Hugone altero filio, depre-  
hensum Corbelij in custodiam rapit, urbem-  
que occupat. Ludouicus haud inscius se hac  
peti iniuriâ, exercitum ducit, expugnat Cor-  
belium, receptoque Eudone, Guidonem, re-  
bellisque

bellisque cæteros terret victoriâ, veniamque  
 poscentibus pœnam indulget. A Campaniâ  
 profectus in Picardiam Thomam Marlium;  
 ob eadem Bellouacensis Episcopi, direptam-  
 que Ambianensem Ecclesiam, sacris diris  
 deuotum, piisque omnibus perinensum, ar-  
 mis aggreditur, expugnatisque arcibus No-  
 gento & Crecio, ipsum Thomam prædonem  
 impiissimum è Conciaco castro erumpentem,  
 faucium capit: post ad Vadicastios pergens,  
 sacrilegos eâ in regione insignes, in Turiaco  
 castro obsessos, ad deditionem cogit, castrum-  
 que incendit. Ea victoria belli molem maio-  
 rem exciuit. Theobaldus Campaniæ Comes,  
 ne castrum incenderetur, quod suum esse as-  
 sereret, cum frustra apud Regem egisset; au-  
 ctus Angli subsidii, collectaque omnium  
 Rebellium manu, exercitum ingentem legit,  
 Regique opposuit. Nec fortissimus Rex, Co-  
 mitibus Flandrensi, Andegauensi, & Vero-  
 manduo adiunctis, à pugna abstinuit. Ea con-  
 feritur, atrox quidem & cruenta; at demum  
 vicit deteriore pars melior. Regis in prælio  
 spectata admodum virtus, eumque maximè  
 sequuta victoria, voce & manu instaurantem  
 incertam aciem; Theobaldus in Puysetium  
 castrum profugit, in quo statim obsesus, per-  
 misit se Regi; tota sceleris pœna in castrum  
 effusa est, quo euerso, cætera Campano in-  
 tegrâ, & libertas data. Quâ vsus impotentius,  
 Henricum Regem in Normanniâ conuenit,  
 tentatisque nouis consiliis, Anglo præsidio  
 Brigiacos munit, dum ipse nouum exercitum  
 parat. Ludouicus vt rebellionem in fonte  
 plecteret, arma in Anglum vertit, penetrans-  
 que in Normanniam, agros vastat, vicosque  
 diripit. Et iam bellum inflammabatur gra-  
 uissimum, cum virorum hinc inde prudentiâ  
 sopitum est, istoque fœdere, Campano Car-  
 nutes redditi: incertâ admodum pace, re-  
 bellione donata præmio, & Regum animis

LV-  
 DOVI-  
 CVS  
 CRAS-  
 SVS.

De  
 Marle.

*Bellum  
 in Cā-  
 panum.*



prægnantibus odio, iniuriæque memoriâ.  
 LV- Sic affectis Regibus, & bellum coquenti-  
 DOVI- bus, bellandi ratio speciësve non defuit. Ista  
 CVS- est vt verosimilius proxima. Elias Comes Cœ-  
 CRAS- nomanorum, absque masculâ prole decesse-  
 SVS. rat, vnicâ filiâ Fulconi Comiti Andium nu-  
 XI I. ptâ. Fulco, vt Cœnomanos sibi asserat, Lu-  
*Bellum* douico Regi Sacramentum præstat, feudum-  
*in An* que proficitur ad Coronam spectans. Contra  
*glosi* Henricus Cœnomanos sibi vindicabat, vt  
*Belli* appendicem Normanniæ; impletam commissi  
*causa.* feudi conditionem, Eliâ sine maribus mor-  
 tuo; irrumpere in aliena bona Andegauum;  
 nec largiri Ludouicum posse quod suum non  
 foret. Hastenus verba, cùm repentè adiun-  
 cta vis. Fulco Andegauensis inuadit Nor-  
 manniam, vrbemque Constantiam proditio-  
 ne ciuium capit. Henricus eo perculsus nun-  
 tio, transmissio mârî in Normanniam aduo-  
 lat, receptâque statim Constantiâ, immine-  
 bat Andegauo. Cùm Ludouicus suscepto  
 clientis patrocínio, Angli arma sistit. Is seu  
 iræ impos ab interceptâ vltione, seu lætus  
 quod vetus odium in Ludouicum specie iusti  
 effunderet, omisso Andegauo, ad Francum se  
 applicat, magnisque copiis in Franciam ir-  
 rumpit, penetrante pariter in Normanniam  
 Ludouico. Vtriusque odiis parentatum populi  
 cladibus, direptione, cæde, incendio vasta-  
 tæ prouinciæ; & miserorum prædâ & sangui-  
 ne litatum priuatis Principum sensibus. Tan-  
 dem calamitatum pudor & tædium cùm fu-  
 rorem vtcunque infringeret, primus Ludo-  
 uicus vt componeret litem, legatos ad An-  
 glum mittit, qui de iure disceptarent tran-  
 quilliùs. Ii veterem pro Gisfortio contro-  
 uersiam renouant. Est Gisfortium vrbs ad  
 Eptam fluuium, in Normanniæ Franciæque  
 confinio, ponte amnem iungens; quam Guil-  
 lelmus ille propagator validissimis muni-  
 mentis instruxerat, obiecturus Franciæ ag-  
 gerem,

*Gisfor-  
tium  
belli  
causa.*

gerem, & Normanniæ firmissimum propugnaculum. Id castrum Franco molestissimum erat, quod æmulum defenderet, & nubis instar armatorum procellam suos in agros effunderet. Amoliturus Ludouicus ab oculo trabem, cum Henricus ipsi clientelam pro Normanniâ præstaret, promissum exegerat euertendi Gifortij, ubi primum alteruter eam urbem ab Payeno Duce fortissimo, à quo tenebatur præsidio, vi aut pretio abstulisset. Eo pacto parricidij pœna in commercio erat. Nam Henricus Robertum fratrem maiorem natu, Normanniæ Ducem, redeuntem ex sacrâ peregrinatione interceperat, orbatumque oculis perpetuo carceri manciparat, vnius noxæ reum, quod à fratre usurpatum imperium reposcebat. Flagitij pœnam ne Ludouicus repeteret, eruendum Gifortium promiserat Henricus; fatalem Helenam, noxiâque tam seruanti quàm repetenti. Et impleta quidem conditio erat, Payenusque Gifortium Henrico tradiderat; at is nihilominus adeò non euerterat munimenta, ut noua adiungeret, arcemque inexpugnabilem faceret. Igitur eam ob rem magnus Franco conquerendi locus. Instabant legati; *Vt iuratis pactis Henricus stare, dirueret munimenta, causamque belli semel exscinderet. Id iuratum esse; stare priuatâ fide commercia hominum; inuiolatum probo cuique id vinculum; quid Regibus auctoribusque fidei publica? omnia pessum itura, nullo nexu, nullo vinculo fragilitatis humana, si qui exemplo & legibus sancire debent publicam fidem, & necessitatem sanctissimam violenti primi; & quod iurando factum esse creditur, perfidiâ atque periurio infectum iubeant.* Cæterum legati potestatem pugnæ faciebant, siue totis viribus confligendum esset; siue ut assuetum erat iis temporibus, duo trêsvē feligendi hinc inde Nobiles, quorum victoria discepta-

—  
Lv-  
DOVI-  
CVS  
CRAS-  
SVS.

LV-  
DOVI-  
CVS  
CRAS-  
SVS.

ret litem ; placebátque ea pugnae ratio Ludo-  
uico , vt tot innocentium vitæ parceretur,  
suorumque sanguini, cum in hostibus etiam  
subditos suos & clientes agnosceret. Repo-  
nebat Henricus ; *Perspectum sibi fidei vincu-  
lum, quo maximè starent humanae res ; sed à  
Ludouico violatum id primum , qui contra  
ius fásque Falconem Andegauensem vel tue-  
batur, vel impellebat in Dominum ; qui Cœ-  
nomanos occupanti & Constantiam urbem  
inuadenti summâ iniuriâ opem praeuisset, &  
auxilio comparasset flagitium. Ludouicus  
Rex sit ; at iustitiam colat ; qua fidei virtu-  
túmque omnium praeses ; quâ fronte fidem exi-  
gat à cliente, quam clienti non praestat. Nam  
de Gisortio, cum erectum sit ad repellendam  
hostis iniuriam ; insanissimum eum fore , qui  
hosti inuadenti amoueret repagula, & mortis  
necessitatem sibi suisque induceret : quandiu  
Ludouicus in iniustus armis perstabit, persti-  
tutum Gisortium ; imò munimenta additum  
iri. Quid enim vetat vim vi repellere ; ma-  
ximè ubi illa iniusta, & ad maius crimen  
viam munit ? Ad pugnam quod spectat, se le-  
gatos missurum. Et quidem misit : at nullâ de  
re conuentum ; vt pateret vnam Anglis men-  
tem esse prolatandi, quò securius atque com-  
modius in aduersâ ripâ , (nam castris inter-  
fluebat amnis,) se tegerent. Nec ideò Ludo-  
uicus à proposito pugnandi destitit , sed sin-  
gulare certamen indixit Henrico ; vt citius  
calamitas belli desineret , palámque consta-  
ret, vter esset foedifragus. Henricus tam pri-  
uatam quàm communem pugnam detrecta-  
uit , munimentis fissus , amnisque alueo in-  
superabili ; ratus cessatione tam honestè vinci  
quàm pugnâ ; & tam otio suam palmam esse  
quam praelio.*

XIII.

Rex  
Gisort-  
ium.  
obfidet.

Ludouicus vt pertinaciam Henrici frange-  
ret, omnem conatum ad superandum amnem  
adhibet ; qui cum frustra cederet, altitudine  
aluici



aluci excludente transitum, & Normannis ex aduerso armatis; ne diutius irrisionem moueret hostium; motis castris, Gifortium se confert, belli materiam atque originem. Tentata expugnatio, & fortitudinis vltro citroque specimina præbita. Verum, & ab eâ Regi abstinendum fuit; quippe arx munitissima erat, & identidem ab Henrico adstante cum exercitu, omni com meatuum genere instruebatur. Biennium hæc pugnandi ratio tenuit; dum Francus inferendo, amouendo prælio Anglus inuigilat, victoremque se putat, quod copiam vincendi non daret. Quæ postea consequuta sunt, in scriptoribus ambigua, & contraria admodum. Mihi admodum placet, quod Sugerius scribit, semel prælio Ludouicum victum ab Henrico, quamuis fortissimè dimicantem; còque in prælio acutè dictum Regis exceptum; cùm enim in conflictu acerrimo miles Anglus in equum Regis manum iniiceret, & exclamaret, Regem esse captum; at Rex; Ignoras, inquit, ne in ludo quidem Regem vnquam capi; simulque militi clauæ ictu excussit cerebrum, séque confertissimâ hostium turbâ explicuit. Ita victus postmodum instaurauit exercitum, & Anglò se in munitas vrbes recipiente, vastauit Normanniam impunè, hostique victoriam irritam fecit. Hæc Sugerius oculatus testis. Henricus interea vt se & arte in Francum muniret, statuit Andegauensem ipsi eripere, & sibi Henricum Imperatorem adiungere; ita in Franciam nouum hostem armabat, & detracto Andegauo facessebat hosti molestiam. Id perfectum affinitatibus, quæ Principum vincula; nam Matildis filia nupsit Henrico Imperatori, & Fulconis Andegauensis filia Guillelmo filio, Normanniæ Duci data in coniugem. Nihilominus affines nactus lentiores in bellum quàm sperabat; Fulcone in Regem, cui & clientelâ & bene-

LV-  
DOVA-  
CVS  
CRAS-  
SVS.

*Ludo-  
uicus  
victus.*

*Anglò  
noua  
affini-  
tates.*

LV-  
DOVI-  
CRAS-  
SVS.

*Pax  
et m  
Anglo.*

ANNO  
M 20.

XIV.

*Nau-  
fragiū  
celebre.*

ficiis obstrictissimus foret, detrectante insur-  
gere; & Imperator cum Romano Pontifice  
bello graui implicitus, exacerbare Franciæ  
Regem, nouūque hostem laceessere recusa-  
bat. Belli difficultas paci viam fecit. Seceffe-  
rat in Franciam Gelasius I I. ab Imperatore  
pulsus Italiā; obierat haud multò post; suf-  
fectusque erat eius in locum Calistus I I. Is  
extemplò Concilio Rhemis indicto Henri-  
cum Imperatorem eo nomine V, iam Henrici  
Angli generum, item Henrici Imperatoris fi-  
lium, parem pessimo parenti sobolem, ana-  
themate implicat, magnā Francorum Episco-  
porum frequentiā. Nec Anglus destitit nouā  
perculsum contumeliā Germanum incende-  
re, si quo modo posset implicare bello. At  
is re nondum maturā cūm pernegaret, & Ca-  
listus Pontifex Henricum Gisforti ad concili-  
andam pacem conueniret, Fulcone Ande-  
gauensi omnem curam eò conferente; tan-  
dem istum est fœdus, iurauitque Guillelmus  
Normanniæ Dux Henrici filius Ludouico  
Regi clientelam. Fuitque is primi belli exi-  
tus, quod illicò resurget, perstabitque qua-  
dringentis annis, pertinacissimis odiis vtrius-  
que gentis; per modica quidem interualla  
sopitum in speciem; sed mox per incremen-  
ta virium increscens, furore aucto, & pro-  
pagatā internecione, vt nihil propius fuerit  
quā vincentem & victum ruinā opprimi.

Pace partā Henricus transmisit in Angliam,  
& aliquantò post, cūm nihil rerum superesset  
in Franciā quod ageretur, familia regia, Pro-  
cerūque præcipui, vnā naui è Normannia  
soluunt. In eā Guillelmus & Richardus Hen-  
rici filij, Sybilla neptis, Richardus Comes  
Cestrensis, Dapiferi, Camerarij, ac Pincernæ  
Regis; plurimique Nobiles, latis colloquiis  
breuem traiectus moram vt simul fallerent.  
Septem admodum leucis horisque paucissi-  
mis nauigatio constat; trita & facilis nauta-  
rum

rum commenceantium usu; at Morti nullus inuius locus est, nullum mare naufragio. Ventiturno exortus nauem egit in scopulum, quâ solutâ, Principes Regij Nobilesque, nullo incolumi, ad aspectum Angliæ, undis absorpti sunt; calamitate tristissimâ, & Patri liberorum plenissimo orbitatem miseram pariente. Obseruat Parisius diuinam vindictam; quod Angli Proceres Sodomæ lue teterrimâ laborarent; nunc Deo impurissimum ignem aquis offocante, quem olim ignibus restinxisset. Sanè Henricus, cui iam præter Matildem Imperatoris uxorem nulli erant liberi, orbitatem luxit; estque documento; ne merces tam opulentas vni nauigio nautæ imponant, diuidantque lucrum vel iacturam: & adhuc supererat Robertus Regis frater, hoc se consolans, quod tortori suo liberorum morte, periisset præmium sceleris in se patrati. Videbatur calamitas pacem firmatura; quid enim bella Henricus, aut quibus fereret, deficientibus posteris? at quæ indolis peruersitas, toxicum hausit ex alimento; & cum mali causam attribuere Franco non posset, effectum attribuit. Cum Imperatore, iam vocato in spem Anglici regni agit impensius, sensum contumeliæ à Franco renouat, belli facilitatem & præmium iactat; si ille per Lotharingiam irrumpat in Campaniam, ipse per Normanniam in viscera Franciæ, communem hostem obrui posse perfacile, & amplissimum regnum generum inter focerumque diuidi, quod totum postea perueniret ad generum. Nec Imperator se difficilem præbuit; iam Henricum ut futurus heres intuebatur; quibus ille emolumentis incretueret, iis se auctum iri; & recrudescere in Francos odium; eratque stimulus Rhemense Concilium, diu animum pungens; si in Campaniam irrueret, Rhemos odiosissimam urbem excindi posse, & euerti penitus contumeliæ locum: præterea cum

LV-  
DOVI-  
CVS  
CRAS-  
SVS.

*Inde  
bellum  
in Fr.  
cum.*

*Impe-  
rator  
adiun-  
cto.*

— Romano Pontifice iam conuenerat, pacatâ  
 LV- que Germaniâ, sopitis bellis cæteris, ad nouû  
 DOVI- hostem sufficiebat omnia commoda. Igitur  
 CVS pactâ cum Henrico societate, ingentem in  
 CRAS- Germania conscribit exercitum, Henrico in  
 SVS. Normanniam transuecto, vt copias suas in-

*Ludo-  
 nici ap-  
 para-  
 tus.*

*De Mō-  
 fert.*

*Et bel-  
 lū con-  
 ficit.*

strueret. Ludouicum apparatûs fama non la-  
 tuit; nec ipse Segnior in conscribendo milite,  
 ad repellendos hostes se componit. Imple-  
 bant exercitum ducenta Francorum millia,  
 quod fidem superet, tunc regno Franciæ tam  
 arctè conscripto, nisi Sugerij viri sanctissimi id  
 testimonio firmaretur; exercitûs partem Lu-  
 douicus Amalarico Monfortio tradit, quo  
 Anglum retunderet, maiorem ipse in Ger-  
 manum ducturus; erântque cum Rege cla-  
 rissimi Proceres, Rodolphus Veromandus,  
 Guillelmus Aquitanix Dux, Fulco Andega-  
 uensis, affinitati præpollente officio; Comites  
 Flandriæ atque Britannix. Nec ideo cessauit  
 diuinam opem pius Princeps arcessere; cura-  
 uit sacra Martyrum Dionysij & sociorum Li-  
 psana è Mausolæo educi, & religiosè aris im-  
 poni: qui mos Christianissimis Regibus im-  
 plorandi cœlestis auxiliij; tum vexillum ce-  
 pit, quod Orisflammam dixerunt posteri, in  
 eiusmodi vsus asseruatam, duxitque exerci-  
 tum Lotharingiam versus. Sed victoria parta  
 est nullo certamine. Henricus Imperator, ma-  
 gni exercitus fama perculsus, seu conscientia  
 noxæ, quod nullâ causâ moueret bellum tam  
 graue, seu vindictæ flammam metu restin-  
 guente, viam retrò in Germaniam flexit, ma-  
 gnisque itineribus eripuit se pugnx periculo.  
 Ludouicus quanquam Duces ad inferenda  
 in Germaniam arma incitarent, à persequen-  
 do abstinuit, fugienti pontem sternens; ratus  
 securitatem præclarissimam regno victoriam.  
 Nec secius Deo egit gratias quàm si vicisset,  
 Martyrum capsas suis ipse humeris Mausolæo  
 restituens, donisque variis pietatem testatus.

Vitâ

Vitâ intra annum Imperator decessit ; obseruatque Sugerius , hostes omnes Franciæ , in quos eo modo Martyrum lipsana educta essent atque implorata , vertente anno diem clausisse ; certo Sanctorum Præsidum in Franciam patrocínio , & clarissimo cœlestis opis miraculo. Interea irrumpebat ex Normannia Henricus cum Theobaldo Campano , viro pertinacissimæ rebellionis ; sed à Monfortio pugná victus & pulsus est ; & geminata Franco lætitia. Ita bellum Anglicum desinit ; Angli imbecillitate & senio , & Franci ad alia plurimum necessaria conuersione.

Et primùm in Flandriam in pœnam atrocissimi sceleris euocatur. Carolus Canuti Regis Daniæ filius ; Flandriæ Comes à Balduino testamento dictus , ditionem regebat magnâ laude iustitiæ & pietatis , Boni ob virtutes reportato cognomine. Is cum acerbissimâ fame vexante Flandriam , recludi horrea , iustoque pretio annonam distribui , magnâ quorundam qui alienis malis dabantur offensione iussisset , eorundem coniuratione in templo occiditur ; dextrâ abscissâ , cum egeno stipem porrigeret , & excussio clauæ ictu cerebro ; verè charitatis Martyr , & egentibus non annonam modò sed & sanguinem largiens. Ludouicus percepto parricidio , tum vt à reis reposceret pœnas , tum vt Comitem Flandrensibus daret , cum parte exercitus quem nondum soluërat , Brugam contendit. Parricidarum pars maxima magno iustoque affecti supplicio ; cumque plures pro Comitatu Regem appellarent ; is omissis cæteris , Guillelmum seligit , Roberti Angli filium , Henrici nepotem , ipsique infensissimum hostem ; ratus in nepote aggerem validum in patrum erigi. Nam inter vtrumque cum inimiciæ grauissimæ forent , Henrico Guillelmi patrem misero carcere macerante , erepto ipsi Angliæ regno atque Normanniâ ; nihil Franci vtilitatibus præstabilius

—  
Lv  
Dovi  
CVS  
CRAS  
SVS.

XV.  
Ludo  
uicus  
in Flā  
dria.

—  
LV-  
DOVI-  
CVS  
CRAS-  
SYS.

*Rex in  
Aruer-  
nos.*

erat, quàm Flandros ab Anglia atque Nor-  
mannia, tantâ odij mole discludere atquè se-  
iungere. Sed frustra consilium fuit. Nam Guil-  
lelmus Flandros cùm haberet superbius, euo-  
carunt Theodoricum Alsatum, qui Guillel-  
mo in Alofti obsidione occiso, postmodum  
iuratâ Ludouico Regi clientelâ, securus di-  
tionem obtinuit. Sed hæc ad Annales Flan-  
drensiū spectant. Ludouico hac expeditio-  
ne perfuncto tranquillitas non fuit; in Aruer-  
niam euocatus est, ad iura Ecclesiæ sancien-  
da. Vexabat Claromontanum Episcopum Re-  
ginaldus Aruernorum Comes, ac impari cer-  
tamine vis cum pietate Episcopum Claro-  
monto deiecerat. Vir pius ad Regem confu-  
git, conquerensque iniuriam, ius humanum  
diuinumque implorat. Rex haud prolatan-  
dum ratus, illicò exercitum in Aruernos du-  
cit, Claromontum occupat, & Episcopo resti-  
tuto, actoque in obsequium Comite, nullo  
sanguine victor legiones reducit; magno ce-  
leritatis quæ Imperatorum virtus est præmio.  
Verum postquam amoto Rege timere Co-  
mes desuit, cupiditatem & odium renouauit;  
malè enim vi dedocetur scelus; redintegratis  
consiliis, & armatâ maximâ sociorum manu,  
iterum Episcopum deturbat, Claromontum  
inuadit, seque ad vim quam fecerat repellen-  
dam diligentissimè comparat. Querelis Epis-  
copi Rex percussus, gnarusque instauratam  
audaciam non modicis inniti viribus, ingen-  
tem & ipse exercitum legit, non ad vnam  
modò prouinciam, sed ad regnum amplissi-  
mum perdomandum; euocatis in castra Co-  
mitibus Flandrensi, Andegauensi, & Britan-  
no, & mediâ ætate, flagrantissimo æstu,  
quanquam dehortantibus Consiliariis, iâm-  
que annis grauior, (tantus ardor plectendi  
criminis), in Aruernos contendit. Ferrandi-  
montem, quæ vrbs propiùs Claromonto di-  
stat, exercitu cingit, virgetque obsidione: nec  
obseffi

obsessi desidebant ignaviâ , sed crebris ruptionibus fatigabant regios, variâsque clades inferebant. Eas quia molestissimæ erant Rex ut propelleret , provinciam dat Amalarico Monfortio , hostes ubi primùm erumperent intercipiendi, ut reditu intercluso cæteris exitus vetaretur. Rem strenuè confecit Monfortius ; magno numero Aruerni eruperunt , & perrupto vallo, turbatisque castris, cum ostantes referrent vestigia , intercepti in Monfortium inciderunt, à quo multi cæsi, capti quàm plurimi, pependerunt audaciæ pœnas. Nam captis ad cæterorum metum manus truncari Rex iussit, mutilosque in urbem remisit, qui terrorem sociis pœnâ facerent, numerumque augerent nullo auxilio. Eo supplicio ab eruptionibus deterritus miles ; iamque vrbi deditio imminabat aut clades. At repente arma in vertice montium fulgent, magnusque exercitus in conspectum datur. Quippe Guillelmus Aquitanix Dux euocatus à Comite Aruerno clientelam professo, magnis itineribus ad seruandum clientem profectus, aduolabat ad tegendam urbem. Verùm è montibus speculatus numerosissimas Regis legiones, & munimentis castrorum perspectis, iam victoriæ anceps, verbis potius quàm armis pugnandum censuit. Hac mente nuntios ad Regem legat, qui reuerenter admonerent ; Comitem Aruerniæ clientem esse Aquitani Ducis : si quid is peccasset, primùm ad Aquitanum deferri querelas oportuisse: eam esse feudorum legem , ne supremus Dominus appelletur, medio prætermisso : ideò se venisse, ut à Comite cliente ius impetraret , pœnamque si quid foret noxæ exigeret. Si Rex non abnuat, id se præstiturum in Comite , & controuersiam ipsum inter atque Episcopum dirempturum; incolumi regiâ dignitate, & illibato subditorum obsequio. Rex conditionem admissit, seu quod iusta & æqua videretur, seu

LV-  
DOVI-  
CVS  
CRAS-  
SVS.  
*Aruerni re-  
pressis*

*Aruernis au-  
xilia;*

*Et pax  
data.*

— LV- quod pius Princeps sanguini parceret : seu  
DOVI- quod Aquitanum vincere beneficio cuperet,  
CVS iamque ambiret hereditatem cum filia. Sic  
CRAS- pacata omnia, soluti exercitus, restitutus Epif-  
SVS. copus, tumultusque grauis consopitus.

XVI. Ab his turbis indulta Regi aliquantula  
Rex quies, quam vt publicæ rei bono impenderet,  
Philip- more maiorum, Philippum è liberis natu ma-  
pum co- ximum, Rhemis frequentissimo consessu Pro-  
rouat. cerum, adstante Henrico Anglo, in regnum  
Anno cooptat. Effusam lætitiā, vt res humanæ  
1126. sunt, improuisus turbo confestim excipit. Gar-  
De Gar- landi fratres Ludouico charissimi fuerant :  
lande. erātque is amor, fidei præmium & fortitudi-  
Turba nis. Anselmus & Guillelmus deinceps, Do-  
ob Gar- mus regiæ dicti erant Præpositi: quibus fato  
lan- functis, ad Stephanum fratrem cum amore  
dum. Regis deuoluta est dignitas. Is iam antè regni  
Cancellarius accessione tantæ dignitatis Au-  
læ inuidiam concitauit : eò maximè quod  
Ecclesiæ per sacros ordines illigatus, ad mu-  
nus militare longè ineptior videretur. Et be-  
neuolentiā Regis vtebatur impotentius, per  
superbiam morum auctā inuidiā, & contem-  
ptu incendens, quos honoris specie mitigas-  
set. Stetit tamen in gradu : donec Reginæ in-  
uisus, quam itolidè tumens offenderat, ipsā  
cum Proceribus admovente machinas, gratiā  
tandem & Aulā deiectus est. Nec ideo deie-  
ctus est animo : sed ad Monfortium Ducem  
illum fortissimum, cui sua neptis nupserat,  
confugit, tentātque eius ope, clam appellatis  
Anglo & Campano, dignitati primæ restitui.  
Malum exoriens necesse fuit armis compes-  
cere. Rex Luciacum castrum, quod erat Mon-  
fortij, armatus obsidet: nec incruenta obsidio,  
Vermanduorum Comiti effosso oculo, & Rege  
ipso saxi ictu læso; castrum captum & diru-  
tum: mox contracta pax; abrogata Stephano  
dignitas Palatina, & Insulæ Parisienses colla-  
tæ. Sic vtrique partium factum satis, & amotus  
prætextus



prætextus inuidiæ. At cum eiusmodi pax nequaquam animos conciliaffet: Rex odij pertinax, seu Reginæ impulsu, seu sua sponte, quod olim charissimus, sibi infensissimos appellasset, Stephano faceſſebat molestiam: & cum Stephanum Archiepiſcopus Senonenſis defenderet, & in ipſum iracundia Regis inflammatur. Odio Rex prætexebat, quod Stephanus caſtrèſem militiam detrectaret, quam multis retrò annis Episcopì plures obiſſent: nec admittebat Clericatùs excuſationem. At Stephanum tuebantur, non modò Senonenſis, ſed Franciæ omnes Episcopì; quod de potiſſimo iure ageretur, Regique minabantur palam: quin & Bernardus Abbas Clareualleniſis, ſanctitudinis famâ percelebris, ea de re Ludouicum acerbè increpuit, & apud Honorium I I. Pontificem Maximum grauiter queſtus eſt, quod in Regem propenſior, dignitatem Eccleſiæ prodere atque deferere videretur. Diùque hæc contentio tenuit, donec, quod prænuntiatum à Bernardo volunt, magna calamitas Regem ad diuerſa conuertit. Philippus filius Rex inauguratus, cum in Pariſino ſuburbio equitaret, porcus prætereuntium turbâ conterritus, in vici alteram partem præcipitanter incurrens, in equum Regis incidit, implicituſque cruribus ſternit quadrupedem, Princeps equi mole obtrit, haud multò poſt obiit. Regi ſummo luctu deſſeta mors: tam leui caſu obruente ſpes tantas, & inter domeſtica acerbiffimum funus inferente. Sed & hunc dolorem noua conuerſio mitigauit. Innocentius II. Honorij ſucceſſor, cum à Petro Leonis Pſeudopontifice Româ atque Italiâ pelleretur, in Galliam Pontificum portum & aſylum confugit. Cluniacum venerat: cum Ludouicus vocato Stampas Antiftitum cœtu, & Bernardi prærogatiuam ſequentibus omnibus, de Innocentio admittendo, & Anacleto repellendo;

ita

LV-  
DOVI-  
CVS  
CRAS-  
SYS.

Philip-  
pi co-  
ronati  
mors.

Inno-  
centius  
in Frã-  
ciam  
venit.

— ita enim Petrus appellari voluerat, ad exci-  
 LV- piendum Pontificem admouet curas. Venien-  
 DOVI- ti occurrit ad S. Benedicti ad Ligerim, cum  
 CVS vxore & liberis, & pro auitâ in Romanam  
 CRAS- Sedem pietate, procumbens ad Pontificis pe-  
 SVS. des, sua & totius regni officia profitetur. Idem  
 Anno officium Innocentio Henricus Anglus apud  
 1131. Carnutes præstitit. Exceptis gratulationibus  
*Indo- Pontifex Concilium celeberrimum Rhemos*  
*nicius* euocauit: in quo ab Galliâ, præter Aquita-  
*Iunior* niam, ab Hispaniâ, Germaniâ, atque Italiâ,  
*coro-* Episcopi omnes, damnato Anacleto, Inno-  
*natus.* centio hæserunt, Bernardi operâ indefessâ.  
*Crassus* Eodem in Concilio, Ludouicus filius, sum-  
*unde* mâ Regis voluntate, ab ipso Pontifice inau-  
*dictus.* guratus est: mox ad discrimen patris Iunior  
 dictus, quæ appellatio in regnante perseue-  
 rauit. At Pater posteris Crassi cognomine in-  
 notuit, ob crassitiem corporis & obesi-  
 tem: iniquâ sanè appellatione, quæ tot vir-  
 tutibus prætermisissis, vnam corporis formam  
 designauit.

XVII. Ludouico in regnum assumpto adsciscenda  
 erat regni consors & tori; præclara eam in-  
 Eleono- rem illuxit occasio. Guillelmus Aquitaniæ  
 ra Lu- Dux, omni criminum genere luculentus, so-  
 donico lus in Gallia Anacleti partes tuebatur. Ad  
 nubis. hunc Bernardus patrator illè miraculorum  
*Guil-* profectus, cum momentis rationum immu-  
*lelmus* tare peruicacem animum neutiquam posset;  
*Eleono-* nouo pugnae genere hostem aggressus, præ-  
*ra pa-* lato sacratissimo Christi corpore, increpitans-  
*ter.* que verbis minacibus, sic infregit hominem  
 & contriuit, vt Guillelmus non modò Ana-  
 cletum defereret; sed quæ Gratiaë pugnantis  
 victoria, vitia in quibus consenuerat detesta-  
 tus; seriò criminum pœnitens, statuerit pro-  
 iecto imperio, ad S. Iacobi in Hispaniam pe-  
 regrinari, vitamque reliquam in spontaneis  
 præteritorum criminum pœnis exigere. Eo  
 consilio, vt prouinciis quas regebat amplissi-  
 mas

mas prouideret, Eleonoram è filiabus maiorem, vel vnicam, cum luculentâ Aquitanix dote Ludouico Iuniori in nuptam offert. Regis voto flagrantissimo occurrebat; itaque missus in Aquitaniam Ludouicus; & Guillelmo iam in Hispaniam profecto, frequentissimis Aquitanis summoque piausu celebratum coniugium. Quid Guillelmo contigerit; an obierit in Hispania, vt ad Ludouicum relatum est; an sanctè obscurus afflictato ærumnis corpore diu vitam produxerit, relinquo aliis discutiendum, qui Annales vel Aquitanicos vel sacros scripserunt. Sanè constat Ludouico sponso, inter festa nuptiarum gaudia, nuntiatum obitum Ludouici patris. Hic ærumnis quàm annis grauior, nam sexagesimum implebat, alui profluuiò desit viuere; piè vt decebat piissimum Principem. Statuerat animo apud S. Dionysij coronam deponere, Benedicti vestem induere, ac Monachum profiteri, sed morbo vetante propositum, quidquid pecuniæ & supellestilis erat, locis sacris atque egentibus erogauit; dein obitis magnâ cum religione Sacramentis, tapetio humistrato aspersoque cineribus deponi iussit elanguidum corpus; & in hoc demissionis Christianæ theatro, mortalitatem ludens emisit animam. Magnis haud dubiè annumerandus Principibus, sic ab artissimis regni primordiis sese explicuit, regnûmque filio pacatum & propagatum commisit. Plures præter Regem reliquit liberos; & quanquam non sit animus Regum sobolem accuratius persequi; hic tamen Philippi memorandum facinus non omiserim. Ille à Patre Ludouico ad Ecclesiæ sortem adscriptus, iam Archidiaconus Parisiensis, vacantibus Insulis, ad eas totius cleri populique suffragiis cooptatus est: verum is admirabili modestiâ, præclaram dignitatem in Petrum Lombardum conuulsit, famâ celebrem, ob sententiâ theolo-

LV-  
DOVI-  
CVS  
CRAS-  
SVS.

*Ludo-  
nici  
Crassi  
mors.*

Anno  
1137.

*Philippus  
pius Cleri  
modestus  
facinus.*

LV-  
DOVI-  
CVS

IV-  
NIOR.  
XVIII

Ludo-  
uicus  
Iunior  
nomine  
VII.

Turba  
inter  
Regem  
& Po-  
tificem.

Vitry.

giz in vnum digestas; doctrinâ & pietate digniorem professus: vt eo facto digniorem nescires, an qui daret, an qui reciperet.

Ludouicus Iunior, renuntiato Patris fato, postquam Aquitaniam ad securitatem composuit, cum Eleonorâ per flagrantissimos Augusti æstus Parisios venit; & vt sit luctu illicò in gaudium verso, regni curam capeffit. Fluebant ad votum omnia, cùm ex prosperitate superbia, ex superbâ turbæ coortæ sunt, ingensque discrimen. Alberico Bituricensi Archiepiscopo emortuo populus Quercinatem quemdam Regi gratum substituerat; contrà Innocentius Pontifex, abrogatâ populi electione, Petrum nominauerat. Inde Pontificem inter & Regem, singulis electum suum tuentibus, grauis dissensio. Imò Theobaldus Campaniæ Comes se in eam immiscuit; nam Petrum Bituricibus electum excepit, opem pollicitus, & specie religionis, rebellionis animum obtegens. Accessit quod auersos animos magis impelleret. Erat Eleonoræ Reginæ soror Alisia, ex impari matre vt colligo; eam Rex collocat Rodulpho, Veromanduo, suo affini, notæque fidei: Et quoniam Rodulphus iam illigabatur priori coniugi, eandem Rex abdicari curat, quorundam Episcoporum assensu. Repudiatam Theobaldus tueretur, susceptâque causâ, grauiter apud Innocentium de facinore Regis conqueritur. Innocentius eam in rem luonem Cardinalem in Franciam legat; qui causâ cognitâ Petrum dignitati restituit, Rodulphum anathemate illigat, totumque regnum sacris interdicat. Ludouicus vindictæ impotens, quam minus in Pontificem posset exercere, in Campanum effundit, armatusque Campaniam sæuissimè diripit. Nec quæ erat indignantis ferocia, locis sacris parcitum; vastata omnia sacra & profana, memoraturque facinus furoris precipitis; cùm Victoriacum Rex expugnasset, iussisse

iussisse flammis subiectis incendi Ecclesiam, in quam plebs misera ad mille quingentos vt in asylum confugerat; quo igni sacrilego tam spirantes Dei, imagines quàm pictæ arserunt. Postquàm Regis furor expletus est aliquantum, & rationi interluxit, inspectâ grauitate noxæ Princeps adolescens, (& mœsti Aulicorum vultus loquente silentio factum incusabant) adeò exhorruit culpæ fœditate, præsertim vrgentibus increpatoriis Bernardi litteris, vt animum in mœrorem planè abliceret, nullâque re præter luctum molestumque tedium afficeretur. Alunt extrema vitium; modus virtutis est: ideò luggenti adhibendum solatium fuit: nec aliud quàm à Bernardo, Suadæ diuinæ efficacissimo oratore. Is fomentis cœlestibus ægritudinem leniebat: *Humanitatis esse delinquere, delinquentium resipiscere; nullam esse noxam cui venia sua non prompta sit; ideo Deum humano in corpore necem pertulisse, vt sperare auderent homines: quid ageretur mortalibus, si primùm peccantem pœna exciperet? Interminatam esse misericordiam Dei, qui & iustos amaret, & reis parceret vt amarentur.* Eiusmodi verbis extenuatus animi dolor est: & vt omnia coalescerent, ad Campanum Bernardus aduolat, quò iniuriæ sensum obtunderet, flammâque vindictæ: Campano mitigato, faciliùs venia ab Pontifice impetrata; restitutæ res sacræ Regi & regno; Petrus Antistes Bituricensibus datus; & dum animos pœniteret priorum, instituta res magni momenti gloriæque immensæ. Ea Ierosolymitana expeditio: quam Ludouicus Francorum Regum primus suscepit, arduo sanè religionis exemplo.

A Godofredo Bullionio tres Reges deinceps Ierosolymitanum regnum tenuerant: Balduinus I. Balduinus II. & Fulco, & quæ rerum humanarum fors est, à prima virtute

LV-  
DONT-  
CVS  
IV-  
NIOR.

Regis  
panti-  
t. uria.

X I X.  
Ludo-  
nicus in  
Pala-  
stinam  
profici-  
& situr.

Lv-  
DOVI-  
CVS  
Iv-  
NIOR.

& pietate Christiani degeneres, à Saracenis grauiſſima detrimenta paſſi erant. Fulco vitâ conceſſerat, regnûmque pro liberis Meliſſenda vidua adminiſtrabat: regimine vt in femina propè precario, & Procerum commodis nutribusque obnoxio. Inter hæc Saraceni Noradino Duce Edeſſam ceperant, urbem validam, & propugnaculum Solymæ, ipſique imminebant ferociter, niſi firmis erigeretur auxiliis. Ea vt poſcerent, miſſi Legati ad Pontificem Eugenium III, cuius auctoritate tam Imperator quàm Franciæ Rex ad'honeſtiſſimum & neceſſarium bellum agerentur. Vix Romam Legati venerant, cùm vulgata Legationis cauſa per Europam, & omnium aurbus Palæſtinæ clades inſonuerunt. Ludouicus qui in illâ ægritudine animi, priuato voto petendæ Solymæ obſtrinxerat ſe, Proceres tam ſacros quàm profanos euocat, & participato conſilio, ad ſuſcipiendum religioſum bellum adhortatur. Vno omnes conſenſu Bernardum conſulendum reſpondent: quod ſanctiſſimo viro tantâ in re videbitur, ſe contentione omni impleturos. Placet conditio, Bernardus conſulitur: ille priuatam in re eiufmodi excuſans ſententiam, Romanum Pontificem veritatis fontem Deique interpretem appellandum cenſet. Sic appellatus per Legatos Pontifex, non modò probat conſilium, ſed Bernardo omnem auctoritatem delegat, quâ Francos & Germanos ad ſanctiſſimam expeditionem commoueret atque impelleret. Eo animo celebratum Carnuti Concilium, in quo frequentiſſimi Galliarum Antiſtites, præſente cum Proceribus Rege, bellum ſacrum decernunt, eiufque agendi, quod mirum, aſſenſu omnium, curam Bernardo committunt; eumque Ducem & Prætozem ſummum conſtituunt: tantum vel inter tubas & tympana ſanctitas pollet. At Eugenio viſum ſatis, ſi Bernardus vnum Tubæ munus

munus fusciperet, curâ belli reliquâ ad Regem traductâ. Quod & præstitit incomparabili ardore vir sanctus, verba prodigiis operum fulciens; tot patratis miraculis, ut maximum sit, tam sancta & præclara initia in tam turpem exitum desisse. Sed non eò collimat diuina mens quò humana; & quæ iactura mortalibus, Deo sæpe lucrum est. Ab hoc Concilio conuentum Procerum Verelaci indicit Rex, in quo ipse, vxor Eleonora, multique Nobilissimi, à Bernardo Crucem sanctam suscipiunt, emisso peregrinationis voto; quos tanta multitudo populi æmulata est, ut referente ipso Bernardo, exhaurirentur vrbes & oppida: vnæque feminæ superessent in Francia. Nec à subito impetu aberrabat prudentia; nam in Francia & Germania pacata omnia & tranquilla; Anglia suis occupata dissidiis, pariterque Hispania, securitatem præstabant; si qui è Francis ancipites forent, ij cum Rege Crucem admiserant: eratque gloriosissimum genti, instaurare veterem gloriam, & Christianæ fidei propagationi incumbere: quin futurum vtilitati, si Nobiles plebemque ad noua consilia semper expeditos, longinquum bellum detineret atque absumeret. Incensis Francis, ad Germaniam Bernardus properat, Conradumque III nomine Imperatorem conueniens, eodem incendio bellicosissimam gentem inflamat. In Francia & Germania comparabantur ardentem omnia: iamque Conradus cum innumerabili exercitu iter in ceperat, per Hungariam atque Bulgariam Constantinopolim versus, numerabatque in equitatu septuaginta hominum millia: nam peditum, ne fortè supra fidem foret, non iniçus est numerus: cum Ludouicum Eugenij in Franciam aduentus tantisper moratus est. Ab Arnaldistis Hæreticis Romæ præpollentibus, qui nomine Politicorum Pontificia iura violabant, depulsus Eugenius,

LV-  
DOVI-  
CVS  
LV-  
NIOR.

— in paratum perfugium, tutumque propugnaculum, hoc est in Franciam, contulerat se. **LV- DOVICVS IV. NIOR.** Ab Rege Parisiis perhonorificè exceptus, & pro maiorum piâ consuetudine, dum Gilberti Porretani Pictaviensis Episcopi corrupta dogmata, & Henricianam in Tolosatibus hæresim, indagat & damnat; bellum in ipsâ Franciâ corruptoribus animorum indicens; Ludouicus proficiscitur. Posteaquàm accessit ad Dionysij sacram ædem, facultatem belli à Martyribus flagitans, accepitque peregrinantium Baculum, & vexillum in eiusmodi expeditionibus celebre; rectâ viâ per Germaniam atque Hungariam Constantinopolim exercitum ducit; aliquantò minorem Imperatorio, si equitem numeres, at non imparē pedite; armatis etiam feminarum turmis, & imbellem sexum religione vincentibus. Sugerio Abbati sancti Dionysij commissa regni administratio, probatissimo viro & singulari prudentiâ.

Anno  
1147.

XX.  
*Ludovici per  
Asiam  
iter.*

Ludouicus Augusto mense profectus, incolumi exercitu Constantinopolim venit, & exceptus ab Imperatore Manuele Comneno pro merito dignitatis, transmissio freto, perrexit in Asiam, Imperatoris copiis, ut conuenerat, adiuncturus suas, stupendoque exercitu hostem obruturus. Sed tanta consilia quò propiùs admouebantur ad exitum, eò difficilius regebantur. Et Conradum primò excepit calamitas. Is cum Manueli vno Imperatoris titulo suspectus foret atque odiosus (quantum sorores Berengarij Luxemburgi Comitissæ utrique nupsissent) postquam omne incommodi genus pertulit, fidemque Græcam suo damno expertus est, frumento vel malignè præbito, vel gypso farinæ immisto, ad morbos vulgandos; tandem expedito milite in Asiam transiit, datis à Manuele, viarum ducibus. Ij summâ perfidiâ, cum in Lycaoniam opulentam atque vberem regionem exercitum



exercitum ducere oporteret, in Cappadocia montes asperrimos atque incultos abducunt copias; lufumque variè Imperatorem, poſteaquam miles magnam partem abſumptus inedia erat, fugà deſerunt atque deſlituunt. Conradus inops conſilij, locorumque ignarus, dum fidem Græcam incuſat, ecce noua calamitas cum aſperitate montium luſtantem excipit. Saraceni magno numero conflato exercitu, Paramo Duce, occupatis montium faucibus, improuiſi imminent, viàmque præcludunt. Perturbatis Germanis, perditisſque victus penuriâ, vnus patebat exitus, ſi veſtigia retrò conuerterent; ſpèsque erat occurri poſſe Francorum copiis, quas penetraſſe in Aſiam Conradus famâ acceperat. Eo conſilio ſignis conuerſis Germani redeunt. Verùm hoſtes perſpectâ re, in extremas turmas impetum faciunt, conturbant ordines, fuſosſque diſſiciunt, & in palantes magnâ clade graſſantur. Iàmque in fugam totus exercitus agebatur, cùm Saraceni in impedimenta delati, effunduntur ad prædam, hoſtiùmque obliti, directioni incumbunt; datum interea Germanis ſpatium colligendi ſe, & triſtes famis atque ferri reliquias educendi è montibus. Sic vt in naufragio, iactuſâ mercium ſaluti conſultum, & obieſta hoſtibus impedimenta. Germanis in planitiem fuſis Franci occurrerunt; Rege ipſo cum delectis Proceribus inter ipſos montes præcurrente; nec vſquam inter fratres maiora beneuolentiæ ſigna; Principes mutuis adhæſere amplexibus; Germanus omni ſolatiij genere recreatus; ſuauiſſimâ calamitatis affluentisſque copiæ ſocietate. Imperator vt exercitum ſupplementis reficeret, reuerſus eſt Conſtantinopolim, Regi pollicitus ſequuturum ſe, vbi primùm copias & milite & neceſſariis rebus inſtruxiſſet; indecorum ratus, Imperatorem Romanum, appendicem eſſe militiæ, aliisſque auſpiciis hoſtem proſligate.

Rex

LV.  
DOVI-  
CVS IV.  
NIOR.

LV-  
DOVI-  
CVS IV-  
NIOR.  
*Pugna  
ad Ma-  
andri.*

Rex Epheso in interiorē Asiā penetrans, Maandrum vsque illibatis armis peruenit. Est Maander celeberrimus in Æolide fluuulus, crebris flexibus subinde curuatus, sed præaltis & asperis ripis, iuges aquas trahens; frequentibus Cygnis in crystallo natantibus; vt ad incolaram delicias fluentem dixeris, & per agros sparsum ad fecunditatem: tunc voluptatis illicium belli necessitas ad ferociam Martis traduxerat. Altera ripa quæ spectat Ephesum peruastata, solitudinem squallidam præferebat; altera armis inhorrescebat; Saracenorum exercitu transitum amnis arcente. Hærebat Francus, profundo alueo, & vadum nullibi aperiente; sed quia fortitudini nihil imperuium, tentato per omnem alueum fluuio, tandem vadum repertum est, quanquam incertum & inexploratum; statimque magno impetu Franci in aquas effusi, iniquo in loco prælium conferunt. Appetiti barbarorum telis, iaculantium è superiore ripa quasi ex aggere, per suorum strages & cruentum amnem euadunt; ac demùm ad oram appliciti sub grandinem Sagittarum, admoti ad pugnam, longis hastilibus barbaros feriunt. Admota pugna victoriam dedic. Intecti plerumque armis Saraceni, ad inferendam quàm repellendam necem aptiores, toti ad vulnera patebant, lanceisq; confixi, iam irritò iaculorum usu, sternebantur passim; sed vbi Franci ripam conscenderunt; tunc deturbati atque trucidati; strages circumlata, & inuecta miseris fugæ necessitas. In fugientium castra victor immissus est, quæ dum opulentissima diripit, nec armis grauior celeritatem fugæ assequitur; victi plerique salutem consulunt, belli vicibus haud multò post referendis. Castris direptis, Laodiceam proximam urbem victor ingressus est, datoque ad curanda vulnera spatium, & comparatâ annonæ copiâ, Rex cum exercitu vltra contendit.

Barbari

Barbari interea ex trepidatione reuocati, nouisque aucti copiis, non ausi palam Francos laceßere, carpebant latera, præstolantes si qua se daret eluendi probri occasio. Nec eam plurimum Francorum securitas distulit. Incebat bipertito distributus exercitus, magno in Saracenos contemptu, quod victoribus frequens, potissimum Francis. Primum agmen ducebat Proceribus vnus, suo quisque die, ponebátque tentoria, in loco quem commune consilium designasset; dum postremum agmen incederet, quod Rex ipse agebat. Ducebat sua sorte primum Godofredus Ranconius, eratque in via mons obiectus, cuius in vertice cliuóque gemino ex sententia Procerum collocari castra oportebat. Maturè ad montem peruenit, die nondum prouectâ, & ultra montem diffundebatur in amœnos campos planities; cuius suauitate illectus, eò copias ducit: ratus postremum agmen facile insequuturum; futurâque in lucro, properationem viæ, & hospitandi commodum situm. At posterius agmen à priore intercapedo longa disiungebat; quod cum fugisset Ranconium, non fugit Barbaros; nam ij extemplò vacuum montem insidentes, taciti præstolantur agmen postremum. Lento gradu incedebat, die iter emetiens; & existimabat socios esse qui montem implerent. At ecce dum incauti propiùs subeunt; clamor, tumultus, pugna exoritur: effusâ telorum procellâ ingruunt Barbari: tum primis cæsis, turbatisque ordinibus, inuehuntur in aciem: naçtisque confusos, armis inteçtos, qui hostem ne cogitatione quidem præsentirent, facile in fugam agunt. Tumultum augebat rerum inscitia: cum ignorarent Franci, à quibus peterentur, quid primo agmine factum, nox appeteret, & terror hostes à tergo fingeret. Mox tota in Regem incumbit vis prælij: circa eum frequentissimi Nobiles stipauerant se, & Gallica fortitudine

—  
Lv-  
DOVI-  
CVS IV-  
NIOR.  
XXI.

*Fran-  
corum  
clades.*

*Geof-  
f. de  
Ranco-  
ne.*

—  
 LV-  
 DOVI-  
 CVS IV.  
 NIOR.  
 dine sub Principis oculos dimicabant. Nec ipse cessabat otiosus inspector, sed munus Imperatoris obiens militumque, voce & dextrâ promouebat pugnam. At virtutem obruente numero, cum fortissimus quisque cecidisset; iamque diem nox clauderet, Rex comitantibus paucis viam manu per circumfusus hostes conficiens, ignotus ad cacumen montis euasit: iamque abiicienti salutem noua spes illuxit: ignes perspicit in subiectis campis, eorumque ex modo atque ordine primum esse agmen, quod integrum foret atque illibatam, coniiciens; instaurato animo, antequam illucesceret, ad suos incolumis, suæ ipse salutis artifex, cum paucis peruenit. Castris illicò gaudium mœrorque oboriuntur: gaudere omnes ob seruatum Regem; at pro fratrum iacturâ mœrore singuli, luctûque affici: hic fratrem, hic parentem, hic filium, vnius intercapedine noctis creptos lugebant, suamque sortem ac temerariam incusabant ignauiam: quod pugnando socius nec commodare nec commori licuisset. Saraceni patratâ strage continuerunt se: haud ausi primum agmen impetere, postquam locus fortitudini vnus, nullus fraudi esset. Et ipsi Franci lucro apponentes, quod pars exercitus superesset, in Pamphyliam conuerterunt iter, & superatis difficultatibus plurimis, Attaliam urbem Pamphyliæ tenuerunt. Rex curatis corporibus, diuisit exercitum: dein equitatum cum Proceribus imponit nauibus, iussu pedite per Ciliciam penetrare in Syriam: ipse cum nauibus à Pamphyliâ soluens, prosperâ nauigatione ad Syriæ littus classem appellit. Distabat à littore quinque admodum leucis  
 XXII. Antiochia, quam ipse destinabat inuisere,  
 Rix tum suâ tum vxoris gratiâ, & si expediret  
 Antio- Christianæ rei, iis in locis arma impen-  
 chiam dere.  
 venit. Erat Antiochia iam à primis temporibus  
 Syriæ

Syriæ nobilissimæ prouinciæ caput, ad Oron-  
tem posita, sub Amanî Montis radicibus,  
prima Christianorum Sedes atque perfu-  
gium, imò tanti incunabula nominis. Hæc à  
Raymundo Principe regebatur, Guillelmi  
Aquitani fratre, eodémque Eleonoræ Regi-  
næ patruo: quippe iam à Bullioni expeditione  
Raymundo Tolosano Antiochia cessie-  
rat, cuiusque imperium deriuatum ad poste-  
ros, delatum erat ad Raymundum Aquita-  
num, ductâ in sponsam herede filia. Effuso  
gaudio ab Raymundo exceptus est Ludoui-  
cus, Proceres Nobilésque in urbem admissi,  
luxusque Syriæ ob nouos hospites reuocatus.  
Raymundum incitabat affinitatis regiæ digni-  
tas, tum utilitas sua; sperabat enim Franci ope  
propagaturum se limites suos, publico auxilio  
curaturum rem suam; erântque vrbes proxi-  
mæ quæ inflammarent cupiditatem, Cæsarea  
& Heliopolis. Eamobrem ad retinendum  
Regem animum applicat; *docet belli nullam  
illustriorem esse materiam, quàm Palaestina  
libertatem: eo tam longinquam peregrinatio-  
nem susceptam: eò tantum arumnarum ex-  
haustum: eò fratrum affiniûmque sanguinem  
fusum. Porro in Syriâ Palaestina compedes  
cudi aut solui: oppressâ Syriâ, sanctissimam  
urbem perituram, permansuram seruatâ.  
Eam unam viam ad immittenda subsidia,  
Ciliciæ fauces pertinere ad Syriam, commodos  
portus urbésque maritimas in eâ esse: Arabiâ  
Ægypto & Mesopotamiâ potentibus hosti-  
bus, quid reliquum Palaestina, nisi occumbere?  
Quare Saracenos depellat à Syriâ Ludoui-  
cus, expugnet vrbes Christianis infestas, viam  
Sanctæ urbi aperiat, inspecturus soluta vin-  
cula Palaestina, nihilque admodum superesse,  
præter gloriam usumque victoriæ. Iis Ray-  
mundus Eleonoræ preces adiungebat, quæ  
blandimentis & lacrymis oppugnabat coniugem,  
vt patruo gratificaretur. At quæ ars ad*

—  
LV-  
DOVI-  
CVS IV-  
NIOR.

retinendum videbatur potentior, ea efficacis-  
simè dimittebat. Siquidem Ludouicus Regi-  
næ impudicitiam senserat, solutos mores, li-  
centiam vitæ, pudorem depositum, thalamí-  
que iura violata, colligebat iam, aut suscipi-  
batur; eratque fama per Aulam vulgata, Eleo-  
noram Saladino cuidam formoso iuueni sese  
permittere, & turpissimum inire cum adoles-  
cente commercium. Rex igitur vxoris frau-  
dem repellebat industriâ; *peregrinationis  
metam Ierosolymam esse: non emissum votum  
ut pugnaret in Syriâ, ad urbem sacram sus-  
ceptam expeditionem, postquam voto sat fa-  
ctum fuerit, conuersurum se arma, quò Chri-  
stiana res & commune bonum impellerent.*  
Eadem insinuabat Raymundo, voti necessita-  
tem obtendens, prætexebatque Imperatorem,  
qui nuper Ierosolymæ exceptus, se operiretur  
ad comunicanda consilia, armæque vno con-  
silio promouenda. Et verò Conradus hyeme  
transactâ Constantinopoli, resecto exercitu,  
Ptolemaidem classe tenuerat, veneratque So-  
lymam, effuso Christianorum plausu & gau-  
dio. Inter hæc omnem moræ nexum legatio  
Balduini Regis abscidit; orante Fulcherio  
Patriarchâ Legatorum principe, ut Rex nihil  
statuat, donec urbem sanctam inuiserit, iam  
præiudicasse Imperatoris aduentum; veniat  
Rex potentissimus, coramque perspectâ re, in  
quam partem opus bello sit æstimet. Rex Le-  
gato audito profectionem indicit; nec leuiter  
in abducendâ coniuge laboratum; ea quippe  
libidinoso æstu succensa, eò impudentiæ ve-  
nerat, ut Regem sequi abnueret, incestas cum  
eo professâ nuptias, ob affinitatem; Raymun-  
do haud dubiè neptem confirmante, ut Regi  
vel aliquam moram iniiceret, vel abeunti  
ignominiam faceret. Momentum enim verò  
Ludouico perarduum, & anceps in quam par-  
tem se verteret; nam vel vxori soluendum  
erat frænum libidinis, vel probum thalami  
abdica

abdicatione coniugis reuelandum. Abducen-  
dam itaque Reginam censuit, mediúsque mi-  
nitantem inter & blandientem, facta spe re-  
ditus, auellit impuram feminam, & rebus pu-  
blicis ultionem prauertens, cum exercitu Ie-  
rosolymam venit. Postquam religioni abun-  
dè factum est, ut in communem rem confu-  
leretur, & aliquod existeret expeditionis ope-  
ræ pretium, calculis omnibus constitutum, ut  
Damascus primùm expugnaretur. Expugna-  
tionem haud perdifficilem, gloriosam fore, &  
vtilissimam. Urbem tametsi validam & muni-  
tam, à gemino exercitu, æmulandi aculeo, vi-  
ribusque integris, posse obtineri; famam vi-  
ctoriæ bello reliquo prærogatiuam fore, & à  
visceribus Syriæ si Barbari amouerentur, tu-  
tam in posterum atque incolumem Palæsti-  
nam, iter peregrinantibus liberum, vrbesque  
ceteras sponte ruituras.

Est Damascus Syriæ caput, & orientis opu-  
lentissima ciuitas, emporium Saracenorum  
vberrimum & munitissimum, mercaturâ cele-  
bre, & instructissimum milite. In apertâ cam-  
porum planitie, ad radices Libani surgit, irri-  
gata fluuiolo, cui nomen Chrysorrhœas; vnde  
vrbis opes, securitas atque deliciæ. Nam ab  
aquis maximè præstantissima temperatura  
chalybis oritur, vnde Damascenienses, aliâ-  
que opera famæ clarissimæ, & pelles anima-  
lium eodem liquore subiguntur egregiè, ut  
conclusus pomœrio amnis cuique sit ciuium  
pro fecundo agro: nec emissus muris pro-  
desse desinit, deductus in alueolos, hortorum-  
que septis irriguus, tantâ frugum, florum ar-  
borumque copiâ, ut in ea maximè regione  
Deum primo Homini posuisse sedem opinio  
sit. Et securitatem hîc voluptas præstat; qui-  
pe hortos in sex miliaria diffusos, plures  
Arces dixeris; nam valida sepimenta, fossæ,  
aggeres, riui, turres bitumine illitæ, priuatos  
agros muniunt, & impeditissimæ variis anfra-

XXIII.  
*Dama-*  
*sci ob*  
*sidio.*

—  
Lv-  
DOVI-  
CVS IV.  
NIOR.

Atibus viæ, vt se explicant ciuibus atque euoluunt, sic peregrinis atque extraneis inexplicabile iter obiciunt. Et verò his munimentis confisi incolæ, murum ea parte nullum erexerant, in oppositam collatâ omni arte & diligentia. Nihilominus Christiani in eam partem quæ munitissima videbatur conuertunt impetum; seu agri amœnitate illecti; seu loci opportunitate, ponendis per aquas feracissimasque arbores castris; seu præteroci bellantium animo, ambientium periculorum grauissima. Ergo statim in conseptos hortos vis directâ. In agmen tergeminum dispersitus erat exercitus; agebat primum Balduinus Rex Ierosolymitanus, Ludouicus alterum, Imperator postremum. Ad oppugnationem irrumptur: nec Saraceni se propugnant ignauiter; suis recti munitionibus magnam stragem edunt, & sagittis pugnacissimum quemque confodiunt; ita primo agmine quod constabat è Syriacis pulso, secundum progreditur: id Franci conflabant, qui maiore audaciâ quàm fortitudine, postquam impetum primum exhauserunt, magnâ itidem clade repelluntur; Antiocheno otio emolliti haud dubiè, & iam ante voluptatibus victi quàm armis, Germani supererant, integrum agmen recensque viribus; ij porro æmulatione succensi, vt vno prælio Francos hostes veteres, & Saracenos simul profligarent, fortissimè irruentes, sub imbre sagittarum, ad hostem euadunt, iam prioribus præliis fatigatum, & abrupto respirandi spatio, deturbatis aggeribus, occupant hortos, fugatosque barbaros in urbem compellunt. Eo facinore nutabat ciuitas, iamque Saraceni fugam cogitabant, capique poterant, si victores institissent victoriæ; sed cum illis exarmasse urbem sat foret, & eorum quies trepidationem hostium pelleret; barbari pauore discusso, intercluso trabibus saxisque aditu, erigunt aggerem; vallumque pro muro turri



turribusque obiciunt. Cætera liuor prosperitatis comes perturbauit. Iam inter Conradum & Ludouicum conuenerat, vt capta vrbs Theodorico Flandrensi Comiti traderetur, haud dubiè paruo negotio expugnanda. Ideò Syriacos incessit inuidia; opulentam prædam Latinis cedere, sibi præter ignominiam & cladem super nihil esse; repellendos socios, qui in se commodum omne deriuarent, nec ærumnarum consortes in præmij partem admitterent. Hoc consilio Damascum affirmant inexpugnabilem, ea parte quâ expugnarent propemodum; longè commodius ab oppositâ capi posse; murum quidem oblici turrisque in speciem, sed in aperto omnia posita; nullum insidiis locum, non riuos, non fossas, non aggeres superandos. Cùm hæc Balduinus ingereret, perfecit vt oppugnationis locus mutaretur, & imprudentissimâ stoliditate horti iam capti relinquerentur. Et forsitan Francis id gratum accidit, quibus Germanorum laus molestia esset, & si parte aliâ vrbs expugnaretur, suum elui probrum, ac æmulo- rum gloriam deteri, haud arduum videbatur: saltem capta vrbs vnius Germaniæ trophæum non foret. Ita mota castra, & in oppositam partem traducta. At breui liuor prauumque consilium suos foetus enixa sunt. Inspecta propius munimenta, arenosum solum & infœcundum, annonæ difficultas in dies grauior, dissidium inter duces serpens; cùm Latini Syros proditoris arguerent, hi Latinos ignauia, qui detrectarent oppugnationem; ea simul omnia spem deiecerunt, solueruntque magno Christianorum probro obsidionem; pulcherrimo ingressu, sine turpissimo; tantum interest exordium inter & exitum. Conradus paulò post in Germaniam soluit, deduxitque tanti exercitus vmbra inane: Ludouicus in Palæstina annum præterea exegit, in barbaros pugnans, sed leuibus, nulliusque mo-

LV-  
DOVI-  
CVS LV-  
NIOR.  
*Obsid. o*  
*soluta.*

— menti praeliis ; donec detritis penitus copiis,  
 LV- Ducibusque expeditionis vanæ pertæsis, co-  
 DOVI- ætus est reportare tristes belli reliquias. Eo-  
 CVS que euauit tâta expeditionis nomen & glo-  
 IV- ria, vt suâ dumtaxat memorabiles clade, belli-  
 NIOR. cosissimæ orbis gentes, nullo facinore , nullâ  
 laude, domum pro gloriâ probrum retulerint;  
 Recus. nempe Deo aliter quàm mortalibus visum,  
 Fran- placuitque Syria bustum Christianorum , vt  
 cicam quam ipsi gloriam in terris ambirent, obtine-  
 uener- rent in cœlis. Ludouicus dum tranquillo mari  
 titur. nauigat , in Græcos Piratas incidit , iâmque  
 abducebatur, cum ab Georgio Rogerij Sicilia  
 Regis legato , ea maria instructissimâ classe  
 percurrente , receptus & restitutus est liber-  
 tati ; Franciæque redditus , velut à nau-  
 fragio.

XXIV. Tot exhaustis periculis , foris pacatis om-  
 nibus, intus molesto aculeo pungebatur. Vre-  
 bat animum libido coniugis, pudor abiectus,  
 Elco: o- probrum inuectum, & thalami sacra violata;  
 ram iâmque flagitij grauitas patientiam penè ab-  
 abdi- sumpserat. Erâtque dignum vindictâ facinus;  
 cat. nisi Regis animum sua ipsa indoles, & Regi-  
 næ vterus mitigassent. Quippe Eleonora præ-  
 gnans, si marempareret , fœtu optatissimo &  
 hætenus desiderato , deletura ignominiam,  
 & receptura amorem coniugis videbatur; pro-  
 no Rege ad veniam , & ambiente momenta  
 vt parceret. Partus itaque qui rem decideret  
 expectatus. At is vbi in deteriorem sexum  
 inflexus est; Deo prouidente, ne Reges Fran-  
 ciæ natalium dubio laborarent in posteris:  
 tunc euauit spes, excitatus est dolor, & re-  
 crudesciente probri memoriâ , vindictæ cupi-  
 ditas exsurrexit. Qui tamen erat Ludouici  
 ammus, in indulgentiam propensissimus, cum  
 abs se poenam impetrare non posset flagitio,  
 fatis esse censuit , si ipsum amoliretur à tha-  
 lamo, pudorémque restitueret probro able-  
 gato. Quare tacito crimine , pro soluendo  
 coniugio

coniugio euocauit Episcopos, edoctosque contractum inter affines coniugium, nullâ Pontificis facultate, haud ægrè impulit vt resoluèrent vinculum, quod nullo iure legitimo vinciebat. Nec dissentiebat Eleonora, id Antiochiæ iam contestata; nec occulebat auersum à Rege animum, querens se haud Regi nupsisse, sed Monacho; in tantam audaciam proruperat scelus, vt castissimus Princeps, & supra omne fastigium positus, pro Monacho impudenti feminæ haberetur. Soluta coniugio, Rex Eleonoram dimittit, dotemque restituit, enimuero amplissimam, Aquitaniam cum Pictonibus; nullâ re opulentior, præter duas filias quas ex eâ suscepit. Eo loci prætermittere non possum scriptorum querelas, optimum Principem inculantium, quod vxorem indemnata dimiserit, & amplissimam hæreditatem à regio fisco absciderit. Nam vt fatear vberimas illas prouincias fuisse dignas Regis cupiditate, & peccatum politicè dum restituuntur; sanè Ludouici abstinentissimum facinus memorabile est; parcebat pudori thalami famæque regiæ, pœnam dilectæ coniugis extorquere à se non poterat; nec in dotem inuolandum censuit, quæ fuisset nulla nullo coniugio; vnde vno facinore vindictam domuit & cupiditatem; quos hostes pauci admodum è triumphantibus profligarunt; eoque laudem immortalem promeruit. Sed Christiana laus humanis ingeniis videtur abiectior, quæ id maximè rapit, quod pompam & lucem inuehit; quasi in Principe Christianum esse, minimum sit. Solutis consortibus nouæ statim aduenerunt nuptiæ; Ludouicus Constantiam aut Beatricem Alphonsi Castellæ Regis filiam thalamo adiunxit; Eleonora Henrico nupsit Andium Comiti, in spem proximam regni Anglici iam euecto. Quæ nuptiæ quoniam grauissimas calamitates inuexerunt

—  
Lv-  
DOVI-  
CVS  
IV-  
NIOR.  
Anno  
1150.

*Christiano  
facinore  
re  
r. ft. 114-  
12.*

*Eleonora  
ra  
bit Hæ-  
rico.*

in Franciam, res tota à fonte primique ori-  
 gine arcessenda est. Henrico primo Angliæ  
 Regi, cæteris liberis naufragio raptis, vna su-  
 pererat Mathildis, nupta Henrico Imperato-  
 ri, quo pariter absque liberis mortuo, ea nu-  
 pfit iterum Godefredo Andium Comiti; Hen-  
 rico hunc generum præoptante, vt Norman-  
 niæ suæ Andeganos Cænomanosque adiun-  
 geret. Eo ex coniugio nati sunt liberi, Hen-  
 ricus & Godefredus, quos auus hæredes in-  
 stituit, Henricum in regnum Anglicum, Go-  
 defredum in Ducatum Normanniæ. Henrico  
 mortuo nouus hæres successorque exoritur.  
 Is Stephanus Comes Bononiæ, qui Henrici  
 Regis ex sorore Alisiâ nepos, regnum inua-  
 debat, iure quidem infirmior, sed armis &  
 potestate validior. Inde bella ciuilia diuexa-  
 runt Angliam diu, Stephano potiore & ob-  
 tinente imperium, donec vnius morte fœdus  
 contractum est. Eustachius Stephani filius,  
 magnâ fortitudinis gloriâ, cui regnum com-  
 parauerat pater, cùm repentino morbo raptus  
 esset, haud ægrè Stephanus pacem Angliæ  
 dedit; eâ conditione, vt ipse regno dum vi-  
 ueret potiretur, Henrico Andegauo tradere-  
 tur Normannia, qui & idem regni hæres di-  
 ceretur, admittendus in solium post fata Ste-  
 phani. Huic ergo Henrico/ Eleonora se in  
 coniugem dedit, Aquitaniâ in dotem adiun-  
 ctâ; vt iam Henricus maximam Franciæ par-  
 tem obtineret, eamque regionibus conti-  
 guam; Normanniam, Cænomanos, Andega-  
 uenses, Turones, Pictauos, Aquitanos; præ-  
 ter Britanniam, quæ & postea Normanniæ  
 stipendiaria fuit; quibus post biennium cùm  
 Angliæ regnum mortuo Stephano accessis-  
 set; nã is potentissimus euasit Principum,  
 armauitque hostem Franco terribilem.

XXV. *Bellum pro Tosat.* At illi vna Occitania deerat, quam si Aquitaniæ suæ adioueret, summum fastigium adeptâ potentia, & impleta cupiditas videbatur.

batur. Nec iuris species ad eam inuadendam desiderata est; nunquam enim suus ambitioni titulus defuit; ius Eleonora ab maiorum tumulis eruebat. Pontius, nomine III. Comes Tolosanum, duos susceperat liberos Guillelmum & Raimundum; Guillelmò ut maiori natu Tolosa obtigit, Raimundo S. Ægidij Comitatus. Guillelmo liberi præter Philippam filiam nulli; ea porro Guillelmo Aquitanix Duci Eleonoræ auo cum nupsisset, Tolosates & Occitaniam, hæreditatem paternam in dotem habuit. Verum Aquitanus cum aliquot annis vxoris dotem obtinuisset, rei familiaris pressus angustiis, consentiente vxore, Raimundo ipsius patruo, quem appellauit S. Ægidij Comitem, Tolosates & Occitaniam vendidit, emptione vel purâ, ut asseriebant hæredes Comitum; vel pigneratitiâ, ut profitebatur Henricus. Quanquam verosimilius affirmant alij, ab ipso Tolosate Guillelmo, fratri Raimundo ab Hispaniâ reduci & opulento pecuniâ, venditos Tolosates, dotemque filix numeratam. Raimundo Alphonsus filius fuerat, Alphonso Raimundus, qui tunc temporis regebat Occitaniam; nec emptionem vnâ proferebat in titulum, sed præterea nitebatur possessione, quam septuaginta anni confirmassent. Et verò Ludouicus Rex, ductâ primùm Eleonorâ, in Alphonsum Raimundi patrem eam ob rem contenderat, & cum eo conuenerat, datâ sorore Constantiâ Raimundo in coniugem: sic abiure ambiguo, ad arma ventum est. Nec dubitabat Henricus, quin momento Tolosanum exueret; si quidem præter exercitum, quem numerosissimum ex Anglis, Scotis ipsisque Francis instruxerat, detrahebat opem hosti undecumque. Nam Berengarium Aragonix Regem affinitate deuinxerat, & Trincauelum Biterrensem Comitem, atque Guillelmum Toparcham Monspelij ab Raimundo

LV-  
DOVI-  
CAS  
IV-  
NIOR.

abduxerat, vt is circumseptus omni ope de-  
 LV- stitueretur. A Franco abesse longius; quin  
 DOVI- & ipsi apparari quod ageret, Theobaldo  
 CVS Blesensi Comite adornato, vt impeteret Fran-  
 IV- ciam, si Tolosam versus Rex moueret. Iis  
 NIOR. accuratissimè designatis, Anglus in Cadurcos  
 arma conuertit, & statim Duconam seu Ca-  
 durcum primariam urbem expugnat; premo-  
 tusque ulterius, ad Tolosam ipsam castellis  
 circum occupatis copias admouet. Raimun-  
 dus ad primum classicum implorauerat, quæ  
 vna supererant, Franci subsidia, nec surdum  
 appellabat. Ludouicum enim præter publi-  
 cam regni vtilitatem, ne hostis tam opulentâ  
 prædâ ditaretur, sui etiam stimuli incitabant,  
 odium in Eleonoram, indignatio in Henri-  
 cum, qui ductâ libidinosâ & turpi coniuge,  
 adipisceretur turpitudinis præmium, & cliens  
 repente partiretur cum Rege Franciam. Ideo  
 curâ belli studiosè susceptâ ducit ipse in Oc-  
 citaniam militem, & Tolosam celeritate ma-  
 gnâ contendit. Aduentus fama Henricum  
 conterruit; spēsque à Blesensi ceciderat, quem  
 Henricus Bellouacensis Episcopus, & Rober-  
 tus Drocensis, Regis fratres, in Normanniam  
 cum clade repulerant; quamobrem Anglus  
 abstinendum à prælio ratus, abscedit à Tolo-  
 satibus, & Duconâ munitâ præsidio, in Nor-  
 manniam suam se recipit; certus belli in  
 Franciam mouendi, vt in fonte & capite To-  
 losanum conficeret. Ita bellum motum, sed  
 incursione duntaxat & direptione, nullo fa-  
 cinore memorando; fœdusque placuit, quo  
 à bello discederent Reges, & contracta affi-  
 nitas vinculum fœderis, Henrico Regis Angliæ  
 maiori filio sponsâ Margaretâ Ludouici filia,  
 quam è Castellana suscepserat: eademque  
 Henrico seniori tradita, quæ Anglicis mori-  
 bus imbueretur: Vexina prouincia assignata  
 in dotem. Præterea cum Raimundo Tolo-  
 sate pax ista est; iuri vxoris Henricus se ab-  
 iudicauit;

Anno  
1160..

*Pax  
inter  
Reges.*

iudicauit, eâ conditione, vt Tolofanus Aquitani clientem se profiteretur, & Raimundus quamprimùm Ricardo Henrici minori filio, Aquitaniæ Duci iam renuntiato, fidem clientelarem iuraret. Pacem compositam tertium Regis coniugium hilarauit; nam alterâ vxore in secundo partu demortuâ, prolis masculæ cupidissimus, tertiam duxit, Adelasiam Theobaldi veteris Campaniæ Comitis filiam; eiûsque fratres strenuissimos duces vt demereretur, iisdem filias ab Eleonorâ susceptas in vxores dedit, Mariam Henrico Campaniæ Comiti, & Alisiam Theobaldo Blesensi, affinitate vtrinque prosperâ. Nam præterquam quod Campani fratres Regi addictissimi fuerunt in posterum, Rex ipse ab Adelasiâ quinto post anno suscepit filium, quem Philippum dixit; & agnatum infanti Adeodati nomen; quòd multis precibus & obsecrationibus à Deo petitus, ceu cœleste munus implorantibus impertitus esset. Sed id donum postea. Nunc Pontificis Alexandri III aduentu in Franciam, pax Reges inter firmari visa est: is quippe cùm à Friderico II Italiâ pelleretur, more maiorum se recepit in Franciam; & tam humaniter quàm reuerenter exceptus, vtroque Rege pedit, & (quæ religionis veneratio erat) fræno iumentum Pontificis deducente; ille sollicitè ambos ad pacem hortatus, ad restringendum odij fomitentem se impendit.

Sed radices penetrauerant altiùs. Nouis causis vetus bellum recrudit. Guillelmus Aruerniæ Comes, quem Ducis Aquitani clientem dixi, cùm Henrico detrectaret obsequium, ab eodem armis impetitur: idem ille Ludouicum appellat supremum Dominum, qui de iure & iniuriâ iudicaret. Accessit aliud leue in speciem, sed re grauissimum. Sacra pecunia quæ Ierosolymam mitteretur ad subleuandas Christianorum res in vtro-

— —  
Lv-  
DOVI-  
CVS  
Iv-  
NIOR.

*Philip-  
pi nati-  
uitas.*

Anno  
1165.

*Ale-  
xander  
tertius  
in Frã-  
cia.*

XXVI.  
*Nouum  
inter  
Reges &  
bellum.*

—  
 LV-  
 DOVI-  
 CVS.  
 LV-  
 NIOR.  
 Anno  
 1170.

que regno legebatur; Henricus quod in provinciis Franciæ lectum esset, Turonibus in Ecclesiâ asservari præceperat; eam ob rem noualis; quippe Ludouicus eam pecuniam simul cum suâ deferri Ierosolymam à legatis suis intendebat, quod Ecclesiæ Turonensis patronus esset & conditor; contra obtendebat Henricus, Turonensem se Comitem, lectam è suis pecuniam, & à suis deportandam, nec mutasse dominum, quod in loco sacro deposita foret. Apparebat quæriti nodum in scirpo; nihilominus arma correpta; agri vtrinque direpti, vastatæ vrbes, ipsa Turonum vrbs capta, incensumque primarium templum; saxi & lignis Regum noxam luentibus. At post varias clades, molestissimas populis, nullius emolumenti Regibus, pax tandem coaluit; vinculum Henricus iunior, Ludouici gener, quem se Angliæ regno allecturum breui pater spondit; dum ipse filius pro Andegauis atque Cænomanis Franco Regi clientelam iuraret, idemque officium pro Aquitaniâ Ricardus frater præstaret. Et quidem Henricus pollicitis stetit, admissio in consortium regni Henrico filio. Verum concordia non perstitit diu. Primùm animis pugnatum est, ob Thomam Cantuariensem sanctissimum virum. Is cum Henrico minus obsequentem se gereret, & iura Ecclesiæ propugnaret, ab eodem vexatus impotentissimo iracundiæ, & ab Angliâ pulsus, transmisit in Franciam; vbi commendante Alexandro Pontifice, ab Ludouico exceptus est, ad annicitiam & familiaritatem admotus, & omni defensus sollicitudine, nequid in eum Henrici furor delinqueret. Quâ tutelâ ut exacerbatus Henricus, sic eiusdem Antistitis morte Ludouicus affectus est. Nam vir piissimus cum reuertisset in Angliam, nec patrocinium rerum sacrarum abiiceret, à percussoribus per summum nefas in Ecclesiâ suâ est cæsus;

Henrico,

Anno  
 1170.

*Pax &  
 nouum  
 bellum.*

*Thomas  
 Cantuariensis.*



Henrico, vt vulgò creditum, assentiente. Cum-  
mulauit occasionem belli Henricus filius, in-  
gratus sanè & impius, sed in paterni sceleris  
vindictam genitus. Is superbiam morum &  
arrogantiam tumidus, fastu regij nominis at-  
que consortio ad obtinendum regnum in-  
census, in Patrem rebellat; aderantque in  
partibus tam mater Eleonora, infensa con-  
iugi tum ob eius stupra tum ob sua, quàm  
fratres Ricardus & Godofredus; imò Ludo-  
uicus focer exercitum scripserat, vel in gra-  
tiam Generi, vel in odium æmuli. Grauiissi-  
mum idem inter Anglos bellum; cuius seriem  
perscripserunt Annales Anglici. Ludouicus,  
vt occasione incumberet, & infensissimum ho-  
stem obrueret, in Normanniam penetrans,  
Vernolium obsidet, transmissio in Angliam  
milite, qui hostem distraheret, & in suo per-  
celleret. At Ludouico irrita cecidere consilia;  
Henricus traiecto freto Vernolium aduolat,  
submissioque in castrum præsidio, Francum  
obsidione pellit. Nec felicior in Angliam res;  
Francis victis, & ad decem millia, si Polydoro  
credimus, interfectis. Henricus liberato Ver-  
nolio, in Armoricam tendit, sibi que vindicat  
prouinciam rebellantem; ea quippe cum Go-  
dofredo minori natu filio in Henrici fratris  
partes transierat, & Godofredus Constantiam  
Britanni Comitum unicam filiam in sponsam  
duxerat. Eam dum expeditionem obit Henri-  
cus; Ludouicus instaurato exercitu, adiun-  
cto que Henrico genero, & Philippo Flan-  
drensi Comite, ad Rhotomagum Normanniæ  
caput se applicat, vbi que expugnanda om-  
nem machinam mouet. At propugnatores pro  
amplitudine vrbis numerosi, eam fortitudine  
hostem repulerunt, vt Henrico spatium da-  
tum sit immittendi subsidij, & ipse postmo-  
dum cum toto exercitu in urbem sit admis-  
sus. Desperata itaque expugnatione, & bello  
difficillimo, sequestro Theobaldo Blesensi  
Comite,

—  
LV-  
DOVI-  
CVS IV-  
NIOR.

—  
Lv-  
DOVI-  
CVS IV-  
NIOR.  
Anno  
1176.

Comite; pax tertium inter Reges sancita, reconciliati cum patre liberi, restituti captivi captaque oppida, & Adelfia Ludouici filia Ricardo Aquitaniae Duci desponsa; eademque ob aetatem teneram Henrico seniori dum adolefceret tradita. Quo demum foedere Ludouicus quieuit, seu senio iam debilitatus, seu odio. Nec ratio ad renouandum bellum defuerat, ob Henrici patris turpitudinem; quippe dicebatur Adelfiam postquam adoleuisset pulcherrimam vim intulisse. At Ludouicus contumeliam seu ignoraret seu dissimularet, se regno continuit; imò in Angliam religiosus Princeps transmisit, Thomae Cantuariensis inuisurus cineres sacros: eadem religione ad S. Iacobi Compostellam antè profectus. Nec omisit institutum à patribus morem coronandi filium: celebrata Rhemis inunctio, ipso Henrico Rege adstante: & Rex sequenti anno, vitae sexagesimo, piè mortem obiit; calamitosus aliena culpa, nempe uxoris, quam Furiam Franciae rectè nuncuparis; à qua in ipsum bellorum series deuoluta, detracta parte regni potiore, & in heredes necessitate belli transcripta; ceterum pius, fortis, simplexque animi; quanquam plerumque magna consilia euentu fallente.

Anno  
1180.

XX I.  
Philip-  
pus Au-  
gustus,  
nomine  
II.

Philippus viuo Patre futuram magnitudinem iam delibauerat: nam in blasphemias poenas fanciuerat, & Comædos scenicos exturbauerat regno, & quosdam Procerum auaritiâ & crudelitatem grassantes in subditos armis compescuerat; in quibus numerantur Stephanus Sancerrae Comes; Philippi auunculus, & Humbertus Toparcha Bellijoci, abusi Ludouici senio & indulgentiâ. Et superstitè patre Isabellam uxorem duxerat, annis quindecim nondum impletis; ea Isabella Hannoniae Comitissae filia, Philippi Flandrensis neptis; cum enim Flandrensis apud Ludouicum praeponderet gratiâ, careretque liberis, eas nepti

nepti confecit nuptias, assignatâ in dotem Artesiâ, præter spem hereditatis totius. Mox Philippus vnus regni compos in Iudæos seueritatem exeruit. Ij magno numero Franciæ vrbes infederant, fœnoribûsque grauissimis exhauriebant familias; Lutetiâ maximè grassabantur, priuatæ hirudines, & beneficij specie molestissima damna importantes. Ij iu-  
bentur toto regno excedere, rebus non mouentibus fisco addictis, solutis debitoribus, modò quintam crediti partem Regi persoluerent; parcitumque duntaxat amplectentibus fidem Christianam. Iudæos edictum, Coterellos vis pressit; fœcem populi, immanèsq; prædones, qui Bituriges diripiebant, rebus sacris & Sacerdotibus infensi maximè; cæsi ad septem millia, cæteri fugâ rectj & latebris. Perpurgato regno, ad incrementum publicum Rex se accingit, & de repetendis Veromanduis cogitat. Ij ab Ludouico dati erant Flandrensi Comiti, in regiminis speciem, reuerâ, vt sperabat Flandrensis, retinendi in posterum; eoque gratiam apud patrem impenderat, & aduersus filium affinitatem; erantque in Veromanduis arces, Sanquintinum & Perona, in Picardiæ finibus, quæ Flandriam tegerent Franciâque compescerent. At quæ Flandrensi ratio retinendi, ea Philippo repetendi erat. Ideò de restituendo Comes appellatus; *permissum ei regimen, dum liberet Regi; regni bona abalienari non posse; quod diu possedisset, id priuatæ utilitati adscribat, non iuri aut titulo possidendi.* Reponebat Flandrensis; *sibi in clientelam à Ludouico Veromanduos datos, ob officia in regnum præstita; nec beneficium esse, sed mercedem atque præmium opera; paratum se clientelam iurare; si Rex ad vim se conuertat, repelli vim posse, seruarique præmium, quod ius possessio-  
& assidua in regnum officia contulissent. Verborum pugnam arma excusserunt. Rex con-*  
scribit

PHI-  
LIPZVS  
AVGV-  
STVS.

*Iudæi  
puls.*

*Coterel-  
li op-  
pressi.*

*Verom-  
man-  
dui re-  
cepti.*

PHI-  
LIPPVS  
AVGV-  
STVS.

*Palestina  
et ca-  
lamita-  
tes.*

*Primum  
in An-  
glos  
bellum  
Anno  
1185.*

XX  
VIII.

scribit exercitum, scribitque Flandrensis; iamque oppositi erant, cum Flandrensem sub ipsum discrimen metus absterruit; ideò reposcit colloquium, habitoque sermone cum auunculis Regis, Theobaldo Blesensi Comite & Guillelmo Archiepiscopo Senonensi; eà lege in pacem itum est, ut Flandrensis Regi Veromanduos restitueret, Sanquintino dum viueret & Peronâ fruiturus: quas tamen postea Philippus recepit, Comitatu Valesio attributo Flandrensi. Eà expeditione parta Regi gloria, cuius augendæ ab Oriente illuxit occasio. Christiani qui Palæstinam infederant deturbabantur urbibus suis; agrè Ierosolyma regni caput stabat; ac ni continuò subueniretur, extrema omnia ingruebant. Missi ergo qui à Latinis, impensius à Rege Franciæ, opem flagitarent: & auditi à Philippo legati, & amicissima verba, & præsentissimam opem referebant; numerofo è Francis lecto exercitu, cui præter ducem nihil admodum deerat. Philippus cum se designabat, cum ab Angliâ barbarum sementis atque belli enascitur. Henricus iunior fato sine liberis fungitur; ideò Margareta vidua Franci soror in Franciam redit. Eius dotem frater Vexinam regionem, quando nulli forent è coniugio liberi, postulat reddi; præterea Ricardum appellat, de præstandâ pro Pictauis clientelâ. Cum Angli cunctarentur, & occuparent temporis commodum, Philippus armatus in Aquitaniam penetrat, captisque aliquot oppidis, ad Rodolphi castrum copias admouet. Nec morantur Angli, ducuntque exercitum, quo solueretur obsidio, aut pugna iniretur; cum à Pontifice Urbano III missi Legati pacem conciliant; eà lege ut de controuersia Curia Franciæ disceptaret: ita se Angli profitebantur clientes, & moderatum animum Francus qui sibi subditos pateretur in Iudices.

Dum Reges priuata exercent odia, ingens detri-

detrimentum Christiana res patitur. Saladinus Ægypti Sultanus, magni vir animi, victoriis pluribus reportatis, Palæstinam prope modum totam inuaserat; expugnauerat Solymam, Guidone Rege capto, & cum immensâ Christianorum turbâ abducto in vincula; quodque propudiosum, Cruce sanctissimâ, adorando humanæ salutis pignore, rapta, & in Ægyptum post contumelias multas delatâ. Christianos Principes ignominia pupigit, præsertim Francum & Anglum, qui ad Gisfortium colloquuti, incensi oratione Archiepiscopi Tyrij, voto ad expeditionem sacram adstricti, iureiurando firmarunt mutuam pacem, & sacrosanctas dum redirent inducias. Ad maiorem religionem in colloquij loco, Crux visa pingi in aëre, eodémque in campo, quem sacrum ideò dixerunt, alia è lapide erecta est; ut ambitio, vindicta, & odium, dignitate mysterij vincerentur. Signati Cruce Regum exemplo quamplurimi; Hugo Burgundiæ Dux, Ricardus Aquitaniæ; Philippus Flandriæ Comes, Theobaldus Blefensis, Roconus Perticensis, cæterique nobiles, quibus Rex pro turbâ foret atque aculeo. Imò assensu Comitiorum, quæ eam in rem Rex euocauerat, in belli sumptus vectigal impositum longè opulentum; ut qui hærent in patriâ decimam partem prouentuum penderent, itémque decimam bonorum mobilium; immunibus tamen Cartusianis Monachis, Bernardinis, & Nosocomiis; quod ideò vectigal Saladinæ Decimæ dictum est; ut singuli, quæ operâ quæ pecuniâ honestissimam societatem belli inirent. Erátque Philippo ad profectiorem haud levis stimulus, quod nuper Ludouicum filium suscepisset, lætissimâ populorum gratulatione; nec videretur discrimen tam graue, à quo pars sui melior seruaretur. Cum in sacrum iter feruerent omnia, tertio post votum sacrosanctum

PHI-  
LIPPVS  
AVGV-  
STVS.  
*Rex vo-  
uet sa-  
cræ  
expedi-  
tionem.*

*Camp-  
us sa-  
cer.*

*Deci-  
ma Sa-  
ladina*

Anno  
1187.

PHI-  
LIPPVS  
AVGV-  
STVS.  
*Secun-  
dum in  
Anglos  
bellum.*

*Aqua  
calidus  
præbi-  
ta.*

*Ricardus in  
patrem  
rebellat*

ctum mense, tumultus nouus professionem excussit. Ricardus Aquitaniæ Dux, qui cum patre iusiurandum præstiterat, repente in Occitaniam versus, Tolosanum Comitem armis aggreditur. Litem veterem & iam antè diremptam suo vt rebatur tempore instaurabat, cum Philippus belli sacri curis implicatus, votoque adstrictus, ad alia se conuertere nec vellet nec posset. Verùm Francus superiores mortalesque testatus, quod vi à sacrosancto proposito auelleretur, inuadit Aquitaniam, castrisque pluribus expugnatis, Leurosium obsidet, munitam arcem & validam, in quâ obsidenda res contigit, quam miraculo Rigordus adscribit. Summi erant æstus, & aquarum penuria contabescebat exercitus; cum repente sicco cælo nullisque imbribus, riuus castris interfluere cepit, eâ copiâ vt hominibus iumentisque sufficeret, vbèrque fluxit dum obsidio tenuit; alueo iterum post arcem captam exarescente. Nec dubitauerint Deum per prodigia blandiri piis Principibus, & futuris gentium dominis, cum visum fuerit, elementa subiicere. At Philippus dum Ricardum ab Tolosatibus auocat, ipse ab Aquitanis pari modo abducitur; nam Henricus adiuncto Ricardo, è Normannia in Franciam irruens, diripiebat agros & vastabat. Ideò Francus, omisâ Aquitaniâ, arcibusque firmatis præsidio, regreditur quam celerrimè, cupidissimus pugnæ, capítque Vindocinum sub ipso itinere: at se Rhotomago Henricus recepit, abstinens pugnâ, ratus factum satis quod Aquitaniam tam incommodo hospite liberasset. Interea breues induciæ sub hyemem factæ, affixitque Anglum magna rerum conuersio. Lues intempestiua ab Ricardi ambitione. Is diuturnam patris vitam pertæsus, moræque impatiens quæ regnum differret, ab Henrico sceptri consortium flagitat: iniquitatem voti prætexebat falsa

falsa iuris specie : postulabat sibi desponsam Alisiam Franci sororem in vxorem tradi, cum ea consortium regni reposcebat ; vt quâ conditione Henrico fratri nupsisset olim Margareta, eâdem sibi Alisia soror enuberet. Reponēbat Henricus, conditionem fratrum diuersam ; id promissum fratri non Ricardo ; Alisiam vxorem habeat, quando desponsa est ; at in regnum Angliæ præcox non inuadat ; imò expectet, dum à patris obitu maturescat cupiditas. Et ius Henricus auctoritate & potentiâ tuebatur. Ideò Ricardus ad Philippum transit, & de patris acerbitate multa conquestus, præsertim quod sponsam in ignominiam Franci retineret, cupientem Regem in Henricum impellit. Mota versus Cœnomanos arma, & captâ Nogento, ad ipsam Cœnomanum traductæ copiæ. Ad famam aduentus, Henricus oppido fugæ propior exiens, festinat ad Turones, urbem amplam & validam hosti obiecturus. At Philippus expugnatâ Cœnomano, Henricum sequutus, tendit ad Turones, admotusque ad Ligerim, ingentis animi indolisque fortissimæ indolem præbet. Quippe urbem tegebat Ligeris, detraxerâtque Anglus nauigia, ne transmitti posset, & decurrebat præceps amnis undisque tumidus : cum Philippus inter primos equitum inuectus in ripam, & cunctandi impatiens, aquas lanceâ explorat, repertoque vado contra spem omnium, equum immittit, amnemque transit omnium primus : ingenti lætitiâ turmæ sequuntur, admissoque tergo equitum pedite, ad urbem applicatur exercitus. Is gratulantium Regi impetus fuit, vt illicò ad muros Ribaldi Regis successerint, (ita vocabant lectissimos militum & audacissimos, qui primi omnium se committebant periculis) sociisque vrgentibus urbem expugnarint. Chinonem Henricus confugerat, cladisque nuntio actus in tædium, paucos intra

PHI-  
LIPPVS  
AVGV-  
STVS.

Reo  
Lige-  
rim  
transit,

Ri-  
baldi  
du Roy.  
Henri-  
ci An-  
gli  
mors.

tra

— tra dies vità cessit: morte vel suà, vel illatà  
 PHILIPPVS à filio, loris equestribus præfocatus. Sanè cùn-  
 AVGV. primùm Ricardus ad cadauer accessit, vis in-  
 STVS. gens sanguinis ab mortui ore & naribus in  
 eum prorupit; iustà parricidij accusatione.  
 Ita Ricardo regnum confectum est, & cum  
 Philippo pax, vrbes captas vltro donante, &  
 abstinentià redimente concordiam.

XXIX. Nimirum Philippum implendum votum  
 vrgebat, rebúsque publicis semel compositis;  
 Regis  
 profic-  
 tio. quanquam affligeret priuata calamitas, nam  
 Isabellam charissimam coniugem efferebat,  
 Palæstinam vnā voluebat animo, in eamque  
 intendebat vigilantissimas curas. Sanè expe-  
 ditionis celeberrimæ in proximos Reges ar-  
 dor inuaserat. Nam præter Ricardum, qui vo-  
 tum ipsum cum Philippo susceperat, Frideri-  
 cus Imperator tandem cum Pontifice Urbano  
 III contractâ pace, forti magnoque exercitu  
 in Asiam properabat; erâtque summa expe-  
 ctatio omnium; tergeminæ illæ & bellicosiss-  
 imæ gentes quam fortitudinis operam pone-  
 rent. Apparatis omnibus Richardus Philip-  
 pum conuenit Parisios, & constituto de viâ  
 consilio, profectus est Massiliam, soluturus  
 inde, classe ab Oceano per Herculeum fre-  
 tum traductâ. Philippus posteaquam regnum  
 Adelaisæ matri, filiûmque vagientem in cu-  
 nis, & Guillelmo auunculo Rhemensî Ar-  
 chiepiscopo regendum commisit, regendî-  
 que leges ipse conscripsit, à sancto Dionysio  
 petitis vexillo & baculo, Genuâ quò classem  
 præmiserat, spei plenus soluit. Et primùm  
 Anno  
 1120. fœda tempestas iactatam classem cùm ma-  
 gno periculo per Tyrrhenum mare disiecisset,  
 Appul-  
 sus in  
 Sici-  
 liam; tandem ad Siciliam scilicet Messanæ portum  
 applicuit; in quem postea Rex Anglus ap-  
 pulsus est. Nec tenentibus portum procella  
 sua defuit; quæ longè grauior non nauigia  
 modò & vectores, sed ipsos animos afflauit  
 turbine atque agitauit. Tancredus Rex ob-  
 tinebat



tinebat Siciliam; eò euectus, non ortu quidem & incunabulis, sed sutragiis populi: nam Guillelmo sine liberis mortuo, postremo è Guiscardorum familiâ, Tancredum substituerant Siculi, quem & à Rogerio Guillelmi auo quanquam impari matre natum asserebant. At ipsi cum Anglo dirimendum erat quid controuersia: nempe Guillelmo Ioanna Ricardi soror enupserat, agebátque in regno, dum ipsi Tancredus restitueret dotem. Petitionem Ioannæ aduentus fratris intendit, & Ricardus à Siculo solutionem debiti flagitat. Siculo cum pecuniâ excusaret inopiam, molestumque hospitem profecturum breui arbitraretur; Anglus dolo comperto commorari statuit, donec sorori dos persolueretur. Extemplò offensio Principum irrepsit in subditos; rixâ exortâ, Anglis quotquot Messanæ agebant plebis tumultu necatis, Anglus in castris furere, & prorumpere in excidium urbis. Verùm intercedente Philippo conciliata pax, pernegante Tancredo facinus, & solutionem dotis pollicente. Quam nihilo magis cum solueret; Anglus, iracundiâ moram omnem vincente, suos è castris eductos Messanæ admouet, tantóque impetu, ferro, igni, scalis, ariete urbem impugnat, ut vi in eam proruperit, magnâ ciuium cæde, & facultatum direptione. Serius pœnâ Tancredus sapuit, & supra dotem vim magnam pecuniæ Anglo numerauit. Reconciliato Siculo Francum ab Anglo noua res disiunxit. Ricardus Henrico mortuo Adelasiam sibi desponsam intactam dimiserat, causatus virginem violatam à patre, nouumque coniugium cum Berengariâ Garfiae Nauarræ Regis filiâ iniuerat; eo rerum articulo Berengaria in Siciliam appellit, ad contrahendum coniugium. Hinc Philippo dolor, eò grauior, quod vetabatur prorumpere, iusto in speciem Ricardi repudio, legitimam sponsam nullius iniuriâ admittentis.

PHILIPPVS  
AVGVSTVS.

*Turba  
in Sicilia.*

PHI-  
LIPPVS  
AVGV-  
STVS.

mittentis. E dolore suspicio timor & odium  
instaurata, eaque animorum orta dissensio,  
quæ sancta corrumpit consilia, spemque inter-  
cepit gloriosissimæ expeditionis. Tandem post  
multam altercationem verborum, vere appe-  
tente, negante Anglo profecturum se nisi  
confectâ ætate, Rex Messanâ soluit, velis in  
Syriam datis, Angli moram & contumaciam  
multum incusans.

X X X.  
*Rex*  
*Ptole-*  
*maidem*  
*venit*

Et quidem deploratis Palæstinæ rebus, sub-  
sidia noua expetebantur. Fridericus Impera-  
tor, magnâ in rerum gloriâ, tam Græcorum  
victor quàm Saracenorum, traductis per  
Asiam copiis, non longè Antiochiâ amne  
submersus, seu natans, seu lapsu equi præceps,  
florētissimas res lugendo casu afflixerat. Et  
tametsi Fridericus filius susceptum exerci-  
tum ad Ptolemaidis obsidionem duxisset;  
quæ vrbs in Phœniciâ magni momenti ad ex-  
peditionem sacram videbatur; morbis tamen  
vulgatis, tum ipse interiit, tum Germanorum  
tantus numerus, vt pauci admodum superef-  
sent. Perstabat tamen in obsidione Guido  
Rex Ierosolymæ, redemptis auri vi vinculis,  
cum Henrico Campaniæ Comite, obsesio pro-  
pior quàm obsidenti, & Saladinus terrori  
erat, affuturus vrbi magno exercitu; cum Phi-  
lippo adueniente, suscitata spes, & redinte-  
gratus militum animus. Philippus illic se ad  
murum admouit, applicitæque machinæ la-  
bem intulerunt, quæ capax irrumpentes  
Francosmitteret. Inhibitus tamen à Phi-  
lippo Francorum impetus Anglum præsto-  
lante, cui communicaret victoriam, & laboris  
immuni partem præmij traderet. Ille serius  
postquam Messanâ soluisset, moras etiam viæ  
in nauigando nexuerat. Primùm tempestate  
obortâ; in plures Insulas classis disiecitur;  
deinde ex calamitate regnum nouum enasci-  
tur. Cyprum Isaacus Rex obtinebat, Græcus  
gente, & Manueli Imperatori affinis; ille An-  
glos

*Ricar-*  
*du Cy-*  
*prum*  
*occu-*  
*pat.*

glos quos in Cyprum procella effuderat, pro  
 misericordiâ in naufragos, auarè & crudeliter  
 habitos, bonisque spoliatos compegit in vin-  
 cula. Quin & Ioannam & Berengariam, hanc  
 Ricardi sponsam, sororem illam, portu inter-  
 dixit, permisitque furentibus ventis, nullâ ra-  
 tione dignitatis aut sexûs. Ricardus quem vel  
 iniuriæ umbra efferabat, Cor Leonis ob mili-  
 tarem audaciam dictus, collectâ classe Rho-  
 do in quam confugerat soluens, Cyprum in-  
 uadit, victum aliquot præliis Isaacum capit,  
 regnôque eiectum ablegat Tripolim, vin-  
 ctum catenis in ludibrium aureis. Tum poti-  
 tus regno, impletusque prædâ, tandem vela  
 conuertit in Syriam; faustâque nauigatione,  
 naui occurrens, qua Saraceni Francorum ha-  
 bitu, vt custodias fallerent, testi plures veh-  
 bantur, spe auxilij Ptolemaidem submitten-  
 di; in eam irruit, mergitque fluctibus, raptis  
 in vincula Saracenis. Qua auctus gloriâ, ad  
 Christianorum castra appellit. Illic obsessi,  
 cum extrema virgerent omnia, recensque An-  
 glus muro immineret, urbem dedunt, redem-  
 ptâ magnis pecuniis prædâ, & pluribus Chri-  
 stianorum solutis, tum sanctissimâ Cruce Re-  
 gibus traditâ. Verum id lucrum multo Fran-  
 cis stetit; nam morbo aut ferro plures extin-  
 ti sunt; hœc Albericus Franciæ Marecallus,  
 & Rotrouius Comes Perticensis; illo longè  
 plurimi, Philippus Flandriæ, Theobaldus Ble-  
 sensis, & Stephanus Sancerræ Comites, cæte-  
 ri que è nobilitate præcipui; morbo inter ar-  
 ma, hoc est in ipsâ mortis officinâ plerumque  
 grassante. Quin oblata seges Ricardi iracun-  
 diæ in vsu victoriæ; primùm ab Austro Duce  
 Leopoldo, qui palmâ superbior, post urbem  
 redditam vexillo suo supra turrim erecto, tro-  
 phæum victoriæ spectante Rege posuerat. Id  
 Anglus cum ignominiâ deturbari iussit, cæsis  
 aliquot Germanis qui vim repellebant, &  
 iure quidem, quanquam longâ haud multo  
 post

PHI-  
 LIPPVS  
 AVGV.  
 STVS.

*Ptole-  
 maïs  
 capta.*

*Ricardi  
 ferocia.*

— post facinoris pœnitiâ. Alterabilis causa victi Saraceni, qui pro verâ Cruce ligneo trunco substituto, pœnâ propagatâ in plures cæsi sunt ad septemdecim millia; victimæ sacrosancto pignori debitæ, cuius reuerentiam inuidebant vel hostibus.

XXXI. Ea belli sacri præludia: Saladinus & Ierosolyma, ille vincendus, hæc recipienda, iustum opus erant, Regumque negotium. Sed quæ animos in Siciliâ diremit discordia, eos planè diuulsit in Syriâ. Plures præter æmulationem causæ accesserant. Ricardus ubi primum in Phœniciam appulit, ob quæsitam regno Cyprio gloriam, prædâque vberem, summam opinionem concitauerat sui; plerosque afficiebat illicium nouitatis, & opum splendentium lux præstinguens, Pisanos maximè & Genuenses, quorum amor vtilitate constabat. Contra Francus morbi sæuitiâ imminutus; qui reliqui erant pecuniæ inopes, commeatu absumpso, liberalitatem alterius penuriâ suâ commendabant. Præterea Philippus Conradum Montisferrati Dynastam fovebat studio, Guidonem Lusinianum Ricardus, infensos inuicem odissque oppositos; vt qui Reges non auderent palam contendere, pro clientibus singuli clam decertarent. Quid quod Ricardus constituta ab delegatis vtriusque gentis infringeret, & abusus viribus quibus præpollebat, ad arbitrium omnia regeret. Hæc Philippum vrebant, & à grauissimâ quâ decubuerat ægritudine nondum confirmatum, quando pugnare in æmulum nec vires nec religio patiebantur, cogeant ad necessarium reditum. Et de Flandrensi Dynastiâ sollicitus, mortuo Comite, existimabat in rem suam fore, si coram adesset, & tantam hereditatem in se vel sibi obnoxium deriuaret. Vbi profectiois vox inaudita est; exclaimare Ricardus; *ius gentium & iurisiurandi vinculum appellare; eò expeditionem sacram desinere;*

PHILIPPVS  
AVGVSTVS.

XXXI.  
*Inter  
Francum &  
Anglæ  
dissensio.*

*Ob Philippi  
profectionē.*

desinere; eò Palaestina recipienda consilia; ut uno oppidulo expugnato, evanescant arma atque dispereant. Per se non stare, quin rapiatur in Saladinum exercitus; comparata arma, milites, animos; corrumpi omnia unius Franci invidia, cui fortitudo Anglica molestia esset. At quem lateat eiusdem ambitio atque improbitas, parantis reditum, ut ditiores Anglorum destitutas Rege statim inuadat, & Saladino propemodum foederatus, Christiani Principis spolia referat. Opponebat Philippus; molestissimam agritudinem, laborantem se morbo tantum non oppressum, spectari omnium oculis valetudinis imbecillitatem; posse primum à Syria regredi qui primus venisset; postquam Ricardus tantum temporis in expeditione insumpserit, tunc enim verò de reditu cogitet. Ipsum familiam dumtaxat abducere: decem millia Francorum peditum superesse, quingentos equites, quos Eudoni Burgundia Duci committeret, stipendio in triennium auctos; nemini ingratum fore, praterquam hosti Christiani nominis, si Princeps Christianus saluti consulat, & cælo patrio valetudinem instauraret. Ad ditionem Angli quod spectaret, adnotaturum se superos testes, illibatam fore atque sacrosanctam. Siquid contentionis forte oriatur, præstolaturum se quinquagesimum diem, postquam Ricardus se in regnum receperit. Hoc præstito iuramento, traditisque Eudoni copiis, Philippus in Europam soluit, & Romæ consalutato Celestino Pontifice, acerbum iniuriæ sensum in Franciam tulit, animumque in Ricardi superbiam vlceratum.

Iurifiurandi religionem absoluit. mox Ricardi calamitas, an abrupit. Ille in Syria, Germanis & Italis deferentibus castra, tandem Eudone comite feliciter milia confe-

PHILIPPUS  
AVGVSTVS.

Rex in  
Franciam  
regredi  
ditur.  
XXXII.  
Ricardus  
dixit fore  
tuna  
varia.

PHI-  
LIPPVS  
AVGV-  
STVS.

*Cyprii  
regnum*

*Ricardus in  
vinculis.*

cerat ; instauratis quæ iacebant diruta oppidis , ac Saladini profligato exercitu , imminabat Ierosolymæ ; cum repente Eudone Burgundo morte prærepto , iter vertit , ac reditum in Angliam parat. Intempestæ profectionis causa variè traditur ; siue auri vis à Saladino recepti , siue morbus quo confictatus est ; siue à Philippo timor , cuius mentem forsitam ex suâ metiens , Sacramenti vinculum intutum admodum arbitrabatur. Titulo tamen Regis Ierosolymitani gauisus est , specioso sanè at inani ; quo à Guidone Lusinianno donatus , eidem Cyprium Insulam regendam permisit ; quam in plures annos Lusinianorum gens , orta è Pictauis ; variâ sorte , bella inter domestica & externa , non ignauè rexit. Sic tantæ famæ bellum vnâ vrbe stetit ; gentesque fortissimæ , quæ perterrefecerant Asiam , hoc posuerunt operæ pretium ; tam incertus est fœderum exitus , & plurium vtilitas omnium damnum est. Simul cum Ricardo bellum ab Asia in Europam vectum est ; primò ipsius vinculis , mox libertate. In Adriatico procella iactatus , naufragio ad Istriæ oram depulsus est ; cùmque in Normanniam viz geminæ ducerent , Germanica & Francica illam ingressus est , Templarium indutus , ne dignosceretur. Lynceis tamen odij oculis , ab Austriacis agnitus , & Duci Leopoldo traditus , contumeliæ memori , quam impunè Ptolemaïde tulerat , hostiliter habitus , tetrum in carcerem ferreosque nexus coniectus est. Nec vnus vindictâ calamitas desuit ; nam postquam Leopoldus fecit satis iniuriæ suæ , Regem vinctum seu ferocem belluam Henrico Imperatori pretio vendidit ; vt in vno capite grassaretur plurium vltio ; viri fortis quidem sed arrogantis superbiam , vincula inter , famem , & contumelias , tumidissimum

dislimum fastum deprimente. Regis carcer Angliam in graues ærumnas impulit ; ea quippe diuulsa inter Ioannem Ricardi fratrem , & Guillelmum Eliensem Episcopum regni Cancellarium ; cùm is regimen à Ricardo traditum , ille regium sanguinem ambitioni prætulerent , ciuilibus turbis laborabat. Cùm ecce tertius Philippus in Normanniam penetrat , hostis turbas suum commodum ratus. Iussurandum excusabat, quod iam diu à Palæstina Ricardus abscesserat , vnde effluxerat quinquagesimus dies ; se non appetere aliena , qui repeteret sua , Verigum Comitatum , Margaretæ sorori dotem. Iamque plura subegerat oppida , cùm quartodecimo mense vinculorum , persolutâ immensâ pecuniâ , ab Imperatore Ricardus dimittitur , quanquam Ioanne fratre obnixè pugnante , oblato maiore pretio si retineretur. Solutam caueâ belluam dixeris , collecto furore tandem erumpente. Prima vindictæ pabula , Ioannes frater & Philippus hostis ; ac quidem Ioannes impar ad Philippum confugit ; in quem ideò belli conuersus impetus. Pax autem inter Reges conuenerat , dum de libertate Ricardi agitur , commodis Franco conditionibus , ne intercederet , sed cum vinculis pax abrupta. Hoc bello quod triennium tenuit , Philippi gloria paulum imminuta. Vernolium oblidebat , cùm renuntiata Ioannis defectione , qui Ebroicense præsidium , milites Francos plerosque nobiles , specie conuiuij nefariè trucidauerat , & fratri hoc flagitio reconciliatus , Ebroicas tradiderat ; cohortes rapiens vt de proditore pœnas repeteret , & vindictæ irritus fuit , & exercitum Ricardo aduenienti obiecit. Nam timore subito milles conterritus , fugam cepit , plurimis ab hoste persequente cæsis. Postea variis hinc

PHILIPPVS  
AVGVSTVS.

Philippus  
Normanniam  
inuat.

Ricardus  
di libertas.

Bellum  
inter  
Reges.

PHI-  
LIPPVS  
AVGV-  
STVS.

*Rex in-  
ter Re-  
ges.*

Anno  
1195.

inde direptionibus grassati sunt; cùm ad Ble-  
tas Ricardus Philippi sarcinas diripuisset;  
magnâ iacturâ, præter aurum & supellecti-  
lem pretiosam, instrumentorum, quibus iura  
regni describebantur; & Philippus Ioannem  
ad Ruellium catervis spoliasset, Dieppâmque  
urbem peruastasset; nullo alio incremento  
quàm odij. Tandem utroque Rege legio-  
nes ad prælium promouente, sub clangorem  
tabularum, immutatus repente Ricardus, au-  
res quas obstruxerat hætenus Pontificis Le-  
gato præbuit; actumque de pace ipso in  
campo, ad vltimum inter acies mediam, solis  
Regibus sine arbitro colloquentibus. Dum  
colloquerentur, ab radice vltimi ingens an-  
guis prodiit, erectâ ceruice sibiloque terri-  
bilis; sed abstrusit se illicò, postquàm Re-  
ges nudo imminent ferro. Nec ideo pax ex-  
tra periculum fuit; iam inspectis Principum  
gladiis, utrinque miles ruebat in prælium;  
vix repressus illorum dextrâ & clamore: à  
bello ad pacem tam difficilis transitus. Illâ  
constitutâ se Philippus recepit Parisios, cu-  
ius ut fructus ad subditos pertingeret, mul-  
tis miseriis conflictatos, frumentum ex hor-  
reis, aurum ex ærario effudit tam liberaliter,  
ut quod parsimonia pluribus annis college-  
rat, piissimus luxus statim prodegerit. Et  
varia calamitas afflixerat Franciam, præter  
bellâ, fames, orta præsertim ex grandine;  
quæ superiore anno telorum instar contorta  
e nubibus, contriuerat segetes, vites arbo-  
resque absciderat, greges necauerat atque  
armenta, adiûmque testâ confregerat, plerif-  
que tantâ crassitudine globis, ut gallinæ ouum  
excederent.

*Grando  
funesta.*

X X X

III.  
*Rex En-  
ge iber-  
gæ di-  
mittit.*

Sanè videbatur delictum Regis Multifa-  
riam luem exciuisse in subditos; eò grauius  
quò apertius, & in nouem annos contuma-  
citer perstitit, occallescentes in humanas pœnas  
cœle



cœlestesque. Odium & amor causæ opposi-  
ta in effectum vnum confluerunt. Rex post-  
quam è Palæstinâ reuerterat, æstu ætatis,  
(nam agebat annum vicesimum quintum),  
ad nouum impulsus coniugium, Isember-  
gam siue Engelbergam, Valdemari Daniae  
Regis filiam, multo ardore in vxorem ambi-  
uerat. Illa à Canuto fratre mortuo patre tra-  
dita, celeberrimo Aulicorum cœtu Regi nu-  
psit Ambiani. Erat spectabilis pulchritudi-  
nis flore, sed nescitur quo fato, ipso nu-  
ptiarum die, sic ab ea Regis horruit ani-  
mus, vt intactam auersatus dimiserit; nullâ  
alienæ voluntatis causâ, nisi fortè venefi-  
cij; aut mutabilitatis humanæ, auersantis  
illicò; quod deperierit; nec Germana virgo,  
morum Franciæ rudis, sat instructa illecebris  
ad capiendum Regem credita est. Tres pro-  
ximos annos vterque coniugum cælebs egit;  
donec Philippus, tori impatiens, soluturus  
matrimonium vetus vt contraheret nouum,  
Episcopos euocat & prætextu affinitatis,  
quanquam gradu haudquaquam vetito, iis  
iudicantibus, resoluitur nexus. Rex haud  
multo post Mariam siue Agnetem Meraniæ  
Duci filiam lecto nuptam admouet, con-  
trahens cœnobio Engelbergâ. Canutus statim  
apud Celestinum conqueritur, legesque di-  
uinas atque humanas appellans, Legatos  
impetrat, qui in Franciâ de totâ re discepta-  
rent. Sed illi cœtu Præfulum conuocato Pa-  
risiis, fauentibus Regi Præsulibus, nihil pro-  
mouerunt. Interea Celestinus moritur, suc-  
cedit Innocentius nomine III. qui rem vr-  
gens, coacto Viennam siue Diuionem Con-  
cilio per Petrum Legatum, Franciam vniuer-  
sam interdicat sacris; tremendo Sacramen-  
torum iussitio, vt Templis omnibus passim  
occlusis, & cadauera insepulta iacerent, &  
præter baptismum Christiana res nulla obire-

—  
Lv  
DOVI-  
CVS  
CRAS-  
SVS.

Anno  
1193.  
*Nouam  
Coniu-  
gem  
ducit.*

*Sacris  
inter-  
dici-  
tur.*  
Anno  
1198.

PHI-  
LIPPVS  
AVGV-  
STVS.

tur. Tunc excaudit impotens Princeps, & irâ in Clericos, cùm in Pontificem minùs posset, efferbuit; quos eiecit templis, & facultatibus spoliauit. Intestinum eiusmodi bellum, cum Sacerdotibus an cum Deo contractum, ad annum sequentis seculi primum inualuit, quo Sueffionem vocato Concilio, Octauiano & Ioanne legatis Pontificiis, causa mirum in modum disceptata est & diiudicata. Philippus gregem Canonici iuris peritorum qui causam propugnarent suam deduxerât; ita per dies quindecim altercatione mutuâ res distracta, & Iustitia iuris caligine inuoluta. Narratur cùm pro Rege omnes certatim dicerent, nec Reginae ullus causam susciperet; in medio cœtu pulcherri-  
*Engelbergam recipit.*  
mum Iuuenem constitisse, tantâque facundiâ pro miserâ Virgine perorasse, vt Rex iniuriæ conscius, clam vxori conciliauerit animum. Sanè cùm lis distaret ab exitu, eam ipse vt finiret, primo mane, salutato nemine Iudicum, equum inscendit, atque Engelbergam eiusdem equi tergo impostam secum abducit, Legatis renuntians litem absolutam, & pronuntiatum nouo facto iudicium. Ita solutus intricatissimus nexus; nec alium Iudicem præter se Rex nouit; quanquam ab vxore duodecim annis absti-  
*XXX*  
*IV.*  
*Tertiū cum Ricardō bellum.*  
nuit, persistente alienatione vel veneficio; mirâ Reginae patientiâ, quæ toto tempore sibi vacans rebûsque cœlestibus, alienam culpam in beneficium vertit. Agnes relicta dolore contabuit; tolerantia veram iniustamque coniugem secernente.

Dum hac domi ærumnâ Philippus vexatur, & suâ quidem culpâ, nouo foris bello turbatur, pacatum & stantem conditionibus Anglo laceffente. Nempe Ricardus rixæ immodicis, à Canuto Dano impulsus, & cupiditate agente, commodo rerum articulo,

•Philippum

Philippum inter angustias deprehensum, tum interdicti Pontificij, tum dubia Franco- rum fidei, ad extrema agi posse existima- bat. Et cœlum calamitatem Franciæ visum portendere; cùm assiduis per duos menses imbris, eruperunt ripis stagna & fluuij, tantoque spatio campos inundarunt, vt ter- reret apimos primi diluuij metus aut imago; nec restituta est serenitas agris, donec post multas preces ieiunia & supplicationes, tan- dem signo Crucis compressa sunt aqua, at- que alucis reddita. Tempestatem cœli bel- lum excepit. Ricardus Vierzouum in Bitu- ricibus castrum cepit diruitque; quod To- porcha, Franciæ Curiam in disceptandâ lite appellasset: tum Andeliam Insulam, cir- cumfluente Sequanâ obiectam Normanniæ, inuadit arce impositâ; quanquam ex pactis neutrius Regum foret, & positus vtrique terminus, & reclamaret in facinus Gualte- rius Archiepiscopus Rhotomagensis, con- torto in operas censuræ fulmine, imò cœleste prodigium minaretur, sanguine in artificum vestes depluente. Nec Philippus hæsit armis repellendis; dum Ricardus tentabat Armo- ricos, ac nepoti Arturo intercipiendo incum- bebat, ipse in Normanniam inuadit, & ex- pugnata Danguto, copiis cingit Aumaliam, verberâtque machinis. Anglus Constantiâ Arturi matre captâ, postquam Arturum Ar- morici tradiderunt Philippo, tutiorem rati extranei fidem quàm patrui, ad liberandam Aumaliam quæ iam altero mense obsideba- tur exercitum ducit. Nihil cunctatus Philip- pus properanti occurrit, prælioque conferto victum fundit fugâtque, & memoratur Ala- ni fortitudo, qui Ricardum lanceâ equo excussit, in primâ acie generosè certantem, à suis tamen ereptum periculo. Aumalia vi- ctoriæ fructus capta & direpta. Intra men-

PHI-  
LIPPVS  
AVGV-  
STVS.

*Immu-  
datio-  
nes.*

Anno  
1196.

*Vier-  
zon.*

*Iste  
d'An-  
dely.*

*Dan-  
guto,  
Auma-  
le.*

*Alain  
de Di-  
nan.*

PHI-  
LIPPVS  
AVGV-  
STVS.  
*Gailon.*

*Philip-  
pi in-  
fortu-  
nia.*

*Arte-  
sia Co-  
mita-  
tus.*

*Saint-  
Valens  
Arras.*

sem Ricardus subsidio ab Anglis petito, receptisque tribus millibus Niuicolinorum (ij ab extremâ Valliâ immanitate supra veteres Normannos barbari) instaurat exercitum, & Gailonem obsessurus, dum ad urbem munimenta exploraturus accedit, genu graui-ter balistâ læditur, & postmodum ad incrementum doloris, noua illa subsidia inter- necione delentur. Philippo hætenus suffra- gata felicitas ad Ricardum vertit, afflixit- que calamitas à quo refugerat. Creditur Dei supplicium laceffitum; nam præter Pon- tificias diras, & depulsos bonis Ecclesiasti- cos, Iudæos in Franciam reuocauit, quos tantâ laude eiecerat; siue pecuniâ donatus, quam donantibus fœnore multo Franci re- funderent; siue vt sacris viris molestiam fa- cesseret. Ita porro calamitas cepit. Ricardus in belli socium, Balduinum Flandriæ Co- mitem aduocauerat. Ille tametsi omnia Phi- lippo debebat; nam eo promouente obti- nuerat Flandros, eiusdem neptem vxorem duxerat, & superiore bello impetrauerat pa- cem; tamen quod Artesiam Regi dedisset, Comitatu Artesiæ tunc primùm condito, & in Ludovicum Philippi filium transmissio, vt regionem amplam reciperet, professus se Anglo socium arma adiunxerat. Iam Ricar- dus San-Valerium impositum Sômonæ oppi- dum, situ opportuno, expugnauerat, cum Balduinus Atrebatum Artesiæ caput cingit obsidio. Philippus ne iacturam grauem pate- retur, temerè in Artesiam penetrat, & pro- pmodum in vincula. Nam cum cœlo vdo imbris, riui & amnes agris inundassent, circumquaque disiectis ab Flandro pontibus, lintribusque distractis, Rex in hostico de- prehensus, cum nec progredi posset nec re- gredi, leges pacis quæ libuerunt Flandro ad- misit. Sic captum Atrebatum, & sequenti anno

anno fanum Andomari. Illicò noua temeritas nouum periculum cumulauit ; quippe proiecto iu omne discrimen animo , cum Rex belli munia passim fusciperet , Ricardus vt opulentam prædam implicaret , ponebat retia quoquouersum ; nec incassum collocata Gamacium inter & Vernolium , Rege incauto Anglicis copiis circumcluso. Via ad euadendum supererat , si Rex festinanter regrederetur , & fugâ se in sua reciperet ; eratque auctor Menellærius , veteranus Centurio clarusque militiâ , fugam vt præriperet ; Regi nihil probrosius vinculis ; fugam honestam , quæ seruaret regnum vnus capite. At ille cui nec os Mortis terrorem incuteret , nec vlli hætenus terga vertisset , discrimen præsens salutis antetulit , certus animam fortitudini debere non fugæ : idè selectis ducentis sexaginta equitibus , parique numero peditum , in hostem inuadit , viamque ferro in confertissimâ acie explicans , periculo saluus eripitur. Versus Gisfortium properabat , cum obiicitur in nouum discrimen : Epta amnis ligneo ponte iungebatur , qui repente festinantium turbâ depressus in amnem corruit ; vix medium Rex equitans prætergressus ruinâ deiicitur , & in subiectas vndas præcipitatur ; sui tamen compos sub leti faucibus , equo hærens natanti , in ripam euasit ; suæ post Deum salutis artifex : plures mersi è Ducibus , captiui è nobilitate præcipui , quos ruina pontis insequenti Anglo obiecerat. Induciæ postea , promouente Calisto Pontifice , arma hostilia represserunt ; cum Ricardi mors bellum exciuit. Is cum Calusium castrum in Lemouicibus expugnaret , thesauri vt scribitur cupiditate , sagittâ læditur , leui admodum vulnere ; at saucius cum nec vsu mulierum temperasset , erat

PHI-  
LIPZVS  
AVGV-  
STVS.  
*Saint*  
*Omer.*

*Philip-  
pi for-  
titude.*

*Chalus.  
Ricardi  
mors.*

PHI-  
LIPPVS  
AVGV  
STVS.

enim in eas pronior, acerbato vulnere  
extinctus est; capto castro, & donatâ per-  
cussori vitâ: fortissimus haud dubiè, ma-  
gnique animi; nisi superbiâ, libidi-  
ne & avaritiâ, imperatorias laudes macu-  
lasset.



HISTO



# HISTORIÆ FRANCICÆ,

## LIBER OCTAVVS.



**R**ICARDVM mors acerrimum Philippo æmulum sustulit, bellum haud extinxit; imò cupido per nouas spes recruduit, & diuiso Anglo opportunitas Franco parabatur. Successores duo Ricardo exurgunt, Arturus nepos & Ioannes frater, nam absque liberis vita excesserat. Arturus patris tabulis scriptus hæres, ius & potentiam obtendebat; ius quidem, quando ex Gaufrido natus, genito ante Ioannem, feudorum lege patrem referebat; potentiam verò, quod iam Britonum Dux, & regnum iniens Philippi voluntate supremi Domini, promouentibus Francis contenderet. At Ioannes potentia & iuri opponebat ambitionem & fraudem; illâ Angliam totâque Franciam absorbebat, hæc cludebat vim, artésque pessimas instaurabat crudelitatis atque petiurij: & Eleonoram matrem conciliauerat, magni ponderis in

PHI-  
LIPPVS  
AVGV-  
STVS.

*I. Philippi  
bellum  
cum  
Ioanne  
Anglo.  
Anno  
1199.*

PHI-  
LIPPVS  
AVGV-  
STVS.

*Des Ro-  
ches.*

Anno  
1200.

*Blanca.  
Regina*

quam partem se daret ; Anglos præterea Philippi odio demerebatur. Philippus inter æmulos medius, se ad Arturum statim applicuit; vel iustitiæ gratiâ, vel charitate in iuuenem, vel odio in Ioannem ; vel priuatâ vtilitate; quod ab incauto adolescente plura posset haurire commoda, quàm à Principe veterano, regnandi & fallendi artibus instituto. Eas ob res Arturo auxilium tutelamque pollicitus, re ipsâ præstat, tradens Andegauos, & in Turones Pictauosque ius concedens; præterea instructo exercitu in Normanniam subit, campum verè Martium. Ioannes impar viribus se tegebat urbium muris, missioque in Angliam Cantuariensi Episcopo, qui popularium tentaret animos, præstolabatur dum Philippi æstus deferueret. Et is quidem captis Ebroicis, pluribusque illo in tractu oppidis, ceu confecto bello ad sancti Dionysii acturus gratias venerat. Opportunè interea Ioannes freto transmissio, ab Anglis exceptus, regnum iniuerat, auctusque viribus, mirâ celeritate repetitâ Normanniâ, imminebat Philippo, iam bellum renouanti, & Lauerdunum castrum obsidenti. Promouerat insuper Ioannis causam Guillelmi Rupij solers industria, qui Arturum rapuerat, & patruo conciliatum adiunxerat. Res ad pugnam spectabat, cùm Cardinalis Capuani Pontificij Legati intercedentis sollicitudine, post inducias breues pax icta est. Cuius vinculum Blanca, Alphonfi Castellæ Regis filia; eadem nata ex Eleonorâ Ioannis Angli sorore; Ludouico Philippi filio, Eleonorâ auiâ pronubâ, in uxorem data; donante patruo Comitatum Ebroicensem, & occupata à Rege Castella. Et Blanca illa est, quæ Franciæ imò Orbi Ludouicum peperit, instituitque sanctissimum Regem, quem mortales colerent, præferrent altaria, cælum exornaret; debentibus Francis præclarissimum ornamentum Anglo & Hispano;



paño ; adeò incertæ sunt res humanæ , vt  
 summum beneficium sit hostium munus. Eâ  
 pace Arturum deserebat Philippus, ( trade-  
 bātque Ioanni Britones atque Andegauos,)   
 quem modò tanto studio promouebat ; ita  
 utilitas norma Principum est ; nec pudori aut  
 amoris locus , vbi commodum pollet.

Nec alius pacis præter Blancam fructus,  
 nam paulò post Reges in bellum arserunt.  
 Amulis & cupidis causæ non deerant. Ioan-  
 nem accusabat Philippus, quod promissis non  
 stare ; & alia obiectans, instaurato cum Ar-  
 turo fœdere , inducit in Normanniam mili-  
 tem. Arces plures vi expugnat ; in quibus  
 memorandum Gornæum , quod situ validum  
 & munimentis, cessit industriæ : nam perfos-  
 so lacu , & aquis in subiectos muros effusis,  
 vndarum impetu munimenta collapsa sunt,  
 & aquis torrentibus vrbs ipsa immersa. Ioan-  
 nes ad diuersa intentus, venabatur Arturum ;  
 qui iam Franci ope in spem erectus, cum Mi-  
 rebellum in Pictauis obsideret, interceptus à  
 Rochio, patruo traditur ; ac ferro grauis per  
 vrbes trophæi instar deductus, tandem Che-  
 reburgi vitam claudit. Varia de auctore necis  
 & modo scribuntur ; satis constat arcessitam  
 à Ioanne , siue in carcere, siue in maris litto-  
 re inter ambulandum ; & sublatum in iuue-  
 ne æmulum regni , hostemque domesticum ;  
 quando regnantibus , plerumque affinitas  
 arctior , odium maius est. Exhorruit ad im-  
 piissimum facinus Gallia ; Philippum inter-  
 fecti mater Constantia vt supremum Domi-  
 num appellat, conqueritur de patricidio, pœ-  
 nāsque efflagitat. Nec ille cunctatur ; ac pa-  
 rentans Arturo mortuo, quem viuum cupidita-  
 ti donauerat, de hac cæde, aliisque in Aquita-  
 niâ patratis , reo diem dicit apud Curiam  
 Parium. Cum se ille non stitisset , solemni  
 iudicio de patricidio damnatur ; ditione om-  
 ni, quam intra Oceanum obtinebat, fisco ad-  
 dictâ,

PHI-  
 LIPPVS  
 AVGV-  
 STVS.

II.

*Cum  
 Ioanne  
 bellum  
 secun-  
 dum.*

*Gour-  
 nay.*

*Mire-  
 bean.*

*Cher-  
 bourg.*

*Arturi  
 cades.*

Anno  
 1202.

*Ioannes  
 dam-  
 natus.*

PHI-  
LIPPVS  
AVGV-  
STVS.

*Isabel-  
lam ra-  
pit;*

*Conte  
de la  
Mar-  
che.*

*Picta-  
nium  
mira-  
culo  
serua-  
tum.*

*Philip-  
pus Nor-  
manniã  
subigit.*

dictã, & Coronã restitutã. Ad exequendam  
sententiam, quò se primùm Philippus con-  
uerterit, Normanniam impetens an Aquita-  
niam, mihi incertum est, laborantque Anna-  
les eã in parte ambagibus; constat in Picta-  
uis Ioannem grassatum, in Normanniã Phi-  
lippum; ego vtriusque arma seorsum perse-  
quar. Ioannes odiis apud Pictauos nobiles  
deflagrabat, indignum ob flagitium quo Ar-  
turi cædem cumulauerat. Vocatus aderat nu-  
ptiis Isabellæ Adhemari Enculismensis Co-  
mitis filiæ, quibus Hugoni Marchiæ Comiti  
speciosissima virgo iungebatur; post epulas  
choreasque cùm ad coniugem sponsa duce-  
retur, ipse interceptam thalamo suo admisit,  
& pro vxore deinceps habuit, maximã spon-  
si & omnium offensione, in quos contume-  
lia recidebat. Nuntiato bello ille vt Aquita-  
nos à Franco auerteret, è Normanniã pro-  
gressus in Pictauos, expugnat Turones, in-  
cenditque, quod fauissent Arturo propen-  
sius; tum Pictauium, Augustoritum veteri-  
bus, copiis cingit. Ibi auersis Superis victus  
& cæsus est. Nam vt ciues narrant, cùm à  
quodam Clerico proditore noctu in urbem  
admittendus foret: ille urbis clauēs quas  
apud Præfectum erat suffuraturus cùm solli-  
citè conquisitas non reperisset, fuit inane  
consilium atque proditio, eluxitque mira-  
culum primo mane, cùm Præfectus templum  
ingressus Deiparam Virginem precaturus,  
quam impensè colebat, in eius Simulacri ma-  
nibus clauēs inspexit. Imò & ipsã nocte pro-  
digium auctum; quippe ad portam Angli  
præstolantes, furore subito tacti diuinitus,  
uersis in se armis, se mutuò conciderunt, do-  
nec dies orta furorem discussit: potentissimã  
Mariæ tutelã, quæ subsidia vel ab hostibus  
parat. Ioannes seu miraculo territus, seu cla-  
de afflictus, omisit Pictauos, in Normanniam  
Philippi successibus reuocatus, Etenim ille  
amplissi

amplissimam prouinciam propè totam subegerat, primùm armis, dein hostis ignauia, Cadomo spectantis inter vxoris illecebras vrbes turmatim in Franciam confluere. Rhodomagus vna supererat, quàm munimentis, quàm dignitate prouinciæ caput, in quam totus Martis impetus ruit. At ea sicut expugnata fortiter, ita propugnata; ciuibus ingenti animo Principi suo fidem testantibus, quàm erumpendo, quàm irruentem Francum repellendo; tandem intercisâ spe omni auxilij, cùm & Ioannes obsessorum preces despiceret; illi miseris & fame enecti urbem Regi & corpora, immunitates pacti, dediderunt. Sic vberissima regio Anglis erepta, Francis reddita est, annis supra ducentos nonaginta circiter, postquam ab iis auulsa vi fuerat. Iam Philippo metente victorias, & verè Augusto, ab Deo & summo Pontifice reconciliatis.

Eodem anno ingens conuersio Constantinopoli nouum Principem dedit: qui euentus quando ad Francos plurimùm pertinet, non abs re in eorum Historiam inferetur; paucis tamen, vt abiunctus à Rege, & membri instar diuulsi à corpore. Res vna tentata, quod in humanis solemne est, confecta alterâ, Deo conatus nostros ad consilia sua moderante. Palæstina cùm grauitè premeretur, suâsque miseras apud Christianos Principes deploraret, auribus Regum auersis quas suum bellum implebat, concitauerat plerosque Nobilium. In Franciâ Fulco Nulliensis in Briarochus, diuino afflatus spiritu, expeditionem sacram, per vrbes, castella & municipia, insinuabat plebi & Dynastis; imò verba opere fulciens, patris haud paucis miraculis, auctoritatem comparauerat dictis. Huius impulsu dabant militiæ nomen omnes passim, tum è populo; tum è nobilitate præcipui; maxime in Campaniâ: inter Proceres recensentur Theobaldus Comes Campaniæ, Baldui-

PHILIPPVS  
AVGVSTVS.

Anno  
1204.

III.

Balduinus  
Imperator  
Constantinop.

De  
Nullien  
en Brieo.

nus

PHI-  
LIPPVS  
AVGV-  
STVS.

nus Flandriæ, Bonifacius Marchio Montis-  
ferrati, Simon Monfortius, Gualterius Brien-  
nensis, Mathæus Mommorantius, aliique fa-  
miliarum illustrium plures. Summum impe-  
rium Campano delatum, eo morte præcepto,  
id Bonifacio traditum; quo nec tantisper  
usus est; Francis Proceribus ductu suo sin-  
gulis Palæstinam petentibus; & iis qui Ve-  
netias ad elocanda nauigia venerant Venetorum arte traductis ad alia. Nam ad obsi-  
dendam Zaram deducti sunt, arcem in Dal-  
matiâ validissimam; & eâ expugnatâ, Con-  
stantinopolim adiunctis Venetis nauigarunt;  
Monfortio iam antè in Franciam regresso.  
Expeditionis noſtræ ea ratio fuit. Cùm ad  
Zaram pugnarent, aduolauit è Germaniâ  
Alexius adolescens, aduersus Alexium pa-  
truum implorans auxilium. Ille fratrem Ale-  
xium Ifacium Constantinopolitano, potien-  
tem Imperio, per nefas deturbauerat, con-  
iectum in vincula orbauerat oculis, quan-  
quam ab eo beneficiis affectus plurimis, ac  
nuper è Saracenis redemptus, ac nepote com-  
pacto in carcerem, thronum conscenderat.  
Adolescens clam fractis vinculis, ad Philip-  
pum Irenes sororis coniugem Germaniæ Im-  
peratorem confugerat, & ipso promouente  
ad Zaræ castra. Ergo fratricidium, & tyran-  
nidem patruī detestatus, Francis & Venetis  
ostentabat iustissimam causam; facilem affir-  
mabat expeditionem, inermem tyrannum, fla-  
grare omnium odiis, depulsum iri leuissimo  
motu; & spe mercedis vrgebat animos, vim  
ingentem auri pollicitus, militem & com-  
meatum ad bellum sacrum; & ad Pontificem  
demerendum, Ecclesiam Græcam adiungen-  
dam Romanæ. His impulsī stimulis Franci,  
ac maximè Veneti, quorum intererat Con-  
stantinopoli præpollere, imponunt nauibus  
militem, Francorum sex millia, quatuorde-  
cim Venetorum. Quis credat hoc milite ex-  
pugnatam

pugnatam amplissimam ac munitissimam ciuitatem, Orientis Principem, atque tot gentium refertam spoliis? primum Galata subacta, tum portus inuasus; ac sexto post die scalis admotis vrbs capta, quâ parte pugnant Veneti, Dandulo Duce quâmpiam oculis capto fortissimè omnium præliante. Fugâ tyrannus in tumultu euasit; Isacius è squalore & vinculis throno redditus est, Alexius filius in consortem adlectus; & laus restituta Iustitiæ, pœnâ criminis & Innocentiæ præmio. His admirabiliter perpetratis, fœderati Alexium de promissis appellant, ille cum implendis non esset; nec enim Græci assentirent Romanis vlla vi, nec tantam pecuniam exhausto arario inops conficeret; neſtere moras & excusare se, & mox nolle peragere quod nequiret. Sic oborta amicos inter dissensio malum domesticum peperit: coniurarunt in Principem ciues, ac duce Alexio dicto Murzuflo, qui solium occupauit, Alexium necant; Isacio sene præ dolore animam agente; & in fœderatos se instruunt. Intermedia hyems bellum continuit; donec vere appetente, alterâ aggressionem fœderati urbem expugnarunt, Murzuflo fugiente, & opulentissimâ prædâ diuisâ victoribus. Prædæ caput Imperium fuit; quod vtriusque gentis suffragiis Balduino Flandrensi Comiti datum est, tunc annum tricesimum secundum agenti, & capaci amplitudinis tantæ; qui præter fortitudinem, participatam ipsi cum aliis, mansuetudine & castimoniâ præclarissimus erat; quæ virtutes illo æuo rarissimæ, & licentiæ Principum odiosæ. Monferratensi Peloponnesus & Thessalonica concessæ, ob modestiam laudatissimo, qui Flandrensi æmulo suffragatus, nec inuidit Imperium, nec contempsit. Quæ sequuta sint, præclarissima Francorum facinora, Imperium per quinquaginta annos obtentum, Græci Annales vel in contumeliam

PHILIPPVS  
AVGVSTVS.

Constantinopolis  
bis capta.

PHI-  
LIPPVS  
AVGV-  
STVS.

I V.

*Hære-  
sis Al-  
bigen-  
sum.*

tumeliam suam perscribunt : mihi ad alia festinanti his vacare non licet, nec versari extra prouinciam meis rebus occupatissimo.

Et reuocat ipsam in Franciam amplissima res, euentuum illustrium parens, quâ dignitas parva Ecclesiæ, & opulentissima ditio Regno tandem asserta est. Ea Albigentium hæresis, orta, propagata, pressa, & euulsa. Lubet autem plurimum annorum materiam simul percurrere, ne sæpius falcem in vnam messem iniiciam, & post expeditior ad Philippum regrediar. Quanquam non sit animus singula pro dignitate exponere : sacrorum Annalium id munus est : delibabo quantum in Francicam rem & gentis gloriam contulisse videbitur. Albigenis hæresis orta siue à Manichæis, siue à Valdensibus, siue ab Visigothis Arianis, siue ex omnium colluie pestilens fœtus, Occitaniam totam inuaserat atque Vasconiam, & iam serpebat in Salyis. Multis damnata Conciliis, præsertim Albige, quæ vrbs est Tectosagum, anno supra seculum centesimo septuagesimo sexto, Albigenis reportauerat nomen ; siue ob inflictam eo loco poenam, siue quod radicitus eam circum urbem inhæserat. Eatenus Ecclesiæ telis hoc est sacris fulminibus depugnatum erat ; cum Raimundus Comes Tolosanus Hæreticorum caput, Petrum Legatum Pontificium è prouinciâ pellit, contumeliosè habitum, cæditque vt creditum est, per vnum è stipatoribus in Occitanie finibus. Ob diram cædem visum Innocentio Pontifici auctoritatem potestate armadam, & Tolosanum exercitu compescendum. Vt is è Francia proxima immitteretur, Legatus Pontificis Philippum conuenit, precaturque ne Ecclesiam indefensam sinat ; ducat ipse militem ad offovandam in latibulo Hydram ; vel filium ad honestissimum bellum præmittat ; id Christianissimi titulo gloriosissimum præludium fore.

fore. Philippus testatus nihil sibi religione patrum antiquius ; rerum suarum difficultatem obtendit , imminere potentissimos hostes Othonem & Ioannem; nec se nec filium abesse à regni capite sine periculo posse ; de cætero nihil omittendum quod foret in Christianæ rei incrementum. Nec intra verba stetit ; nam Raimundum domini iure spoliavit, vberemque prouinciam occupanti concessit; atque adhortatus Proceres vt defensum Ecclesiam irent , bellatorum quindecim millia instruxit, persolutis stipendiis ; deditque facultatem vt palam in Franciâ ad sanctissimam expeditionem haberentur delectus. Ac tanto ardore data sunt nomina, vt Crucigeri ad quingenta millia numerarentur , quorum pectori Crux annexa erat , ad eorum discrimen quibus Palæstina militia erat, humero affixâ Cruce ; Præsules Proceresque quamplurimi sponte conscripti sunt. Tolosanum ad tanti exercitus famam perculsus , Legato Pontificio Valentia occurrit , ac demissione & imbecillitate præualidus , iugum subiens quod imponeretur, iuratus mandata exequuturum, impetrat pacem, ac tempestatem obortam discutit. Enimuerò vt absolueretur ab hæresi, reum se ac poenitentem constituit. Sancti Aegidij quod castrum erat in Arecomicis, ante Ecclesiæ fores , nudus iurauit in Corpus Christi Sacrosanctum , impleturum se quæ iuberetur ; tum Legatus stolâ collo supplicis iniectâ , quasi capistro eum ducens, nudatos humeros virgis cædit , dum ad aram procederent, ad quam nexu sacro solutus est, & restitutus Ecclesiæ. His perfectis , inter Crucigeros adscribi voluit, ac susceptâ Cruce, ne qua suspicio de poenitentia oriretur , aduenienti exercitui se adiunxit, simulque cum ipso Biterras obsedit. Ea vrbs cum Hæreticos contumacius propugnaret, ipsaque imbibisset luem, capta, direpta, & incensa est; triginta

PHI-  
LIPPVS  
AVGV-  
STVS.

Anno  
1208,

*Saint  
Gilles.*

PHI-  
LIPPO  
AVGV-  
STVS.  
V.

Мон-  
fortius  
Дух  
Срнци-  
геровъ.

ta ciuium millibus nullo sexûs ætatisve discrî-  
mine ferro deletis. Carcassio ne pœnâ similem  
pateretur, pacta conditiones victorē admisit.  
Tam felici expeditione, placuit Proceribus  
vnum deligere, penes quem administratio  
foret victarum vrbiũ; & recusantibus Ber-  
gundo & Niuernensi, Simon Comes Monfor-  
tij in Carnutum finibus, quanquam & ipse  
renitens modestiâ, in id muneris lectus est:  
hic ab Amalarico Roberti Regis spurio stir-  
pem ducebat, fortitudine bellicâ, & probitate  
morum commendatus. Et facinoribus ex-  
pectationem omnium vicit; Volcas Tectosages  
magnam partem subiiciens, armorũque  
terrorem latè circumferens. Verũ & mu-  
nicipia pura ab hæresi cùm occuparet, inua-  
deret in Aginnates & Cadurcos in dotem ab  
Anglo traditos Ioannæ Raimundi vxori;  
Conuenas, Fuxienses, & Bearnenses impli-  
caret belli incommodis, quanquam ipsorum  
Dynastæ alieni essent ab Albigenſium tabe;  
ideò & ambitionis suspicionem iniecit, &  
Tolosano metum ne specie religionis exue-  
retur omni ditione. Is maturè damno occur-  
rendum ratus, aduolat Romam, prostratũs-  
que ad Innocentij pedes, condonati sceleris  
pœnam deprecatur, & versâ ad misericor-  
diam oratione, ab Pontifice veniam om-  
nium impetrat, litterasque ad Legatum com-  
mendatitias, nequid è Tolosano decerpere-  
tur, dum amplius causa cognoscitur. His mu-  
nitus litteris in Occitaniam venit; at cùm  
vrgerent nihilo secius tum Monfortius tum  
Legatus, & hic Tolosates sacris prohibuis-  
set, Raimundus inops auxilij externos ap-  
pellat, Othonem Imperatorem, & Petrum  
Aragonæ Regem. Ab hoc tantisper incolu-  
mitatem nactus est. Etenim cùm Monspelij  
Monfortius pro Comitatu Carcassionensi  
clientelam Petro Aragonio præstare vellet,  
haud quaquam admissus est; dicente Ara-  
gonio,



PHI-  
LIPPVS  
AVGV-  
STVS.

gonio, ipsi administrationem duntaxat commissam, non dominium propriumque mancipium; & præterea Nobiles à Monfortio ad Tolosanum conuertit, tantumque curâ & auctoritate perfecit, ut breui tempore Monfortium ciuitates propemodum omnes iam milite vacuum destituerint. Verumtamen cum Crucigeri examinum instar identidem in eiusdem castra confluerent, palamque Romæ Legatis instigantibus is, promoueretur; tandem Raimundus ne videns viuensque spoliaretur, Tolosam secedit; seque hostem apertum professus Monfortio, ad defensionem omnia comparat. Nec vocanti Aragonius defuit, iam Monfortio vel ob gloriam inuidens, vel ob ambitionem infensus; præterea Comitum clietelarium, Fuxiensis, Conuenensis, & Bearnensis, causâ susceptâ, quos Monfortius bello & Pontificiis minis agitabat. Ac primum Aragonius intercessione apud Pontificem, patronum egit miserorum, si quid gratiâ & auctoritate conficeret; at irritâ deprecatione, Monfortio apud Pontificios præpollente, victorem Saracenorum exercitum per Pyrenæos deducit; auctusque Comitum clientum copiis, ad Murellum tenue ad Garumnam oppidum centum millia militum adinouet. Tuebantur oppidum pedites mille, equites octingenti, præda potius quam præsidium; nisi Dux Monfortius, Deusque causæ palam propitius, plura millia repræsentassent. Nec eâ temeritate Monfortius erat, ut copiis adeò imparibus decertaret; quamobrem nihil non tentauit ut condiciones æquas impetraret; sed cum omnes ab superbo hoste repellerentur, ut salutem desperatione, vel honestam mortem consequeretur, toto milite in castra irumpit. Supra fidem est reportasse victoriam; at victus fugatusque est tantus exercitus; viginti millibus caesis vel demersis; quodque intendit admirationem,

*Pugna  
ad Murellum.*

Anno  
1213.

PHI-  
LIPPVS  
AVGV-  
STVS.

vno duntaxat equite, octo peditibus inter victores desideratis ; tanti est pugnare Dei auspiciis, cœlique ductu arma tractare. Et ipse Monfortius opima spolia retulit, decus imperatori rarissimum : quippe in pugna æstu cum Aragonio congressus, acerrimè præliantem corripit, deiectumque equo humi affligit ; parcebátque generosissimus victor, nisi miles gregarius exde plurium hostium efferatus, (ducentos Aragonios iam obtruncauerat,) in Regis guttur ferrum immerfisset. Ita cæsus fortissimus Princeps, & Catholici titulo insignis, hæreseos victima, quam propugnauit nemo impunè. Ab hac victoriâ Monfortius cæteris prosperis vsus est ; & Pontifice & Lateranenſi Concilio ; & Philippo Rege, à quo in clientelam admissus est ; & Ludouico Principe ducente in Hæreticos militem ; sed quod caput est, parum prosperè Deo. Nam cùm in posterum sibi militaret non religioni, Tolosæque obsessæ ac tantum non captæ incumberet, obsessis prorumpentibus lapide ictus occubuit, spesque consepultas tumulo intulit. Rapto Duce solutæ sunt copiæ, Raimundus in ditionem totam receptus, hæresisque conualuit, futura Ludouici Sancti prouincia. Sed ad Philippum interpellata nos reuocant.

V I.

Philip-  
pus Pi-  
ctones  
occu-  
pat.

Pictone  
de  
Touars.

Et verò Philippus subactâ Normanniâ rem vrgebat, conuersusque ad Ligerim promouebat victoriam. Iam ducum ope latè circum amnem populos ad se adiunxerat : Guillelmus Rupius Cænomanos Turones atque Andegauos Ioanni ob Arturi cædem infensissimus eripuerat Anglis, Henricus Regis Marescallus, præter vrbes duas Rupellam & Niortum, domuerat Pictones ; ij gubernandâ Touarsio traditi ; Philippo Britones assentiebantur, nuptâ Constantiâ Guidoni Touarsij fratri, & flagrante in vindictam filij. Aquitania vincenda supererat ; cùm Ioannes tan-

dem

dem veterum excutiens cum numeroſo exercitu Rupellam appullit, & mox inuadit in Pictones, Touarſio & Guidone fratre, ſummâ beneficiorum obliuione, rebellantibus in Philippum. Ille carpens hoſtis veſtigia arcebat ab arcium oppugnatione: & Ioannes reſceſſit vno dumtaxat caſtro expugnato, & in cenſo Andegauo, quâ in vrbe maiores habuerant originem; vt vel in patriam ſcelus propagaret. Poſt eius diſceſſum Pictonibus Britonibusque receptis, in biennium induciæ pactæ. At Ioannes reuerſus in Angliam nouam bello materiam ſerit. Monachos Cantuarienſes, quod Archiepiſcopum quem ipſe auerſaretur dixiſſent, expellit cœnobio, inductiſque Canonicis, munere Archiepiſcopum interdicit. Innocentius Pontifex eâ de iniuriâ appellatus, poſtquam Ioannem precibus minique fruſtra aggreditur, tum demum Angliam Sacrorum vſu prohibet, & Regem graſſantem ſæuius ad extremum ab Eccleſia ſegregat, & aliquantò poſt fide & obſequio Anglos exoluit. Imò ne vanum fulmen atque irritum foret, Philippo per Legatum Pandulfum ſuadet, ſanctiſſimum bellum vt moueat, in Angliam inuadat, Tyrannum in ipſâ immanitatis officinâ maſtetur, hoſtemque inferriſſimum, ſuperorum odium atque mortaliſſimum, vno ſemel icu conficiat. Sponte currenti admouebat calcar, in publicis regni Comitibus Sueſſione rem proponit Philippus; Ludonico filio parari poſſe regnum ampliſſimum; adoleſcentem ſpei tanta capacem; tranquillitatem comparatum iri, ſi Francorum hoſtes in ipſorum corpus coaleſcant: imò Anglorum id votum eſſe, poſtulantium & flagitantium crudelem belluam amoueri à ceruicibus ſuis. Vno conſenſu decreta expeditio, & designata pecunia. Conſcribitur miles, inſtruuntur nauigia, & iam ad oſtium ſequanz ſtant quingenta in anchoris. Ioannes apparatu tanto perter

PHILIPPVS  
AVGVSTVS.

Anno  
1206.

Ioannes  
diris  
deuotus.

Philippus  
parat expeditionem in  
Angliam.

PHI-  
LIPPVS  
AVGV-  
STVS.  
*Ioannes  
absolu-  
tus.*

perterritus , in summas adductus angustias, cum præter externum domesticus hostis timeretur ; erat enim apud omnes odio ; statuit contumeliæ speciem regni iacturæ præuerrere , & appellato Pandulfo Legato Pontificis, qui eâ de re plurimum adnitebatur , vt res perditas quoquomodo restituat, se & regnum Pontificiæ Sedi profitetur obstrictum, clientelam iurat ; ac recipit in singulos annos se sterlinos mille persoluturum. Hac satisfactione placatus Pontifex velificationem immutat, admittit Ioannem in gratiam , nexu sacro soluit, pium Ecclesiæ filium nuncupat, subditos ad obsequium reuocat, & Philippo interdicat, ne quid in Angliam tentet, quæ modò ad Romanam Ecclesiam pertineret. Id tamen molestissimum videbatur Philippo , hostis perdendi eripi opportunitatem , ipsi obtendi inuiolabilem clypeum, immensam pecuniam in sumptus impensam , impulsu Pontificis susceptum id bellum , & interesse gloriæ suæ, quod tantus exercitus nullo facinore dimittatur : tamen non existimauit irritandum Pontificem in hoc rerum articulo ; nec immemor quantum in vxoris negotio laborasset, à Ioanne abstinuit, & militem instructum in Flandrum conuertit. Sanè Innocentij magna auctoritas , qui præter Raimundum Tolosanum Principem, vt taceam Othonem Imperatorem, potentissimos Reges subiecisset pœnis , eisque extorsisset voluntatem sceleris aut facultatem.

VII. Flandrensi bello Reginaldus Francus facem accendit. Erat hic Dammartini Comes, Philippo charissimus, idemque Comes Bononiensis, Idâ Bononiensi in vxorem ductâ Philippi beneficio. Porro aduersus superos mortalesque ingratus, cum regni hostibus Othone & Anglo clandestinis agebat consiliis ; spretâ vxore concubinarum greges palam ductabat ; vexabat acerbissimè subditos , maxime

ximè in Clericos immanitate barbarâ sa-  
uiens ; quæ ob flagitia sapiùs diris deuotus,  
tandem Rege bona in pœnam occupante, re-  
gno minarum plenus ad Flandrum profugit,  
simone fratre secum abducto , & hospitem  
lue rebellionis afflauit. Flandriam regebat  
Ferdinandus Comes, filius Sancij Portugalliæ  
Regis. Nam cùm Balduino Flandrensi Comiti  
dux essent filix ; postquam is ad Constanti-  
nopolitanum thronum euectus est , cura Vir-  
ginum collocandarum penes Regem fuit ;  
cuius auctoritate Ioanna natu maior nupse-  
rat Ferdinando, Comitatu in dotem accepto ;  
minor Burcardo Auesnio : at Ferdinandus vt  
obtineret tam opulentum coniugium, Philip-  
po tradiderat fanum Andomari & Ariam ,  
vrbes Artesiæ , veluti Dynastiæ huius appen-  
dices , & semel donatâ Artesiâ dimittendas.  
Mox Ferdinandum detractæ dux vrbes affi-  
ciebant magis quàm plurimæ comparatæ ;  
vnde incendente Reginaldo eas vt reciperet,  
cum Othone & Ioanne fœdus init arcanum,  
quod latuit, donec Philippo Anglicam exp-  
ditionem paranti renuit arma adiungere ; nec  
vllâ conditione, vel reddendis vrbibus, effici  
potuit quin secederet. Philippus ab Angliâ  
prohibitus , iniuriæ memor , in Flandriam  
venit , & ducto mari terraque exercitu , op-  
pressurus hostem irruit ferox. Yprâ & Cass-  
lio captis , Gandauum obsidet , circumductâ  
classe ad Suinæ littus Damumque oppidum.  
Appellatus interea ab Flandrensi Anglus,  
Guillelmo Salisberienfi , fratri spurio , Duci  
egregio tradit classem armatam , qua ille ve-  
ctus ad easdem Suinæ oras applicuit. Extem-  
plò in Francorum classem impetum facit ;  
vacuamque milite, quem prædæ cupiditas in  
proximos agros distraxerat, haud ægrè profligat,  
pluribus nauium demersis aut captis, tum  
Damum oppidum fretus proditione ciuium  
obsidet. Ad hæc nuntia Philippus , omisso

PHI-  
LIPPVS  
AVGV-  
STVS.

Ferdi-  
nandus  
Flan-  
driæ  
Comes.

Suinæ  
&  
Damm.

PHI-  
LIPPVS  
AVGV-  
STVS.

Otho  
& fœ-  
derati  
in Phi-  
ippum.

Gandauo aduolat Damum, cæsiisque hostibus quos egressos classe deprehendit, educto vrbe præsidio, & nauibus commeatu, reliquas quæ in portu stabant, ne prædæ hosti forent, incendi iubet, flammisque pariter Damo iniectis, proditione compertâ, magnâ celeritate Gandauum repetit. Nec diu ciuias propugnantem exclusit, statim admisit victorem, simulque tota Flandria, fide datâ immunitatum. Philippus acceptâ in sumptus belli pecuniâ, dirutis Insulis, & nudato muris Casfelio, patratâ ultione regressus est. Digresso Rege Ferdinandus qui ad Hollandos confugerat, ex iis Frisiiisque lecto exercitu, Reginaldo armorum socio reuersus in Flandriam, passim excipitur, captoque Tornaco Francos expellit. At paulò post maior rerum moles in Philippum incubuit, & à Flandriâ recuperandâ prohibuit tantisper. Plurimi hostes Ioannis consiliis in vnum insurgunt; omnium caput Otho Imperator, & odio infestissimus. Hic filius Henrici Saxonie Ducis, idemque Ioannis è sorore nepos, diu Philippum capitaliter oderat; quâ in auunculum propensione, quâ Philippi offensionibus; quippe Imperio ipsum inter & Philippum Henrici Imperatoris fratrem disceptato, Rex Philippi partes propugnauerat acriter, Othonique obstiterat. At postquam Philippus ab Ancherafo Palatino Comite cæsus est, & Othoni assensu Pontificis cessit Imperium, illa odium in Regem tandem exeruit. Enimverò nuper Pontificias diras incurrerat, propter Siciliam & Tusciam occupatas; vt qui hostes Regis, iidem Ecclesiæ forent. Nam Ioannes quamuis in speciem conciliatus Pontifici, inquinabat se omni flagitio; ac nuper Saracenorum Principi adstringendam fidem obtulerat, vt se clientelâ Pontificis vindicaret. Adsciti in societatem quamplurimi, Ferdinandus Flandrensis, Guillelmus Brabantie Dux, Otho Limburgi

Limburgi Dux, Philippus Comes Namurcensis, Reginaldus Bononiensis, Comes Salisberienſis cum Anglis auxiliariſus; tantuſque exercitus, vt peditum centum quinquaginta millia numerarentur; Equitum qui iure baltei inſignirentur mille quingenti; præter alios quorum numerus eſt prætermiſſus: nam plerique vt ad prædam certam aduolabant; iamque Proceres partiti erant opulentiffimum regnum, vt Ferdinando Pariſij cum Francica Inſula cederent, Veromandui Reginaldo, Anglo trans Ligerim prouinciæ, Othoni reliqua; ſicque ſpem optimam vincendi conceperant, vt curruſ traherent onuſtos catenis atque compedibus, quibus Rex nobiliſque capti vincirentur. Quin & Mathildis conſecta iam ſenio, Ferdinandi amita, nupta quondam Philippo Elſacio Flandrenſi Comiti, vt in ſocietatem belli veniret, & nepoti opitularetur, conſuluerat Magos, à quibus reſponſum tulerat; pugnatum iri, deturbatum Regem conculcandum equorum ungulis, nec ſepeliendum, & partâ victoriâ Ferdinandum ingenti pompâ ingreſſurum Pariſios, quæ verba præclara in ſpeciem inſanam ſpem in Procerum animis excitabant. Quanquam euentus docuit, quæ Dæmonum dictis fides habenda ſit. Nec odio ſuo Ioannes deerat, magno exercitu transportato in Aquitaniam, vt eam in partem Philippum diſtraheret, mediũque inter hoſtes effugio nullo opprimeret.

PHILIPPVS  
AVGVSTVS

Has inter anguſtias Philippus animum non deſpondit; Ludouicum filium mittit ad Ligerim, qui Ioannem retunderet; ipſe Perona luſtrato exercitu, quanquam numero admodũ impare, cauſæ præſidens, occuſurus hoſti, educit copias. Otho cum fœderatis agebat Valenceniſ, conſulens in quam regni patrem irrueret, cùm audito Francum mouiſſe, & iam Tornaco imminere, ipſe pariter

VIII.  
Philip-  
pus ad-  
uerſus  
hoſtes  
progre-  
ditur.

PHI-  
IPPVS  
AVGV-  
STVS.  
Mor-  
tagne.

educit exercitum, & ad Mortauiam castra figit, munitque operosè, ne cogeretur ad pugnam inuitus. Vtraque castra octo milliaria disiungebant, aciemque conferere peroptabat Philippus; sed erat temeritatis præcipitis ire expugnatum munitissima castra, per angusta loca paludosa atque lutulenta, quorum difficultate miles vinceretur: & verò hæc mens hostium erat, aut infringere morâ Francorum impetum, aut si ad pugnam inconsultò procurrerent, opportunitate loci cladem inferre. Rex hostium perspecto consilio, immutat propositum, & versus Hannoniâ ad diripiendos agros exercitum mouet. Otho re per speculatores compertâ, ratus metum Philippo iniectum, extemplò motis castris toto exercitu abeuntem insequitur. Eâque insequentis celeritas fuit, vt nihil propius actum sit quàm vt incautum Regem obrueret. Guarinus ex Hospitalium ordine, ad Siluanectenses Insulas designatus, militiæ peritissimus quam diu in Palæstina tractauerat, cum Vicecomite Melodunensi, percepturus quid hostes tentarent, relicto exercitu, collem ascenderat & speculabatur; cùm repente aduertit quadrato agmine foederatos incedere; nullâque morâ celerrimè ad Francos inuehitur, commonetque imminere hostem, & pugnam inferre. Franci fessi viâ solisque zitu, ibant solutis ordinibus, in Bouinensibus campis; cùm vocati in consilium, an pugnandum foret, an progrediendum, vno propemodùm ore oportere progredi statuunt. *Nunc militem fatigatum aestu ac labore, ineptum ad pugnam; distare propius riuum, quem si transmittant, fossam obiecturos se hostibus, cuius beneficio pralientur & vincant; si fortunam subeant qui aggrediuntur; at lacesciti sedulò caueant, & se alea sortis eripiant.* Hæc sententia inualuit; reclamante Guarino plurimùm, & cladem exercitus nuntiant



tiante ; si hostes, quod euenturum foret haud dubie , deprehenderent diuisas copias , & transmissio priore agmine, delerent posterius. Ergo prima acies iubetur incedere , dum in postrema Rex hæret , armisque exutus ad leuandum æstum recumbit sub fraxino : vix dum pontem , qui ligneus iungebat riuum, primi ordines prætergressi erant, cum strepitu excitatus Rex, monitusque hostem incurrisse iam & velitari, ac discrimen esse ne postremum agmen deleatur , si ingruant hostes; agnoscit Guarini prudens consilium , certisque prælij, iubet extemplo reuocari ordines primos, ædemque fortè proximam ingressus, Petro Ecclesiæ Principi sacram , paucis precatus, & implorato in Ecclesiæ hostes auxilio, mox egressus , lætis oculis ac præ sagis victoriæ Duces contuitus, arma afferri , seque indui iubet; tum ad milites inflammandos nouum & inauditum orationis genus excogitat. Aram spectante exercitu erigi imperat, in ea reponi Coronam & sceptrum, nam tunc cum Regibus gestabantur, tum ipse intacto capite, dextrâ erectâ, vocemque intendens, ita fertur locutus. *Franci Proceres, vósque commilitones fortissimi, qui modo ad huiusce Corona propugnationem vestra corpora in discrimen obicitis; ecce obtestor vos, si quem digniorem qui illam impleat censeatis, is eam habeat; ultro me abdico, ac depono sceptrum; modo contendatis, ea ut integra & illibata seruetur, nec sinatis ab ijs discerpi, quos Deus ab piorum cœtu segregauit. His generosissimis verbis permotus exercitus; vno simul ore conclamatur: *Viuat, & regnet æternum Philippus, viuat Augustus, coronam in perpetuum habeat, ad eam seruandam, vitam si millies suppetat, impendemus. Tum procumbentes in genua, benedici ab eo flagitant: ipse dum Clerici lectos in pugnam concinunt Psalmos fulgentem galeam induit &**

PHI-  
LIPPVS  
AVGV-  
STVS.

Philipp.  
pi ora-  
tio.

PHI-  
LIPPVS  
AVGV-  
STVS.

conscenso equo ad primos pugnantium ad-  
uolat. Simul vt visus est, pugnam immutat,  
parturitque victoriam. Etenim hostes cum ad  
Regem totum exercitum adesse crederent, vt  
ipsi & toto exercitu depugnarent; qui in  
frontem inuehebantur, inhibito praelio, ad  
dextram se flectunt, & protensa longius acie,  
vtrinque alas ad duo millia passuum expli-  
cant. Hac temporis morâ duo praeclarissima  
commoda Regi parata. Nam fulgorem solis  
atque aestum tergo excipiens, eadem in ho-  
stium oculos vertit; tum primo agmini re-  
grediendi spatium datum, & Guarino castro-  
rum Praefecto distribuendi militem, quem sic  
disposuit. Primum agmen ne inuolueretur  
explicuit; ducebatque cornu dextrum Eudo-  
burgundiae Dux, laeuum Petrus Comes Dro-  
centius, postremum agebat Galterius sancti  
Pauli Comes; Philippus in mediâ acie reful-  
gebat, Galone Montinio vexillum regium  
præferente: & Regem inuitum tegebant Pro-  
ceres obiectu corporum, præter selectissimam  
Nobilium turmam ad tutelam eius vltro de-  
uotam. Eodem ordine hostes in primi agmi-  
nis dextro cornu Ferdinandum locauerant,  
Reginaldum in laeuo, Imperator mediam age-  
bat aciem, totis viribus Philippo ingruens.  
Calebat maximè, nempe die Iulij vicesima  
quinta, ac sub meridiem; & ardor Martius  
coeli aestu maior bellatorum animos incen-  
debat.

*Conte  
de St.  
Paul.  
Galon  
de Mō-  
tigny.*

IX.  
*Pugna  
Boni-  
nensis.*  
Anno  
1214.

Et ecce bellicum canentibus tubis, Guar-  
inus velites ad delibandam pugnam immittit:  
ij ab Hannoniis Sagittariis excepti, caesis ma-  
gnam partem equis, infunduntur in aciem,  
pugnântque pedites. Mox equites cataphra-  
cti directis hastis impetum faciunt, latèque  
hostem quâ grassantur fundunt. Momento  
temporis miscentur equites peditesque, &  
stricto ferro pugna confertur. Spectabatur in  
primis Ferdinandus Flander, qui animi cor-  
porisque

PHI-  
LIPPVS  
AVGV-  
STVS.

porisſque memorabili robore, inter ordines  
tum ſuorum tum hoſtium dimicans, modò  
ducis modò militis exequens munus, quà  
voce quà gladio, incitabat ſuos, hoſtes ferie-  
bat. At in Regem vis tota pugna incubuit,  
vt is ſe quem profeſſus erat coronà digniſſi-  
mum exhiberet. Siquidem in eum vnum  
fœderatorum arma collimabant cum odiis:  
Otho præcipuè tres Germanorum turmas,  
numero animòque terribiles, quæ in necem  
Regis iurauerant, ſeu alas fulminis inuehe-  
bat: pro vexillo præferebatur in curru Aquila  
aurca palo affixa, Draconem vngue ge-  
ſtans; tum in aciem Regis tergeminum il-  
lud agmen infunditur. Vires Francis haud  
pares, Regi ſuperior animus erat; poſtquam  
obieſti equites diſieſti aut caſi ſunt, ad tur-  
mam Nobilium qui propugnabant Regem  
deuentum eſt; pauci numero, nam centum  
admodum per horæ ſpatium decem millibus  
obſtiterunt, Rege in primis fortiſſimè præ-  
liante. Verum vi obruente virtutem, & ipſi  
caſi ſunt, & Philippus obtruncato equo hu-  
mi deieſtus, vnguliſque quadrupedum con-  
culcatus. In tanto discrimine, Montinius ve-  
xillum demittebat erigebatque identidem, vt  
in opem Regis Francos euocaret; at exclu-  
debant confertiſſimi hoſtes auxilium, & erat  
Francis coram ſe ſingulis quo pugnarent. Re-  
gem interea vis diuina eripuit. In iacentem  
Reginaldus irâ frendens ruebat, expedito  
ferro confoſſurus, cum non aſpectabili dex-  
trâ repellitur, torpentibus neruis, oculiſque  
præſtriſtis; nec à miraculo diſtat, quod ille  
Montinius Petruſque Triſtanus ſuis corpo-  
ribus obtexerunt Regem illibati, dum is à Pe-  
tro Antiſſiodoreniſi in recentem equum im-  
ponitur. Tunc enim uerò incredibili animi ro-  
bore in hoſtem irrupit; peperitque victo-  
riam, quod eo propemodum momento Fran-  
ci dextro cornu proſtigatis Flandris victores

Regis  
pericu-  
lum.

onuſtus in cuſtodiam miſſus eſt. Sic gloria genti Francicæ comparata; quam diuino arbitrio, Guarini prudentiæ, Regis fortitudini, ſuæque debeant. Otho ab fuga Imperio excidit, Friderico æmulo præpollente, & retruſus in Saxoniam, ignominia plenus interiit.

Hæc Philippus in Flandriâ, dum in Andegauis Ludouicus filius Anglum pellit. Ioannes magnâ claſſe Rupellam appuſſus, adiunctis Comitibus Marchiæ & Luſiniani, Vaſconumque Proceribus, tranſito Ligeri, inuadit Andegauos, ipſamque urbem Andegaum quam antè incenderat, ſitûs opportunitate perſpectâ, accuratè munit vallatam mœnibus, futurum aduerſus hoſtes propugnaculum, tum nequid progreſſo vltèrius metum. à tergo incuteret, excurrit in Britones, Nannetas urbem primariam inuaſurus. Nuper obtinverat Britones Petrus Drocenſis, è ſtirpe regiâ, ductâ in vxorem Aliſiâ, vnicâ Conſtantiæ & Guidonis Touarſij filiâ; ille cum Roberto fratre Ebroidenſi Comite ac ſelecto milite agebat Nannetibus, hoſtémque excepturus extra munimenta educit copias, prælio in capite pontis conſerto; quò victus & captus eſt, ipſaque vrbs in poteſtatem victoris redacta. Ioannes tam felici ſucceſſu, Andegauos repetit; circûmque infert arma victoricia. Quo rerum articulo ſi perrexiffet vltèrius, Pariſios regni caput aggrediens, vel Regem in Flandria circumcludens, haud dubiè perniciem certam inuehebat. Sed auertit Deus prudentiſſimam mentem. Ad ripam Ligeris caſtrum crexerat Guillelmus Rupius clariffimus ille regni Mareſcallus, & appellauerat Rupem Monachorum: Ioannes eam vt ſpinam reuelleret, quaſi leuem operam patraturus de via, victorem exercitum caſtro circumfundit. Arci Rupius præſidium impoſuerat fortiſſimos milites, dignos quibus Francia immortales habeat gratias. Cùm à

PHI-  
LIPPVS  
AVGV-  
STVS.

X.

*Ioan-  
nes An-  
glus à  
Ludo-  
uico  
victus.*

*Nan-  
tes.  
Pierre  
de  
Dreux.*

*La Ro-  
che aux  
Moines.*

PHILIPPVS AVGVSTVS. victoribus omni oppugnandi genere preme-  
rentur, cùm foris vrgerent balistæ machinæ  
atque arietes ; cùm per sex hebdomadas  
quiescendi spatium diu noctûque non per-  
mitteretur ; ij tantâ fortitudine arcem propu-  
gnarunt, vt hostium generosissimis inter-  
fectis, carceres Anglo posuerint, eosdẽque  
Franco amouerint. Nempe Ludouicus , im-  
paribus admodum copiis, nondum ausus An-  
glo frontem obuertere ; modò cùm is hære-  
ret ad remoram, imminueretur exercitus, pri-  
mûsque ille terror cum existimatione deflue-  
ret ; tunc aucto milite , ne perirent propu-  
gnatores fortissimi , statuit configendum.  
Ioannes furore percitus exitium commina-  
tus obsessis, patibula plura crexerat, quibus  
tandem capti affigerentur, iisque ad spectacu-  
lum fossam vallauerat ; cùm audito Ludoui-  
cum instructo exercitu aduentare , terrore  
quodam improviso perculsus, seu conscientia  
scelerum, seu diffidentia militum , vasa col-  
ligi iubet, amnẽque transiri ; ipsẽque inter  
primos festinatione præcipiti trans fluuium  
euadit. At dum in castris dux milēsque ap-  
properat, & per tumultum alius alij moram  
creat, Ludouicus interuenit , & perturbatos  
confusosque aggrediens , magnam stragem  
edit , plerisque inter fugam amne demersis.  
Ioanni pavor ita mentem mouit , vt quan-  
quam Ligeris hostem amoueret , concitatis-  
simo equo aufugerit, nouem leucis vno cur-  
su lustratis. Hæc dies Ludouico Andegaui  
Britonēsque restituit, poteratque donare Pi-  
ctauos ; nisi Patris clementia an. moderatio  
pacem victo donasset. Nam Ioannes Parthe-  
nij hærens, à Philippo inducias in quinquen-  
nium postulat impetratque : libertati asser-  
tus Petrus Britonum Dux, & Franciæ com-  
parata tranquillitas ; Rege ab tot ærumnis sibi  
suisque honestum otium indulgente , nec  
Martis aleam promouente, prospero iactu lo-  
cupletatus.

*Ioan-  
nes su-  
pater.*

cupletatus. Et obseruanda Ludouici victoria eodem die parta quo Bouinensis; patrem inter & filium consensu mirifico naturæ an fortunæ: sanè cum Philippus Ptolemaïde profluuiio sanguinis laboraret, eodem morbo Ludouicus infans vexatus est; eodémque tempore yterque tam dissitis locis conualuit; conformante naturâ quod perfecit similitudo victoriæ. Philippus ad Siluanectum Abbatiam Victoriæ condidit, inductis sancti Victoris Monachis, in geminatæ palmæ monumentum; isque locus selectus, vt volunt, quod cursores à patre & nato missi laureati ibidem occurrerint, felixque nuntium comunicauerint; Deo casus omnes ad incrementum gaudiij moderante.

At illicò noua turbarum Seges enata est; pax Ioannem defecit in Anglia, cui in Franciâ hæserat. Eâ res quoniam ad Regem & filium multum pertinuit, nostri muneris est. Ioannes in Angliam reuersus, & nullâ sollicitudine belli distractus, sibi continuò hoc est vitiis suis redditus est, auaritiæ & crudelitati. Cùm in facultates omnium & corpora grassaretur, urbium & Procerum immunitates omnes extinxisset, templa & anathemata diripuisset, Sacerdotibus eiecctis, spoliatis, & cæcis; tandem Angli vno consensu iugum excutiunt, & in Principem rebellantes, quem Tyrannum nuncupant, Philippum conueniunt, natumque Ludouicum in Regem expetunt. Negotium impeditum admodum erat atque intricatum; quippe erant soluendæ induciæ, iuratæ in quinquennium, nulla Ioannis in Francum iniuriâ; nouo bello intercedebat Innocentius Pontifex, Ioannem propugnans, iamque Anglos Proceres sacro telo percusserat, & Legatus Pontificius Vualo aduenerat, qui Regi & filio interminaretur fulmen, si constitutam pacem infringerent: tum Francis tam diuturno bello fatigatis, quid

PHILIPPVS  
AVGVSTVS.

*Albatia Victoria.*

XI.  
*Ludouicus iter in Angliâ parat.*

Anno  
1215.

PHI-  
LIPPVVS  
AVGV-  
STVS.

Legati-  
tio.

Philip-  
pi res-  
pōsio.

Oratio  
pro Lu-  
dovico.

nouæ ærumnæ & pericula noua arcefferen-  
tur? Contra, odium vetus & recens gloria  
contendebant. Præclara Philippo occasio ca-  
pitalem hostem opprimendi, comparandæ  
gloriæ Ludouico, & regni quærendi. Cùm  
eam in partem propenderet Rex, & Ludoui-  
cus vehementissimè bellum flagitaret; iàm-  
que patre vel inscio vel dissimulante, Coro-  
nam Anglicam admisisset; Legatus Vvalo  
haberi consilium postulat, ac Regem preca-  
tur, ne Ioannem vlllo modo perturbari sinat;  
illum clientem Ecclesiæ constitutum, iure  
optimo Regem Angliæ esse, & momenti pe-  
riculosi rem fore, si Principes rebellionem  
foucant atque promoueant; tum versâ ad  
Ludouicum oratione, multis deprecatur, ne  
in Angliam eat, néue Pontifici imò Ecclesiæ  
bellum nullâ causâ indicat; nihil ipsi cum  
Angliæ Rege negotij; si gloriâ belli flagra-  
ret animus, in Palæstinâ Saracenos, imò ipsâ  
in Galliâ Albigeneses esse; qui profligarentur.  
Ad hæc Philippus contestatus in Romanam  
Ecclesiam obsequium, & in Pontificem pieta-  
tem, affirmavit nusquam suo consilio; multò  
minus auxilio Ludouicum filium impugna-  
turum Ecclesiam; verùm audiri oportere,  
quid iuris habeat in Anglicum regnum; non  
continuò impugnare Ecclesiam, qui ius per-  
sequatur. Tum vnus Procerum à Ludouico  
eam in rem designatus orationem eiusmodi  
habuit: *Molestissimum est Ludouico Principi  
contendere cum aduersario, quem paterno  
hactenus affectu coluit, quémque in Iudicem  
præoptaret, si res pateretur, nec foret arbiter  
idem qui actor est; Pontificem Innocentium  
loquor, cuius venerandam & mortalibus  
cunctis sacrosanctam auctoritatem agnosci-  
mus atque reueremur; ita tamen vt conscri-  
batur terminis suis, & qua in cœlestibus pot-  
let; à terrenis absteineat, & comparata iura  
non rapiat. Nam Angliæ regnū iure collatum*  
*Ludouico*

Ludouico quis neget? Ioannem excidisse ob nepotis cadem Sententiâ Parium iam iudicatum est; ipse mox conscius imbecillitatis id in Pontificis manus deposuit, seque imperio quod pessimè gereret abdicauit; Angli Proceres vno vrbium populique consensu ob immania scelera eiecerunt Principem atque eiuraverunt; nunc quid causa est, cur Pontificis una auctoritas tot rationibus Tyrannum eiectum restituere possit atque stabilire? Iubebit infectum auctoritas illa quod factum est? Impediet, ne crudelissimo Arturi parricidio nefarius prado sese polluerit? vetabit ne spoliauerit templa, aras diripuerit, Sacerdotes necauerit, omne flagitiij genus patrauerit? prohibebit, ne ipse sceptrum abiecerit, ac coronam exuerit? id enim verò ne Deus quidem. An ergo auctoritas rem perfectam & quasitum ius immutauerit? At, inquiunt, Ioannes Pontifici ius regni concessit, se clientem constituit, clientelarem Angliam fecit. Enim verò ius gentium appello, & regnorum leges. Quis Regum unquam, absque Procerum Ordinumque assensu, eiusmodi nexum regnis imposuit? tu nobis iugum detrectantibus dederis? tibi Sacramento iurauimus, nusquam Pontifici; non in eas leges ius imperandi concessimus; largire quod tuum est, abstine alieno. Abalienato Ioanne, Ludouico ius partum est: nam & ipse à Proceribus regni delectus est, & uxoris iure propinquior; quippe Blanca Eleonora filia, semel eiecto Ioanne cum posteris, una superest è stirpe regiâ, ad quam hereditas iusta perueniat. Quid ergo Legatus alienis rebus se immiscet? quid auctoritatem flagitioso pradoni obtendit? quid facultatem peccandi prorogat? quid calamitatibus Anglos inuoluit, in clientela præmium & defensionis? quin atrocissima scelera in supplicium vocat? quin iustitiam amat pietatem atque sanctitatem? finitque Principem innocentissimum

PHI-  
LIPPVS  
AVGV-  
STVS.

frui.



PHI-  
LIPPVS  
AVGV  
STVS.

frui iure suo, regnūque obtinere, quod à natura & eligentium voluntate assequitur. Ad hæc Legato Pontificis diras intonante, solutum est consilium. Mox apud patrem subdubium adhuc atque ancipitem adeò prece Ludouicus contendit, ius vxoris allegans, cui paternum obsequium obesse haud posset, vt eo non abnuente expeditionem suscepit, & Caletio septingentis nauibus fretum transmiserit; ipse omnium certâ, florentissimo exercitu, fortissimisque ducibus transportatis.

XII.  
Ludo-  
uicus  
dictus  
Rex  
Ang-  
lia.  
Don-  
nes.

Tanto apparatu Ludouicus ad Tanetum insulam applicat, mox Sanduici portu exceptus, versus Londinum Anglis deducuntibus iter instituit. Erantque omnia sub ingressum fausta, nisi militaris culpa infelicem exitum contraxisset. Vna stabat à Ioanne Dubris, celebri ad Oceanum portu, firmâque munimentis; in eam Ioannes confugerat, ceu in asylum perditarum rerum, vnde & Ludouico exscensionem arceret: sed eo Sanduici excepto, veritus ne in arce obsideretur & concluderetur, deductis quas ex Aquitania legerat copiis, procul in Vintoriam se abdit magnis itineribus; arce commendata Huberto Burgenfi viro fortissimo. Eam recenti exercitu, integrâ famâ, Anglisque fauentibus, si obsidisset illicò Francus, expugnare haud agrè poterat, & amoliri obicem, quo interclusus est rerum cursus; sed cū prosperitas alliaciat, ærumnæ auertant, Londinum ad coronam decursum est, militaris labor prætermisus. Igitur magno plausu Procerum, omniumque Ordinum, Londini inungitur Ludouicus, ac præstitis mutuò iuramentis, vrbe cum exercitu egressus, Australem Angliam domat ac subigit. Dum latè vagatur per Angliam, admittitque prouincias, increpatur grauiter à Philippo; quod Dubrim arcem intactam dimittat, hostium portum atque præsidium, &  
prope

Hum-  
bert de  
Bourg.

Anno  
1216.

*propemodum in visceribus telum ; unde aliquando rebus suis malum morsque imminerat ; accingat se ad expugnationem , reuelâtque omnino scrupulum , ne is in saxum & molem ineluctabilem crescat.* Culpâ Ludouicus seriùs agnitâ, Dubri exercitus partem admouet, alteram tradit Niuernensi Comiti qui Vindeforium obsideret , castrum alterum quod Ioannis præsidio tenebatur. Verùm utrobique præfectorum fide & strenuitate, res Angli stetit, Franci vacillauit. Quippe Vindeforium cùm arctissimè premeretur, Ioannes ut Anglos nobiles ab obsidione auerteret, delectis copiis in eorum arces & municipia inuadit , agros diripiens , grassansque cædibus atque incendiis : illi ut hanc luem amolirentur, factâ spe Niuernensi Ioannis incauti intercipiendi, solutâ obsidione ad Ioannem aduolant ; at ille admonitus à Niuernense, ut creditur, quem haud temerè proditiõis inculant, euasit incolumis, votum assequutus , Vindeforij libertatem. Nec Dubris commodiorem exitum fortiebatur Etenim Huberti Præfecti admirabilis fortitudo Ludouicum totumque exercitum repellebat, ita ut Franci frequentissimâ clade imminuti, desperatâ oppugnatione , amotisque procul tentoriis , ad famem & lentam obsidionem confugerint ; extrema omnia comminante obsessis Principe , & castra in vrbs speciem conformante, ut iam non armis sed patientiâ pugnaretur. Inter has moras Angli sensim à Franco deficient : momentum ingens Vualo Pontificius Legatus, qui post Ludouicum in Angliam properans , & ad Ioannem Secedens , Ludouicum ipsum interdixerat sacris, Anglos proceres, ceterosque omnes , qui in Regem eum agnoscerent. Accessit Vicecomitis Melodunensis vera aut ficta confessio; qui ad mortem Londini decumbens , affirmauit Ludouicum statuisse Anglos nobiles, quorum

PHI-  
LIPPVS  
AVGV-  
STVS.

Du-  
brim  
obsidet.

PHI-  
LIPPVS  
AVGV  
STVS.  
*Ioannis  
mors.*

rum ope esset regnum assecutus, de medio tollere, ceu proditores, postquam imperium stabiliuisset. Deinde Ioannis mors præcipitauit nutantes animos, magno humanæ spei ludibrio; quid enim optatius Ludouico, quam æmulum tolli? porro inde noui regni naufragium. Ioannes iam impleto scelerum cumulo, omni crudelitate permissa militibus, quibus miserorum direptio pro stipendio foret, simul cum iis suo supplicio plexus est. Nynam amnem vado trans mittebat, plaustra & currus vehens refertissimos spoliis, in quos omnes opes è direptis templis congefserat; cum repente vado incerto, vel amne insurgente diuinitus, plaustra, currus, milites vno impetu euertuntur, vndisque nullo incolumi immerguntur; Pharaonicam stragem referentes, Ægyptiis iam sceleribus pares. Ioannes qui in ripa stabat, necdum se aquis permiserat, tantæ cladis molestiâ affectus, contrahit febrem, & voratis intemperanter malis perficis, morbo intenso, diem vltimum claudit. Quamquam alij venenum à Monacho Cisterciensi propinatum scribant, in vltionem vastati Cœnobij, ipso Monacho præbibente, & simul cum Ioanne inter cruciatus diros expirante: tantus vltionis furor, vel exitio suo fauientis.

XIII.  
*Henri-  
cus III.  
Rex  
An-  
glia.*

At Vualo strenuus minister Pontificis, plurimos Procerum atque Episcoporum Glouerniam conuocat, ad coronandum Henricum Ioannis demortui filium. Hic decennis puer, ætatē & miseriam commouebat Anglorum animos; quid enim in patre puer innoxius deliquisset? cur regno tot maioribus deducto spoliaretur? pœnas scelerum Ioannem dedisse, eiectum, extorrem, odiosum, & detestabilem omnibus; recipiat iura regius puer, nec culpam luat aliena nōxa. Sanè alienum Principem semper Anglis futurum incommodum, vniuersis Francis dignitates communicaturum;

tum

tum profanas tum sacras, vetus gentium odium restinguere non posse; male aptari corpori arcessitum caput. Hæc Legatus Pontificius postquam declamarat, in Ludouicum & sectatores instaurabat diras; diebus Dominicis, palam in templo, frequentissimò cœtu, contorto fulmine. Ita religione amorem in Principem promouente, plerique Nobiles Glouerniam conueniunt, & Henricum huius nominis III. nuncupant Regem; eumque post Sacramenta tum populo tum Pontifici præstita, custodiendum Guillelmo Pembrocij Comiti supremo regni Marescallo tradunt; penes quem esset armorum imperium, & depellendi Franci negotium. Verum Ludouicus acceptâ Ioannis morte, ratus prona omnia, imbellémque puerum flocci pendens, Londinum regni caput ne ab hostibus occuparetur illicò profecturus, Hubertum Præfectum de Dubri dedendâ appellat. Ioannem fato functum, qui de regno contendat superesse neminem: quid ipse suorum calamitates ultra prorogaret, nullo compendio, nulla fidei gloriâ? nam quæ fides hætenus fuerit, modo in rebellionem deficere; nec contumacia si se obfirmauerit spei aliud esse, præter supplicium atque patibulum. Tum promissorum illecebras si flecti se sineret adiungebat. Sed Hubertus fidelitate mirabili in spem & metum munitus, & inuictum testatus animum, respondit; sibi non Regem desore, dum superesset patri Henricus filius; hunc se Regem agnoscere, huic militare, nec arcem dum spirauerit animus ulli alij dediturum. Ita Ludouicus soluit obsidium, Londinúmque profectus, minora circùm castella occupat, non sine prælio multoque sanguine. Maximè ad Lincolniam Franci sanguinis multum est fusum. Vrbe captâ arci imminebant, vrgebantque admotis machinis, concussis Saxorum mole & impetu muris. Pembrocus ut urbem reciperet

PHI-  
LIPPVS  
AVGV-  
STVS.

Ludo-  
uicus  
Dubri  
absce-  
dit.

Cades  
an Lin-  
colniã.

PHI-  
LIPPVS  
AVGV-  
STVS.

peret castrumque seruaret, Henricianis omnibus conuocatis, vim militum instruxerat, aduentabatque ad præbendam opem. Aderat in Pembrocij castris Legatus, æstuque solito arma incendens, pridie expeditionis spectante exercitu Ludouicum diris iterum deuouet, suumque militem impertita noxarum venia, ad prælium vt ad bellum sacrum dimittit. Apparari subsidia Franci compererant, sed spreto hoste præfidentia solita securi agebant, cum cum adesse iamiam admoniti, diuiso munere partim ad portas vrbs interiori vallo se muniunt, partim ad arcem saxis obruendam sese expediunt. Angli similiter copias diuidunt; partem tradunt Falcasio qui in arcem vi penetret, partem ipse Pembrocus in urbem immittit. Vtrobique pugnatur acriter; quando Falcasio in arcem admissus, & cum præsidio prorumpente in urbem, Pembrocio simul effracta porta inuadente, vbique pugna, mox strages, tandem victoria. Nam Perticensi Comite Francorum Duce fortiter præliante inter primos cæso, Franci intercepti passim enecantur, paucis admodum fugâ liberatis. Ab eâ pugna res Francorum in deterius ruere, Angli ad Henricum transfugere, ciuitates atque provincie ipsum appellare, ac breui præter Londinum Anglia vniuersa deficere. Ludouicus quem animus in calamitate non deficiebat, à Philippo operiebatur subsidia, cum nuntio tristi percellitur. Instructam à Blancâ classem (quippe Pater ne Pontificem offenderet, bello Anglico abstinere se profitebatur) Eustachio Monacho commissam, Angli Procere nauali prælio profligauerant plane atque demerferant; iamque Pembrocus ingenti exercitu Londino minabatur obsidium. Præterea nuntij Romam missi à Ludouico testabantur, Pontificem vibraturum fulmen Ecclesiæ, nisi ab Anglia abscederet. Ideo Ludouicus aduersis omnibus, nomen pacis à

Vvalone

*Ludo-  
uicus  
ab An-  
glia ab-  
scedit.*

Vyalone iniectum admisit, & pax iurata, turpibus Franco conditionibus; qui regressus in Franciam, reportauit ab expeditione tantâ documentum, frustra seri regna in sterili solo hoc est alieno; nec facilè noua imperia sobolescere, cùm veterum radices animis hæserint. Hac pace aliquot annis Franci recreati, donec Philippus vitam impleuit, anno quinquagesimo nono; largâ pecuniâ in bellum sacrum & in pauperes legatâ; dictus Augustus, ob splendorem rerum & robur animi; idemque regni Propagator, quod Normannos Andegauos Turones Aruernos, & Aquitaniam multam partem regno comparasset; excelsis animi dotibus, tum belli tum pacis, supra maiores instructus; pronior ad iracundiam, & propositi, vel in prauum tenax; assiduus exercitus bellis; dignus quem circumstarent pericula, è quibus maior semper emerfit.

Ludouicus ob magnitudinem animi Leo dictus, iam natus triginta sex annos, inunctus Rhemis, regnum auspicatur, tranquillis omnibus, nullâ re præter Regem mutatâ. Nam optimus Princeps, aduersus patrem piissimus, & potestatis iam ante particeps, videbatur regnum prorogasse potius quàm incepiſſe. Tranquillitatem veterator callidus perturbauit. Balduinus Byzantinus Imperator, à Ioannizzo Bulgarorum Rege captus, coniectusque in vincula, crudelissimos inter cruciatus vitam posuerat: hæc fama constans: iamque Henricus frater Balduino successerat, regebátque Imperium cùm repente nouus Balduinus exurgit in Flandriâ. Hic primum latère, & paucis admodum innotescere; tum rumore glifcente, viuere Balduinum charissimum olim, concitato amore & desiderio, prodire è latebris, dare se pluribus, & narrare quæ contigerint sibi, aduersa & prospera. Iam ætate senior, plures enim intercesserant anni, quadam oris con-

formitate

PHILIPPVS  
AVGVSTVS.

*Philippi mors.*

Anno  
1223.

XIV.

*Ludouicus  
VIII.  
Rex.*

*Balduinus  
filius  
in Flandria.*

LV-  
 DOVI-  
 CVS  
 VIII.

formitate fallebat; sicque omnia compone-  
 bat ad verum, vt Flandris noui Principis cu-  
 pidis fucum facere procliue admodum fue-  
 rit. Quippe Ferdinando adhuc agente in  
 vinctis, spe tenui libertatis, ipsi muliebris  
 pertaxi imperij, in obiectam fraudem vltro  
 proruebant. Iam passim pagi, municipia at-  
 que ciuitates admittēbant Principem, & ca-  
 lamitosissimum senem miserati euehebant ad  
 solium. Ioanna Comitissa rumore percita;  
 hominem in colloquium vocat, ac fraudem  
 egregiè obregentem, precibus primū dein  
 minis agentem, appellantem naturam & iura  
 gentium, ipso naturæ ductu sub larua rete-  
 git, depellitque fallacem. Ille accusatā natæ  
 petidiā, omnia questibus miscet, tantūque  
 perficit fraudis textu, vt de patre admitten-  
 do, & expellendā ingratissimā filiā Flandri  
 agitent. Ioanna enim uerò cum patre orba,  
 cum marito vidua, & cum locupletissimo do-  
 minatu inops, ad Ludouicum supremum Do-  
 minum confugit, appellatque de fraude iu-  
 dicem. Prudentiæ negotium haud armorum  
 erat. Eamobrem Rex cum Legato Pontificio  
 & Proceribus Peronam profectus, veterato-  
 rem euocat, promissā incolumitate, ac Flan-  
 drensi imperio, si Balduinum se probet. Et  
 ille eò promouit audaciam, vt se Regi in con-  
 spectu Procerum sisteret; cui percontanti quæ  
 Balduinum haud quaquam laterent, cum  
 ignorancem obtegens, ad respondendum  
 moram flagitasset, fraude compertā saluus  
 emissus est; sed paulò post in Flandriā de-  
 prehensus, in furcam est actus; iusto doli  
 premio, nusquam his fraudibus diu fallen-  
 tibus. Quanquam Ioanna apud Flandros la-  
 borauit inuidiā, ceu parricidio cum scelus  
 plecteret perpetrato; sic agrè vulgi sensus  
 expugnatur, & ignaræ plebi error innatus est.  
 Ludouici prudentiam fortitudo excepit; hu-  
 ius materia Anglicum bellum. Philippo mor-  
 tuo,

*Ludo-  
 uici cū  
 Anglis  
 bellum.*

tu, Henricus Rex Angliæ, adolescentiâ ætate  
Matio incalescente, in spem venerat recuperandæ  
Normanniæ, ac ditionum quas Ioanni patri  
Philippus abstulerat; spei iuris speciem indubat,  
quod Ludouicus in legibus pacis sanctæ in Angliâ,  
eas prouincias se redditurum iurauerat, si quando  
regno potiretur. Quare Henricus de conditionibus  
Francum appellat, nec incertus responsi, exercitum  
parat, ad obtinenda vi quæ negarentur.  
Ludouicus de conditionibus compellatus, in eas  
primum ab Anglis peccatum affirmat; Anglos  
nobiles qui itetissent à partibus suis spoliatos  
vitâ aut facultatibus; addebâtque plurima in  
fœdus delicta, ut eiusmodi inuestiganti non  
desunt; sibi Anglus imputet, si leges violentur  
atque infringantur.

Eo responso bellicum insonat; primusque  
Sauarus Mauleonensis, in Pictonibus nobilis,  
spectatissimâ in Anglum fide, Pictonum vrbes  
Anglo adiungit. Ludouicus cum Henrico  
Imperatore ad Lotharingiæ fines colloquutus,  
ictoque fœdere, cum legionibus ad Pictones  
tendit; Sauarumque campis exclusum, Niorti  
quò refugerat obsidet; adeoque premit, ut  
is liberum egressum cum sarcinis pactus urbem  
tradiderit. Eodem impetu Angeriacum captum.  
Iamque in Pictonibus atque Santonibus vna  
Rupella supererat, etiam tum magni momenti  
emporium; quam Sauarus Anglo asserturus  
valido præsidio instruxerat, & præerat ipse,  
obstinatissimus propugnandi. Regis digna  
expeditio quam obiret; ideò omnibus machinis  
& militari totâ industriâ muri verberantur;  
quibus tandem cum ad extrema vrbs ageretur,  
Sauarus in Angliam misit, qui stipendia  
præsidariis poscerent; deiectos animos  
institurari posse pecuniâ; si repræsentetur,  
spem fore vrbs defendendæ, donec inuehantur  
nauali classe auxilia.

LV-  
DOVI-  
CVS  
VIII.

XV.

Sauari  
de  
Mauleon.

Indo-  
nicus.  
Rupel-  
lam ca-  
pit.



auxilia. Anglus auaritiæ incusans militem, LV- importuno icommate cupiditatem lusurus, DOVI- arcas plures mittit ad Sauarum, nummis vt CYS scribebat, refertas; vnde militi numeraretur VIII. stipendium. Iis referatis nulla pecunia, sed Saxorum ingens numerus coram spectatus est: quo intempestiuo ludibrio indignati milites Sauarum ad dedendam urbem adegerunt; sic hostium ope in munitissimum emporium Frâcus admissus. Sauarus ab Anglo in proditiōis crimen vocatus, admonitusque de imminente periculo, ad Francum transfugit, deinceps egregiè in eum fidelis. Almericus Touarsius ad partes regias similiter accessit; iamque Lemouices & Petrocorij abdicauerant Anglum, & ad Garumnam omnia Regi obsequebantur. Anglorum interuerterat opem Falcasius Betfordij Comes, qui suscitatus à Ludouico sic Angliam ciuili bello turbauerat, vt de Aquitaniâ cogitandâ tolleretur facultas. Verùm post illos motus oppressos, Henricus conuocatis comitiis, ad ditiones Gallicas récupèrandas ingenti pecuniâ designatâ, exercitum legit, traditque Ricardus fratri classe deducendum. Ille ad Burdigalam trecentis nauibus applicat, & Sanmacario primo impetu capto, Regulam stringit obsidione. Hic mora properanti obiecta, vrbs fortiter propugnata vim irruentium fregit; & imminēbat Ioannes Argentanus Franciæ Marefcallus, qui opem ferret. Ideò Ricardus cū nec urbem capere, nec honestè posset abscedere, fingit se Argentano occurrere, vt Duranij transitu arceret, & reuera soluit obsidium. Argentanus cū medius annis intercederet, vt hostem educeret, ipso spectante Limelium in Petrocoriis castrum capit, ac diripit; tum Bergeracum maioris momenti oppidum & ipso immoto expugnat. Ita Ricardus pertæsus molesti spectaculi, & conscius infirmitatis, impetratis in annum induciis,

*Et Anglosexpellit.*

*La Reoule.*

*Limel.*

induciis , classem in Angliam reuexit , vno dedecore opulentior.

Rebus ab Angliâ tranquillis, Honorius III. Pontifex Ludouicum per Legatum hortatur vti in Albigenſes bellum ſuſcipiat. Illi à Simonis Montfortij nece receptis viribus Duce Tolofano Volcas infecerant , & luc latius ſparsâ trans Rhodanum virus intulerant. Simoni Amalaricus filius ſucceſſerat , in ius quidem & pietatem, in exiſtimationem & fortitudinem haudquaquam ; (rara enim illarum opum hæreditas) ideò ius ſuum in Tolofanum Comitatum Regi donauerat , acceptâ Comeſtabilis dignitate , quam modò Mathæus Mommarancius geſſerat ; eratque iam ab temporibus illis honorifica , & poſt abrogatum magnum Senefcallum , auctoritatis plurimæ tum in domo regiâ , tum in bellicâ adminiſtratione. Ludouicum præter religionem & voluntatem Pontificis, incendebat cupido expungendi dedecoris ; nam iterum poſt Anglicum bellum, viuo etiamnum Philippo, exercitum duxerat in Tolofanum, & Tolosâ pluſculos dies obſeſſâ, reuerſus in Franciam erat, nullo operæ pretio præter vnus Marmandæ oppugnationem. Nouam itaque expeditionem indicit, & Anglo Pontificiis cenſuris ne quid moueret prohibito, magno Crucigerorum concurſu, adſcribit militem, quem ipſe duceret. Volcas petenti occurrebat Auenio , vrbs in Cauaribus patenti agrorum planitie , quam ſitu munitiſſimam omni opere Albigenſes communiuerant, erexerantque valiſſimum propugnaculum , quo Volcas tegerent & vltra Rhodanum hoſtem auerterent. Ergo in eam primus ruebatur bellantium impetus. Et gnari ciues diſcriminis, ad Regem miſerunt, qui profiterentur obſequium. Sed eo aduentante, concionabundi hæreticorum obſtinatiſſimi concitauerant in pertinaciam ciues : *Ludouicum religioni*

—  
Lv-

DOVI-  
CVS  
VIII.  
XVI.  
*Rex in  
Albi-  
genſes.*

*Conne-  
ſtable.*

*Auenio  
obſeſſa  
& ca-  
pta.*

—  
Lv-  
DOVI-  
CVS  
VIII.

religioni sua perinsum, deleturum omnes internecione, sacra ac profana omnia perditurum; certam spem in fortitudine positam, salutem omnium in singulis esse. Cur tam egregia munimenta, cur in propugnaculis impensa opera atque pecunia, cur tandiu ad oppugnationem se comparant; si armorum ad strepitum lucemque inanem gregum instar inermium se hostibus tradant? His permoti renuntiant Regi, vrbe admitti præter ipsum atque familiam nullum posse. At ipse deliberatus intromittendi exercitus, urbem circum sedet, omni que machinarum genere oppugnare aggreditur. Obsessi se tuentur intrepide, pluribusque irruptionibus fortissimos cadunt; in quibus Guido sancti Pauli Comes, generosissimus & bellicâ arte clarissimus, præter duo militum millia. Nihilo Secius urgebatur obsessio, iamque muris magnam partem labefactatis, ad extrema admoti hæretici urbem dedunt, admittuntque victorem. Rex ne indulgentia promoueret scelus, ducentos è nobilioribus abducit in obfides, seditione principes suspendio necat; pœna reliqua, quod clementiæ fuit, in Saxa & camenta effusa est; diruti muri, oppletæ fossæ, & trecentæ è sublimioribus domus euersæ sunt. Hoc vno facinore debellatum erat, nisi hyems proxima, & vulgati per exercitum morbi obstitissent: nam omnes Volcarum vrbes pœnâ exterritæ certatim obsequium suis cum clauibus victori Auenionem deferabant; vnâque supererat mali caput Tolosa; quæ se pabulorum inopiâ tuebatur; quippe Raymundus omnia circum corruperat, pratis etiam aratro vastatis. Dilata in sequentem annum prouincia; Præfecto exercitus Imberto Belliociensi Auenione relicto. Rex versus Parisios iter cepit: sed in mediâ viâ interceptus, Mompenserij quod castrum est in Aruernis, morbo pestilenti animam edidit; delibato

Regis  
mors.  
Anno  
1226.

delibato vitæ anno quadragesimo ; inter coniugis Blancæ amplexus & effusissimas lacrymas. Obsequentissimus filius, maritus amantissimus, & felicissimus pater : nam ad patris nutum vel ætate grandis se omninò hinxit, adamauit coniugem arctissimè , eique regni administrationem commisit, dum adoleret filius ; numerosam ab ea suscepit sobolem, & omnium instar Ludouicum : Roberto secundo genito legauit Artesiam, Alfonso Pictones atque Aruernos , Carolo Andegauos atque Canomanos, & virtuti ne quid deesset, conceptâ morte in religiosâ expeditione.

Blanca suscepto regimine in acerbissimo luctu , nec immemor filij dum maritum deflet , Ludouicum duodenos annos implentem Rhemis inungi curat & coronari. *Extemplo visa Proceribus noua res , regnare feminam , & fortissimis viris imperare : ab Hugone Capetio rem intentatam ; filios maturos regimini capeßiuisse imperium ; si adiutores tantisper habuerint , eos patruos próximosque affines, non è gynæceomulieres. Vnam primis annis Constantiam Roberti coniugem aspirasse ad regimen, sed abiectam illic ; & meritò , qua ambitione omnia perderet. Non aliud expectandum à Blanca. Hæc Procerum animis sensim innasce ; mox radices agere atque erumpere , vbi Blanca suo nutu atque arbitrio gerebat omnia ; illis nihil impertiebat pecuniæ, aut ditionis, regiminis quantum libuisset. Maximè omnium Petrus Britannicæ Dux acerbissimum animi sensum testabatur ; huic Ludouicus pater quædam castella commiserat ; ea reposcebat Blanca , adeò noua non largiebatur ; sic conspiratio breui coannitente coaluit. Principes recensentur, Robertus Britanni frater Comes Drocensis, Theobaldus Campaniæ Comes, Enguerrandus Coucyus ; gemini Hugones, alter Marchiæ Comes, alter sancti Pauli ; Comites Pon-*

—  
Lv  
DOVI  
CVS  
SAN  
CTVS.

XVII.

Ludo  
uicus  
San  
ctus  
Rex.

De Con  
cy  
De Pon  
thieu

——— tinienſis & Niuernenſis, & quem primum  
 LV- appellare oportuit, Philippus Bononienſis.  
 DOVI- Comes, Regis patruus, in quem reiectâ Blan-  
 CVS câ conferendî regiminis inibatur conſilium.  
 SAN- In eandem ſpem vocati erant, Comites Tolo-  
 CTVS. ſanus & Phocenſis Prouinciæ. Primus om-  
 De Pro- nium re nondum maturâ Tolofanus erupit:  
 hence. ille Raymundus huius nominis VII. & po-  
 Ray- ſtremus, qui iam ab Monfortio variam belli  
 mun- expertus aleam, nunc ab obitu Ludouici To-  
 dus To- loſâ egreſſus, ceu fractis repagulis graſſaba-  
 loſanus tur, occupato caſtro Saraceno. Blanca in pri-  
 à Blan- mordiis datura ſpecimen ſui, gnara vim famæ  
 câ ſub- à principiis naſci; lecta ſubſidia mittit Im-  
 alius. berto Belliiocenſi Dynaſtæ, ( ſunt Belliiocen-  
 ſes Burgundos inter & Lugdunenſes ) qui-  
 bus ille auctus Volcas aggreditur, Raymundo  
 imminet, ac Te Tolofam recipientem cingit  
 obſidio. Iſtud ampliarum vrbiũ fatum eſt, vt  
 amplitudine ſuâ corruant, tótque hoſtes ſæpe  
 includant quot ciues, maximè cùm alimenta  
 deficiunt. Ciue & milite referta Tolofa, fru-  
 menti inopiâ laborabat, incuriâ Principis, pa-  
 rum trepidantis qui bellum inferret. Modò  
 cùm immineat fames, & defectionem ciuium  
 mêtuat, legem accipit à victore, iurátque in  
 Anno conditiones, ſibi deterrimas, Franco quam  
 1227. optimas. Earum potiffimæ; vt Regi in ſum-  
 ptus pecuniam daret, ditionem traderet quæ  
 trans Rhodanum eſſet; Hæreticos defereret,  
 pœnis afficeret, ac Hæreſim ipſe eiuraret;  
 Ioannam filiam quam ſuſceperat vnicam,  
 daret nubendam Alfonſo fratri Regis, atque  
 in dotem Tolofanum Comitatum; qui regno  
 annecteretur, ſi coniuges nullis liberis vitâ  
 excederent. Vt promiſſa iſta, ita perfectâ ſunt.  
 Abdicauit Raymundus hæreſim, nudus caput,  
 pedes & brachia; inſtituta Tolofæ vniuerſi-  
 tas ſtudiorum ad litteras propagandas, & In-  
 quiſitio ad hæreſim reuellandam. Reginæ  
 Ioanna adhuc tenerâ dùm adoleſceret tra-  
 dita,

data, & Raymundus ipse Parisiis turri Lupara inclusus, dum cetera implerentur. Trincauellus Biterrensis Comes accessit victoriæ, qui tumultuari ausus, breui compressus, legem admisit. Ita ductu feminæ difficillimum bellum conclusum est, quod plures annos plurimosque duces tenuerat; adeo infirmæ sunt mortalium vires, & Augustis & Monfortiis vna mulier prætet. Coniuratio Procerum hoc successu adeo non intepuit, ut efferbuerit maximè. Marchiæ Comes intonabat omnium auribus, exacerbans dolorem animi. *Quandiu uni femina obtemperabimus viri? præstolamur ut nos in gynæceum ableget, pensa distribuat, & ad colum agat, qui arma nescimus? Nos fortasse orti ex Francis illis fortissimis, qui Regum imperia vix patiebantur, quibus obsequij merces erat ipsum imperium, qui regebant quæ gererent, tam Principum socij quam ministri, & in consilia euocati prius quam in castra scilicet nos è vulgo promiscui, plebei nos atque ignobiles, in nexum nati atque seruitutem? At cui femina præstamus obsequium? nempe Hispana atque extranea; qua maiorum mores vel nescit vel spernit: qua genio sua gentis res nostras contaminat; qua maternâ stirpe ad Angliam spectat: ut posteri nos præclarissimos habeant, dignosque unde originem ducant, qui rerum fastigio imposuerimus feminam, peregrina stirpis atque inimicæ. At si auos & posteros negligimus, nostra nobis ratio flocci erit? Tolosanum respicite, cogitate qua misero inter vincula mens sit, quis animus; perpendite imperium, copiam, delicias, libertatem, in seruitutem, inopiam, carcerem & vincula defecisse: hac vobis imminet, hac stant in foribus; nec putatote, superbissimam feminam quieturam unquam, dum emineat aliquid, quod metum ipsi vel suspicionem iniiciat. Eiusmodi plura Marchiæ*

—  
Lv-  
DOVI-  
CVS  
SAN-  
CTVS.

Coniu-  
ratio  
Proce-  
rum.

Comes ; spe omnium tacità, si quisque admi-  
 LV- nistrationis partem capefferet.  
 DOVI- Ea consilia Regina solertissima femina  
 CVS cum aperuisset, irrita vt faceret, industriam  
 SAN- primùm, tum vim adhibuit. Ferdinandum  
 CTVS. Flandriæ Comitem, diutino carcere macera-  
 XVIIl tum, vinculis soluit, gratiæ & dignitati resti-  
 BANC: tuit: ille oppositus coniurantibus clypeus;  
 distra- nam fama, peritia, socij, animus in eo paria, &  
 hist. om. præter memoriam beneficij vindictæ cupidi-  
 tates summa erat. Nam Petrus Britannæ Dux  
 iura: os. conatum omnem intenderat, vt soluto cum  
 Ferdinando coniugio, Ioannam Flandriæ Do-  
 minam vxorem haberet; nec ipsa Ioanna,  
 pertæsa solitudinis, repugnabat; nisi Blanca  
 obstitisset, Britanni magnitudinem suum  
 damnum rata. Erecto propugnaculo, clam ho-  
 stem aggreditur. Philippus Regis patruus Ca-  
 letum in Comitatu Bononiensi, pagum adhuc  
 vno portu commodum, cingebat mœnibus &  
 munimentis, vt receptum haberet tutum con-  
 iurantibus, & excipiendo Anglo posticum;  
 eius animum Regina suspicionibus implicat;  
 socios fraudi esse, inire clam ipso consilia, &  
 constituisse, postquam ipsius nomine amouis-  
 sent Reginam, Enguerrando Coucyo regimen  
 tradere? quibus suspicionibus solerter inie-  
 ctis, sic Philippus permotus est, vt repudiata  
 coniuratione, se Blancæ addixerit, odio in so-  
 cios capitali. Expugnato Philippo, Theobal-  
 dum Campaniæ Comitem, opibus & cliente-  
 lis præualidum, nouo telo adoritur. Erat illà  
 pulcritudine formæ conspicuâ, quæ necdum  
 ætatis anno quadragesimo defloruerat, tantà  
 venustate, lepore, & elegantia sermonis con-  
 iunctâ, vt efficacissimis oris illecebris perua-  
 deret in omnium animos, ac persuasos in om-  
 nem partem inflecteret. Eius amore diu fla-  
 grauérat Theobaldus, in sinu dum viueret  
 Ludouicus, paulò apertius solutâ Blancâ &  
 liberâ; sed acerbius ab castissimâ feminâ ha-  
 bitus,

bitus, indignans ad coniuratos accesserat, amore operto potius quàm extincto. Ut eundem in regni commodum suscitaret, Regina excipere hominem blandiùs, alloqui suauius, allicere oculis, & testari beneuolentiam; tum inflammatum & coniectum in spem nuptiarum, auellere ab sociis, & in regis partes traducere; quippe castissima femina non putauit vel leui culpâ in pudorem delinquere, si cum insano iuxta insaniam ageret, & naturæ donis publicum scelus auerteret. His munita præsidiiis arma in reliquos parat, contractoque exercitu suspectos in iudicium vocat. Illi cum abnuerent se Parisiis sistere, vbi Ferdinandus & inimici ceteri præpollerent; designatum est ad ius dicendum Vindocinum; quam illi urbem vtrò admiserunt, spe insidiarum, quibus Rex intercipi posset, & gubernaculum ipsi arriperent. Iam Ludouicus se in viam dederat, & Montem Ericum peruenerat, cum renuntiatur equitatum Stampis & Corbelij collocatum, quo circumclusus abduceretur. Eo loci hærens rescribit ad matrem, de periculo monet, & quid facto opus sit consultat. Blanca in amantissimi nati discrimine, Parisienses quod auxilium proximum vocat, & optimates in conclaue admissos profusa in lacrymas sic hortatur. *Arcessiui vos in lacrymarum solatium, & opportunum calamitati subsidium; Ludouicum colendissimum Regem coniurati armato milite Monte-Erici obsident; tentatum flagitium non patratum; vestrum est optimi ciues intercedere, & patrandum nefas excludere. Quid vos moror pluribus? Rex captiuus propemodum, implorat Parisiensium opem, sperat illorum fide se ereptum iri, hanc unam flagitat, hac se pascit, hac nititur, huic uni salutem commendatam cupit. Si post vota Regis, amantissimique Principis, dolorem meum lacrymasque consulis, si afflictissima matri attenditis; en fletus,*

LV-  
DOVI-  
CVS  
SAN-  
CVS.

Monte-  
leherj.

Estampes Cor-  
beil.

Regina  
oratio.



LV-  
DOVI-  
CVS  
SAN-  
CTVS.

*en mœrorem perspicitis, en calamitatis tristissimum metum ; obtestor vos per eas lacrymas, per non aspectabilem doloris aculeum , malo occurrere, Regemque supplicem è manibus hostium vindicare.* Hoc sermone Parisienses incensi , arma expediunt , numerofo agmine ad Regem conuolant, reducunt saluum Parisios , optatissimùmque matri restitunt. Sic irritæ coniuratis insidiæ , nec aperta vis processit commodius.

XIX.  
Et alios  
vincit.

Illà primùm in Theobaldum Campanum erupit. Eum coniurati versari in Aulâ passi hactenus erant , vt exploraret Reginæ consilia, ipsîsque propalaret ; at Reginæ fidus quæ animo voluerent indicabat, & patefactos dolos opprimebat ; quid enim Amor non euoluat & explicet ; Re perspectâ conspirantes vt hominem à Regina abducerent , spem faciunt Yoïandæ in vxorem ducendæ, quæ sola Petro Britanno in liberis erat, & vorabat hâmm incautus , cùm Regina rem discutit , & coniectu oculi Amantem in nexum restituit. Tum coniuratis excitatum odium & vindictæ flamma in Campanum : & commodè is acceptâ contumeliâ ab Roberto Regis fratre, tantùm non puero , quod amorem aperiret imprudentiùs, in Campaniam secesserat, cùm geminato telo à Coniuratis impetitur. Primùm Cypri Reginam Alisiam arcessiuit ; ea Henrici Campaniæ Comitis filia, quem à liberalitate Largum dixerunt , post Amalarico Cypri Regi nupta , hereditario iure reposcebat Campaniam, excludebâtque Theobaldum patrum secundò genitum ; quando in Franciâ Dynastiæ omnes, regno excepto, admitterent imperium feminarum. Præterea ius armis promoturi, in Campaniam penetrant Duces Burgundiæ & Britanniæ, foederatis adiunctis ; diuersis que itineribus, vastatâ latè regione , Trecas conueniunt, Comitis sedem, urbemque tanto impetu adoriuntur , vt vnâ Ioinuillij

Coniurati in  
Campaniam.

Ioinuillij fortitudine tantisper seruata fit. In extremis erat, cū Rex adoleſcens ducto exercitu in ſalutem Campani aduolat: ca prima expeditio Regis, & fortiffimi animi inuiſiſque in cæteris præiudiciū. Caſtra poſuerant fœderati in aperto pratorum æquore, implebantque tentoria effuſam planitiem, vallo circū ac ſoſſā munitam; cū Rex adueniens ad expugnanda caſtra ſe comparat. Illi percuſi tam forti propoſito, ad Regem mittunt, qui obſecrarent ne in prælium iret; ſe in Regem ſuum bella non gerere; nuſquam in regnum arma expedire, multò minus in Principem; ſe ius vnius feminæ propugnare, quod cū æquiſſimum foret, iuſta eſſe arma quæ id defenderent. Ad ea Ludouicus reponit; ſe veniſſe in opem ſocij & clientis, obiecturum in diſcrimen vitam vt ſalvus ſit: quod ad feminam ſpectat, de iure ſuo apud Iudicem agat; ſe conſtitutum ſubditis à Deo arbitrum, ſi appelletur, ex iuſtitia rem diſceptaturum. Poſt id dictum rem vrget, nec vllam pacis mentionem admittit, dum fœderati in Campania agerent; iis depulſis Reginam Cypriam audit, damnatque patrum in quorſdam annuos redditus, ac pecuniam in itineris ſumptus; Sanciens inter arma iuſtitiam, & æquitatem tumultui bellico conferens. Blanca interea non oblita ſolertia, à Campano egente pecuniæ vt nepti ſuæ faceret ſatis, emerat ditiones Bleſenſem, Carnutenſem, Sanceram, & alia oppida, & coniurationis detexto ſubtegmine, pleroſque à trunco auulſerat, hoc eſt à Britannia Duce. Nam Comites Caſtilionius & Pontinienſis ad ipſam conceſſerant; Drocenſis expugnabatur muneribus, Marchia Comes ſpe regia affinitatis, quam Blanca oſtentabat, Comitis filiâ ab Alſonſo ducendâ: ita Britannus abſcedentibus ſociis ſolus deſeritur, iam aptior recipiendo metui quàm iniiciendo. Igitur in

—  
Lv-  
DOVI-  
CVS  
SAN-  
CTVS.  
*A hege  
pellun-  
tur.*

Anno  
1223.

*Britan-  
nia  
Dux in  
officiū  
reda-  
ctus.*

angustiis deprehensus, Henricum appellat  
 LV- Angliæ Regem, dum acerba hyems Francos  
 DOVI- amoueret. At Ludouicus per sæuitiam frigó-  
 CVS- ris ducto exercitu, urbem Andegauum rectâ  
 SAN- tendit, quam Anglis creptam Ludouicus pa-  
 CTVS- ter Britanno concesserat; eâque in potesta-  
 tem redactâ, Bellemium arcem inexpugnabi-  
 lem creditam, muro perfracto, deditam acci-  
 pit. Ea inter discussa hyems erat, & Henricus  
*Pellef-* magno exercitu in Britanniam applicans, ex-  
*me.* ceptus Nannetis; Rege operiente ad Britan-  
 niæ fines quò se impetus verteret. Verùm  
 bullæ instar, is breui crepuit atque euanuit.  
 Quippe Angli Proceres in conuiuia & lusum  
 effusi, præeunte Henrico, nullâ belli memo-  
 riâ, ceu ad nuptias non in aciem euocati, die  
 noctesque ablumebant potationibus; donec  
 dilapidatâ pecuniâ & omni militari instru-  
 mento, nobiles ganeones reuecti sunt in An-  
 gliam, vorato quantum licuit hospite; totâ  
 expeditione in aluum congestâ. Petrus desti-  
 tutus apprecante fratre impetrauit inducias,  
 & postmodum ope Anglorum iterum euanes-  
 cente; superbîâ & arrogantîâ positis, clien-  
 telam Ludouico Andegauæ professus est. Et  
*Petrus* ille Petrus est, quem Britanni sui *Maucler*,  
*Mau-* hoc est malum seu imperitum Clericum nun-  
*cler.* cupant; non quod Regi clientelam iuraue-  
 rit; præstabat enim Franciæ feudatarium  
 quàm Normanniæ esse; sed quia litteris ap-  
 primè eruditus, & Iuris tum ciuilis tum Ca-  
 nonici peritissimus, cum Britannis Ecclesia-  
 sticis diu disceptauerit, & in eos doctrinâ  
 nempe ipsorum armis pugnaverit. Sic Blanca  
 coniurationem grauissimam depulit ac dissi-  
 pauit; solertiam & pulcritudinem, quæ mu-  
 lierum tela, conferens in compendium regni:  
 adèò imbecillitati & suum robur est; nec colus  
*Pinier.* fusûsve vna est fors femina. Quanquam Blan-  
*stas re-* cæ industria in Scholasticis Parisiensibus mul-  
*nocata.* tùm laborauit; qui ab ciuibz malè affecti  
 cum

cùm vrbe abscederent , perirétque Vniuersitas litterarum parens ; fuit contendendum vt reuocarentur ; studiosis ægerrimè pacatis ; vt ingenij vsus liberrimus est , & Musarum cultus à vi abhorret.

Inter has turbas adolescebat Rex, iámque regni administratione susceptâ , ætatis anno vicefimo , de posteris cogitauit. Raimundo Berengario Prouinciæ Phocensis Comiti quatuor virgines liberi erant, mares nulli : Margaritam natu maximam , institutam eximiè , præclarámque virtutibus, Rex vxorem ducit: par enimuerò clarissimum , ac dignum in quod cælum omnibus donis deplueret. Tum Rex fratribus parauit coniuges; Roberto Comiti Artesio Matildim filium Brabantix Ducis, Alfonso Ioannam Tolosanam , iam antè desponsam , Pictauiensi Comitatu in Ducatum erecto. Hæc omnia Blanca arbitrio gerebantur ; quæ regimen deposuerat quidem, sed in optimo filio stabiliuerat inconcussum imperium. Statim ex Alphonsi nuptiis difficillimum bellum erupit. Ioanne Rege Angliæ mortuo , Hugo Marchiæ Comes eius viduam Isabellam Inculisimensem in matrimonium duxerat ; superbiâ & fastu regio dote præcipuâ. Quippe mulier assueta imperio, quanquam ad minorem traducta coniugem, Reginx titulum apparatus & speciem præferebat ; nec vxor, erat se matrem oblita, cui liberi essent Henricus Rex Angliæ, & Isabella Friderico Imperatori enupta. Et maritus dignus cui Regina nuberet, è gente Lusitanâ, quæ Cypro & Ierosolymæ stirpes Regum ab extremâ Galliâ in Orientetem longè propagasset. Accedebat Isabellam inter & Blancam , iam conceptum ab Ludouici & Ioannis bello priuatum odium ; morúmque diuersitas, cùm hinc plura vitia , hinc virtutes omnes elucerent. Quid quod Alfonsi coniugium contemptum & contumeliam infe-

LV.  
DOVI-  
CVS  
SAN-  
CTVS.

X X.

*Regis  
cum  
Mar-  
garitâ  
coniugium.*

Anno

1224.

*Conte  
de Pro-  
vence.*

*Bellum  
cum  
Mar-  
chiæ  
Comite  
& Rege  
Angliæ*

*De Lu-  
signam.*

LV-  
DOVI-  
CVS  
SAN-  
CTVS.  
Isabel-  
la ora-  
tio.

rebat; abruptâ spe Comiti elocandæ filiæ cum Alfonso; & iniunctâ necessitate clientelam apud eum ipsum profitendi, quam Comes vni deberi Regi affirmabat. Tot causis exacerbantibus animam feminæ; his illa vocibus Hugonem coniugem increpat. *Vides nos ludibrio esse, & iactari contumeliam nostram omnium verbis. Affinitatis regia conceperas spem, & merueras quidem; & id Blanca sanctè promiserat; nunc fallente spe, & illis promissis, Hispana mulier Tolosanam antetulit; hoc est nobilissima virgini Valdensem hæreticam, sapius ab Catholicorum cœtu segregatam. Nempe hac iniuriâ me affectam Hispana voluit, & veteres inimicitias tuo damno persequitur. Breui spectabimus raptam illam ab hæresis face, imminere capitibus nostris, iugum imponere, legem ferre; & ego qua nupsi Regibus, qua Reges peperî, coram Orbis retrimento & lutulentâ feminâ genuflectam? Id auertat Deus, cuius maxime nutu sceptrum tracto: nam adhuc in Henrico filio Angliam moderor, in Isabellâ filiâ compos sum Germania; nec me ita mei oderint liberi, ut vilissima femina subiectam velint & supplicem. Quare si tibi seruitutis animus & mancipij est; ad nexum, ad ignominiam propera; mihi statutum est, vel in extremam Angliam fugere, vel hic ad ultimum spiritum depugnare, donec contumeliam grauem depulero. Nec me vel Pictones vel Angli desererent, ducamque ordines femina, latente viro, & turpitudinis labem sustinente. His accensa verbis indignatio Comitis, & deliberatum inter coniuges bellum; cui Guido Lusiniæ Comes adiunctus est; plurèque nobiles, ac missi ad Henricum Legati, qui excitarent in opem matris filium, Regemque ad recipiendas prouincias inflammarent. Ista dum clanculum promouentur, Ludouicus cum aulico comitatu agebat Picta-*

Ludo-  
uicus  
adit  
pericu-  
lum.

uij, adducto Alfonso, qui Procerum clientele  
lam admitteret; cum renuntiatur Comitem  
Marchiæ legere militem, & multis sociis bel-  
lum apparare. Inermis propemodum & im-  
paratus ad vim repellendam, periculum in-  
dustriâ atque ingenio declinauit. Ad Mar-  
chiæ Comitem vltro se contulit, honorificè  
inuisurus in speciem, metu dissimulato, be-  
neuolentiam prætulit; tantumque perfecit,  
quâ pollicitis, quâ in superbam feminam  
blandimentis, ut è Pictonibus saluus euase-  
rit, magnis itineribus se Parisios statim reci-  
piens. Hinc periculi memor, & fratri Picto-  
nes asserturus, cum valido exercitu versus Li-  
gerim properat. Hugo fœderatis adiunctis,  
ut Regem procul distineret, Vastiniam inua-  
serat, & munitas arces Gotofredo Lusini-  
ano tuendas tradiderat. Primus Regis impetus  
in eum inuectus, captæque arces, præsertim  
Nouentum, quo se Gotofredus incluserat,  
non incruentâ dimicatione. Tunc Rex tran-  
sito Ligeri irrumpit in Pictones, inuisurus  
hostem an hospitem nouo apparatu.

Regis celeritas Isabellam in furorem egit:  
illa in Ioannis scholâ erudita flagitiis, perdi-  
tissimos adornat homines, qui venenum Re-  
gi obicerent; iique deprehensi sunt, dum  
puluerem venenatum cibus inspergerent, &  
confessi crimen in patibulum acti. Quin ru-  
more sparso sicarios à vesanâ feminâ immis-  
sos, qui incautum Regem perimerent, ad cu-  
stodiam eius designati sunt armati milites,  
quem multò maximè non aspectabiles An-  
gelis tuebantur. Ille nihilo secius progredi-  
tur inter pericula, & Fontenæo copias ad-  
mouet. In hanc urbem Comes dum Angli  
expectantur, & infringatur impetus Regius,  
strenuissimos miserat, duce filio, fortissimo  
iuuene. At Ludouicus obsidionis lentæ im-  
patiens, impressionem in urbem imperat;  
primâ Franci repulsi, & Alfonsus saxo latus;

—  
Lv-  
DOVI-  
CVS  
SAN-  
CTVS.

*Le Ga-  
stinois.*

XXI.  
Rex  
Veneno  
tentatus,

—  
Lv-  
DOVI-  
CVS  
SAN-  
CTVS.

*b* Tale-  
urgū  
e xpu-  
gnat.  
Taille-  
bourg.

alterâ Rege ipso pugnante, vrbs capta & di-  
repta, in æstu victoriæ milites cæsi, & templis  
exceptis ædificia diruta. Interea Henricus  
ab Angliâ exercitum transportauerat, & Co-  
miti adiunctus, postquam matrem consalu-  
tauit, & ingentibus promissis crexit, Tale-  
burgum se contulit, munitissimam urbem  
vnde bellum, prout ferret commodum admi-  
nistraret. Taleburgum ad Carentonum am-  
nem positum est; nunc mutato vt credibile  
sit, si tunc trans amnem fuerit, quod euin-  
cit Historia, quod cis fluuium modò inspici-  
tur. Ad oppidum amnis ponte iungebatur,  
quo vno ad urbem patebat aditus, cætera flu-  
uius aquis torrentibus & profundis, præal-  
tis ripis & munitis arte defendebat, muni-  
menta Anglo prætexente; ponti imminebat  
arx, quâ tecti milites atque inoffensi hostem  
propellerent. Hoc gemino munimento tum  
naturæ tum artis exclusus Rex, ab animo &  
fortitudine aditum conficit. Extemplo pon-  
tem oppugnari iubet, primūque agmen im-  
mittit; subito impetu vallum in fronte pon-  
tis erectum euertitur, & in ipsum pontem  
inuaditur: verū postquam miles in arcto  
conclusus est, patuitque telis & sagittis, quas  
ab arce & fluuij ripis hostes effundebant;  
tunc regressus impetus, plures cæsi, plurimi  
saucij, quique supererant perturbatissimè re-  
cesserunt. Ludouicus verbo parcens, suos  
castigaturus exemplo, non ignarus periculi,  
hastile vibrans, sociis octo Equitibus, quos  
ad latera interpretaliandum semper admitte-  
bat; primus omnium in pontem irrumpit, &  
statim munimentum in medio ponte obie-  
ctum expugnat; tum vltra progressus sub den-  
sissimo telorum hostilium imbre decursa  
ponte ad arcem euadit. Enimuerò in magno  
salutis discrimine; quippe spissi hostes, non  
missilibus modò, sed hastis, contis, clauis &  
gladiis, propius inuecti; eò audacius, quod

vnu

vnus propemodum in plures pugnaret, cum omni parte tundunt & verberant. Ille tot inter ictus intrepidus, quâ clypeo impetum retundebat, quâ gladio promptissimum quemque feriebat, nam hastam iam hostes infregerant, immotusque periculo vnus densissimam aciem propulsabat. Etenim numero tandem obruitur, iamque socij equites deficiebant, cum Franci milites Regis descriptione in furorem acti, desperanter in omnem prouunt; & natatu in oppositam euadentes ripam, per aquas, per tela, per munitiones, per hostes, ad Regem penetrant; animisque aucti tam forti spectaculo, trepidationem hosti, mox effusam fugam iniiciunt. Henricus à fugientibus raptus peruenit Santonas; eoque ardore insequuti sunt Franci, ut plerique promiscuè urbem ingressi, errorem non cauerint, donec ab hoste iam securo prælii capti sunt. Scio hanc pugnam à Parisio Anglo scriptore aliter narrari; sed ideò non est quod Ioinuillio fidem derogemus, Regis coætaneo, cui pro nobili & antiquâ prosapia veritas maximè in amore fuit. Ludouicus post victoriam Santonas aduolat, paraturus oppugnationem. Verùm Anglus iam collegerat vasa; nam nocte quæ pugnam excepit, Henricus simulans se in Francos palantes victoriâ prorumpere, urbe eduxit suos, viâque oppositâ magnâ celeritate Blauiam aufugit, & Burdegalam inde conscensus nauibus, deserto vitrico, abiectâque spe quam in Anglia ceperat eluendæ paternæ infamiæ. Regem vrbes ceteræ ad Dutanium admiserunt; Proceres omnes appellauerunt clementiam Regis; ac Marchiæ Comes ad eandem confugit nullâ amplius spe belli instaurandi. Dictæ victo leges, & castris ereptis pluribus ablata occasio rebellandi; præterea Alfonso clientelam præstitit; vxoris superbiam mirum in modum depressâ; furore & sceleribus frustra

LV-  
DOVI-  
CVS  
SAN-  
CTVS.

Anno  
1242.

Xain-  
tes.

Blaye.

tentatis,



LV.  
DOVI-  
CVS  
SAN-  
CTVS.  
XXII.

Rex so-  
cero in  
Tolosa-  
num  
anxi-  
liatur.

Frider-  
icus  
Regi  
in sen-  
sus.

tentatis, vindictâ, quam non patrauerat, in se receptâ. Anglo flagitanti concessâ induciâ. Regi ad bellum nouum facultas permissa; quod tamen auctoritate potius quàm armis gestum est.

Nam quod pro vitrico Anglus præstiterat, modo idem Francus pro Berengario præstat, & ipso socero. Ille nempe à Raimundo Tolosano bello vexatus, & fermè à ditione depulsus, generi opem supplex implorabat. Porro huius motus causa altius retexenda est, quoniam ad Regis dignitatem confert. Fridericus Imperator Ænobarbi ex Henrico filio nepos, auo similis in Pontificibus impugnandis, ab iisdem Ecclesiâ atque Imperio erat interdictus. Istius cum retineret possessionem, Gregorius IX. Pontifex Ludouicum Regem vocauerat in subsidium; quod vt impetraret commodius, Roberto Regis fratri Imperium obtulerat, Friderico impio rapiendum. Id tamen Rex generoso animo recusasset; haud iustum esse affirmans, Principem Christianum nullâ belli causâ throno deicere; & Roberto fore splendidius, quod frater Regi Franciæ esset, quam dignitatem nemo eriperet, quàm si diceretur Imperator, quod à mortalium penderet arbitrio: tamen Fridericus exinde Regi semper infensus, (quod improborum est eos odisse, vnde poëna timetur scelerum) molestiam quantum licuerat non desinebat facessere. Nam colloqui cum eo Valcolorij expetiuerat, ea mente vt incautum interciperet, nisi Rex magno comitatu facultatem sceleris excussisset; & bellum palàm non ausus inferre, Tolosanum incitabat, subministratâ pecuniâ, vt quoquomodo Regem perturbaret. Ideò dum ille bello Anglico distinctus, eundem Tolosanum impulerat, vt Berengario Phocensis Proinciæ Comiti, vexato à subditis arma inferret; ita persequutus geminum odium, & in Regem,

Regem, afflicto socero, & in ipsum socerum, quem clientem Imperij, additum tamen Pontifici, multò peius quàm Regem oderat. Berengario cum Phocensibus subditis diu bellum erat, Massiliensibus præsertim iugum detrectantibus; & anno præterito Tolosanus Berengarium iuuerat; nam cognati erant; & Dominorum interest, in obsequio esse qui subiiciuntur; nunc mutatâ mente Friderici impulsu, opem præbet Phocensibus, cognatum impetit, & annitentibus Massiliensibus, ciecto Comiti subrogatur. Rex tempestiuè Anglico bello confecto, Berengario venturus in subsidium, copias instruit, & versus Prouinciam ducit. Tolosanus perterritus victoris aduentu, derelictis Phocensibus & nouo dominatu, Tolosam secedit. Ita Regi obtemperant omnia; restituitur in ditionem Berengarius; datur Fuxiensi Comiti, vt in posterum vni Regi clientelam iuret, quod à Tolosano defecisset omnium primus; ipsi Tolosano ob filiam factum ignoscitur. Hactenus auctoritas rem confecit; mox pugnatum solerti prudentiâ, Etenim Berengarius restitutus imperio, cum Massiliensibus parum se traderet; nec odio quo eum subditi prosequeretur vllum finem speraret, maluit ab eis secedere; quàm alere tumultus fomitem; ita ad Amedæum Sabaudiz Comitem diuertit, cuius sororem in coniugium duxerat; abductâque filia Beatrice, tranquillum exilium prætulit turbulento imperio. Ex his quas susceperat, filias Beatrix quartò & vltimò genita destinabatur; hæres opulenta; nam pater sororibus pecuniam in dotem largitus, huic charissimæ Phocensem Prouinciam designabat. Tolosanus huius prædæ appetens, patri profugo reconciliatus, filiam in coniugem impetrauerat; vna morâ dispensationis à Pontifice obtinendæ ob affinitatem, Regi ea res nuntiata, & perspecta quan-

—  
Lv-  
DOVI-  
CVS  
SAN-  
CTVS.

*Beren-  
garius  
restitu-  
tus.*

*Filiam  
dat nu-  
bendam.  
Carolo*

tum

LV-  
DOVI-  
CVS  
SAN-  
CTVS.

tum sibi obesset, mentem mouit obturbandi coniugij. Nam Tolosanus ob hæresim suspectus admodum, si tantâ ditione vires intenderet, augeretur nocendi facultas, promptâ semper & paratissimâ voluntate; si verò liberos susciperet, turbarentur pacta cum Alfonso, & Ioannæ nuptæ eriperetur hæreditas. Ideò Rex cum Pontifice egit, ne cognationis vinculum solueretur; ac vt in fontem occluderet, à Berengario Beatricem fratri Carolo impetrat; nuptiâsque conficit, Phocensibus in dotem promissis; quos & obtinuit, Berengario paulò post vitam amittente. Carolo in patrimonium Andegavi & Cœnomani concessi: isque est à quo Regni Neapolis origo profluxit; Ludouici laude amplissimâ, qui fratrum commoda sua ratus, inaccessus inuidiæ, infirmitate alienâ non fulciebatur; in se nactus vnde regiæ dignitati sufficeret.

XXIII

Ludo-  
nici  
sancti-  
144.

Pacem regno partam Sanciendis legibus Rex constituebat, inducebâtque quantum poterat probitatem morum, expulsis histriionibus & Comœdis, luxu represso, & pœnis in publica vitia promulgatis. Sed idem gnarus, viam præceptorum sterilem esse, exemplo doceri efficacissimè, vitam suam instituit speculum morum atque sanctitatis, vt quando ipse omnibus ad spectaculum propositus foret, omnes in se inspicerent vitæ normam & morum regulam. Verùm Rex sanctissimus sibi adeò in hac asperitate indulgit, vt assiduâ afflictationibus corporis; quod ieiuniis & verberationibus infringebat, & attentis meditationibus, quibus animum intendebat curâ indefessâ, in grauissimum morbum inciderit, & deploratus à Medicis ingenti omnium luctu & dolore, ad leti fauces admotus sit. Iam conclamatus, admirabilitate magnâ reuocatur ad vitam, receptâque cum sensibus voce, iubet illicò Crucem ad se deferri, & audiente

diente Parisiensi Episcopo vouet in loca sancta expeditionem. Diu sanctum bellum volebat animo, & stimulante fortitudinem pietate, ardebat sibi & religioni incumbere. Desiderium incenderat Innocentius IV. in Concilio Lugdunensi primo, quo Fridericus diris afflatus est, & Christiani Principes, Ludouicus potissimum, incitati ad Palæstinam liberandam. Et verò acerbissimæ calamitates illam obruebant. Sultanus Saracenorum Princeps Sede imperij in Ægypto fixâ, vberimâ illâ prouinciâ, latè in Arabiâ, Palæstinâ, & Syriâ dominabatur. Nuper Barbacanus Corofmiorum in Perside tyrannus à Tartarorum Chamo depulsus, à Saphadino Sultano Ægyptio Palæstinam & Syriam perdomandas obtinuerat: (nam ab Gualterio Briennensi & Proceribus Cypriis, tum Ierosolymatum castra plurima tenebantur:) & strenuè bello functus, expugnauerat Ierosolymam, capto Gualterio; Palæstinam totam subegerat, Cypriosque munitis locis exegerat. Digna omninò Ludouico prouincia. Conuocatis Procerum Comitibus, propositoque consilio, plurimos sanctæ militiæ socios habuit: Præsules haud paucos; Gilbertum Rhemensem, Philippum Bituricensem, Robertum Bellouacensem, Garnerium Laudunensem, & Guillelmum Aurelianensem; in Proceribus, fratres Robertum Alphonsum & Carolum; Guillelmum Flandriæ Comitem, Arcembaldum Borbonium; Hugones sancti Pauli & Marchiæ Comites; aliosque nobiliores Equites. Scoti etiam plerique adiuncti. Quin & Margarita Regis vxor, fratrûmque coniuges, seu affectu ductæ, seu religione, ablegatis Aulæ deliciis, se ærumnosæ viæ dederunt socias. Omnibus summâ diligentiam comparatis, Lugduni Pontificem Innocentium Rex salutauerat, & impertitus benedictione Massiliam aduenerat, inde soluturus. Hic postremum vale colendissimæ

LV-  
DOVI-  
CVS  
SAN-  
CTVS.  
*Vous  
belum  
sacrum*

*Gau-  
tier de  
Briënt.*

—  
 LV-  
 DOVI-  
 CVS  
 SAN-  
 CTVS.

Anno  
 1248.  
*Cyprum*  
*venit.*

simæ matri Blanca dixit; quæ complexa charissimum supra quàm dici potest filium, auelli ab eo solo animi deliquio potuit; quasi animâ in amantissimum natum transeunte, & vitam abdicante, quæ absente filio mors futura esset. Illi procuratio regni à Rege tradita, & institutio liberorum; ut ipsâ præsentē, non videretur abscessisse Rex integer. Soluentem Massiliâ nauigatio prospera in Cyprum detulit, Insulam ad expeditiones sacras opportunam, tum instaurandis viribus, tum comœatu vberissimo deportando. Henricus è Guidone Lusiniāno primo Rege ortus, patre Amalarico, tenebat insulam, ac Ludouici sumptibus ingentem copiam cibariorum parauerat, vini præcipuè & frumenti, quorum in agris acruatim cumuli spectabantur. Exceptus Rex Francus summâ lætitiâ, morasque diutius traxit, fratrem Alfonsum opperiens; quem Raymundi soceri obitus in Franciâ distinuerat, dum Occitanix res componeret. Mora ea Cypriis peperit commodum, Francis damnum. Nam hi pestilentia afflicti, sextâ parte imminuti sunt; illi cum partibus laborarent, distraherentur inter Præsules Latinum & Græcum, & ciuilis discordia immineret, grassans incendium Rex oppressit, pacemque inter Præsules conciliauit, Latino in officium reuocato. Per id etiam tempus oratores Chami Tartari Regem conuenerunt, beneuolentiæ testandæ gratiâ, & iungendi cum eo fœderis, ad Sultānum Ægyptium profligandum; quippe Tartarus nuper Christi cultum imbuerat, Saracénorum hostem se professus; munera hinc inde donata, nullo legationis effectū: siue Chamo distracto ad alia, siue calamitate nostrâ mutato. Interea mors Saphadini Ægyptij, belli propositum immutauit; etenim cum in Palæstinam arma collinarent, ad Ierosolymam recipiendam; cuius coronam Alisia Regis Cyprij mater acceperat, iamque antè

antè in Syriam cum exercitu venerat; Sultani interitu visa est Ægyptus bello commodior, speratisque successibus. In ea, morte Principis incerta omnia & titubantiâ; Sultani filium longè abesse; dum Satrapæ inter se dissentiunt, occupari posse discordes, & truncum inermem detractio capite, vinci haud ægrè. Sanè ab Ægypto vt Palæstinis mala profluxissent, sic posse dimanare solatium; in radice arboris ramos & folia simul tolli. Quare Damiatam munitissima & opulentissima Ægypti ciuitas in primum impetum designata. Quo constituto Ludouicus Henrico Comite mille ostingentis nauibus è Cypro soluit, peruigilio Pentecostes, tranquillo mari serenoque cælo. Sed illicò procella coorta dissipauit classem ac disiecit; vt ad Limesli caput, qui in eadem Insulâ pagus est, Rex lustratis nauigiis compererit disiecta plurima, duobus Equitum millibus desideratis: nihilominus tenuit cursum institutum, & in viâ receptis Principe Peloponnesi & Burgundiæ Duce, qui hyemem traduxerant in Syriâ, Damiatam nauigatione faustâ inuectus est.

Est Damiatam, quæ an Pelusium veterum non fatis liquet, in secundo Nili ostio posita, aliquot à Mediterraneo milliariis, ingens ciuitas, opulenta diuitiis, & commoditate sitûs præualida; longitudine quàm latitudine amplior, Nili aquis tota propemodum communitur; nam quâ longitudo porrigitur amnis præterfluit; latera quibus in latum patet idem amnis alluit in fossas admissus, circumseptus geminâ loricâ mœnium; cætera vrbs pars triplici murorum ambitu cingitur; sed in agri planitie munitissimo; ad voluptatem totus circum ager in hortos diuisus, Nili beneficio spissis arboribus opacatur. Fluuij alueum quâ decurrit ingens turris ex cocto latere defendebat; è qua prodibant catenæ ferreæ ad vrbs muros in oppositâ parte annexæ, vnde nauigla

LV-  
DOVI-  
CVS  
SAN-  
CTVS.

XXIV.  
Rex ca-  
pit Da-  
miam.

—  
 LV-  
 DOVI-  
 CVS  
 SAN-  
 CTVS.  
 Anno  
 1299.

gia portu arcerentur & coërcerentur. Nunc Saraceni Christianorum exploratâ classe magno numero equites peditesque portum obvallant, egregieque dispositi impenetrabilem aciem stantes obiciunt. Ad illorum conspectum Francorum ardor intepuit, pluribusque videbatur præstolandum, disiectæ naues donec adueniant, iunctisque viribus irruant plures. At secus Regi visum est, moram omnem generositate animi abrumpente; *nihil ipsis cunctatione periculosius; nullum esse locum in quo sistant, nullum figendis anchoris portum; si procella rursus exurgat, si naues agitet, quod asylum, quem receptum in proximo fore, in quem confugiant? hac prolatione erectum iri hostium animos suorum infra-ctum; sibi constitutum ad Damiatam exscendere, per ipsam quam spectabant hostium aciem, perque portum tam accuratè occlusum, ad muros urbis captamque urbem eua-dere.* Simul exscensionem indicit in diem posterum. Sole illucescente ad tubarum sonitum expeditur classis; verùm cum ob malaciam se loco naues mouere non possent, in lembos & minora nauigia Rex cæterique inscendunt; tum ad littus inuesti propius, cum necdum ad solum applicarentur, Rex imposcunctationis primus omnium in vndas prosil-lit, quibus humerorum tenus immersus est, & scuto dependente ceruicibus, minaxque gladio refulgente, pergit ad hostem intrepidus. Protinus Henricus Cypri Rex, alique Proceres & Tribuni exemplo Regis aquis infunduntur: vnóque impetu ad littus pro-ruunt. Rex exceptis hostium iaculis, Francis imperat lanceas solo infigerent, quas valli instar aduolanti hosti prætenderent: nam sex equitum millia proruebant, qui hoc hasti-lium claustro repressi, mox pauore quodam conterriti, vertunt terga, rapiuntque in fugam peditem, portu inuadentibus libero. Sultanus  
 nuper

nuper electus tunc aberat, agebátque animam morbo an veneno. Portum tenentibus vrbs expugnanda supererat, illibatis munitio-  
 bus; cùm nouus timor propugnantium in-  
 fregit animos. Dum illi inclusi mœnibus de repellendo hoste deliberant, ecce lamentabili spectaculo deterrentur. Mulieres è suis progressæ domibus ad Curiam aduolant, & infantem quæque læuâ præferentes, dextrâ pugionem, minantur patribus necem libero-  
 rum, nisi vrbe extemplo excedant, & salutem omnium præstent; *cunctantibus imminere famem, seruitutem, ignominiam, vim pudoris, cadémque infantium; malle se vno ictu fœtus perimere, quàm vorare belluarum instar, vel permittere furori hostium, nam ad se quod spectat, non defuturum ferrum, quo pereant.* Hæc ore iactabant, simul pugiones tenellorum faucibus admonebant. Hoc spectaculo emolliti patres, cùm nihil de Principe renuntiaretur, se vxorum insanix dedunt, & pretiosissimis rebus secum deportatis, nocte concubiâ cum liberis & coniugibus in proximos montes diffugiunt, immis-  
 sis in ædes ignibus, vt prædam & testâ hosti præriperent; an testati ignauiam, qui patriam quam tueri nollent incenderent. Fulgore ignium Francos excitante, primùm fraudis aut stratagematis inuasit suspicio; dein clarâ die missus est Comes Artesiæ qui rem exploraret. Ille cum milite postquam ad murum illæsus euasit, portam perfregit, ingressusque spectauit solitudinem vrbs atque incendium; renuntiauit victoriam; tunc ignes restincti, direptumque prædæ quod superfluit flammis. Rex nouâ in urbem pompâ inuectus est; institutâ Christianâ supplicatione, quâ Cruce prælatâ incedebat ipse humili habitu, aperto capite, nudisque pedibus, religioni non victoriæ litans; oblitusque se Regem, vt Christianum meminisset. Captâ nullo sanguine muni-

—  
 LV-  
 DOVI-  
 CVS  
 SAN-  
 CTVS.

tissimâ



— LV—  
DOVI—  
CVS  
SAN—  
CTVS.

*Damiatā  
vincē-  
tium  
vitia.*

tissimā ciuitate, consultatum est quid agendum foret. Placuit operiri, dum Alfonsus Pictauiensis conuocatos ē Franciā Nobiles castris adiungeret, qui soluisse iam Massiliā dicebatur; vt totis viribus hostem impeterent, vincerentque facilius. Perniciosum consilium, quo instauratæ Saracenorum res, datumque spatium resurgendi, qui primo illo terrore opprimi poterant: tuncque indulta Francis vitiorum commoditas, in mala bonis haud rarò traductis. Nam Proceres in voluptates statim immergi; luxu, conuiujs, scortationibus bona absumere atque prodigere; Tribuni & milites in libidinem omnem sese effundere; corrumpere virgines quas deinde prostituunt; ac fuisse nullum Barbaris vitium quod Christiani non obeant; quasi ædes & tecta hospiti turpitudinem inspirarent. Piissimus Rex postquam edictis, propositis pœnis, curā, & exemplo, æstum libidinis coercere non potuit, iubet militem inauspicatā vrbe abscedere, & in castris subtentorio degere; simul ipse quod imperat præstat. Verum nec eā industriā refractus impetus aut refrænatus; imò occasio nouo flagitio præbita: cum enim milites, consumptis stipendijs, annonā quam dissipauerant laborarent; diripiebant ij mercatores, qui in castra frumentum & alimenta inueherent; ita augebatur penuria, & fames ingruebat, mercatorum absentia; iamque frustra latrocinia erant, cum nihil rapientibus præberetur; adeò in bello nihil pace ac tranquillitate molestius.

XXV. *Ludonici  
prima  
ad  
Masso-  
ram  
pugna.*

Iis incommodis laborantes Alphonsus erexit, qui sub Octobris finem adueniens, aduxit milites & commeatum. Statutum illicò vt ad expugnandam Ægyptiam Babylonem, quæ Cairus est duceretur exercitus. Inter superiores moras Saraceni, dū Sultani filius expectatur, quem in Orientem dimiserat Pater, Secedinum bellatorum fortissimum regno præse

præfecerant : ille arcessitis ab Syriâ & Arabiâ copiis, ad alterum Nili ramum infederat, hostem trāsitu prohibiturus. Ludouicus incomperito vado, transitione frustra tentatâ, instituit in amne medio molem erigere , quâ in alteram ripam deductâ, sicco per vndas exercitum transportaret. Secedinus comperto consilio, omnem contra conatum intendere ne perficeretur ; operas telis & sagittis conficere , machinis prouoluere saxa ingentia, Græcosque ignes iaculari , quibus obrueretur solum, incenderentur ligna & arbores, & ingratus labor disturbaretur. Sic abrupta moles, & transitûs spes : cùm Beduinus (ij Arabes inter Saracenos Hæretici , tum ipsis tum Christianis infensi, vt. lucri fert opportunitas ) Regi pecuniam pacto vadum amnis monstrat. Eo Francorum primi postquam in oppositam ripam proruperunt, obuios fundunt, tantoque impetu persequuntur, vt per urbem Massoram simul cum fugientibus rapti , interuallo longo decurrerint. Agmen ducebat Robertus Artesiæ Comes Regis frater ; fortissimo animo, sed audace & viribus præfidente. Hic dum regreditur ouans victoriâ , iter inconsultò per Massoram instituit. At Massorenses recepto ex trepidatione animo, nouum pugnandi genus vsurpabant; nam apertis portis, aditûque permisso , vicos & compita impedimentis obstruxerant ; tum è fenestris, proiecturis ædium, planisque tectorum atriis, vim tantam Saxorum , telorum, imbrum , trabiûmque projiciunt, vt subiectos Francos mactauerint ; nempe trecentos Equites, totidemque Templarios, ipsûmque Artesium Regis fratrem; & Rodolphum Coucyum , toto orbe gestis & fortitudine celeberrimum iustâ temeritatis poenâ, quæ abusa magnitudine animi , se in cæca pericula induit ; sat partum gloriæ rata , si pereat. In ærea Saracenorum exercitus in transmittentes

—  
Lv-  
DOVI-  
CVS  
SAN-  
CTVS.

*Roberti  
Artesi  
auda-  
cia &  
cades.*

*Raoul  
de Cou-  
cy.*

——— tes Francos euocatus, solutis ingressos vadum ordinibus, plures trucidabat; donec  
 LV- Franci superato anne conscripserunt agminis  
 DOVI- formam; tunc diuicatum acerrimè, & præ-  
 CVS- bitus fortitudini locus. Spectati in paucis  
 SAN- Carolus Dux Andegauorum, Imbertus Bel-  
 CIVS. lijocensis Franciæ Comestabilis, Maluesinus,  
 & Ioinuillius; sed spectabilis maximè vir-  
 tus Regis, cui præ cæteris labor pugnae &  
 victoriæ laus adscripta. Præfulgebat galeâ  
 aureâ, coruscante dextrâ acinace, & supra to-  
 tum agmen supereminens humeris, tum clau-  
 uâ tum ferro hostes obtruncabat. Dixisses ro-  
 bur inditum cœlitus; committebat se in spif-  
 sissimam aciem, quò vincebant hostes aduo-  
 labat, nutantes Francos ope instaurabat; oc-  
 currebat in diuersissimis locis, & vbique præ-  
 sens confidentiam suis, terrorem hostibus in-  
 ferebat. Semel illum sex è Saracenis inclu-  
 serant, iâmque freno abducebant equum,  
 cùm is ense fulmineo viam aperuit, his de-  
 pulsus, illis trucidatis. Tot facinoribus in-  
 uenta victoriâ; & postquam Secedinus im-  
 perator hostium cæsus est, ipsi fugati sunt, oc-  
 cupata castra, & rapta spolia; quòdque Fran-  
 cis gratissimum fuit, ingentes illæ machinæ,  
 & pyrobolarix fabricæ victoribus cesserunt.  
 Ea iactura Saracenos plurimùm afficiebat;  
 ipsâque nocte irruerunt in castra, vt recipe-  
 rent machinas, sed repulsi fortiter nouâ igno-  
 miniâ primam cumularunt. Nec ideò ani-  
 mum aut spem abiecerunt; sed duce in de-  
 mortui locum suffecto, ad nouum prælium  
 instruunt vires. Ille vt arte iam inflamma-  
 tos accenderet, detractum Roberto Artesio  
 sagum militare, (nam victores rapuerant spo-  
 lia) sicut erat auro & margaritis illudum, in  
 concione ostentat, affirmatque ereptum Re-  
 gi interempto; *Trepidare iam Christianos  
 fugâque instruere; totum illorum robur in  
 Rege positum; verè ipsum caput fuisse, quo  
 reciso,*

Rex  
 pugnas.

Altera  
 Regi  
 pugna.

*reciso, corpus reliquum, vitâ & animâ de-*  
*stitutum, in cadauer efflueret. Quare irruant*  
*fortes, castra & spolia sua recipiant, & ne-*  
*cem sociorum ulciscantur in peremptoribus.*  
Rex de consilio per speculatores admonitus,  
aciem vniuersam in octo agmina distribuit,  
præter turmam quam ipse duceret. Sic per ea  
pugnatum fortunâ variâ. Primo agmine Ca-  
rolus frater Saracenorum impetum tulit, ac  
vacillabat sub onere, nisi Regis ope recreatis  
incumbens viribus, tandem peruicisset. Pari  
exitu Guido Crimelinus & Balduinus frater,  
qui secundum agmen ducebant; Guido Ca-  
stillionius, qui tertium; Maluesinus & Flan-  
drensis Comes, qui quintum & sextum, Sa-  
racenos perfringunt, & in fugam pellunt. In  
quarto septimo & octauo aduersam sortem  
Franci experti sunt. Siquidem Sonnatus Tem-  
plariorum Magister, qui quartum agmen ex  
Equitibus suis conflauerat, altero oculo in  
transitu amnis orbatus, nunc vitam amittit,  
suis internecone deletis. Nec felicior Ios-  
ferandus Ranconius, cui septimum agmen  
commissum, ob partam gloriam bellique pe-  
ritiam; qui tricesies septies victor initis præ-  
liis; nunc deserente fortunâ victus est, cæ-  
susque grandinantibus ictibus. Alphonsum  
Pictauiensem, quem postrema acies seque-  
batur, calamitas afflixit, propè par; nam in-  
terfectis in agmine suo fortissimis, abduce-  
batur ab hostibus, cùm fortè laniorum &  
mercatorum turbâ occurrente creptus est;  
ratis hostibus, sepositos in pugnam milites,  
victisque facilius quod se victoriæ securos  
crederent. Nihilominus victoria penes Re-  
gem fuit; post acerrimam triun. horarum  
dimicationem, terga vertunt hostes, perse-  
quente victore, & ingentem stragem infe-  
rente. Eratque debellatum hac palmâ, si  
Franci institissent, perculsis Ægyptiis tum  
clade tum metu, & passuris iugum quod im-

*Ios-*  
*ferand*  
*de Ran-*  
*con.*

— poneretur. Sed quoties malum id deplorabunt Annales, & victorem Annibalem in Francis exscribent!

LV- Omnia hætenus magnâ fortitudine & felicitate pari processerant, nunc temeritas & imprudentia calamitatem arcessent ac infortunium. Ea primùm ex superbiâ orta & arrogantiâ; cum duces geminatam victoriam sibi adscribunt Deique atque humanarum rerum immemores, se inuictos prædicant, hostem spernunt, & pietatis obliti, in deliciis & voluptates turpes reuoluuntur. Animagaduertit luem piissimus Princeps, admonebatque identidem sibi ut cauerent. *Quid agimus, commilitones charissimi? deturpamus victoriam factis; cõne vicimus, ut in Deum auctorem victoriæ delinquamus? ea gratiarum actio, id beneficij monumentum, ut maleficia & iniurias rependamus? Nimirum hæc nostris armis, nostris viribus parta victoriæ? non Deo auctore & promotore quaesita est? Præstabat vinci, profligari, & cadi in acie, quam criminibus victores pollui; intemerati & integri caderemus; nunc scelerum noxarumque pleni supersumus, Deo infensi, diuinaque Iustitiæ scopus atque materia.* Hæc vniuersis & singulis Ludouicus, sed voluptas altiùs in animos penetrauerat, quàm vt auelli verbis & monitis posset. Mox superbia negligentiam peperit; quasi mediâ in Franciâ tranquillè agerent. Latè agros insternebant cadauera, ea cum tumulare vel vire oportuisset, labori ut parceretur, in proximum Nilum coniecta sunt; quo vno facto gemina pestis enata est. Cadauera secundo amne in pontem deuecta, primò quædam linitibus adhæserunt; tum nouis accedentibus emerferunt ex aquis, mox nouum pontem ad ligneum crexerunt; dein putrescentia æstu solis, ærem proximum tetræ vaporibus corruperunt. Rex deprehensâ re ferrius,

*Causa  
calamitatis  
Francorum.*

*Superbia,*

*Negligentia;*

*Morbi.*

rius, per conductas operas expediuit amnem pontemque, cadaueribus euolutis, & in profluentem eiectis quæ Saracenorum forent, quæ Christianorum sepulchro conditis. Verum in iis tractandis & permouendis, tantus erupit foetor, tanta contagio, vt nullus euaserit contrectantium, quin lue vitam amiserit; & præter operas haud pauci accesserant, vt affines amicisve dignoscerent, & Christiano officio fungerentur. Dein perniciēs altera ex iisdem cadaueribus Francos inuasit. Cum enim quadragesimale ieiunium esset, piscibusque milites vescerentur, ex alimento pestis incubuit; quippe pisces diu esca è cadaueribus raptâ, & vorati ipsi intemperantius, toxicum immedicabile fuere vorantibus; crura ad tibiam exarescebant, cutis nigrescentibus maculis veneni indicibus pungebatur; os vlcere foetido putrescebat; adnascebatur caro gingiuis quæ cibum arceret; postremâque calamitas, fluens naribus sanguis proximam mortem significabat. Accedebat fames tantis incommodis, hoste inualecente, & commeatus intercipiente, vt exercitui præter virus & pestilentiam alimentum non esset. Eas ob res Ludovicus cum Melexala de pace agi patiebatur; is Sultani demortui filius, redux è Perside, vt gratum habuit compellari se de pace, ita in spem debellandi actus, abruptæ paci bellum antetulit. Rex ne hæreret in Libitinæ sacrario, versus Damiatam recessum indicit; & ægrotos nauigiis imponens, adiuncto præsidio, qui secundo amne deferrentur, ipse ponte ultra amnem reduxit exercitum. Et in eo peccatum præfectorum socordiâ, seu præcipiti metu; cum præfestinantes neglexerint pontem abrumpere, vt à Rege imperatum erat; patuitque persequentibus via quæ recedentibus. Ergo Saraceni in postremum agmen inuecti, clamore incondito magnoque impetu,

Ly-  
DOVI-  
CVS  
SAN-  
CTVS.

Rex in  
recessu  
pugnato

morbis & fame inualidos adurgent. Gual-  
 terius Castillionius Eques fortissimus postre-  
 mam aciem, Rex primam ducebat; qui tu-  
 multu percepto pugnantium, quanquam æger  
 valetudine & absumptus curis, è primâ in po-  
 stremam aciem reuolans, immistisq; pu-  
 gnantibus, dextrâ & voce firmaturus; suos  
 Eia, inquit, Franci; eia Christiani; macti  
 animis milites; ecce me charissimis vobis  
 paratum commori; Eram incolumis primâ  
 in acie, salutem abieci, vt quemlibet vestrum  
 morti eripiam; certum est vos meo corpore  
 regere, prestabo saluos, aut vitam impendam  
 quanquam spes salutis est atque victoria; &  
 idem Deus est per quem ter vicimus, hostes  
 iidem quos vitimus; Dei ope tuti ruamus in  
 prælium; is obtendet scutum impenetrabile,  
 & in exhaustas vires dextris sufficiet. Simul  
 irruebat in Barbaros, obuiosque mactabat,  
 Verùm obrutus turbâ periisset, iam circa ex-  
 sis passim Nobilibus; nisi duorum Equitum  
 præclaro & immortalis facinore raptus neci  
 foret. Godofredus Serginius primus Regem  
 textit obiecto corpore, exceptisque hostium  
 telis; ipsum æstu labore & ægritudine deiec-  
 tum, Caresium in proximum vicum ad re-  
 cipiendas vires abduxit. Alter Gualterius  
 Castillionius, vt Regi tutum præstaret rece-  
 ptum, viam quâ erat arctior occupat, vnus-  
 que innumeris Barbarorum telis oppositus,  
 dum vita superest irruentes arcet; illi eminus  
 telis sagittisque, hastis clauis & gladiis co-  
 minus premunt atque impellunt; hic loco  
 immotus infigitur, & accedentibus funestus  
 identidem, sagittis tandem confossus, &  
 cruore mille vulneribus erumpente, animam  
 egit in iisdem viâ angustis; & hostibus iter  
 etiamnum mortuus præpediuit. Dignus quem  
 Francia Græco Leonida, & Horatio Roma-  
 no comparat; nec eo infelicior, cum vitam  
 posuit; quippe honesta mors, summa vitæ  
 felicitas.

Gode-  
 froy de  
 Sergio-  
 nes.

Gau-  
 tier de  
 Cha-  
 rles.

Rex ca-  
 pitur.  
 Anno  
 1249.

felicitas. Tunc Saraceni perfracto obice Car-  
relium irrumpentes Regem capiunt, eiusque  
fratres Alphonsum & Carolum; & præcone  
quodam temerè proclamante, iussisse Regem  
vt arma ponerent, plures qui adhuc fortiter  
depugnabant, armis abiectis, dedidere se vin-  
culis; nec fors nauigiorum commodior, quæ  
in Sultani naues inciderunt; ægris occisis, sa-  
nis in seruitutem seruatis: vt è victore nu-  
per exercitu, ducibusque fortissimis, nemo  
vnus nisi ad vincula superesset; ita citò hu-  
mana gloriâ deflorescit, & captiuitatis ea-  
dem est quæ triumphî materia.

Perditas res sustentabat quadantenus vna  
Damiata, quam Margarita Regis vxor tene-  
bat; eratque spes tum vrbe reddendâ, tum  
soluendâ pecunia, quam immensam Regina  
custodiebat, captiuos nobiles redimi posse ab  
hostibus. At spem sua calamitas deturbabat.  
Vrbis præsidium ex Genuensibus & Pisanis  
cōstabat, qui auditâ clade, extemplò abscede-  
re, sua committere nauibus, seque fugâ eri-  
pere, metu impellente constituunt. Tam præ-  
cipiti fugâ patebat vrbs Barbaris, pecunia re-  
gia, Reginquæ ipsa prædæ erant. Nec eam  
proprius dolor patiebatur publicæ rei inten-  
dere; nam præter acerbissimum sensum ex  
Regis vinculis & exercitus clade, imminen-  
te partu vexata cruciatibus, iacebat in lectu-  
lo, & ægra corpore simul animoque; infir-  
mum erat nutantibus rebus præsidium. At-  
tamen, quæ in femina admirabilis fortitudo,  
dolores habuit in potestate, & aduertens sa-  
lutis cardinem in Damiatâ seruandâ posi-  
tum, Præfectos præsidij ad se euocauit, le-  
ctumque circumstantes breui hac oratione  
affata est. Regem, sponsum colendissimum,  
Proceresque captos audiistis. Ita est, Tribuni  
fortissimi; nos hac Deus calamitate afflictos  
voluit. Quamquam superest naufragantibus  
anchora, & nisi animus simul cum re concii-

LV-  
DOVI-  
CVS  
SAN-  
CTVS.

XX  
VII.  
Mar-  
garita  
Da-  
miatâ  
seruat.

Mar-  
garita  
oratio.



—  
LV-  
DOVI-  
CVS  
SAN-  
CTVS.

dit, est quod fortuna vulnus percuremus. Dam-  
miata superest integra, muri supersunt &  
propugnacula, erecta sunt validissima muni-  
menta, & nisi nos socordiâ nostrâ deficiamus,  
tegunt etiamnum, & propellunt impetum ho-  
stium. Imo salutem Regis Procerumque consti-  
tuant; & pretium tot illustrium capitum muri  
representant. Attamen trepidare militem au-  
dio, & fugam instruere; quasi præter urbem  
ulla spes superet, & occurrat navigijs salus,  
quam intra munimenta reliquerint. Qua  
malum illa amentia, & præposterum salutis  
studium, deserere instructissimam civitatem,  
arma proijcere, ac in ipsam mortem irruere?  
quasi Sultani naues non impleuerint Nilum,  
non occupauerint ostia, non obsederint mare;  
aut aliud sit hostium votum, quàm nos dese-  
rere munimenta, metum concipere, fugam  
apparare, & in perniciem certam incurrere?  
Ego femina, & natura mollitudine ad timo-  
rem facta, hic attamen persto, gnara timori  
nihil securitate commodius, & periculum  
quod ultro arcessitur, ineptè metui Potui ad  
nuntium cladis, prima omnium, deportatâ  
mecum pecuniâ, naui aufugere; potui vos  
turbatissimis rebus deserere; nisi spes in reti-  
nenda urbe affulsisset, & vestris animis plus  
inesse roboris credidissem quàm nauibus. Qua-  
re per acerbissimum dolorem apprecor, per ani-  
mi corporisque dictos cruciatus, per vinceti  
Regis proximam libertatem, erigite militum  
animos, instaurate ad defensionem urbis tu-  
tissima; portas claudant, stent intra muni-  
tiones, tueantur se propugnaculis, muros ho-  
sti obijciant; imò somnum securi capiant, sat  
ad vincendum si se incluserint. Vobis porro  
qua gloria, quis fama splendor, qua nominis  
apud posteros dignitas, cùm Regem Francie  
raptum è vinculis, regno restitutum; cùm  
tot Proceres è telo seruatos, vestra fortitudini  
debebit Europa; cùm vos grauissimam for-  
ta un

tuna noxam emendabit animi robore, laudem aternam consequuturi in posteris. Ita Regina Præfectos adhortata; vt excusationem omnem abscinderet, promisit se suppeditaturam quidquid annonæ militum opus foret, & largituram Præfectis quantum, reposcerent. Sic pudore metum profligante, Præfecti ad custodiam vrbis persuasi. Præbuitque tam largè Regina quod promiserat, vt impensæ in præsidium factæ trecenta sexaginta librarum millia exhauserint; cum quadringentis millibus capti redempti sint; Præfectis æquâ parte cum Barbaris thesauros regios diuidentibus. Sed prudentissima mulier haud parcebat pecuniæ; lucrum rata eam perdere, quæ Regem seruaret. Filium in ea calamitatum serie peperit, quem Tristanum quasi luctus & tristitiæ partum appellauit. Regem interea calamitas erigebat, & quamuis victum, eripiebat victoriæ. Primò satis humaniter habitus est, dum valetudinem recipit; deinde barbarè & crudeliter; tormenta interminante Sultano, quibus constantiam viri infringeret; & Rex immotus, admirationem virtutis peperit. Quam auxit ingenuo contemptu pecuniæ; cum enim Sultanus in pretium redemptionis Damiatam urbem & quingenta librarum millia à Rege posceret; ille de tanto pretio haud quaquam litigans, cum vltro conditionem admitteret; demiratus Sultanus in captiuo liberalitatem, & reputans eum supra humana esse quem cupiditas auri non vinceret, nec ipse vinci omninò voluit; *Per Mahometum*, inquit, *verè Francus summus est, at cum existimauit dedecere amplitudinem suam de tanto pretio litigare, ego quintam partem illi remitto.* Quod & præstitit. Adeò suus virtuti triumphus est, & augustissima inter vincula dignitas: ite auari, & pecuniæ parcite, quæ virtutis in manibus largitionibus crescit. Hoc

LV-  
DOVI-  
CVS  
SAN-  
CTVS.

Regi  
constā-  
tia &  
virtu-  
tesca.  
tera.

—  
 LV-  
 DOVI-  
 OVS  
 SAN-  
 CTVS.

*Sultani  
 eades.*

*Rex li-  
 beratur*

pretio fœdus contractum est, quo Franci nobiles redimerentur; nec pretium libertati suæ constitui Rex ullum passus est, affirmans supra omne pretium Regem Franciæ esse. Ad libertatem comparatis omnibus, Sultani eades prima consilia perturbavit. Ille Emiris hostis est Satrapis suis inuisus, quod eorum munera novis hominibus impertiret, eorumdem coniuratione, alligatis criminibus Mammalucis, securitate summâ perimitur: captiuo in vinculis tuto, dum victor in solio trucidatur; tam incerta rerum humanarum est series. Hac mutatione euersum iri fœdus videbatur, quomodo enim Emiri Sultani starent arbitrio, quem è viuis modò sustulerant? tamen nihilominus rapti admirabilitate virtutum, Regi imperium deferrebant; & hæc sententia valuisset, nisi religioni suæ pertimerent. Ita instauratum fœdus, iurata in decennium inducitur; Rexque cum Proceribus liberatus, Alphonso fratre in obsidem dato: præbitumque à Rege specimen geminum, tum religionis, tum in barbaros fidei. Nam in iurandâ pace, cum Saraceni per execranda Sacramenta fidem adstrinxissent, recusauit Rex iusiurandum insolitum usurpare, quo pietas lædebat: & numeratâ pecuniâ, redditoque Alphonso, admonitus Barbaros in numerando deceptos, & detractâ decem librarum millia, continuò eam pecuniam transmisit, quanquam ipsi ex pactis plurima violassent. Ita Rex Damiatâ redditâ, conscensis nauibus cum fratribus Ptolemaidem vectus est, augustior & admirabilior à calamitate, adeò Christiano fortuna lusus est, & quæ impiis scopulus, piis amplitudinis gradus est ac stabilimentum.

XX  
 VIII.

*Rex  
 perstat  
 in Syria*

Postquam Rex omnium gratulatione Ptolemaidem venit, vxorèmque charissimam pro amore mutuo salutauit, illicò nouo doloris sensu afficitur. Plerique Proceres vno de re-  
 ditu

ditu cogitant, & longioris pertasi absentia, vnā habent in votis patriam. Iam Comes Flandriæ ac Dux Britannia rectā in Galliam soluerant, Regis fratres urgebant reditum pertinaciter, ipsique Regi suam sententiam suadebant. *Sat arumnarum & miseriarum perpeffos; sat fortitudini datum & religioni; dandum spatium instaurandis viribus; è tanto exercitu quid supersit? pauci admodum, agri, afflicti, rerum omnium inopes, & agrè nouis vinculis pares; quid hac infirmitate tentari, nedum confici possit? an non praestet regredi in patriam, vires reficere, & nouam instruere, si res ferat, expeditionem?* His Rex vnā Christianorū calamitatem opponebat, se in eorum opem bellum suscepisse, plerosque adhuc in vinculis agere, conatum omnem adhibiturum se vt subleuantur. Preces & obsecrationes adiungebat, quibus cū fratres ab discessu arcere non posset, vt proficerentur honestius, eos in Franciam misit, in speciem vt tranquillitati regni consularent; ipsorum culpam prudentiā suā & patientiā imminuens, an angens: cæteros precibus & auctoritate continuit. Illic imminutis copiis nūm nequiret patrare ingentia, pietate & liberalitate Christianis plurimū commodauit. Primū pecuniam benignè largiendo, Palaestinarum inopiam subleuabat, redimebat captiuos, instaurabat templa, sacrāsque Reliquias inquirebat. Tum à Sultano Damasci appellatus de fœdere in Emiros Ægyptios contrahendo, renuntiavit Emiris, an iuratae paci stare vellent: illi ne geminum hostem euocarent, stare velle respondent, ac Legato regio quidquid reposceret largiuntur; nimirum ducentos Nobiles quos nondum emiserrant, & ducenta librarum millia nedum persoluta, ac Christianorum capita, quæ in trophæi speciem Cayri muris affixerant, passi sunt detrahi. Ita lex à victo data vincentibus.

—  
Lv-  
DOVI-  
CVS  
SAN-  
CTVS.

Quid  
in Syria  
egerit.

—  
LV-  
DOVI-  
CVS  
SAN-  
CTVS.

Hospita-  
lis des  
quinze-  
vins.

Rex  
Assas-  
sinorum  
eiusque  
legatio.

Verum postea conciliato cum Emir̃is Damas-  
ci Sultano, prohibitus Rex promouere arma  
vltcrius, & pr̃ter quasdam arces & oppida  
instaurata, ad prima religionis munera reuo-  
catus. In quibus vnum dignum Historia; quòd  
equitando cùm in Christianorum cadauera  
incurrisset, quos in pr̃lio nuper inito Sara-  
ceni peremerant; piissimus Rex equo exscen-  
dens, ad ea tumultanda sese accinxerit, pri-  
mũsque cadauer regiis humeris imposuerit;  
pium facinus hoc verbo commendans; *fra-  
tres mei sitis mihi auxilio, ad Martyres Chri-  
sti sepeliendos*; modestiã simul & charitate  
pr̃lucens. Et nouo m̃erore profligatus est  
insuper, spectaculo trecentorum Nobilium,  
quos orbatos oculis Saraceni dimiserant;  
iisque postmodũ reuersus in Franciam No-  
focomium Parisiis condidit, quod hactenus  
perstat; dictum à numero vices quindecies  
repetito; in regis pietatis & Christiane pa-  
tientie monumentum. Sed obseruanda in  
paucis Assassinatorum Principis ad Regem le-  
gatio. Ad urbem Tyrum celeberrimam vetu-  
state, regio est angusta admodũ, excelsis  
montibus circumsepta; in pr̃ruptis mon-  
tium iugis castella decem posita sunt, quæ ni-  
dos dixeris rupi affixos; at vbi iuga se in val-  
les demittunt, agri amœnissimi, prata vernan-  
tia, limpidi fontes, susurrantes riui, ligna fru-  
gifera, cœlũque mitissimum, locum consti-  
tuunt ad voluptatem omnem percomino-  
dum. Terræ hunc angulum Beduini infede-  
rant, Mahometani quidem, sed magno à Sa-  
racenis dissensu, ortu Arabes, & appellatione  
Arsacidae siue Assassini. Ij Principi vni obtem-  
perabant, quem ob prudentiam & auctorida-  
tem nuncupabant Montis Seniores. Diu ille  
quantumuis inter angustias illas coniectus,  
in proximos remotosque Principes impe-  
rium siue tyrannidem vsurpauerat, missis  
cũ libuisset sicariis, qui designatos confi-  
cerent;

cerent ; vnde Europa vniuersa terribilis, im-  
perabat regnantibus, exigebat tributa, pro  
exercitu homulum vnum alterumue immit-  
tens. Porro suos ad omne nefas arte compa-  
rabat, nam infantes ad singularum gentium  
mores, vsum, linguam, vestem, instituebat per-  
quam accuratè ; iam puberes & grandiores  
ætate in hortos illos ad delicias confitos de-  
ducebat, permissio & quæsito quidquid volu-  
ptas ad blandiendum sensibus donat ; arcessi-  
tis etiam per artem Magicam oculorum ludi-  
briis visisque mendacibus ; præceptoribus  
identidem in teneros animos insinuantibus,  
has voluptates vmbra esse tantum & pri-  
mam delineationem earum, quas ipsorum  
Princeps in alteram vitam appararet, si fortè  
præsentem in obsequio præstando impende-  
rent ; ad quas obtinendas mors gradus foret,  
& optatissimus aditus. Ita institutos, & in  
mortis non contemptum modò sed cupidita-  
tem incensos, proiectos alebat in quoduis fa-  
cinus ; vtrò Sicariis vitam ponentibus, quam  
crederent transiturem in securum & inter-  
minabilem voluptatum vsum. Qui tunc im-  
perabat, Ludouicum de quo tam præclara au-  
dierat, per Legatos conuenit, minaturque  
exitium præsens, nisi tributum cæterorum in-  
staur qui sceptrâ tractarent, exigenti pendat.  
Rex intrepidus minas minis pro tributo re-  
pendit, iubetque Legatos referre Principi, nisi  
statim ob temerariam legationem excuset se,  
& commodioribus verbis se expurget, poenæ  
comparat se, visurus intra suas arces, qui me-  
rita supplicia pro flagitiis exigat. Princeps  
hac fortitudine animi territus, per Legatos  
Regi se excusat, additis pretiosissimis donis ;  
quibus sua etiam Ludouicus rependit ; in-  
genti periculo magnitudine animi superato ;  
adèò vitam nihil custodit intentius, quàm  
eius contemptus. Sed diu est quod Franciam  
viduatam Rege stylus deseruit.

— **LV-** In ea post auditam Regis captiuitatem, Ru-  
**DOVI-** sticorum turbæ tumultum difficilem concita-  
**CVS** uerant. Plurimi in diuersis prouinciis, pri-  
**SAN-** mum quidem non improbando consilio; ab-  
**CTVS.** iecto vomere conueniebant, vt signati Cruce  
**XXIX.** ad liberandum Regem in Orientem proficis-  
*Pasto-* cerentur. Proba quidem voluntas, sed statim  
*rum in* effectu praua, & in regni detrimentum con-  
*Francia* uersa: quippe corrupti homines & deterio-  
*cia tu-* rum cupidi, quibus Francia haud vsquam  
*mul-* caruit, Pastoribus illis immisti, bonam men-  
*ius.* tem detorquent in pessima, & corruptos etiam  
 beneficiis animos flagitiis sceleribusque con-  
 taminant. Memento Francia intestino flagrat  
 incendio; pagi & municipia à Pastoribus oc-  
 cupantur, prædantium furorem vix vrbes ex-  
 cludunt; in templa maximè & Sacerdotes de-  
 bacchatur insana rabies; Aureliani præser-  
 tim, ministri altarium omnes cæsi, templa di-  
 repta, perque omnes ordines furor grassatus  
 est. Blanca ad compescendam insaniam labo-  
 rabat; primùm industriâ, si furentes indul-  
 gentia sanaret; mox armis, ferro ad insana-  
 bilem plagam admoto: quo demùm tumultus  
 oppressus est; octo Rusticorum millibus  
 apud Bituriges cæsis; reliqui vel in suppli-  
 cium rapti, vel clam dilapsi, & aratro redditæ,  
 sociorum poenâ sapuerunt in posterum. Alter  
 præterea ingeniorum tumultus Blancam exer-  
 cuit, Dominicanos inter & Parisiensem Vni-  
 uersitatem; illis Doctõrum cathedras in Vni-  
 uersitate vt par erat, in doctrinæ sedem &  
 præmium efflagitantibus; quibus tandem Re-  
 ginæ gratiâ post plurimam altercationem po-  
 titi sunt; Guillelmo de sancto Amore in Do-  
 minicanos acerrimè contendente, quæ pro-  
 lixè describere, sin minus otiosi foret, sanè  
 non cogitantis præclara & ingentia superesse,  
 quibus dignius stylus impendatur. Inter has  
 curas Blanca amoris desiderio vitam depo-  
 suit; nam cum accepisset Regem, quod haud  
 verum

*Domi-*  
*nicani*  
*in Vni-*  
*uersita-*  
*tem ad-*  
*missi.*

*Blanca*  
*obitus.*  
*Anno*  
*1251.*

verum erat, voto se obstrinxisse diuturnioris  
moræ in Palæstinâ, amantissima mater dolore  
ob absentiam filij contabescens, quanquam  
haberet reduces Alfonsum & Carolum, fe-  
brim contraxit, quâ emortuâ est sexagesimo  
tertio vitæ anno. Præclarissima regendi arti-  
bus mulier, digna quæ sanctitate Regem im-  
bueret; cuius vox illa est, omni apophregmate  
clarior. *Vide, fili mi, malim te mortuum,*  
*quàm letali culpâ infectum spectare*; quâ  
admonitione, in puero peccati odium capita-  
le, & cum amore excitauit virtutis, vt inde  
vir postea confirmatus sit; qualem colit poste-  
ritas. Eadem imperij paulò cupidior existi-  
mata est; nam & coniugi sic adhærebat, vt  
vel in castris sub eodem tabernaculo ageret,  
& Regem filium nec cum vxore versari sine-  
ret; nisi solliciti amoris hæc fuerint. Sanè  
imperio tam egregiè vsa est, vt in laudem sit,  
illud ambiuisse. Alfonsum interea regni admi-  
nistrationem suscepit. Matris interitus Ludo-  
uico reditum in patriam persuasit, ac tametsi  
piissimus Princeps ægrè auellebatur ab regio-  
ne charissimâ, tamen curâ regni sollicitante,  
quod euocabat Rectorem, se lentè compara-  
uit ad reditum. Instructis omnibus, magnam  
copiarum partem, multamque pecuniam Go-  
desfredo Serginio tradidit; claro fortitudine  
& prudentiâ Ducî, qui Christianam rem tue-  
retur, & Saracenum repelleret; ipse in na-  
uim conscendit, & ad Ierâm Prouinciæ Pho-  
œnis insulam appulit. In nauigando cum in  
arenariam molem nauis imegisset, & carinæ  
trabe altè perfractâ, Rex transire in aliam vr-  
geretur, ad vitandum periculum, abscedere  
renuit; quippe, inquit: *ceteris iuxta ac mihi*  
*sua pretio salusest, si hanc nauim deseram,*  
*quid septingentis vectoribus fiet, qui in eam*  
*meis auspiciis inscenderunt? præstat cum eis*  
*periclitari, quàm ventis & fluctibus dereli-*  
*ctos permittere.* Sic fracta nauis incolumes eue-  
cti

LV-  
DOVI-  
CVS  
SAN-  
CTVS.  
*Blanca*  
*obitus.*  
Anno  
1251.

*Reginæ*  
*Frank-*  
*ciæ*  
*reditus.*



— *Lv-* *DOVI-* *CVS* *SAN-* *CTVS.* *XXX.* *Rex* *Flan-* *driam* *pacat.* *Bur-* *card* *d' A-* *nesnes.* *De Dā-* *piere*

Ati sunt, bis seruati; tum charitate Principis ne deferrentur, tum diuinā in eum curā, tuti in quassato nauigio.

Regem regno redditum turbæ Flandricæ statim implicafunt. Vnius feminæ intemperantia causā malo geminatam ediderat. Illa Margareta Ioannæ Comitissæ sine liberis mortuæ soror atque heres, quæ primâ ætate Burcardo Aueniensī tutori suo nupta, duos ab eo mares suscepserat, Ioannem & Balduinum: verū cū Burcardus sacris ordinibus initiatus foret, soluto coniugio iussu Pontificis, Margareta nouum contraxerat cum Guilhelmo Dampetrio nobili quodam Campano, à quo pariter tres liberos genuit, Guillelmum, Guidonem, & Ioannem. Dampetrio mortuo continuò lis inter fratres exoritur, & quanquam Rex constitutus Iudex, Flandriam secundò genitis assignasset, matre legitimos vt dicebat spuris anteferente, & primò natis concessisset Hannoniam, eā pœnā vt Leo quem in insignibus præferebant, linguā & vnguibus truncaretur, quod natu maximus intemperantius matrem meretricem dixisset; attamen primogeniti obnitebantur sententiæ, & Rege in Palæstinam profecto, in vterinos fratres bellum excitarant. Guillelmus vterinorum maximus cum Rege discesserat, in Guidonem fratrem Burcardi filij arma commouerunt, Guilhelmo Holandiæ Comite foederato; cuius ope Guido victus & captus est, & obnoxia victori Flandria. Margareta, noua liberis inter se pugnantibus Iocasta, Reginam regniquæ Proceres appellauit; quibus auxilia ministrantibus, internecino grauissimoque bello discerpta est Flandria, quandiu Rex in Palæstinā distentus est. Is nunc regressus Burcardi filiis diem dicit, vt de gesto bello rationem redderent, ac Guidonem captum restituerent libertati. Illi cū obsequi detrectarent; nempe augebat animos Guilhelmus

Ielmus Holandus, nuper Friderico mortuo ad Imperium euectus; Rex Carolo fratri committit exercitum, quo rebelles in officium cogerentur. Et verò victi sunt, ipsaque Hannonia præda victoribus fuit. Nec ideo bellum extinctum est, Guillelmo Imperatore rebelles fouente, & Guidonem adhuc in vinculis retinente. Quamobrem Ludouicus rem transacturus beneuolè in Flandriam venit, scripsitque ad Guillelmum amicus litteras eà de re; quibus ille intumescens, ducto exercitu in Flandriam ruit. Sed continuò mutatâ sententiâ, vertit in Frisios, qui excusso obsequio rebellauerant, à quibus commissio prælio victus & cæsus est; vt qui rebelles fouebat contumaciter, à rebellibus necaretur, & periret ferro quod exacuisset. Eius filius captiuum reddidit; ita Flandriæ restituta pax, & Hannoniam Burcardi liberis clementia Regis redonauit. Exemplum iustitiæ sequutum est illicò temperantiæ specimen. Henricus Rex Angliæ post repressam Vasconiam flagitauerat à Ludouico regressum per Franciam, & Rege indulgente magnâ celebritate excipiebatur. Parisiis præsertim magnificentia Regis exhibita, Anglo per dies plures perhonorificè habito. Eo loco Ludouici verba adscribit Anglus scriptor Parisius, quæ ego si omiserim, in pietatem Regis præuaricer; nam cum hic familiariter cum Henrico colloqueretur de expeditione sacrâ quam obiuerat nuper, in has voces prorupit; *Amice mi Rex, quantas*

*arumnas corpore animoque pertulerim, quando pro Christi amore peregrinatus sum, vix ullus sermo exponeret. Omnia mihi aduersa, ipsa etiam prospera, contigerunt; nec minus Deo altissimo gratias retuli. Imò ad meipsum meditatione reuersus, & in mentis penetralia reuocatus, magis gaudeo de patientiâ, quam mihi Deus tot inter mala largitus est, quam si orbem vniuersum armis prosligassim. Hic*

*sanctissim*

—  
Lv-  
DOVI-  
CVS  
SAN-  
CTVS.

*Rex cœ  
Anglo  
pa. cm  
ontra-  
bit.*

*Regis in  
Deum  
amor.*

— sanctissimi Regis admirabilis sermo, triumphantium laureis curribusque tantò est præstantior; quantò sublimius, terram despicere, cælum & cœlestia sapere. Ibidem pax ab utroque Rege sancita est; magnâ Franci gloriâ, Angli compendio. Siquidem Ludouicus cupidus restinguendi belli perpetui, quo duæ gentes ab tanto tempore conflagrabant, &

fortasse conscientiæ scrupulo, Henrico prouincias multas largitus est: nempe Lemoices, Cadurcos, & Petrocorios; præterea si Alfonso sine liberis obiret, Aginnates & Santones. Enimverò pace in præsentia firmâ & certâ, sed nutante in posterum atque effringendâ; cùm hosti animus ad insurgendum, atque arma ad bellum hinc sufficerentur. Et obseruatum est eâ solâ re optimum Regem discessisse à Consilij sui sententiâ, cui alioquin perlibenter assentiebatur. Hac iacturâ redemptus est honor; quandoquidem Anglus Regi Franco se clientem dedititium palam professus est. Instauratum est aliquantò post gaudium publicum, affinitate inter Ludouicum & Iacobum Aragoniæ Regem contractâ, quâ Isabella Aragonij filia Philippo Regis primogenito data est nuptui, & ad pacem conciliandam iura inuicem donata; Aragonio quidquid iuris in Catalauniam Franco esset; huic vicissim, quod Aragonio Nemausi, Carcassone & Biterris competeret. Ita heredi pacem vndecumque Rex stabiliebat, inde maximè vnde bellum difficillimum erat oriturum. Porro huius femina in fratris Caroli nouo regno iacta, cuius primordia accuratè texenda sunt; cùm hinc bellorum moles incubuerit Franciæ, Neapoli sæpe sub stylum vocandâ.

Anno  
1255.

XXXI.

*Sicilia  
donata  
Carolo  
Ande-  
gano.*

Friderico acerbissimo Pontificum hoste Tarenti mortuo, Conradus filius aditâ hereditate Imperium & Siciliæ regnum appetebat. Deiectus Imperio curâ Pontificum, cùm Sici-

liæ

lia regnum vsurpasset (in eo recenscebatur Neapolis, & quod modo Neapolitanum regnum constituit) à Manfredo fratre spurio, veneno peremptus, vt creditur, Conradino filio etiamnum puero, spem regni bellumque ingens dimisit. At Manfredus patrata cæde Neapolim aduolans, rumore sparso de obitu Conradini, regnum in fratricidij præmium comparat; ac statim firmitatem daturus potentia, Constantiam maiorem filiam Petro Aragonio Iacobi filio collocat; militemque adsciscit, etiam ab Africâ Saracenos, quibus Luceriam commendat munitissimam urbem; animumque, quod peius est, in eorum consuetudinem immersus, penitus tradit. Alexander Pontifex eo nomine IV. successor Innocentij; cum spectaret Friderico sublato, adeò pestem Ecclesiæ non extinctam, vt exurgeret noua perniciosior, & perstare in regno Sueuæ gentis spurium, hoc est teterrimam vomicam, statuit eum omninò perdere, & carcinoma serpens resecare. Eam in rem cum arma Ecclesiæ non satis pollerent, ad regnum Anglicum se conuertit, quod iam Pontifici stipendiarium erat, atque Edmundo Henrici Regis secundò genito regnum Sicilia donat, quod paternâ ope armisque Anglicis occuparet, & Manfredo pulso mancipatum Ecclesiæ obtineret. Verùm Henricus diuexatus bellis ciuilibus, de alieno cogitare non potuit, qui suo semel iterumque deiectus, vnâ Ludouici solitudine atque prudentiâ, suo tandem solio restitutus est. Vitam interea Alexander amiserat, successerat Urbanus IV. qui ex humillimâ sorte ingentes animos in tiam ferens, spe irritâ Angli subsidij, se ad Francos confert; visusque est Carolus Regis frater, aptus qui regni voto arduum bellum susciperet; nam ipsum Regem studium tranquillitatis, & sua sanctissimi animi temperantia, ab eiusmodi bellis auocabant. Contrà incitabant

LV.  
DOVI-  
CYS  
SAN-  
CTVS.

Carolus  
in re-  
græ vo-  
catum.

citabant Carolum plura. Indoles Martia,  
 LV- quieti infensa, armorum cupidior; ambi-  
 DOVI- tio regno par, quæ Andegauorum angustis  
 CVS terminis non concluderetur; Beatrix vxor,  
 SAN- Reginæ titulum flagrantissimè ambiens,  
 CTVS. quippe tres sorores nupserant Regibus, vre-  
 bātque muliebrem animum æmulatio tanti  
 La Pro- fastigij, & videbatur Phocensis Prouincia ad  
 uence. Italicam expeditionem percommoda, mari  
 admota, & portubus frequens, vnde exer-  
 citus bellique instrumenta ventorum bene-  
 cio faciliè transportari in hosticum possent.  
 Maſſi- Præterea magnā famā gloriæ Maſſilienses  
 lienses Carolus nuper domuerat. Etenim illi iam-  
 domi- pridem indomiti, & in Dominum peruica-  
 ti à Ca- ces; iugo excusso præsidium internecione  
 solo. deleuerant, Carolum iuxta ac Berengarium  
 haberi posse ludibrio rati. Sed rebelles Ca-  
 rolus arctâ obsidione quâ mari quâ terrâ cin-  
 ctos ad deditionem coëgit, ac supplicio  
 principum, metum in posterum reliquis &  
 sibi securitatem peperit. Eas igitur ob cau-  
 sas appellatus est Carolus, facilémque as-  
 sensum ob easdem is præbuit. Rex primùm  
 Rex- quidem hærebat ambiguus, ac memor re-  
 assenti- pulsi quondam Imperij, auersabatur eius-  
 tur. modi regnum; at deinde assensit, ne vide-  
 retur in Pontificem rogantem durior, aut  
 inuidere incremento fratris; quem etiam  
 foras emittere non molestè ferret, hastilu-  
 diis & similibus pugnantium scenis agitan-  
 tem Nobiles, & paci infensum, quam vni-  
 cè Rex optimus procurabat. Attamen con-  
 sensu magis quàm ope rem ipsam promouit,  
 vt veram mentem facto aperiret; fratri in-  
 dulgens quod ipse renueret; quasi vaticina-  
 retur sanctissimus Princeps, futuram poste-  
 ris suis malorum fontem Neapolim, & se-  
 mentem calamitatum feracem. Hæc dum Vr-  
 banus ageret, morte præreptus est; nec Cle-  
 mens IV. successor omisit consilium, imò  
 vrgens

virgens vehementius rem tandem confecit. Itaque valido exercitu ex Andegauis & Phocenlibus suis contracto, vxore mundum muliebre ad instruendum militem diuidente, mari Carolus Ostiam appulsus, Roma Senatoriâ dignitate ornatus, inauguratur Sicilia Rex, ultra Pharus ac citra patentis, eiusdemque regni clientelam Pontifici iurat, persoluendis in singulos annos quadragenis nummorum millibus. Tum receptis terrestri itinere legionibus, quas Guido ex Flandris suis conscripserat, ducebâtque Gilonius Brunus, Comestabilis Franciæ, veteranus miles, à Rege in belli regimen designatus; versus Campaniam tendit. Eum perpetuus felicitatis tenor deduxit; siquidem Lirim amnem, munimenta Casertino Comite deferente, cuius vxori vim Manfredus intulerat, transmisit; castrum sancti Germani, situ, operibus, atque præsidio, longè validissimum, leui operâ cæsis propugnatoribus expugnauit: victorémque exercitum ad Manfredi castra in Beneuentanis agris admo-  
*Manfredum vixit.*  
 mouit. Manfredus integro milite ac frequenti videbatur superior: attamen Carolus suadente Bruno Comestabili pugnam capessit. Quippe Brunus peritissimus rei militaris, qui sub tabernaculis incanuerat, affirmabat, pugnam aggredientium esse; quari Coronam à Carolo, non expectandum donec ab hoste ultrò deferatur, eripiendam esse defendenti, nec eripi posse nisi à pugnante eodemque victore. In hostico pugnare contra Carolum singula, solâ cunctatione ipsum periturum, spem non regni modo sed salutis, in pralio positam atque victoriâ. Ita confectum prælium, anceps admodum & periculosum, quo prostratus equo diu de salute laborauit Carolus, ac tandem victor cæso Manfredo reliquos hostes fudit fugauitque. Neapoli exceptus, Neapolitani regni primordia posuit, cui tunc adiuncta Sicilia, mox abrum-

—  
 LV-  
 DOVI-  
 CVS  
 SAN-  
 CTVS.

*Carolus  
 in lia-  
 lia.*

*Gillon  
 le Brun.*

— penda, & subiit in curarum ingentium mole-  
 LV- lem, postmodum doctus quanta mala Coro-  
 DOVE- nae orbis includeret. Regnum Ierosolymita-  
 CVS- num annexum est Siculo, quoniam Frideri-  
 SAN- cus utriusque titulum praeferebat, quasi uni  
 ETVS. Regno sattu barbarum non foret. Quae dein-  
 cept sequuta sunt, Conradini motum, pu-  
 gnam, & necem, variosque noui Principis  
 casus, narrant quibus ea Sparta contigit, ego  
 abstineo alieno, meae Gentis damno aliquan-  
 to post in eandem orbitam reuocandus.

XX  
 XII. Quat interea in Ludouico tantisper hære-  
 re, & virtutes Sanctissimi Principis adumbrare  
 vel leuiter; nec in Historiae leges peccauro,  
 dum regnandi legem, & regnantibus formam  
 sanctitudinis exemplo describam. Postquam  
 restinxit bella ciuilia, externisque fomitem  
 omnem amouit, ad vnum pacis studium  
 sese adhibuit; porro ad veram pacem  
 & sinceram, quam virtutes facerent, non  
 ad spuriam illam & adulterinam, quae vitiiis  
 & voluptatibus sese immergeret. Eam ob  
 rem Iustitiam induxit, vitia relegauit. Ius  
 dicebat ipse accuratè, tam inopi promptus quam  
 diuiti, explorabat rem diligenter, suauiter  
 attendebat dicentibus, & æquum, nihil cun-  
 ctatus, pronuntiabat. Parisiis in hortum pro-  
 dibat, modesto habitu & infra Principem,  
 explicatis insidebat tapetibus, pomeridianis  
 horis causas disceptando: æstate ad Vicen-  
 nium saltum sæpissimè ibat, & ad quercum  
 familiariter assidens, aduocatis iuxta Proce-  
 ribus, admittebat singulos quibus negotium  
 esset; ac præconem agens, clamabat, accederet  
 si cui lis foret: in otio lusu & ambulacro,  
 Themidis solium sacrariumque constituens.  
 Potentes nullo discrimine si peccassent in  
 pœnam vocabat. Enguerranus Coucyus è  
 stirpe regia, omnibusque regni proceribus  
 consanguineus, ægerrimè vitâ donatus est,  
 omni Principum coetu deprecante, consti-  
 tuente supplicium Rege, quod tres adolef-

*Enguerranus  
 Coucy.*

centes in venatu deprehensos suspendi iussisset. Idem Rex iustitiam exigebat ab aliis, delectu iudicum exquisito, nullisque curis parcens ne peccarent, & si forte delinquerent ut corrigerentur. Promulgatis legibus radices scelerum resecebat: blasphemias in Deum voces acerbè plexuit; aleam interdixit, ganeas & lupanaria vetuit; duella seu priuata certamina, luem iam inde grassantem in Franciâ, penitus sustulit; tantùmque perfecit sollicitudine, ut exterminatis litigantium tricis atque calumniis, æquum iustumque regnaret, nudâque veritas refulgeret in tribunalibus. Iam erga Deum hominèsque magnificus, largiebatur opes impensè: templa, cœnobîa, & xenodochia plurimâ condidit; longam eorum seriem Annales referunt. Sanctam Ædiculam adamauit in paucis, quàm ad Palatium regium ædificauit, locupletauit redditibus; instruxit Lipsanis toto orbe conquisitis immenso pretio, iis maximè quæ ad Christi patientis necem attinerent; nam circa illam afficiebatur mirificè; contraxerâtque eum in locum, coronam spinæam, spongiam sitienti oblatam, lanceam, crucisque adorandæ fragmentum; quæ Christi Domini mors consecrauerat. Liberalis in milites, quorum fortitudinem auro rependebat; in Comitibus Procerum, Regibus excipiendis, fratrum nepotumque coniugiis, regiam pompam magnificentissimus exhibebat; gnarus virtutes coniugari inter se, nec priuæ modestiæ obesse munificentiam publicam. Tametsi grat ad bellicas artes procliuî indole, tamen litteras & litteratos homines coluit; Historiæ amantissimus, quæ vera Principum schola, Vincentium Bellouacensem iussit historiam scribere quam tractamus. Parisiensem Vniuersitatem arctè amplexus est, affirmare solitus, se passurum tolli è regno mediâ facultatû partem, potius quàm Vniuersitatem Parisiis; debetque totus orbis

*Sainte  
Chapel.  
le.*



— meminisset in Ægypto exhausta, quanquam  
 LV- idem sit animus, alias vires, aliud corporis  
 DOVI- robur existere, tentari supremum Numen  
 CVS nullo compendio, cum pericula quibus oppri-  
 SAN- mimur, prouocamus. Si pium Principem mi-  
 CTVS. seret Syria, misereat Francia, equam sortem  
 vocantis & retinentis; retinentis ius melius,  
 tam Franciam quam Palestinam periclitari  
 absentia sua, quid eriperet se suis, ut se ex-  
 teris daret? nexum iustitia arctiorem esse  
 quam charitatis, quid alios seruet, si subdi-  
 tos perdit? Hæc præclara in speciem Rex cum  
 audiret, pugnare contumaciter noluit; erat  
 enim in suos mitissimus; sed operiens op-  
 portunitatem, Comitibus conuocat, adornatque  
 Legatum Apostolicum Simonem Briensem  
 ( & is postea Pontifex Martinus IV. tunc Vr-  
 bano mortuo Sedes vacabat ) qui habitâ de  
 sacro bello oratione, ad expeditionem omnes  
 inflammaret. Rex arreptâ occasione suscipit  
 bellum; se Cruce signat, simulque tres libe-  
 ros, Philippum natu maximum, Petrum Alen-  
 sonium Ducem, & Ioannem Tristanum Co-  
 mitem Niuernensem. Plurimi Proceres Re-  
 gem æmulantur, Alfonsus frater, Theobaldus  
 gener, idemque Nauarra Rex & Campanie  
 Comes; Robertus Artesius Regis ex fratre  
 nepos, Guido Flandrie Comes, Ioannes prin-  
 cept Britannie, Guiscardus Belliucensis  
 Mompenseri Dominus, Guido Lauallius, &  
 selectus flos nobilitatis. In Hispania simul &  
 Anglia intonabat classicum sacrum, & qui-  
 dem in Hispania Iacobus Aragonie Rex Al-  
 fonso Castellæ Rege excitato, comparauit  
 exercitum, inscenditque naues. Barcinone,  
 sed tempestate iactatus, retrò flexit. Constan-  
 tior Eduardus Angliæ princeps, qui mutua-  
 tus à Ludouico pecuniam, militem scripsit,  
 deduxitque cum Rege in Africam, vel ut  
 Angli scribunt in Syriam. Carolus Siciliæ  
 Rex, expeditionis magna accessio, qui cum  
 Ierosolymæ

Simon  
deBrie.

D'A-  
lenson.

Gui-  
chard  
de Beau-  
jeu  
Gui de  
Laval.

Ierofolymæ Regem se diceret, fructum belli videbatur lecturus, & alieno labore rem suam quærere, eximiam classem instruebat. Rex profecturus, petitis de more à sancto Dionysio vexillo & baculo; regni regimen dedit Matthæo Vindocinensi sancti Dionysij Abbari, & Simoni Claromontano, Toparchæ Nellio; quorum fides & prudentia explorata. Margarita coniux sponsum charissimum ad nauem sequuta, cum vetaretur ulterius progredi, recusato regimine, se in Vicenarum castro conclusit, Regis absentiam precibus & solitudine prosequuta. Regem Aquismortuis expedita classis operiebatur; triremes apparauerant Ansaldus Doria, & Philippus Caonconcius Genuenses; erantque sub signis cataphractorum equitum millia quindecim, ducenta peditum; ingens exercitus, Orientis perdomandi potens, si primordiis rerum humanarum constarent exitus. Cum in procinctu Rex esset, petendæ Palæstinæ consilium abruptit Carolus, & conuertit in Africam. Negabat Ægyptum profligari posse, nisi primum Africa subigeretur; in eo littore magnas vrbes positas, vnde Sultanus bello & pace com meatum perciperet; commodorum fonte intercepto, alueum exsiccandum, & destitutam Ægyptum sub iugum ituram. Spem illucescere, si Tunetum appulerint; cuius vrbis Rex per legatos desiderium in Christi fidem testatus, pollicebatur se eam admissurum, postquam Christiani portum tenuissent, præbituri vim ad subditos compescendos, si fortè ob mutatum Principem tumultuarentur. Et quidem Tunetanus hanc spem obtulerat, sed Punicâ fide, & in fraudem promptâ. Erat & Carolo emolumentum priuatum; vt Tunetanus victus tributum persolueret, quod olim Siciliæ Regibus appendebat; præterea tegebatur Siciliam, orâ illa maritimâ in foedus & societatem vocatâ. Ea expeditio Regi persua-

LV-  
DOVI-  
CVS  
SAN-  
CTVS.  
De  
Cler-  
mont  
Sei-  
gneur  
de Nes-  
le.  
Aigue-  
mortete

Expe-  
ditio in  
Afric-  
am.

— *Lv-* Ati sunt, bis seruati; tum charitate Principis  
*DOVI-* ne deferrentur, tum diuinâ in eum curâ, tuti  
*CVS* in quassato nauigio.

*SAN-* Regem regno redditum turbæ Flandricæ  
*CTVS.* statim implicarunt. Vnius feminæ intempe-  
 XXX. rantia causam malo geminam ediderat. Illa  
*Rex* Margareta Ioannæ Comitissæ sine liberis  
*Flan-* mortuæ soror atque heres, quæ primâ ætate  
*driam* Burcardo Aueniensi tutori suo nupta, duos  
*pacat.* ab eo mares susceperat, Ioannem & Baldui-  
*Bur-* num: verum cum Burcardus sacris ordinibus  
*card* initiatus foret, soluto coniugio iussu Pontifi-  
*d' A-* cis, Margareta nouum contraxerat cum Guil-  
*nesis.* lelmo Dampetrio nobili quodam Campano,  
*De Dā-* à quo pariter tres liberos genuit, Guillel-  
*pire* mum, Guidonem, & Ioannem. Dampetrio  
 mortuo continuo lis inter fratres exoritur, &  
 quanquam Rex constitutus Iudex, Flandriam  
 secundò genitis assignasset, matre legitimos  
 vt dicebat spuriiis anteferente, & primò natis  
 concessisset Hannoniam, eâ poenâ vt Leo  
 quem in insignibus præferebant, linguâ &  
 vnguibus truncaretur, quod natu maximus  
 intemperantius matrem meretricem dixisset;  
 attamen primogeniti obnitebantur senten-  
 tiæ, & Rege in Palæstinam profecto, in vteri-  
 nos fratres bellum excitant. Guillelmus  
 vterinorum maximus cum Rege discesserat,  
 in Guidonem fratrem Burcardi filij arma  
 commouerunt, Guillelmo Holandiæ Comite  
 fœderato; cuius ope Guido victus & captus  
 est, & obnoxia victori Flandria. Margareta,  
 noua liberis inter se pugnantibus locasta,  
 Reginam regnique Proceres appellauit; qui-  
 bus auxilia ministrantibus, internecino gra-  
 uissimòque bello discerpta est Flandria, quan-  
 diu Rex in Palæstinâ distentus est. Is nunc re-  
 gressus Burcardi filiis diem dicit, vt de gesto  
 bello rationem redderent, ac Guidonem ca-  
 ptum restituerent libertati. Illi cum obsequi  
 detrectarent; nempe augebat animos Guil-  
 lelmus

Ielmus Holandus, nuper Friderico mortuo ad Imperium euectus; Rex Carolo fratri committit exercitum, quo rebelles in officium cogerentur. Et verò victi sunt, ipsaque Hannonia præda victoribus fuit. Nec ideo bellum extinctum est, Guillelmo Imperatore rebelles fouente, & Guidonem adhuc in vinculis retinente. Quamobrem Ludouicus rem transacturus beneuolè in Flandriam venit, scripsitque ad Guillelmum amicus litteras eà de re; quibus ille intumescens, ducto exercitu in Flandriam ruit. Sed continuò mutata sententiâ, vertit in Frisios, qui excusso obsequio rebellauerant, à quibus commissio prælio victus & cæsus est; vt qui rebelles fouebat contumaciter, à rebellibus necaretur, & periret ferro quod exacuisset. Eius filius captiuum reddidit; ita Flandriæ restituta pax, & Hannoniam Burcardi liberis clementia Regis redonauit. Exemplum iustitiæ sequutum est illicò temperantiæ specimen. Henricus Rex Angliæ post repressam Vasconiam flagitauerat à Ludouico regressum per Franciam, & Rege indulgente magnâ celebritate excipiebatur. Parisiis præsertim magnificentia Regis exhibita, Anglo per dies plusculos perhonorificè habito. Eo loco Ludouici verba adscribit Anglus scriptor Parisius, quæ ego si omiserim, in pietatem Regis præuaricer; nam cum hic familiariter cum Henrico colloqueretur de expeditione sacrâ quam obiuerat nuper, in has voces prorupit; *Amice mi Rex, quantas arumnas corpore animoque pertulerim, quando pro Christi amore peregrinatus sum, vix ullus sermo exponeret. Omnia mihi aduersa, ipsa etiam prospera, contigerunt; nec minus Deo altissimo gratius retuli. Imò ad meipsum meditatione reuersus, & in mentis penetralia reuocatus, magis gaudeo de patientiâ, quam mihi Deus tot inter mala largitus est, quem & orbem uniuersum armis profligassim. Hic*

LV-  
DOVI-  
CVS  
SAN-  
CTVS.

Rex cū  
Anglo  
pa. cm  
ontra-  
bit.

Regis in  
Deum  
amor.

sanctissim

— sanctissimi Regis admirabilis sermo, triumphantium laureis curribusque tantò est præstantior; quantò sublimius, terram despiceret, cælum & cœlestia sapere. Ibidem pax ab utroque Rege sancita est; magnâ Franci gloriâ, Angli compendio. Siquidem Ludouicus cupidus restinguendi belli perpetui, quo duæ gentes ab tanto tempore conflagrabant, &

fortasse conscientia scrupulo, Henrico prouincias multas largitus est: nempe Lemoices, Cadurcos, & Petrocorios; præterea si Alfonsus sine liberis obiret, Aginnates & Santones. Enimverò pace in præsentia firmâ & certâ, sed nutante in posterum atque effringendâ; cùm hosti animus ad insurgendum, atque arma ad bellum hinc sufficerentur. Et obseruatum est eâ solâ re optimum Regem discessisse à Consilij sui sententiâ, cui alioquin perlibenter assentiebatur. Hac iacturâ redemptus est honor; quandoquidem Anglus Regi Franco se clientem dedititium palam professus est. Instauratum est aliquantò post gaudium publicum, affinitate inter Ludouicum & Iacobum Aragoniæ Regem contractâ, quâ Isabella Aragonij filia Philippo Regis primogenito data est nuptui, & ad pacem conciliandam iura inuicem donata; Aragonio quidquid iuris in Catalauniam Franco esset; huic vicissim, quod Aragonio Nemausi, Carcassone & Biterris competeret. Ita heredi pacem vndecumque Rex stabiliebat, inde maximè vnde bellum difficillimum erat ori-

Anno  
1255.

turum. Porro huius semina in fratris Caroli nouo regno iacta, cuius primordia accuratè texenda sunt; cùm hinc bellorum moles incubuerit Franciæ, Neapoli sæpe sub stylum vocandâ.

XXXI.  
*Sicilia  
donata  
Carolo  
Ande-  
gano.*

Friderico acerbissimo Pontificum hoste Tarenti mortuo, Conradus filius aditâ hereditate Imperium & Siciliæ regnum appetebat. Deiectus Imperio curâ Pontificum, cùm Sici-

liæ

lia regnum vsurpasset (in eo recenscebatur Neapolis, & quod modo Neapolitanum regnum constituit) à Manfredo fratre spurio, veneno peremptus, vt creditur, Conradino filio etiamnum puero, spem regni bellumque ingens dimisit. At Manfredus patratâ cæde Neapolim aduolans, rumore sparso de obitu Conradini, regnum in fratricidij præmium comparat; ac statim firmitatem daturus potentia, Constantiam maiorem filiam Petro Aragonio Iacobi filio collocat; militemque adseiscit, etiam ab Africâ Saracenos, quibus Luceriam commendat munitissimam urbem; animumque, quod peius est, in eorum consuetudinem immersus, penitus tradit. Alexander Pontifex eo nomine IV. successor Innocentij; cum spectaret Friderico sublato, adè pestem Ecclesiæ non extinctam, vt exurgeret noua perniciosior, & perstare in regno Sueuæ gentis spurium, hoc est teterrimam vomicam, statuit eum omninò perdere, & carcinoma serpens resecare. Eam in rem cum arma Ecclesiæ non satis pollerent, ad regnum Anglicum se conuertit, quod iam Pontifici stipendiarium erat, atque Edmundo Henrici Regis secundò genito regnum Siciliæ donat, quod paternâ ope armisque Anglicis occuparet, & Manfredo pulso mancipatum Ecclesiæ obtineret. Verùm Henricus diuexatus bellis ciuilibus, de alieno cogitare non potuit, qui suo semel iterumque deiectus, vnâ Ludouici sollicitudine atque prudentiâ, suo tandem solio restitutus est. Vitam interea Alexander amiserat, successerat Urbanus IV. qui ex humillimâ sorte ingentes animos in uiam ferens, spe irritâ Angli subsidij, se ad Francos confert; visusque est Carolus Regis frater, aptus qui regni voto arduum bellum susciperet; nam ipsum Regem studium tranquillitatis, & sua sanctissimi animi temperantia, ab eiusmodi bellis auocabant. Contrâ in-

—  
Lv.  
DOVI-  
CYS  
SAN-  
CTVS.

*Carolus  
in re-  
grâ vo-  
catus.*

— citabant Carolum plura. Indoles Martia,  
 LV- quieti infensa, armorum cupidior; ambi-  
 DOVI- tio regno par, quæ Andegauorum angustis  
 CVS terminis non concluderetur; Beatrix vxor,  
 SAN- Reginæ titulum flagrantissimè ambiens,  
 CTVS. quippe tres sorores nupserant Regibus, vrebátque muliebrem animum æmulatio tanti

La Pro- fastigij, & videbatur Phocensis Prouincia ad  
 uence. Italicam expeditionem percommoda, mari  
 admota, & portibus frequens, vnde exercitus bellique instrumenta ventorum beneficio faciliè transportari in hosticum possent.

Massi- Præterea magnâ famâ gloriæ Massilienses  
 liensés Carolus nuper domuerat. Etenim illi iam-  
 domi- pridem indomiti, & in Dominum peruicaces;  
 ti à Ca- iugo excusso præsidium internecione deleuerant,  
 rolo. Carolum iuxtà ac Berengarium haberi posse ludibrio rati. Sed rebelles Carolus arctâ obsidione quâ mari quâ terrâ cinctos ad deditionem coëgit, ac supplicio principum, metum in posterum reliquis & sibi securitatem peperit. Eas igitur ob causas appellatus est Carolus, facilémque assensum ob easdem is præbuit.

Rex- assenti- Rex primùm  
 tur. quidem hærebat ambiguus, ac memor repulsi quondam Imperij, auersabatur eiusmodi regnum; at deinde assensit, ne videretur in Pontificem rogantem durior, aut inuidere incremento fratris; quem etiam foras emittere non molestè ferret, hastiludiis & similibus pugnantium scenis agitantem Nobiles, & paci infensum, quam vnicè Rex optimus procurabat. Attamen consensu magis quàm ope rem ipsam promouit, vt veram mentem facto aperiret; fratri indulgens quod ipse renueret; quasi vaticinaretur sanctissimus Princeps, futuram posteris suis malorum fontem Neapolim, & sementem calamitatum feracem. Hæc dum Urbanus ageret, morte præreptus est; nec Clemens IV. successor omisit consilium, imò

vrgens

urgens vehementius rem tandem confecit. Itaque valido exercitu ex Andegauis & Phocentibus suis contracto, vxore mundum muliebrem ad instruendum militem diuidente, mari Carolus Ostiam appulsus, Romæ Senatoriâ dignitate ornatus, inauguratur Sicilia Rex, ultra Pharum ac citra patentis, eiusdemque regni clientelam Pontifici iurat, persoluendis in singulos annos quadragenis nummorum millibus. Tum receptis terrestri itinere legionibus, quas Guido ex Flandris suis conscripserat, ducebátque Gilonius Brunus, Comestabilis Franciæ, veteranus miles, à Rege in belli regimen designatus; versus Campaniam tendit. Eum perpetuus felicitatis tenor deduxit; siquidem Lirim amnem, munimenta Casertino Comite deferente, cuius vxori vim Manfredus intulerat, transmisit; castrum sancti Germani, situ, operibus, atque præsidio, longè validissimum, leui operâ cæsis propugnatoribus expugnauit: victorémque exercitum ad Manfredi castra in Beneuentanis agris admouit. Manfredus integro milite ac frequenti videbatur superior: attamen Carolus suadente Bruno Comestabili pugnam capessuit. Quippe Brunus peritissimus rei militaris, qui sub tabernaculis incanuerat, affirmabat, pugnam aggredientium esse; quari Coronam à Carolo, non expectandum donec ab hoste ultrò deferatur, eripiendam esse defendenti, nec eripi posse nisi à pugnante eodemque victore. In hostico pugnare contra Carolum singula, solâ cunctatione ipsum periturum, spem non regni modo sed salutis, in prælio positam atque victoriâ. Ita confectum prælium, anceps admodum & periculosum, quo prostratus equo diu de salute laborauit Carolus, ac tandem victor cæso Manfredo reliquos hostes fudit fugauitque. Neapoli exceptus, Neapolitani regni primordia posuit, cui tunc adiuncta Sicilia, mox abrum-

—  
Lv-  
DOVI-  
CVS  
SAN-  
CTVS.  
*Carolus*  
*in lia-*  
*lia.*

*Gillon*  
*le Brun.*

*Man-*  
*fredum*  
*vincit.*



— LV-  
DOVR-  
CVS  
SAN-  
CTVS. penda, & subiit in curarum ingentium mole-  
lem, postmodum doctus quanta mala Coro-  
næ orbis includeret. Regnum Ierosolymita-  
num annexum est Siculo, quoniam Frideri-  
cus vtriusque titulum præferebat, quasi vni  
Regno saturbarum non foret. Quæ dein-  
ceps sequuta sunt, Conradini motum, pu-  
gnam, & necem, variósque noui Principis  
casus, narrant quibus cæ Sparta contigit, ego  
abstineo alieno, meæ Gentis damno aliquan-  
tò post in eandem orbitam reuocandus.

XX  
XII.

*Regis  
virtu-  
tes pu-  
blice  
& pri-  
uate.*

Quat interea in Ludouico tantisper hære-  
re, & virtutes Sanctissimi Principis adumbra-  
re vel leuiter; nec in Historiæ leges peccauero,  
dum regnandi legem, & regnantibus for-  
mam sanctitudinis exemplo describam. Post-  
quam restinxit bella ciuilia, externisque fo-  
mitem omnem amouit, ad vnum pacis stu-  
dium sese adhibuit; porro ad veram pacem  
atque sinceram, quam virtutes facerent, non  
ad spuriam illam & adulterinam, quæ vitiis  
& voluptatibus sese immergeret. Eam ob-  
rem Iustitiam induxit, vitia relegauit. Ius di-  
cebat ipse accuratè, tam inopi promptus quàm  
diuiti, explorabat rem diligenter, suauiter  
attendeat dicentibus, & æquum, nihil cun-  
ctatus, pronuntiabat. Parisiis in hortum pro-  
dibat, modesto habitu & infra Principem,  
explicatis insidebat tapetibus, pomeridianis  
horis causas disceptando; æstate ad Vicen-  
nium saltum sæpissimè ibat, & ad quercum  
familiariter assidens, aduocatis iuxta Proce-  
ribus, admittebat singulos quibus negotium  
esset; ac præconem agens, clamabat, accede-  
ret si cui lis foret: in otio lusu & ambulacro,  
Themidis solium sacrariumque constituens.  
Potentes nullo discrimine si peccassent in  
pœnam vocabat. Enguerranus Coucyus è  
itirpe regia, omnibusque regni proceribus  
consanguineus, ægerrimè vitâ donatus est,  
omni Principum cœtu deprecante, consti-  
tuente supplicium Rege, quòd tres adolef-

*En-  
guer-  
rand de  
Coucy.*

—  
Lv-  
DOVI-  
CVS  
SAN-  
CTVS,

centes in venatu deprehensos suspendi iussisset. Idem Rex iustitiam exagebat ab aliis, delectu ludicum exquisito, nullisque curis parcens ne peccarent, & si forte delinquerent ut corrigerentur. Promulgatis legibus radices scelerum resecebat: blasphemias in Deum voces acerbè plexuit; aleam interdixit, ganeas & lupanaria vetuit; duella seu priuata certamina, luem iam inde grassantem in Franciâ, penitus sustulit; tantùmque perfecit sollicitudine, ut exterminatis litigantium tricis atque calumniis, æquum iustùmque regnaret, nudâque veritas resulgeret in tribunalibus. Iam erga Deum hominèsque magnificus, largiebatur opes impensè: templa, cœnobîa, & xenodochia plurimâ condidit; longam eorum seriem Annales referunt. Sanctam Ædiculam adamauit in paucis, quàm ad Palatium regium ædificauit, locupletauit redditibus; instruxit Lipsanis toto orbe conquisitis immenso pretio, iis maximè quæ ad Christi patientis necem attinerent; nam circa illam afficiebatur mirificè; contraxerâtque eum in locum, coronam spinèam, spongiam sitienti oblatam, lanceam, crucisque adorandæ fragmentum; quæ Christi Domini mors consecrauerat. Liberalis in milites, quorum fortitudinem auro rependebat; in Comitibus Procerum, Regibus excipiendis, fratrum nepotùmque coniugiis, regiam pompam magnificentissimus exhibebat; gnarus virtutes coniugari inter se, nec priuata modestiâ obesse munificentiam publicam. Tametsi erat ad bellicas artes procliu indole, tamen litteras & litteratos homines coluit; Historiæ amantissimus, quæ vera Principum schola, Vincentium Bellouacensem iussit historiam scribere quam tractamus. Parisiensem Vniuersitatem arctè amplexus est, affirmare solitus, se passurum tolli è regno mediam facultatum partem, potius quàm Vniuersitatem Parisiis; debetque totus orbis eius

*Sainte  
Chapel.  
le.*

—  
LV-  
DOVI-  
CVS  
SAN-  
CTVS.

eius curis Sorbonæ Collegium; quod Robertus Sorbonus constituit, Cameracensis primum Canonicus, mox Parisiensis, liberalitate Regis, quem confitentem audiebat, opes nactus, quas in præclarissimam rem impenderet. Iam ad Christianas virtutes infra dignitatem regiam longè incubuit; nisi tamen est maximus, qui infra fastigium se demittit. Grauiori delicto nusquam se implicuit. Zelum in Deum sacra expeditio, vitæque clausula, luculentè docent; semel adstans baptisimi ceremoniis, legatis Tunetani Regis spectantibus dixit; *Regi vestro renuntiate, me libenter quod vita superest in obscuro carcere acturum, onustum ferro mersumque tenebris, modò ipse eiusque subditi lauacro sacro eluerentur.* In pauperes totum se charitate mirificà profundeabat; eorum plures habebat in comitatu quos aleret, maiori numero diebus festis; iis cibos regios manibus regiis ministrabat, nudo plerumque capite; iisdem detergebat lutum è pedibus, curabat vlcera saniosa, & leprosis alimentum in os ingererebat; egenis toto regnò latentibus, quos inquirebat sagaciter, subministrabat pecuniam, tanto sumptu, vt consiliarij conquerebantur; nescij quantum in iis largitionibus lucri esset. Tantà morum innocentia sauebat in se asperrimè; catenis ferreis vltro vapulans verberanti humeros subiiciebat, cilicio carnem perdomabat, vexabaturque ieiuniis; vt sanctum diceres, mores si spectares; reum, si duritiem quàm secum agebat. In curandis strumis seu scrophulis signum Crucis primus adhibuit, præmisitque ieiunia, preces, & Sacramenta sanctissima, ad patrationem miraculi, quod Franciæ Regibus admirabilitate perpetuam Deus condonauit. Hæc è multis pauca delibasse suffecerit; quibus sanctitudinem assequebatur Rex optimus, superisque & mortalibus iuxta charissimus, comparabat regnum nusquam desitutum.



# HISTORIÆ FRANCICÆ,

LIBER NONVS.



ONSENESCEBAT in hoc virtutum studio Ludouicus, cum Christianorum in Oriente calamitas primos fortitudinis spiritus excitauit. Ea summa erat, & imminabant extrema miseris. In Græcis nulla spes, imò suus metus suæque infortunia; ab Tartaris deserebat auxilium, quos bella ciuilia auocabant, & in perniciem suam continebant, pactæ finiebantur induciæ, Saracenorum potentissimas vires an oppida pauca repellerent? Ideò appellati Christiani Principes, Ludouicus in primis, quem suus in Deum & proximum amor multò ardentius compellabat. Postquam in Consilio suam mentem aperuit, repugnare omnes & intercedere. *Quid annis & curis confectus propemodùm noua bella tentaret, nouisque arumnis immergeret se? valetudinem abiectam planè atque deploratam, vix ipsum è palatio in sacrum ad eam sine deliquio progredi, miseria meminisset*

I.

LV-  
DOVI-  
CVS  
SAN-  
CTVS.

Ludo-  
uicus  
apparay  
sacrum  
bellum.

— meminisset in Ægypto exhausta, quanquam  
 LV- idem sit animus, alias vires, aliud corporis  
 DOVI- robur existere, tentari supremum Numen  
 CVS nullo compendia, cum pericula quibus oppri-  
 SAN- mimumur, prouocamus. Si pium Principem mi-  
 CTVS. seret Syria, misereat Francia, aquam sortem  
 vocantis & retinentis; retinentis ius melius,  
 tam Franciam quàm Palestinam periclitari  
 absentia suâ, quid eriperet se suis, ut se ex-  
 teris daret? nexum iustitiæ arctiorem esse  
 quàm charitatis, quid alios seruet, si subdi-  
 tos perdit? Hæc præclara in speciem Rex cum  
 audiret, pugnare contumaciter noluit; erat  
 enim in suos mitissimus; sed operiens op-  
 portunitatem, Comitibus conuocat, adornatque  
 Legatum Apostolicum Simonem Briensem  
 ( & is postea Pontifex Martinus IV. tunc Vr-  
 bano mortuo Sedes vacabat ) qui habitâ de  
 sacro bello oratione, ad expeditionem omnes  
 inflammaret. Rex arreptâ occasione suscipit  
 bellum; se Cruce signat, simulque tres libe-  
 ros, Philippum natu maximum, Petrum Alen-  
 sonium Ducem, & Ioannem Tristanum Co-  
 mitem Niuernensem. Plurimi Proceres Re-  
 gem æmulantur, Alfonsus frater, Theobaldus  
 gener, idemque Nauariz Rex & Campaniz  
 Comes; Robertus Artesius Regis ex fratre  
 nepos, Guido Flandriz Comes, Ioannes prin-  
 cept Britanniz, Guicardus Belliucensis  
 Mompenseri Dominus, Guido Lauallius, &  
 selectus flos nobilitatis. In Hispania simul &  
 Anglia intonabat classicum sacrum, & qui-  
 dem in Hispania Iacobus Aragoniz Rex Al-  
 fonso Castellæ Rege excitato, comparauit  
 exercitum, incenditque naues Barcinone,  
 sed tempestate iactatus, retrò flexit. Constan-  
 tior Eduardus Angliz princeps, qui mutua-  
 tus à Ludouico pecuniam, militem scripsit,  
 deduxitque cum Rege in Africam, vel ut  
 Angli scribunt in Syriam. Carolus Siciliz  
 Rex; expeditionis magna accessio, qui cum  
 Ierosolymæ

Simon  
deBrie.

D'A-  
lenson.

Gui-  
chard  
de Beau-  
jeu  
Gui de  
Lanai.

Ierofolymæ Regem se diceret, fructum belli videbatur lecturus, & alieno labore rem suam quærere, eximiam classem instruebat. Rex profecturus, petitis de more à sancto Dionysio vexillo & baculo; regni regimen dedit Matthæo Vindocinensi sancti Dionysij Abbari, & Simoni Claromontano, Toparchæ Nelli; quorum fidēs & prudentia explorata. Margarita coniux sponsum charissimum ad nauem sequuta, cū vetaretur ulterius progredi, recusato regimine, se in Vicenarum castris conclusit, Regis absentiam precibus & solitudine prosequuta. Regem Aquismortuis expedita classis operiebatur; triremes apparauerant Anfaldus Doria, & Philippus Cauconcius Genuenses; erantque sub signis cataphractorum equitum millia quindecim, ducenta peditum; ingens exercitus, Orientis perdomandi potens, si primordiis rerum humanarum constarent exitus. Cū in procinctu Rex esset, petendæ Palæstinæ consilium abruptit Carolus, & conuertit in Africam. Negabat Ægyptum profligari posse, nisi primū Africa subigeretur; in eo littore magnas vrbes positas, vnde Sultanus bello & pace com meatum perciperet; commodorum fonte intercepto, alueum exsiccandum, & destitutam Ægyptum sub iugum ituram. Spem illucescere, si Tunetum appulerint; cuius vrbs Rex per legatos desiderium in Christi fidem testatus, pollicebatur se eam admissurum, postquam Christiani portum tenuissent, præbituri vim ad subditos compescendos, si fortè ob mutatum Principem tumultuarentur. Et quidem Tunetanus hanc spem obtulerat, sed Punicâ fide, & in fraudem promptâ. Erat & Carolo emolumentum priuatum; vt Tunetanus victus tributum persolueret, quod olim Siciliæ Regibus appendebat; præterea tegebatur Siciliam, orâ illa maritimâ in foedus & societatem vocatâ. Ea expeditio Regi persuas-

—  
Lv-  
DOVI-  
CVS  
SAN-  
CTVS.  
De  
Cler-  
monte  
Sei-  
gneur  
de Nes-  
le.  
Aigues  
mortes

Expe-  
ditio in  
Afri-  
cam.

LV-  
DOVI-  
CVS  
SAN-  
CTVS.

*De Va-  
rennes.*

II.

*Tunetum*

*frustra*

*obses-*

*sum.*

Anno

1270.

sa ; classisque Aquismortuis soluit , Ad-  
miratio Florentio Varenio ; cladem no-  
stram inuectura in Africam , vt in Asiam  
primùm.

Classeni nauigantem magna & turbulenta  
tempestas excepir ; seiunctæ naues & in di-  
uersas plagas dissipatæ ; perfracta pluribus  
armamenta, plures in scopulos & Syrtes alli-  
sæ ; aliquot mersæ naufragio ; quasi elemen-  
ta sanctissimi Principis morti intercederent ;  
sed tertio die in Sardinia classis collecta est,  
& paucis desideratis , post damna iustaurata,  
ceptum iter in Africam institit. Ad oram Li-  
byæ , quæ Mediterraneum mare porrigitur,  
non procul à celeberrimâ per Romanas cla-  
des Carthagine, maris Sinus in medias terras  
protenditur , quo desinente vrbs Tunetum  
occurrit : ea muris, fossis, turribusque præcin-  
cta , duplici ad mare munimento defenditur ;  
primùm insulâ ad portum obiectâ , in qua  
turrim crexerant barbari ; tum ipse portus  
situ munitissimus , & saracenorum classe in-  
structus. Francorum imperus in Insulam sta-  
tim conuersus, ipsa occupata, expugnata tur-  
ris, cæsisque Barbari ; eaque est insula, in quâ  
postmodum Turcæ Guletam arcem exædifi-  
carunt : tum vniuersa classis in portum inue-  
cta ; naualique prælio classis hostium victa  
ac demersa, portus inuasus, milésque ad Tu-  
neti muros expositus. Pugnatum deinceps ne  
ad urbem propius Franci accederent , & con-  
formarent obsidium ; prorumpabant sæpius  
Saraceni, toties repulsi ; donec barbarus Rex  
decem millibus armatorum in castra irrupit,  
aspero prælio & cruento, quo tandem victus  
est , necati plurimi , & vincentibus permissa  
obsidio ; nam validissima munimenta expu-  
gnationem excluderant. Lento igitur famis  
beneficio Franci confisi , circum agros vasta-  
bant ac diripiebant ; sed ipsi primùm loci in-  
commodis conflictati sunt , in agro sterili ,  
aquâ

aquâ & pabulo deficientibus ; ita in alieno bellantibus euenit , vt quam hosti calamitatem inferunt sentiant primi , & famem excipiant ipsi qui faciunt. Aquæ penuria , & intemperies cœli æstuantis , haud multò post morbos procreârunt, acutas febres, sanguinis fluxum, & eiusmodi ægritudines, quæ in vulgus militum statim sparsæ , Tribûnis postmodum implicatis , haud paucis letales erant. Ideò ad commodiorem auram captandam, & procurandam aquarum copiam , Rex soluto ad tempus obsidio, secessit in vallem aliquot milliaribus vrbe distantem, Carthagine haud procul, militemque in castris habuit. Tunetani ob discessum Regis audaciores , ad castra accedere, Francos laceßere, quietem nullam permittere , ac si qui ad pabulandum prodirent, intercipere atque conficere. Hoc belli genere Francorum vires breui afflictæ sunt ; nam conclusis castrorum ambitu cùm decissent plura , morbi instaurati iam serpebant contagio , & in pestilentiam degenerabant. Ludouicus cùm hostis accederet , educebat è castris militem, cupidissimus pugnæ ; sed barbari Numidarum instar, quorum solo insederant , recedebant ; minutis præliis atque improuisis carpere hostem contenti , permissâ nusquam decretoriâ pugnâ. Rex elusus sapius, castris se inclusit, Carolum fratrem operiens, quem instructâ classe breui adfuturum nuntiabatur. Nec ideò tamen hostem exclusit. Contagio iam Proceres attentabat atque perimebat ; Legatus Pontificius eâ absumptus erat , Philippus Regis filius feбри corripitur; Tristanus alter Regis filius vitam morbo finit, tam raptus in paternâ calamitate quàm natus , Rêxque ipse ingenti dolore animi affectus, ob natorum totiûsque exercitus luem , laborat tandem cruento effluuiò, ac lente insuper ardentissimâ febre. Quo n. o prostratus , iâmque gnarus admotum

LV-  
DOVI-  
CVS  
SAN-  
CTVS.

Regis  
morbus



— te ad peregrinationis humanæ terminum,  
 I v- conuocatos Proceres, & vultu mœstissimo le-  
 DOVI- etum circumstantes, ita alloquitur. Iam ad  
 CVS vita metam, Amici charissimi, me hic mor-  
 SAN- bus tulit, iam sto ad carceres vita alterius,  
 CTVS. gestioque latitiâ hoc breui limite seiunctus à  
 Et ora- Domino. Si quid obturbaret gaudium animi,  
 tio ad uni vos latanti inspergeretis mœrorem, quos  
 Proce- è Francia commodis, suisque singulos adibus  
 res. raptos, in hac incommoda vitaque periculum  
 euocaui. quanquam hallucinor, nam Dei  
 causâ bellum suscepistis, & signati Cruce iu-  
 rastis militiam Deo, conditori omnium &  
 moderatori: qua res mihi ingenti solatio est,  
 cogitanti cui Imperatori Sacramenta dicitis,  
 quem sequimini Decem, Deum nempe Opti-  
 mum Maximum, cuius bonitas vos seruatos  
 volet, seruabit potentia, cuiusque auxilium  
 nullâ barbarie, nullâ gente, regione nullâ  
 conscribitur. At rogo vos plurimumque obse-  
 cro, ut qua cogitatio morienti mihi solatio  
 est, eadem superstitibus vobis subsidio sit, &  
 meo in exitu memineritis Dei, qui me ut  
 spero in vita alterius pramium euocat. Vetat  
 ille luctum vestrum ac lacrymas, nec decet  
 lugere vos dum latitiâ perfluo. Ita est charis-  
 simi, gratulationes non fletus exposco, cum  
 nec vobis ipse eripiar, sed præcurram, metam-  
 que attigero, ad quam stadiis omnium curri-  
 tur. Vos ergo memineritis esse in cursu, imò in  
 castris, ineundâ non in barbaros pugnâ, sed  
 in ipsum Tartarum, principesque Tartareos.  
 Id bellum, hac acies, in quam vos expeditos  
 semper optaui; Sacrosanctâ Cruce in ba-  
 ptismo signati, iurastis in virtutum cultum,  
 Deique obsequium, nunc si desertores militia  
 ad teterrimum hostem transfugitis, si gulam,  
 auaritiam, impietatem, atque libidinem, qui-  
 bus armis in Deum pugnat, capestitis; na  
 vos ignominiam contrahetis, turpissimam om-  
 nium, quam fortasse nulla expungant sacula.

Auertat

Auertat Deus hanc à vobis noxam, imò Deum ut fecistis hætenus colite, immensis beneficiis amorem rependite, eripiet ille vos seruatque periculis, iam aduentat frater, cuius ope non salutem modo sed amplam victoriam reportetis: interim habetis præsentem filium, hunc vobis trado Regem & parentem, qui se maiorum gloriâ dignum exhibeat.

LV-  
DOVI-  
CVS  
SAN-  
CTVS.

Sic Proceres alloquutus, Philippum filium apprehensum dextrâ, ad virtutem præclarissimis monitis adhortatur, quorum summa hæc est. *Amantissime fili, præ cæteris omnibus Deum ama, sed impensè, & quantum mortalitas feret, toto animi nisu; ita ipsi nunquam facesses molestiam, nec ullam noxam letalem contrahes, iturus in cruciatus omnes, eam ut non Patres. Erga pauperes tenero sis animo ac benigno; miseris solatio sis, & quantum licuerit adiumento. Doma cupiditatem, nec ipsius causa vectigal aut tributum exegeris; quæ necessitati debentur, non auaritiæ aut effusioni. Adscisce in socios, qui probi sint & prudentes, Regum pestem impios amolire. Audi sapissimè Dei voces qui referunt, easque admittite in penitissimam mentem. Summo Regum domino preces funde; coram Altissimo submitte fastigium; quantum enim Deum inter & mortalem distat? Stude estimationi veraque gloria. Ne sinas audiente te aliorum fama obrectari; Dei, Beata Virginis, aut Sanctorum cultum, verbo ullo ladi, aut proferri voce n. quæ in malum agat. Inopi iuxta ac diuiti ius suum tribue. Largire famulis, sta promissis, gr. iuis sis cum ijs, non familiaris. Redde extemp., si quid alienum possideas. Pacem comparâ subditis, pretiosissimum donum; ipsorum immunitates ne violes. In Christianum Principem bellum ne moueas; sin coactus moueris, parce insontibus & sacris adibus. Obserua Iudices, & inquire*

III.  
Oratio  
ad fi-  
lium.

— an iuste iudicent. Tum demùm adiunxit.  
 LV- Oro te, fili mi, ut me emortuum, Missarum,  
 DOVI- precum, & largitionum subsidys, toto regno  
 CVS prosequaris. Iam tibi benedictionem impertio,  
 SAN- uberrimam quam ullius unquam patrum  
 ETVS. precatus est filio; obsecrans Trinitatem san-  
 ctissimam ut te omnibus malis eripiat; ma-  
 ximè ne vitam in peccato mortali amittas,  
 ut simul ipsi in aternis tabernaculis immorta-  
 lem vitam peragamus. Mox incremento  
 morbi ad extrema applicitus, sacris religiosè  
 Regis susceptis, iubet se humi cinericio strato im-  
 obitus. poni, sanctosque obsecrans, quos studiosè  
 coluerat, Iacobum, Dionysium, atque Geno-  
 uefam, brachiis in Crucem collectis, sanctis-  
 simam animam cœlo dedit; anno vitæ quin-  
 Anno quagesimo quinto. Summus profectò, ac  
 1270. dignus æternâ Francorum memoriâ; Chri-  
 stianis Regibus exemplum & norma, qui  
 pietatem & religionem, priuatas ut videba-  
 tar virtutes, publicas fecit, dum throno intu-  
 lit; docuitque posteros integritatem vitæ  
 cum diademate posse sociari. Eum vicesimo  
 septimo post obitum anno Bonifacius Pon-  
 tifex sanctis adscripsit; rarissimum hactenus  
 in Regibus decus; & verissimus triumphus  
 de orbe terrarum, quem nemo vincit effica-  
 cius, quàm qui temnit. Et patrata miracula  
 præluserunt Pontifici, imò consequuta quam-  
 plurima; quibus Deus Ludouici gloriam  
 testatam voluit, vitamque impensam, magno  
 laudis fœnore compensare. Nam statim ab  
 obitu mutati oris splendor receptam cœlo  
 animam referebat; genas macie & ægritu-  
 dine deformatas rubicundus color minio  
 pinxit, subrisit os suauiter, lætisque oculi iu-  
 cundos aspectus visi effundere. Ex pluribus  
 quos susceperat liberis, duo lecti diuinitus  
 ad stirpem regiam; Philippus natus maximus,  
 tunc vicesimo sexto ætatis anno; & Rober-  
 tus minimus, Claromonti in Bellouacensi-  
 bus

bus Comes , à quo Borboniorum familia ,  
longo pòst annorum tractu, in Francorum so-  
lilium euehenda. Ingens continuò mœror  
Francos inuasit; vt plerumque iacturâ raptum  
bonum agnoscimus: occurrebant animo Re-  
gis dotes , periculi facies ; se destitutos om-  
ni ope credebant, quos destituisset Rex opti-  
mus ; tunc seriò noxas & deficta sua incusa-  
bant ; quæ cœlestem iram lacefferent , tan-  
tùmque Principem rapuissent indignis. Nec  
dubium est, quin Barbari profligassent perter-  
ritos, si in hoc articulo castra impugnassent,  
sed Deus hanc auertit hostibus mentem; iam-  
que inter superos Rex admissus , inuigilabat  
suis , opémque præstabat.

Etenim ipso die quo vitam posuit, ad oram  
Libyæ Carolus Siciliæ Rex appulit, annonam  
vberem validùmque militem vehens classe.  
Tunc præbitum catastrophes humanæ specta-  
culum ; cùm ab Italis pompa , gaudium, fe-  
stinus tubarum sonitus , vexillorum explica-  
tus fulgor, ab Francis mœror pallens , silen-  
tium altum, desperatio belli , ac trahentium  
fatal languor spectarentur. Continuò Caro-  
lus ad charissimi Regis cadauer , erectum in  
feretro, postquam lacrymas, gemitus, precès-  
que effudit, traductus ad sollicitudinem bel-  
li, languentium animos excitauit; ac primùm  
recentes copias, ne læderentur morbi conta-  
gio, seiunxit à Francis, mediâsque hostes in-  
ter & Francos locauit. Nec ab armis diu tem-  
peratum. Cùm equitum turma intercepta à  
barbaris & deleta esset, totum exercitum Ca-  
rolus ad pugnam eduxit ; (nam Philippus  
Rex, valetudine æger , iuniórque annis , pa-  
truo tot victoriis claro tradebat imperium)  
nec Saraceni detrectabant prælium, quod ta-  
men nouo more nouâque industriâ commi-  
serunt. Effusos in planitiem campos arena  
sternebat, quâ expansa in latum; quâ in colli-  
culos pressa; & commodùm Auster vehemens

—  
Lv  
DOVI-  
CVS  
SAN-  
CTVS.

I V.

Philip-  
pus III.  
dictus  
An-  
dux.

Caroli  
Regis  
in  
Africâ  
aduen-  
tus.

Sara-  
cenorû.  
Strata-  
gema.

PHI-  
LIPPVS  
AV-  
DAX.

*Vincitur à  
Carolo.*

in Francorum vultus auras perflabat; eâ opportunitate barbari vsi, memores artis antiquæ, vento commilitone, latioribus palis instructi, ad pugnam procedunt; quibus Sabuleta mouentes grauitè, vento impellente, tantum pulueris in ora & oculos, tam caliginosos arenæ nimbos euoluerunt, vt Francis regrediendum in castra fuerit, secum optimè actum reputantibus, quod eo turbine tumulati non fuerint, & viui arenariis molibus conditi. Eo successu Afri elati, ad certamen seriò se accingunt; Christianos semel posse profligari, morbis abiectos Francos atque imminutos; qui ex Italiâ & Siciliâ venerint, tirones admodum, timidos atque ignauos, in fugam potius quàm in pugnam trahi. Ita ingentem exercitum Tunetanus contractis vndique copiis, ad Christianos admouet, telorumque iactu laceffit. Carolus vt audaciam aleret, lentè aciem explicans, suo strategemate pugnam instituit. Nam Italis in agmine medio collocatis, imperat vt primo congressu simulato metu fugam arripiant, Francos ad alas porrigit, dein signo dato ad pugnam emittit. Post breuem velitationem. Itali fectâ egregiè trepidatione, primùm loco cedere, dein turbari, tandem fugam sumere, & terga vertere. Illicò barbari clamore incondito, solutis ordinibus, ceu victoriæ compotes, persequi, & hædere fugientium tergis; at ij postquam penitus in intimam aciem rapti sunt; tunc repentè os & ferrum conuertunt, & incautos telis gladiisque excipiunt. Franci qui eatenus de industria hæserant, in latera & terga hostium effunduntur, inclusosque magnâ cæde sternunt. Sic victoria crepta victoribus, instaurata ars Parthica, Mars dolo armatus, & Numidis suus Marius redditus. Hoc consilij opus, istud fortitudinis. Castra fixerant barbari Tunetum inter & Francum; munitissimo vallo excludatur.

debatur Francus ; vrbi per lacum annectebantur , quo annonam & cætera commoda deuehebant. Eam vt commoditatem Franci auerterent , triremes compingunt , quarum partes committi facile ac resolui possint , easque dissolutas ad lacum deferunt ; tum instauratas conscendunt , ac palustrem locum in lacu occupant ; vbi posito ipsâ eâdem nocte munimento , naues hostium prohibent , intercipiuntque commercium vrbis. Tunetanus aggressus frustra hunc reuellere scopulum , tandem ad decretoriam pugnam se comparat. Instructi vtrinque exercitus ordines explicant ; cùm solo metu pugnatum & victum est. Vbi Franci equites demissis lanceis in hostes inuecti sunt ; illi periculi facie terri saluti vt consulant , primi quidem in secundos ordines se recipiunt , illi in tertios ; ita momento vniuersa acies conturbatur , & effusa in præcipitem fugam , terga impunè cadentibus præbet. Hæc ingens victoria , quæ Tunetum urbem expugnabat ; gnarusque infirmitatis Rex barbarus , hostes quos ferro non vinceret , auro aggreditur. Missi de pace caduceatores. Et quidem Francis bellum perplacebat ; *Vrbem ad extrema actam , & no admodum conatu capi posse ; ignominiosum Francica gloria , rem confectam deserere , & lucrum pro laude hoc est infamiam domum reportare ; quàm id turpe sui Regis memoria atque cineribus , quos infectâ expeditione victos potius quàm triumphantes reueherent.* At Carolus pacem appetebat : Francos morbis perditos , iam ægritudinem in Italos suos irrepere ; Tunetum haud tam facile expugnari , expugnatum seruari difficilius , ab ægro milite , tanto maris spatio. Præterea consequbatur optatum , Tunetano Rege tributum pendente ; & Philippus Rex morbi tædio Franciam cogitabat , ne quid noui mutato Principe oriretur. Ideò pax cum Tunetano

——  
Pir.  
LIPPVS  
AV-  
DAX.

Barba-  
ri su-  
gantur.

Pax  
cum  
Rege  
Tune-  
tano.

PHI-  
LIPPVS  
AV-  
DAX.

contracta, iis conditionibus quas victores darent; vt præsentis belli rependeret sumptus; tributum Carolo aureorum quadraginta mille quotannis solueret, captiuos Christianos libertate donaret; securum mercatoribus commercium foret, ac facultas in Tunetano regno Christum prædicandi. Impletæ conditiones, & victores versus Siciliam nauigarunt; ambiguâ gloriâ, his pacem laudantibus, illis arguentibus, quæ victoriam vt putabant certam oppressisset.

V.  
Fran-  
cica -  
classis  
naufra-  
gium.

Porte-  
iuge.

Reges nauigatio prospera Drepanum intulit; classem reliquam quæ soluerat seriùs dirissima tempestas adorta est. Peruenerat in conspectum Drepani, cum inhorrescente subito pelago, procellamque mouentibus ventis, naues reciprocante fluctu inter se concuti, armamenta infringere, diuerberare sese instar arietum, aluum quassare atque dissoluere, mox hauriri vndis atque absorberi. Et in portum atrocitas mali penetrauit, quâ triremes fractis rudentibus solutæ anchoris, ad naues raptæ sunt procellæ turbine, & ad fixissimum prælium instaurandum actæ. Eminebat in primis regia, dicta Gaudij nuntia, nunc cladis causa, tristissimæque necis instrumentum: eâ amplitudine alui & materiæ firmitate princeps cæterarum, æstu impellente maximam stragem intulit nauibus; mox illam verberatam prorâ conquassabat, aliam allisâ puppi aperiebat; mox conuersa in latera comminuebat nauigium dextrum, iterum agente fluctu læuum obruebat, animatum scopulum diceres, qui inquirat naues atque persequatur, vehâtque naufragium quoquò se verterit. Spectabatur illa summis in fluctibus, remos inter fractos, auulsa gubernacula, vela direpta, comminutos malos, quòdque longè funestius, submersorum cadauera, diuulsisque membris partientium funera. Nulli mortaliū in tanto numero incolumitas obtigit, præter

præter paucos, quos idem turbo ad Tunetanum portum reuexit, a Rege barbaro amicè habitos, & calamitate naufragij subleuatos. Imò nec Regibus prosperum iter, nec mœroris expers reditus contigit. Drepani Theobaldus Nauarræ Rex, morbo vitam clausit, præstantissimus iuuenis, nec indignus quem Ludouicus affinitate adiungeret; vxor Isabella Ludouici filia, tergemino defuncta funere, patris, fratris & coniugis, cùm nec liberos ullos suscepisset, in itinere ad Massiliam obiit, intercludente mœrore spiritum, & amore charissima capita reposcente. Et Philippum Regem suus dolor affecit; postquam Monte regali ad Panormum patris viscera direptamque ossibus carnem tumulauit, pergens in Italiam, Calabriamque pertransiens, dum transmittit fluuiolum vado, Isabella coniux equo impingente in saxum prolabitur, lapsûque prægnans iam octauo mense ægritudinem contrahit, quâ viuus rapitur, anno vitæ vicesimo quarto; coniuge raptam lugente, vbi nullus periculi terror, quæ tot ærumnis belli & pelagi superstes fuisset. Quatuor liberos Regi pepererat, quorum duo Philippus & Carolus fastos implebunt. Nec tot funeribus mors quieuit; Alfonso Regis patrum, suauissimum moribus atque piissimum, fratrisque Ludouici indefessum in expeditionibus Comitem, Corneti quod castrum in Tusciâ, morbo rapuit; nec Ioanna vxor superuixit, eiusdem socia indiuisa; quibus sine prole mortuis, impleta est conditio à Blanca sancita, & Tolosates cum Occitania regno restituti, præter Pictones quod Alfonso patrimonium fuerat. Inter hæc Italiam decurrebat Philippus, & Viterbij adhortatus Cardinales, vt tandem conuenirent ad eligendum Pontificem; nam iam alterum annum distrahebantur odiis atque sententiis, tum Cremonæ pactis Venetos inter & Genuenses induciis, quos

PHILIPPVS  
AVDAX.  
*Varia  
Principum  
funera.*

Annus  
1271.

*Regis in  
franciâ  
reditus.*



intestina bella consumeant; ac Mediolani  
 PHILIPPVS exceptus perhonorificè, tandem per Alpes in  
 AV- Franciam venit; ac Parisiis sanctissimi patris  
 DAV. Lipsanis mandatis tumultu, quæ suis ipse hu-  
 meris succollabat, Rhemis solemni more  
 inunctus est, & ad regni regimen se ac-  
 cinxit.

VI. Verùm diu quieto esse non licuit. Motus ab  
 in A- ultimâ, Vasconia pacem perturbavit. In eâ  
 quita- duo Proceres, Armaniacus Comes, & Girar-  
 nia. dus Insulæ Iordani Dominus, ob iura quæ-  
 Comite pitiam contendebant: ille viribus atque opi-  
 d' Ar- bus erat superior, hic animi fortitudine defe-  
 ma- ctum potentia cumulabat. Semel cùm Arme-  
 gnac, niacus ad Casaubonum castrum, quod Girar-  
 Sei- di erat, magno amicorum & militum comi-  
 gneur tatu præterucheretur, Girardus id contume-  
 de l'Isle liæ adscribens, Comitem eductis suis asse-  
 Jour- quutus, in eum armatus irruerat, fratremque  
 dain. Comitis perimens, cæteros in turpem fugam  
 Casau- egerat. Armeniacus pudore & dolore arma  
 bon. comparat, & Comite Fuxiensi sororio in sub-  
 sidium euocato, Girardo interitum ruinam-  
 que castrî intentat. Ille armis impar, Regem  
 ut supremum Dominum appellat, ipsius tute-  
 læ castrum committit, in id inducis Magi-  
 stratibus Regiis, emendaturus sententiâ Re-  
 gis si quid deliquisset: Nihilominus milites  
 castrò admovent militem, vi expugnant, pas-  
 sîmque omnes trucidant, Regios etiam Ma-  
 gistratus, Girardo per pseudothyrum elapso:  
 Illicò apud Regem maiestatem violatam suis  
 conqueruntur; vnum præ cæteris Fuxiensem  
 Comitem accusantes, auctorem cædis, & qui  
 in Regem dixerat plurima intemperantiis.  
 Rex contracto magno exercitu, ut auctorita-  
 tem sanciret principiis, versus Aquitaniam  
 copias ducit; ac Tolosæ dum agit, comperto  
 Fuxiensem; quem arma appetebant, se Fuxio-  
 castrò inclusisse, militem in eum rapit. Nempe  
 Comes Rogerius Bernardus, confusus arcis  
 inexpugnæ

inexpugnabilis munimentis, abductis secum ex Albigenſium fæce facinorosis prædonibus, sperabat poſſe infringi ultionem Regis; qui more iuuenum tam citò affectus poneret quàm ſuſcepiffet. Fuxium erat in vertice montis, circum abruptis aſperriſſiſque rupibus ſcopuloſi, vno aditu arcto admodum atque difficili. Montem caſtris miles circumdedit, tantumque perfecit improbitate laboris, vt per iuga rupium ſaxorumque duritiem, tortuoſum variis anfractibus iter ad arcis foſſam deduxerit. Eadem viâ timor ad Comitem penetrauit, peruiçitque vt ſe Regi ſuâque traderet: datus in vincula, Bellocadium ductus eſt; annuo carcere expians rebellionem: donec deprecatore ſocero Gaſtone Moncadio, reſtitutus in Regis gratiam, vxorem, liberos & ditionem recepit. Et ipſi Moncadio appellandum fuit patrocinium Regis. Eduardo Angliæ Principi ob quædam feuda ille obnoxiuſ, magnique in Aquitaniâ ob nobilitatem & potentiam nominis, eundem comitari in expeditionem ſacram detrectauerat, etiam compellatus. Eduardus è Syriâ redux, auctuſque regnò Anglico, quod Henrici patris morte adiuerat, memor iniuriæ, Moncadio ad præſtandam fidem diem dicit. Ille iniuriam contemptu auget, liſtorem Anglum in vincula agit, armatuſque obſequium negat. Bearnium, quæ ditio Moncadij erat, Angluſ inuadit; Gaſto infirmior: cum fide incolumitatis datâ ſe Regi ſiſteret, retinetur; ac vix multa pollicituſ liberatur. Illicò liber deluſam fidem incuſans, quæ vi promiſerat inficiatur deberi, iterumque militem ad vim repellendam conſcribit. Bello inſtaurato intercedit Philippus, litemque in Parium curiam euocat, quando ſibi ambo clientelam iuraſſent; in curiâ multat in Eduardum contumelioſa cum intemperanter effudiſſet Moncadius, Regemque Anglum ſingulari certamine prouocaret; eamque

PHI-  
LIPPVS  
AV-  
DAX.

*Beaus  
caire.*

— que ob rem acerbissimè Anglus quereretur;  
 PHILIPPVS Philippus rem arbitrio disceptans, damnauit  
 AV- Moncadium, vt verbis illatam iniuriam, ex-  
 DAX. cusaret verbis & sarciret. Sic flexis genibus,  
 collo recte adstricto, ab Eduardo veniam fla-  
 gitauit supplex; demissione arrogantiam, &  
 contumeliâ suâ alienam obliterans; ditio &  
 iura damnato steterunt integra; fuitque intra  
 verba pœna vt culpa, & Franci intererat, non  
 ditari Anglorum Comitum spoliis. Eduardus Rex  
 pro Aquitaniâ præstitit postmodum cliente-  
 lam. Ab iis turbis quietis aliquantum regno  
 indultum est, Regique ipsi nouum coniu-  
 gium comparatum. Cœlebs quartum annum  
 agebat, castimoniâ magnâ, quod Principi in  
 ætatis flore inusitatum, suorum impulsu susce-  
 ptâ vxoris cogitatione, Mariam selegit so-  
 rem Ioannis Brabantix Ducis, corporis for-  
 mâ animique dotibus claram, eamque Pari-  
 siis excepit celebritate quam maximâ; præ-  
 bitum omnibus Equitibus tum externis tum  
 indigenis hospitium, epulæque solemnes per  
 dies octo, quibus vrbs regia ludis conuiuiss-  
 que se tradidit; Francis maximè omnium, in  
 lætitiâ Principum se conformantibus. Ab  
 gaudio publico & alacritate ad religionem  
 Philippus transiit. Gregorius X. Pontifex di-  
 ctus, post longissimam illam Cardinalium  
 altercationem, & ab extrema arcessitus Syriâ,  
 vt & illâ motâ interregnum produceretur, ad  
 instaurandas Ecclesiæ res afflictas magno illo  
 iustitio, locum aptum Concilio Generali à  
 Rege impetrauerat, Lugdunum commodissi-  
 mam excipiendis & alendis Patribus ciuita-  
 tem. Venienti Lugdunum Pontifici Rex oc-  
 currit, & honorificè deducto præter urbem  
 aliquot circum castella tradidit, & corporis  
 stipatores, ad tutelam & securitatem, rediit-  
 que Parisios, curâ Nauarrici belli iam à pro-  
 ximo anno susceptâ. Porro quia res momenti  
 est maximâ: tribusque difficillimis bellis im-  
 plicuit

Rex  
 Mariâ  
 ducit.

Anno  
 1274.

Conci-  
 lium  
 Lugdu-  
 nense  
 secundum.

plicuit Franciam, Hispaniam, atque Italiam; ea operosius pertractanda. Si tamen semel præfatus fuero, in bellis Franco-Hispanicis, quæ deinceps in nostra secula magno Europæ damno propagata, vix conquieuerunt, me nullo gentis meæ affectu, vel extraneæ odio perscripturum historiam, sed vnâ veritatis luce, quantum assequi potero, ex vtriusque gentis Annalibus rem indagaturum, gnarus suas cuique populo virtutes esse & vitia, nec vni nationi scribi Historiam, sed Orbi terrarum.

PHI-  
LIPPVS  
AV-  
DAX.

Nauarra in Hispaniâ sita est, quâ ad Occasum Pyrenæorum iuga porriguntur; pars olim Cantabriæ, fortissimorum militum ferax; postea Vasconum sedes, bellicæ gentis, & supra cæteras ferocissimæ. Inter Castellam veterem & Aragoniam posita, & per ipsos Pyrenæos prolata intra Galliam, quasi eorundem regnorum vel pars vel particeps; ipsorum Regibus cupiditatem obtinendi mouit. A Gothis Regibus, ante Roderici calamitatem, cum Hispaniâ cæterâ tenebatur; postea inundantibus Mauris & Hispaniam inuadentibus, montium beneficio & locorum asperitate defensa est; donec haud multò post Garrias Ximenes, oriundus è Franciâ & Bigerrorum Comes, reportatis è Mauro haud paucis victoriis, regnum instituit, quod Sobabriæ dictum est. Alij regni eiusdem primordia ad Ignatium Aristam, hoc est martium atque bellatorem, aliquot annis inferiorem adscribunt, eundemque Bigerrorum Comitem; à quo ad Sanctium Fortem Nauarræ Reges prognati sunt. Ab Aristâ eodem Nauarræ mutata Insignia, ob victum clade ingenti Miramolium, Viridem nuncupatum: nam cum agmen hostium catenis ferreis circumcinctum abruptis claustris perrupisset, eam ob rem in scutum rubrum catenas ferreas variis inter se modis implicatas, auro inculpsit,

VII.  
*Nauarræ  
re-  
gnum.*

*Comite  
de Bi-  
gorre.*

PHI-  
LIPPVS  
AV-  
DAX.

Anno  
1234.

Ad  
Campa-  
nos de-  
larum.

Sanche  
de Mō.  
tagus.

insculpsit, & ad depingendum Viridis nomen Smaragdus in medio refulgebat. Porro Sanctius Blancam sororem in matrimonium dederat Theobaldo quarto Campaniæ Comiti; è quibus natus Theobaldus posthumus, in Nauarræ regnum post obitum patris flagitatus. Siquidem Sanctio sine liberis decedente, cum regni ius ad sororem spectaret, Theobaldus mortui nepos solemnī legatione ad sceptrum vocatus, opulentam hereditatem adiuit. Isque est Theobaldus, quem Blancæ amoribus suauiter insanientem Annales describunt. Ab eo Theobaldus filius hoc nomine secundus, spectatâ Regum serie, regnum suscepit; idemque decessit Drepani, dum ex Africâ domum repeteret. Ipsi Henricus frater successerat, ob pinguedinem alui Crassus dictus; qui ductâ Ioannâ Artesiâ, Roberti Regis fratris filiâ, vnicam prolem ex eâ suscepit, Ioannam matri cognominem; quam moriens adhuc biennem Reginam dixit, matrique impensè mandauit, vt cum mors sibi contigisset, filiam in Franciam duceret, eamque Principi Franco collocaret. Rege vitâ casso, matrem implendæ voluntatis regiæ cupidissimam retinebant Nauarri & ipsi in factiones duas diuisi. Potior & validior vocabat Petrum Aragoniæ Principem, altera infirmior Alphonsum Castellæ Regem; illius duces Sanctius Montacutus comitiorum suffragiis dictus regni curator, & Armengandus Pompelonensis Antistes, religione auctoritatem publicam sanciente; istius Garcia Almorauides, multæ inter populares potentia. Vterque Principum iuris speciem prætendebat ambitioni; Castellanus veterem clientelam, à Nauarrâ Castellæ præstitam, Aragonius adoptionem Sanctij Regis, quâ Iacobo patri ius quæsitum, & quadraginta aureorum millia Theobaldo primo in expeditionem sacram mutuò data. Ius Principum vt amat fieri

hieri arma promouerunt. Primus Alphonſus Ferdinandum filium in Nauarram cum exercitu mittit; qui aliquot oppidis occupatis, ob locorum difficultatem ſeſe continuit. Nec lentior Petrus Aragonius iuri fulciendo; & ipſe Soſium ad regni fines cum exercitu progreſſus, cùm Nauarrorum pars maxima ad eum inclinaret, faciles habuit Proceres, qui ipſius filio Reginam virginem deſponderunt, cum regno in dotem; quas ſi nuptias non aſſequeretur, penderentur ipſi centum quadraginta librarum millia, in belli ſumptus, quod in Caſtellanum ſuſciperet, ſtantiem in captis oppidis, necdum regni titulo abſtinentem. Interea dum diſceptant, præda elabitur; quippe Ioanna vidua neutri partium ſe credens, clam abductâ filiâ, profugit in Franciam, Regi cognato ac Roberto fratri regnum prolemque committens. Sanè dignum depositum, quod Francia omni ope ſeruaret; etenim in illâ virgine Ioanna creſcebat, tot artium mater, quæ poſt Regi nupta, Nauarram in Franciâ tot monumentis ornauit. Philippus conſinuò poſtquam virginem Philippo filio vxorem deſpondit, vt regno conſuleret, ac factiones opprimeret, nobilem Equitem Euſtachium Belmarcaſium, prudentiâ clarum, Pompelonem mittit, præſicitque regimini, Montacuto exauſtorato. Regis auctoritas Caſtellanum continuit, & factioſos aliquantisper coërcuit; donec idem furor cum acceſſione recrudit. Quippe duces quos antea partes ſeiungebant, Montacutus & Almorauides, nunc in Francum ceu communem hoſtem conciliati, communicatis viribus, populum concitant, & intra Pompelonem ipſam Francos ſecuros aggrediuntur. Ii fortè in ſepoſitâ vrbis parte habitabant, quâ tecti & muniti factioſos repellunt: eo repagulo prohibitus furor in proximos agros reuoluitur; Francorum villas funditus diruunt, vites reuellunt,

PHILIPPVS  
AVDAX.

Ioanna  
Regina  
in Franciam  
delata.

Benmar-  
che.

Franci  
caſi.

Anno  
1275.

PHILIPPVS AV-DAX. uellunt, arbores ad radicem cædunt, atque vltra infanientes, nutricum vberibus raptos infantes faxis allidunt; effusi in liberos, cum patribus arcerentur. Imò in seipsam promota est rabies, dum Montacutum alterum ducem, nobilitate ac potentiâ principem, cum pertæsus tot cædium inclinaret ad Francos, nefariè peremit; pœnas dantem quas ipse instruxerat.

## VIII.

*Pompe-  
lo ca-  
pra.*

Renuntiato furore ciuium, Philippus exercitum parat, traditque Roberto Artesio præclarissimo iuueni, adiuncto Imberto Belli-jocensi Comestabili: ij viginti quinque millibus hominum in expeditionem ductis, Pompeloni se admovent. Breui pugnacissimis aggressionibus rebelles ad extrema acti, quam se fortiter propugnarent, spe vnâ Castellani subsidij nitebantur. At ea mox euauit; postquam Almorauides qui factionem alebat, noctù profûgit, miserôque deseruit, ad Hispanum secedens. Tum demùm furor in metum deficiens, vincentium clementiam appellauit; ac ciues dum agitant de conditionibus cum Comestabili, Vascones milites prædæ cupidi & vindictæ, scalis admotis in muros euadunt, urbemque captam quàm atrocissimè diripiunt; frustra repugnantibus ducibus; in corpora primùm libidine, tum ferro sæuitum, postreimò flammis in ædificia; pœnâ tam insontibus quàm reis illatâ; adeò malè æqui persecutio bello committitur. Patrato supplicio Robertus Pompelone substitit, tum ad debellandas factionis reliquias, tum Hispano vt inuigilaret; cui extemplò Rex suas belli vices referebat; nec sine merito. Nam Ludouicus, quem in posterum ob virtutes suas nuncupabimus sanctum Blancam filiam Ferdinando Alphonsi Castellæ Regis maximo filio nuptui dederat; eam maximè legem stipulatus, vt Ferdinando Alphonsus pater regitum illibatam traderet moriens,

*Causa  
belli cū  
Hispano.*

riens, exclusis liberis cæteris ; aut, si fortè filius præmoreretur, eiusdem liberis ex Blancâ susceptis regnum auus dimitteret ; càmque ob rem Ludouicus ius in Castellam quod ipsi per Blancam matrem obuenerat, Blancæ filix, Ferdinando coniungi, & suscipiendæ proli condonabat. Contracto coniugio, Ferdinandus in regni spem & propè consortium ab Alphonso admotus, dum bellum in Mauros comparat, morbo corripitur, vitamque amittit ; relictis ex Blancâ duobus filiis, Alphonso & Ferdinando. Iis haud dubiè ex conditione & naturæ lege regnum debebatur ; cùm exurgit Sanctius demortui frater, sibi que regnum deberi contendit, qui Alphonsum patrem superstitem proximo sanguinis gradu contingeret, à quo nepotes longius amouerentur. Eo consilio bellum in Mauros suscipit, gnauiter gerit, fortiter conficit ; tum victor ad demerendos Proceres se impendit, comitate, liberalitate, blanditiis, iisque artibus quas ambitio forti magnoque animo subministrat. Nec frustra laboratum ; Procerum studio sceptrum designatur, & ipse Alphonso volens nolens abducitur à nepotibus, Sanctioque se tradit. At Violanta Alphonso vxor, miserta impuberum, eos cum Blancâ matre clam creptos in Aragoniam ducit, Iacobi fratris committendos fidei. Verùm paulò post Iacobo mortuo, Sanctius cum Petro successore tam vehementer contendit, vt miseri adolescentes in Xatiuâ arce concluderentur, ne in Franciam effugerent ; matri Blancæ agrè permissum, vt remigraret in patriam. Sororis lamentis Philippus commotus, regium exercitum instruit, ducitque ad Pyrenæi fauces, promoturus vterius, nisi proditio vetuisset. Alphonso accedentis potentia territus, Robertum Pompelone agentem accersit ; vt de ineundâ pace rationem inquirerent ; Robertus potestate facta à Philippo, Castell



PHI-  
LIPPVS  
AV-  
DAX.

La  
Brossé.

Castellanum adit ; ac primum commodas impetrat conditiones. At subito Alphonsus postquam ei redditæ sunt ab ignoto litteræ, mutatus in alium, lato vultu Robertum contuitus ; *Mihi*, inquit, *amici sunt in aulâ Franciæ ; en his admoneor litteris , Philippum Regem in Franciam regredi , attritis & imparibus ad bellum copijs ; eâ de re certiore te facio*, Ideò Robertus suspicatus datas à proditore litteras , Pompelonem redit, tum excurrit in Franciam, proditorem in supplicium vocaturus. Is erat Brossius , qui pœnas postquam æquissimas pependit , Philippus denuò de Hispanico bello cogitauit ; Blanca vrgebat , nepotes in Aragonicâ arce claudebantur , Sanctius regnum iam capeſſebat ; propterea nouo exercitu ad Bearnicæ fines instructus contendit. Res ad arma spectabat, cum Eduardus Rex Angliæ , qui nuper Eleonoram Alphonsi filiam vxorem duxerat, agens deprecatorem, impetrat vt Reges amicè controuersiam disceptaturi colloquerentur. Eam in rem Philippus continuat copias, ac Marsanum venit , Baionam Alphonsus ; sed Sanctij artibus metuentis ne detrimento suo pax coalesceret, discesserunt, Reges infectâ re. Mox annitente rursus Eduardo, Tolosam Francus & Aragonius conuenerunt ; sed Aragonio adhærente penitus Sanctio, nihil perfectum est ; imò nec impetratum , vt captiui iuuenes soluerentur. Hac spe abruptâ, tunc demùm belli studia Philippus instaurat, & exercitum versus Hispaniam ducit, exacerbatis Francis Proceribus, & Sanctij artes ferro refecturis. Cum nouam machinam è cœlo euocat Castellanus : ea Nicolaus III. Pontifex, ex Vrsinorum familiâ, qui Francis infensus, veritus ne fortè Castellam subigerent, & ferociores euaderent, auctoritate Pontificiâ bello intercessit, diras comminatus Philippo, ni armis abstineret;

PHI-  
LIPPVS  
AV-  
DAX.

stineret; abstinuitque mitissimus Princeps, maluitque gloriæ quàm religionis iacturam facere: quanquam eâ integrâ suum ius persequi, & alienam iniquitatem premere licuisset. Ita Sanctio fuit impune flagitium, pupillique Principes steterunt in custodiâ, Francicæ gloriæ non leui maculâ. Porro atrocissimum cum Aragoniis bellum imminebat, quod priusquam aggrediar, iuvat fortunæ lusus cum Brossio, diludij instar Tragicis actibus interfecere.

Petrus Brossius vili & plebeia origine, Ludouici sancti primùm Chirurgus, Philippo filio, nescitur quâ arte, ita se insinuauerat, vt primùm beneuolentiam, mox summum imperium in eius animum asscutus sit. Ipsius commendatione iam à Ludouico rebus supra suam sortem adhibitus, cum studium & industriam exhibuisset; statim à Philippo mox Rege cubiculo præficitur, animoque auidissimo administrationem capeffit omnium. Duobus intendebat potissimum; primùm vt avaritiam per omne nefas impleret, tum ne quis alter in gratiam Regis irreperet; in eam quasi arcem tutissimam recipiens se, vnde in totum regnum vsurparet imperium. Donec cœlebs agebat Philippus, nihil erat pertimescendum magnoperè; at postquam Mariam Brabantiam duxit, & blandimentis vxoriis emollitus est sensim, timere cepit seriò Brossius, ne vni succumberet feminæ, qui tot viros depulerat; néve amor rivalitatis impatiens amicitiam pelleret. Metum eiusmodi incendebat odium; cum Regina, & ipsa æmuli forsan impatiens, aut miserta regis seruitutis, vel indignans in vilissimo capite ali tot scelera, palam obtrectabat potentis Brossij, eiusque crimina Regi deferebat intrepidè. Ille igitur de salute suâ sollicitus, in Reginæ perniciem totus incumbit; gnarusque nihil noueræ priuignis odiosius, eam intendit machinam ad patrandum

I X.  
*Brossij  
fortuna  
& casus.  
Pierre  
de la  
Brosse.*

*Reginâ  
Brossius  
accusat*

PHI-  
LIPPVS  
AV-  
DAX.

dum nefas. Erant Regi ex Isabellâ priore coniuge liberi ; sparguntur voces per emissarios Broſſij, quibus Reginæ in eos odium declaratur ; eam cum familiaribus conquæri, & deplorare miseriam suam ; frustra se nupsisse Regi nisi Regem pariat, se fore pro dimidiatâ uxore, & concubinâ propemodum, quæ primis liberis clientes procreet ; sanè filio suo, nam unum pepererat, ex Rege nato deberi imperium, non aliis quos Philippus priuatus & subditus genuisset : in eam rem congerebantur exempla, & prauè acta describebantur in legem. Iis rumoribus crimen comparatum aggreditur Broſſius, & execrando facinoroso fulturus potentiam, Ludouico regiæ prolis maximo propinat toxicum. Statim improuisa mors, certaque indicia signabant venenum ; in præcipiti morbo, stomachi resolutio, conuulsiones atroces ; mox in cadauere punctis liuidis cutis maculata, & corruptio viscerum. Nec de occultando flagitio laborabat Broſſius, modò auctor lateret ; imò postquam indubitata signa percepta sunt, primùm suspicionem in Reginam mouet, dein adornatis testibus ipsam accusat. Contra Regina parricidium regerit in auctorem, Broſſiumque appellat ; rapi in quæstionem postulans, qui ministrassent ægroto. Verùm Broſſius artibus prauis sic animum Regis implicuit, vt opinio beneficij in Reginam vnâ inclinaret. In iis animi angustiis Rex audit. Niuellæ in Flandriâ vnâ esse in cœnobio Virginum (Begui-  
nas vocabant) quæ occulta expromeret ; ac nuntiaret futura ; ad eam consulendam Petrum Baiocensem Episcopum, & Matthæum Abbatem sancti Dionysij legat. At Episcopus Broſſio affinis, occupat primus ad Virginem ire, rogâtque postquam audiuit parricidæ nomen, ne id socio proferat ; ita aduenienti Abbati nihil certi dictum, & Regi renuntiavit Episcopus, se reum à confitente Virgine accepisse,

accepisse, nec cum prodi sine flagitio posse. Rex indignatus in Præfulem, legatos alios ad Virginem mittit, quibus illa tacito partidâ, immunem ab eo scelere. Reginam affirmat, iubetque Regem ab eâ suspitione liberum agere. Ioannes interea Brabantia Dux Parisios aduolat, sororis innocentiam contestatur, & accusantibus duellum intentat. Attamen perstat in his procellis Brossij gratia, imò in nouum turbinem perseuerat. Robertus Artesius postquam ab Alfonso discessit, & in Nauarram regressus est, audit Regem soluto exercitu rediisse in Franciam, & causas accuratiùs sciscitans, comperit commeatus penuriâ tantum exercitum defecisse, corrupta pabula, detractam annonam, & vastatam Bearniam ne militem alat. Ex quibus signis feram, vt credebat, indagans, Parisios venit, & Brossium proditiõis accusat, quod cum Hispanis communicaret consilia, & perdidisset exercitum. Verùm cum testes ad conuincendum deficerent, emergebat reus periculo, & in noua crimina consurgebat; nisi casus, aut prouisor casuum iustissimus Deus argumenta criminis subministrasset. Quidam nuntius Meloduni morbo correptus, Abbatem accersit, eique epistolam tradit, quam vni Regi vt obsignata erat deferret; tum vitam morte subitâ claudit. Abbas, vt rogatus erat, rem præstitit; Rex litteram resignatam Consiliariis legit; nec de eâ rescitum est aliud, nisi quod Brossij sigillum præferret, & ipse statim apprehensus, paulò post necatus est suspendio; spectantibus & summoperè latantibus Ducibus, Burgundiæ, Brabantia, & Artesio Comite; quos semper inensos habuerat; seu suo merito plura ob scelera, seu more Procerum nouis hominibus inuidentium, & sibi credentium eripi quod non assequuntur. Nunc ad Aragonium bellum me conuerto, vesperasque siculas, quæ quanquam celeberrimæ.

PHI-  
LIPPVS  
AV-  
DAX.

PHI-  
LIPPVS

AV-

DAX.

X.

*Vispe-  
ras Si-  
culas  
q. a  
præce-  
scribit.**Nico-  
laus  
Ponti-  
fex.*Anno  
1278.*Ioan-  
nes Pro-  
chyta.*

rimæ, & omnium intextæ Historiis, præter-  
mitti à me sine incuriæ & negligentia notâ  
non possunt.

Huius tantæ cladis originem indaganti, vna  
occurrit, Caroli Regis cæca prosperitas; ab  
ea quippe Nicolai metus Petri Aragonij capi-  
ditas, Francorum licentia, Ioannis Prochyta  
vltio, & furor Sicularum, simul orta & pro-  
pagata sunt. Prospera Carolo in secundissimis  
rebus fluebant omnia; locupletissimo regno  
fruebatur; Vicarius Imperij dictus Senator-  
que Romanus, Romæ ac cæterâ in Italiâ agê-  
bat principem auctoritate; ingens erat po-  
tentia, fama percelebris; vt vnus in Europâ  
potentissimus haberetur. Tot fortunæ dona  
vastum animum nondum impleuerant: ius  
Ierosolymitani regni assequutus, à Mariâ  
Friderici Antiocheni Principis filiâ, ambie-  
bat Constanrinopolitanum Imperium, (quod  
obtinebat Michaël Paleologas) quæsito iure  
à Balduino secundo, cuius filiam Beatrice  
mortuâ coniugem duxerat. In eam expedi-  
tionem, classem ingenrem Neapoli & Messa-  
næ instruebat. Nicolaus Pontifex in hoc re-  
rum cursu primus Remora nauiganti fuit: vir  
summus præclarisque dotibus ornatissimus,  
diu potentiam Regis suspectam habebat; siue  
priuatim affectus iniuriâ, ob repulsam affini-  
tatem, aut nepotem cæsum; siue publicis ra-  
tionibus, sedi Pontificiæ tantam auctoritatem  
incommodam ratus, eundem ergo impulit,  
vt vicariatu Imperij ac Senatoriâ dignitate  
sefe abdicarer, affirmans iam electo Impe-  
ratore Rodulpho, frustra Vicarium superesse,  
ac Romæ Senatorem præsentem Pontifice su-  
peruacaneum. Ea res Caroli hostibus ad  
eum impetendum visa opportuna. Illorum  
capitalissimus, quanquam in speciem vilis &  
aspernabilis, Ioannes Prochyta, inferendi  
mali flamen contexuit. Ille patriâ Salernita-  
nus,

nus, vir solerti callidóque ingenio, dominus Prochyta quæ in Futeolano sinu Insula est, Friderici Regis primùm vt scribunt Medicus, dein Mansredi atque ipsius Caroli Consiliarius, constupratâ a Francis vxore; exorsus prodicionem, & deprehensus, fugâ se eripuerat, facultatibus omnibus spoliatus. In Aragoniâ profugus, Reginae Constantiæ gratia in Aulam admissus est, ac vindictæ ræce inflammante ingenium, commentus est in Francos & Carolum quid tentaret. Sicilia visa est scena furori aptissima. Eam Præfectis administrandam dederat Carolus, quorum auaritiâ & negligentia miser Siculi opprimebantur: ij maximè procacem Francorum libidinem incusabant, quibus nullus virginum pudor, nulla castimonia matronarum illibata foret aut intentata. Conceptum concilium Prochyta cum Petro Aragoniæ Rege communicat; ac tametsi ille id primùm reiecerit, tamen impellente Constantiâ vxore, & paternum regnũ vt affirmabat ab inuasoribus repetente, in eam penitus mentem se induit, parauitque sedulò quæ necessaria forent. Vitiũ & Prochyta noua præter ea arcessenda præsidia. Viterbij Nicolaum Pontificem conuenit; impetratque assensum, & Aragonio ius regni Siculi; tum Constantinopolim profectus, Michaëlem Imperatorem iam apparatus Caroli perterrefactum, ad conspirandum cum Aragonio impellit; ita rem partitus, vt pecuniam Græcus, classem & militem Hispanus sufficeret. Nec omisit Siciliam, principes ad defectionem inflammans, modumque tradens excutiendi imperij. Hæc omnia mirâ calliditate & solertiâ obita, Franciscani veste operiente perditissimum caput, quam de industriâ vsurpauerat, vt Francos falleret; alioqui mirabilem in modum improuidos atque dissolutos, & temerè supra fortunam suam præfidentes. Spectantibus ad exitum

*Sicilia.*

PHI-  
LIPPVS  
AV-  
DAX.

Anno  
1280.

Nice-  
lae

Marti-  
nus sur-  
cedit.

*3 - spera  
Sicula.*

singulis, improuisa mors Nicolai turbauit consilia, non oppressit. Martinus I V. in de-  
mortui locum successus est, qui natalibus Gal-  
lus, parum aptus ad susceptam rem videba-  
tur. Et tentatus ab Aragonio, adeo non fa-  
cilem aurem praeberat, ut ab eo vestigal  
quod Aragonia Sedi Pontificiae pende-  
bat exigeret. Nec ideo Prochyta despondit ani-  
mum, sed instauratis ad scelus Siculis, Con-  
stantinopolim iterum aduolat, atque ingenti  
à Michaelē pecuniā ad bellum donatus, eam  
ad Petrum defert, iam instruentem copias &  
validissimam classem. Is apparatus cum vi-  
cinis Principibus suspicionem moueret; af-  
firmabat Petrus in Mauros Africanos bellum  
adornari; eamque in rem, ut à pluribus scri-  
bitur, à Philippo Rege quadraginta librarum  
millia mutuò sumpsit. Attamen cum vrgeret  
Pontificius Legatus, quam partem Africae,  
quāque Mauricam gentem appeteret, res-  
pondit se internum indusium flammis tradi-  
turum, si arcanum suum forte explorasset. Et  
verò summā dignum est admiratione, rem  
prope modum vulgarem, tot inter capita par-  
ticipatam, tribus annis continuis, latuisse  
Francos, nec ullā rimā deprehensam hanc  
lucem; adeo ceca est confidentia, testa &  
oculata cupiditas. Sed iam aderat designatus  
facinori dies; nempe ipse Paschatis, vel ab  
ipso primus aut secundus, religiosissimus  
Christianis, & maximo laetitiae sensu celebra-  
tus, cum à meridie, campanis ad vespertinas  
preces pulsatis, furor tam diu compressus,  
ceu signo dato, Panormi primum, & conti-  
nuò per vniuersam Insulam erupit. Duces  
coniurationis adiunctā plebe, proclamantes  
Francorum tyrannidem extirpandam, eos  
primum qui in vicis aut compitis occurre-  
bant confodiunt; tum in singulorum aedes  
inuadentes, nullā sexus aut aetatis ratione,  
promiscuè viros, infantes, senes, matronas,  
virgines,

virgines, furore infano conficiunt, miseratione omni reſtinctâ. Et eò prouecta eſt cædentium rabies, vt ipſas etiam matronas Siculas, quæ Francis nuptæ conceptum vtero fœtum ferrent, ipſi affines inauditâ barbarie ferro mactauerint, vterûmque ad extrahendum partum ſecuerint. Imò in ædes ſacras ac religioſas dirâ veſania penetrauit; qui Franci miniſtrabant altaribus à collegis ſuis perempti ſunt; religioſi Sanctorum Benedicti, Dominici ac Franciſci adſcripti familiis, à fratribus ſuis interfecti crudeliter; vt iam nullo humanitatis affinitatis aut religionis vinculo, in odioſam gentem cuncti ſæuierint. Ita duarum horarum ſpatio per Inſulam Franci omnes interfecti, & carnificina ſæuiſſima per fontes & inſontes graſſata eſt: expunctâ quidem ſanguine fœlicitate libidinis, ſed maiori crimine, cùm ſcelus infra pœnam foret. Vnus Loti inſtar, ab dirâ ſtrage ſeruatus eſt, & virtuti ſux donatus, Guillelmus Porcelletus in Prouinciâ Phocenſi nobilis, quem Mamertini venerandum morum probitate, ereptum periculo, naui impoſuerunt ſecurum tot inter funera, quem inermis virtus ſtiparet. Quæ hanc cladem ſequuta ſunt, Meſſanæ obſidium, Petri in Siciliam aduentus, ſingulare certamen oblatum Carolo, Petro prouocante, eodémque eludente inane & irritum, Caroli Claudi vincula, ipſiûſque Regis tot inter ærumnas moleſtiſſimum funus; narrant quibus Neapolitanum regnum materia eſt: ego ad Franciam meam me admo-  
ueo propius. Sicilia in poſterum, vt ab Italiâ quondam mari auulſa fuerat, ita à Neapoli furore cæco diſtrahitur, præmiûmque barbarum Aragonio ſtetit. Sed vnus Dei eſt regna & imperia, vel in præmiûm tradere vel in pœnam, & in ſeris nepotibus auorum delicta plectere. Sanè Petro Pontificiis diris afflato Sicilia haud laxa obtigit, non multò

PHI-  
LIPPVS  
AV-  
DAX.  
Anno  
1282.

Porcel-  
letus  
ſeruat  
us.



PHI-  
LIPPVS  
AV-  
DAX.  
XI.  
*Belum  
Ara-  
gonium*

post in Aragoniâ suâ, imo tantum non alienâ, pereunti.

Carolo Rege Siciliæ morte raptò, Martinus Pontifex aliquantò post vitam clausit, cui successus Honorius IV. pariter odium in Aragonium, & benevolentiam in Francum suscepit. Ideò instauratis in Petrum execrationibus, quem & regno deiectum Martinus significauerat, ne inania forent fulmina ad Philippum legat, & Aragoniæ regnum Carolo secundo filio, genito ex Petri sorore Isabellâ donat. Euocati Proceres à Philippo admittendum id censent, quando Aragonia stipendiaria foret Pontificis, isque donaret cui supremum imperium esset. Magnâ celebritate Carolus inauguratur in Franciâ, cum iam Philippus frater Nauarræ Rex ductâ Ioannâ virgine diceretur. Ab quæsito iure ad usurpandam possessionem vires impēsæ sunt. Conscriptis copiis, omnibus Cruce signatis, seu ad sacram expeditionem, & præsentē Legato Pontificis, Narbo vrbs in extrema Occitania designata; ac sub signis conuenerunt peditum millia octoginta, equitum cataphractorum viginti, stabântque in anchoris naues ac triremes centum & viginti. Hic apparatus non Aragoniam modò appetebat, sed Castellam ipsam, quæ Ferdinandi liberis restitueretur; nam auus Alphonsus diem obiebat, ac testamento nepotes hæredes scripserat, Sanctio filio exhæredato, & paternis diuitis deuoto. Ad ea exordia accessit Iacobus Aragonius Petri frater, Balearium Rex, qui capitali in fratrem odio, vtrò ad Philippum descendiuit. Petrus interea vt se in tantam potentiam cõmuniret nihil prætermiserat; ideo Francum abducturus, in Nauarram arma intulerat, vique omni Tudelam urbem impugnauerat. Sed Ioannis Laræ Præfecti virtute ab eâ depulsus, vastatâ regione Casaraugustæ sese abdiderat. Inde Princeps in auxilium implorabat;

Anno  
1285.

PHI-  
LIPPVS  
AV-  
DAX.

implorabat; Rodulphum Imperatorem, & Sanctium Castellæ Regem; istum ob commune periculum, quia & ipse Francorum armis designaretur; illum, Gibellinam factionem excitando, quæ potentiâ Pontificum excinderetur. At ij rogati se singuli excusabant; Castellanus, quod bello Maurico distineretur, nec vellet Francum exacerbare, quem mulcere admodum cuperet; Germanus & suo in Heluetios bello implicabatur, nec iis erat viribus quas in Romanum Pontificem Francorum fultum auctoritate exereret. Ita Aragonius vno se in tantam potentiam nitebatur; nec despondit animum, aut omisit quidquam quod fortitudo desideraret. Ager Ruscinonensis primus Marti obiciebatur, præsidia in oppidis eius imposuit, tum exercitum ultra Pyrenæos in Catalauniam reuocauit, primum Francorum impetum hoc præclaro aggere repressurus. Philippo opportuna primordia contigerunt; Perpinianum Ruscinonensium primaria vrbs illicò Iacobo Aragonio tradita, & ab eo Regi in fidei pignus commissa; tunc properatum est ad oppida cætera expugnanda; nec vllum præter Elnam (quam appellant Gennam ali) repugnare ausum. Eam vir fortis spurius Ruscinonensis propugnabat; & spem fecerat Aragonius immittendi subsidij; attamen incumbente toto exercitu, vi capta est; & litatum Marti omnium sanguine. Vnus fato ereptus spurius quem dixi, tum suæ fortitudini tum clementiæ regiæ salutem debuit; quippe in campariam turrin cùm se recepisset, pugnabat tam egregiè, vt Rex admiratione virtutis vitam non roganti donauerit. Nec se ingratum vir fortis exhibuit. Pyrenæorum fauces atque aditus sic obstruxerat Petrus, & defendebat selecto milite, vt penetrandi vltierus spe sublatâ, Francus otiosus citra repagulum ageret. Ruscinonensis seruatus moram abru-

*Le  
Rousillon.*

*Elna  
cap. a.*

PHI-  
LIPPVS  
AV-  
DAX.

pit; gnarus locorum Francis nouum iter aperuit, & per rupium anfractus callésque inuios, eoque securos, quòd paucissimis admodum explorati forent, vltra montes exercitum fide summâ deduxit; obstupuitque Aragonius imminere hostes è montium iugis, quasi volatu aut Magicâ arte illibatis præliis vecti essent. Quare suis iam metu perculsis, præstolari non ausus integros, robore militum in Gerundam iniecto, in interiora regni se recepit, bellum ex occasione capeffiturus. Franci ex montibus in Emporitanum agrum effunduntur, subitoque impetu vrbes obiectas in potestatem redigunt, Petramlatam, Figueroam; atque maritimas Empuriam Rhodopénque; in hanc admissa classis comæatum omnem suppeditabat, alebatque exercitum, deportatis è Francia luculenter cibariis. Vna vrbs Gerunda scopuli instar, felicem cursum perturbauit, ac postremò naufragium intulit.

*Girone.*

*Roses.*

**XII.**

*Gerunda ob-  
sidio.*

*Vicon-  
se de  
Car-  
done.*

Est Gerunda in colliculo posita, circum effusâ agri planitie; superiora vrbis templum ornat munitque, turri eminente quæ sit arcis instar, Gerundellam vocant; in decliui priuatorum tecta exurgunt, inferiorem urbem amnis Thera cingit, ripis præaltis atque arduis transitu; oppidi ambitus validis muris saxeisque turribus communitur; defendebat interiora præter lectum militem Raymundus Cardonæ Vicecomes, peritissimus militiæ dux, & hoc rerum statu Aragoniæ fulcrum. Franci postquam castris positis urbem obuallarunt, tunc admovent ad murum machinas. Verùm Raymundus crebrò vrbe erumpens conturbabat omnia; incensis plerumque machinis aut euersis, & castris variâ strage confusis. Erumpenti faciebat animum, & parabat opportunitatem Rogerius Comes Fuxiensis, iam Bearnij Dominus socero mortuo; ille Raymundo affinis, & Philippo clam infensus

inensus ob priorem noxam, recentiori memoria pœnæ quàm veniæ, communicabat cum obfesso consilia, aperiebat per occultos nuntios Francorum commoda atque incommoda; vt nunquam erumperet nisi magno Regis detrimento. Per has moras cùm prolaretur obsidio, Petro Regi erectus est animus, modûsque defendendæ vrbs quæsitus. Selectis peditibus bis mille, quingentis equitibus, loca insidiis opportuna insidens, urbem inter & portum Rhodopensem, commeatus interceptabat, & rationem belli disturbabat: virgultis tectus, latebrisque conuallium, vel toto exercitu erat impetendus, ita soluebatur obsidio, vel diuisis agminibus; quæ si infirma erant, profligabat; si validiora, continebat se saltu. Rodulpus Nessius Comestabilis tectum latebris frustra eliciebat ad pugnam, nusquam progredientem nisi viribus superiorem. Tandem Comestabilis cautum & callidum intercepturus, trecentos è toto exercitu fortissimos equites seligit, eductosque castris ita alloquitur. *Selegi vos, commilitones fortissimi, ad liberanda castra, profligandum hostem, & ignominiam eluendam. Nec imminuam periculi magnitudinem, trecentos dumtaxat in Petrum Aragonium, copiasque ex Aragoniis lectas duco, & prouocaturus. Audistis latronem hanc viam insedisse, grassari in nostros, & commeatus diripere. Rectè in eum tendimus; imus eductum grassatorem è latebris, veteres nouasque iniurias vindicamus. Nam ij sunt Siculi illi sicarij, qui confoderunt populares nostros & affines. Lugent etiamnum cruenta cadauera, tot insontium funera reposcunt ultorem, vt pudeat nondum elutam nostri nominis maculam. Iam nos circumstant morientium anima, præholantur ultionem æquissimam, inflammant ira iustissimum fomitem, futura nobis in clypeum, sociasque certaminis. Facessat in numero tam*

PHI-  
LIPPVS  
AV-  
DAX.

Petrus  
Rex  
pugnat.

Raoul  
de Nes-  
sle.

Oratio  
Nessij  
Comestabilis.

PHILIPPVS AVDAX. *impare metus; pauci quidem pugnabimus, sed insontes, & insontium vindices, & Diuina instrumenta iustitia; in plures pugnabimus, sed in sicarios, iam conscientia scelerum exagitatos, in reos humana diuinaque iustitia: atque utinam quam plurimi adessent; utinam omnes furiosi illi carnifices à Sicilia conuolassent, ut uno simul pralio, & poenas sontibus conficeremus, & parentaremus casorum manibus?* Post hæc dicta, suos ad prælium ducit, sed incompósitos, hostem ut falleret, & confuso de industria agmine. Petrus è speculâ exploratam turmam, prædam ratus, suos disponit ad latera, & in Francos magno clamore infunditur. Illi extemplo contracto agmine, postquam Sagittarum grandinem exceperunt, effusis equis inuecti in pedites, clauis & gladiis hostem disiciunt; tum in equites directis lanceis irruentes, quamquam atroci pralio victoriam parant. Aragonius Rex præliabatur egregiè, sed ictu lanceæ discerpto ore, equi habenis abducebatur captiuus, cum repente loris ense abscissis, equum calcaribus præcipitauit in fugam, seque eripuit; cæteri vel in pugna cæsi, vel in fugam acti. Eo pralio Gerundæ muri cum propugnantium animis conciderunt; detractâ spe subsidij, & fame miserorum corpora depascente, victor admissus est; nec tamen sine Fuxiensis prodicione. Nam in urbem ad pacta concilianda ab Rege missus, Raymundo quem renitentem plurimum affirmabat deditionem persuasurus, cum difficilia omnia fingeret, impetrauit condiciones opulentas deploratissimo militi, quem fames proximo triduo encabat.

*Petrus  
saucius  
fugatur*

*Gerundæ  
capta.*

XIII. *Philippus in Fraciâ regnerat.* Gerundâ captâ, Catalaunia patebat victori, & iam Philippus de promouendis armis cogitabat, cum lustrato exercitu aduertit imminutas copias, desiderari magnum militis numerum, infrequentem in legionibus peditem,

PHI-  
LIPPOS  
AV-  
DAX.

De  
Bail-  
leul.

Rex  
mor-  
tur.

Anno  
1285.

tem, tam rarum equitem, iumenta deficere; vno verbo exercitum nouæ expeditioni imparem esse. Quippe morbi, æstu solis, atque soli intemperie contracti, maximam militum partem absumpserant, languentibus qui superstites erant, deformato vultu, & infirmissimis viribus. Illa infortunij noxa, hæc imprudentiæ & temeritatis; quâ Rex ultro classem debilitauit, dimissis Genuensibus & Pisanis, quorum naues stipe conduxerat; vt sumptibus parceret quos hauriebant nauigia, perniciosâ parsimoniâ reliquias militum rapiente. Nam Rogerius Lauria celeberrimus ille mari victor, Tarento in Brutiis expugnatâ, Aragonio Regi opem laturus cum classe aduolat, naualique prælio cum Francis commisso, quos auxilia iam destituerant, capto Admiraglio Enguerrano Balliolo, cum triremibus quindecim, haud ægrè vincit; aliis duodecim in Rhodopensem portum confugientibus. Nec illatum fors melior, quibus ipsi Franci iniecerunt ignem, ne occuparentur ab hostibus, recepto milite, & Gerundam abducto. Hac clade mutatum Regi consilium, statutumque in præsentia reuertendum in Franciam. Autumnus iam adolefcebat, morbi plerosque Principum afflictabant; Rex ipse febri correptus ceperat de se sollicitus esse; ideò Gerundâ munitâ iter per Pyrenæos versus Franciam captum. Scribunt Hispani in sacrilegij pœnam hanc pestem afflatam; quod Franci Diuorum templa violassent, diripuissent donaria, & Narcissi sepulchrum, qui vrbis Tutelariorum est, disturbassent: Institutum iter in sua pericula incurrit. Infederant montium fauces Aragonij, è superiore loco infestabant valles, modò à tergo, mox à fronte, lentos urgebant, properantes arcebant, nusquam non aliquo in festinatione cursus intercepto. Gestabatur infirmus Rex à lecticariis; hinc rupes inter abruptas, crebras insidias, hostiumque

PHI-  
LIPPVS  
Av-  
DAX.

*Le Har-  
dy.*

*Petri  
Ara-  
gonij  
mors.*

XIV.

PHI-  
LIPPVS  
I V.  
*Puicher  
dictus*

*Parla-  
menti  
Pari-  
sienfis  
institu-  
tio.*

incurfus, agitatione & succuffu leſtica, morbo aucto, Perpiniani animam emiſit; vitæ anno quadrageſimo, tanto apparatu in triſtiſſimum funus deſinente. Erat hic naturâ miti, & pronâ ad hauriendos pietatis ſenſus; ideo patris ſtudia æmulatus, abſtinentiam, caſtimoniam, & aſperitatem in corpus exercuit; ſed virtutibus regiis multum impar, Broſſio obnoxius, & indole ad alienum ductum molliore. Audax appellatus eſt ſeu Confidens; nullo quod ſcribatur peculiari facinore, crediderim quod in eâ naturæ mollitudine, intrepidè in belli pericula ſeſe obiiiceret. Extemplo Franci Gerundâ cæteriſque oppidis relictis, ſecuritatem cum Aragonio pacti, ſe in Franciam receperunt, nullo tanti belli operæ pretio, præter Regum funera. Nam mēſe proximo Petrus febr̃i ex vulnere conceptâ interiit. Aragoniæ regnum illibatum ad filium Alfonſum peruenit; Iacobus & Fridericus ſecundò geniti Siciliam deinceps obtinuerunt, propagato in vltimam ſtirpem imperio. Ita vnus annus præter Pontificem tres Reges extulit, in æſtu rerum, dolore, ſpe & metu, qui vehementiſſimi ſunt affectus, perturbatos atque agitados. Dixeris apum examina furore cæco pugnantia, quas iniectæ terræ pugillus compeſcit.

Philippus filius, ductâ matrimonio Ioannâ, iam Nauarræ Rex, inunctus eſt Rhemis, ætatis anno decimo ſeptimo, vel vicesimo, vt volunt alij; Pulchri nomen ob egregiam oris corporiſque formam aſſecutus, magnâ curâ ab Ægidio Romano optimis litteris inſtitutus. EO adhortante creditur Regum primus Parlamenti Pariſienſis deſignaffe formam: nam cùm Ægidius habitâ oratione, grauiter de litigantium miſeriis, & Iudicum iniquitate conqueſtus eſſet. Philippus conſtituit, vt Parlamentum, quod hætenus arbitrarium fuerat, conſtabâtque ex Proceribus regni, in poſterum fixâ Pariſiis Sede, ius petentibus diceret,

diceret, appellabátque ipse ex Præsulibus atque Proceribus quotannis Iudices. Ac primum non toto anni cursu ius pronuntiabant, sed post festos Paschatis dies & Sanctorum omnium celebritatem, binis mensibus in singula tempora designatis; ac postmodum Parlamenti Regis ad Sedem concessio. Idque Parlamentum est, seu Iudicum curia, de quo in posterum tam frequens mentio, quodque à Sagatis ad togatos transiens, à regni curis ad litigantium tricas, tamen Senatoribus dignam asseruit, pro regni incolumitate contendit, & sanctissimorum Iudicum ferax, intaminatos Magistratus omni ævo exhibuit. Constitutâ Iustitiâ Philippus à bello Aragonico alienus; seu quòd eo fratri Carolo quæreretur regnum, ingenti Franciæ detrimento; satis habuit curâ & sedulitate libertatem Caroli Claudii Neapolitani Regis conficere, quâ tandem anno tertio post ærumnas multas perfectâ; ab Anglia bellum repentè exarsit, quod Flandricum postea, tristissimum fœtum luci dedit. Belli causam gens altera in alteram confert: Anglus Francum accusat, quod duas naues ad Normanniæ littus delatas diripuisent Normanni, ac constitutam pacem primi infregissent, Francus Anglum insinuat, quod Pictonum Santonumque oras peruassasset, & Rupellam clandestinis consiliis occupare tentasset. Ego crediderim causam belli utrinque quæsitam, & cupientibus animis arcessitam. Eduardus Angliæ Rex ob Siciliæ regnum collatum in Francos iam antè flagrabat inuidiâ; accesserat odium, ob Richardi patruelis necem à Simone Monfortio illatam, Carolo Rege Siciliæ spectante, nec vindicante, instigante præterea utriusque gentis æmulatione, haud dubiè captabat opportunitatem bellandi. Hactenus distinebatur variis bellis cum Scotorum Regibus, quibus multâ gloriâ & fructu vberè tandem impletis, nam Regem

PHILIPPVS  
AV-  
DAX.

*Bellum  
Anglicum cum  
Eduardo primo.*



PHI-  
LIPPVS  
PVL-  
CHER.

Scotis dederat, intus partâ securitate se ad externa conuertit; hocque consilio contraxit affinitates, quibus vota facilius promoueret. Tres filias tribus Principibus nuptui dedit; Eleonoram Henrico Barrij Duci, Margaritam Ioanni Duci Brabantiz, & Ioannam Gilberto Glocestriæ Comiti. Guidonem Flandriæ Comitem pari vinculo nexuit, pactis eius filiz nuptiis cum Eduardo filio: Præterea vt Germaniam deuinciret, Adolpho Nassouio Imperatori centum librarum millia mutua dat, inito fœdere vt inuaderet Franciam. His instructus opibus, ingentem classem apparauit, in speciem vt in Palæstinam mitteret, & Ptolemaïdi à Saracenis obsessæ suppeditias iret. Verùm captâ Ptolemaïde & euerâ, cùm instaret nihilominus classi instruendæ, & prætextu amoto pateret consilium, ab eo Franci quasi à certo hoste cauendum putarunt. Inde direptæ in Normanniâ naues, vastata ora Santonum, ac demùm bellum illatum inuicem ac repulsùm. Id antequam prorumpat, Philippus ab Anglo Flandrum dirempturus, cum in Aulam arcessit cum filia, vt saltem in speciem, ipsius collocandæ facultatem à Rege posceret. Ille vt commodiùs falleret, in Aulam venit; sed extemplò in custodiam mittitur, nec eâ soluitur, nisi repudiato cum Anglis fœdere; filia in pignus fidei detenta est; alteroque post anno dolore contabuit, quod nuptiis & Diademate prohiberetur. Armis etiam iura præluserunt, dictaque Regi Eduardo dies, vt se ad Parlamentum sisteret, ob perfidias patratas in Dominum, & ille Edmundum fratrem Parisios misit, morbum excusans qui nauigationem vetaret. Franciæ Pares excusatione reiecta, cùm ipsum Regem præsentem exposcerent, ille larvâ depositâ reponit ferociter, se ditiones clientelares Franco abdicare, quas breui compararet ferro, suæque fortitudini non vili obsequio acceptas

acceptas referret. Ideò à Parlamento contumax & rebellis pronuntiatus est, omnisque Aquitania regno adscripta. Scio scriptores Anglos ingentem victoriam hic referre, quam Robertus Tiptostus suæ classis Præfectus nauali prælio reportasset; cuius nostri Annales cum non meminerint, crediderim tumultuario prælio Francos victos, cuius ut fieri solet, victores exaggerauerint gloriam, victi imminuerint.

PHI-  
LIPVS  
PVL-  
CHER.  
Anno  
1293.

XV.

*Belu in  
Aqui-  
tania.*

*Rio &  
Poten-  
sat.*

Parlamenti sententiam exequutus Comes stabili Neslius, in Aquitaniam ducto exercitu, simul ut visus est Burdegalam cepit. Rogerius Bernardus Comes Fuxiensis fomitem prompto incendio apparauerat. Ille seu proditoris ad Gerundam eluendæ cupidus, seu innato in Anglos odio, clam Burdegalem animos sollicitauerat, ut abiecto Anglorum iugo impotentius dominantium, se permitterent Regi. Occupatâ, Burdegala, tota propemodum regio se vincenti tradit. Angli in duas arces Garumnæ impositas, Rionum & Potensacum sese recipiunt; easque omni sollicitudine muniunt, dum ab suo Rege instruuntur auxilia. Et ille domi rebellionem nouâ perculsus, Vallis Aquitanorum exemplo deficientibus, postquam hæsit aliquandiu dubius in vtram partem conuerteret se, tandem domestica externis præferens, subigendos Vallos sibi seposuit, & Ioannem Britannum cum Tiptosto classis Præfecto in Aquitaniam misit. Iamque Franco ab Germaniâ decesserat metus, Brabantino Duce emortuo, & excitato in Adolphum Imperatorem Alberto Austriaco, qui in æmulum odio, & cupidine Francicæ pecuniæ, molestissimum ac funestum bellum comparabat. Rex præterea ad classis hostilis famam nouum scribit exercitum, quem Carolo fratri, Valesio dicto ob Ducatum Valesium, tradit. Verum classis Anglica præuertit exercitum. Ea postquam

PHI-  
LIPPVS  
PVL-  
CHER.  
*Saint  
Seuer.*

quam Rheam in Santonibus Insulam impetu primo diripuit, Burdegalam accessit; unde repulsa Neslij fortitudine, milite exposto, oppida latè grassians circùm inuadit, quorum caput Sanseuerinum ad Laturrum amenem; ac Baionam iam validissimam magnique momenti, capto Aspremontio vrbis Præfecto, peragitata cum ciue consilia occupat, Vasconiam dum Angli insident, Carolus Valesius transmittit Garumnam, Neslioque adiunctus, Anglos vicem suam passos campis pellit; ac castella quæ proximè Burdegalam infestabant, Rionum & Potensacum, expugnare aggreditur. Ea decimo quinto suprâ Burdegalam milliari, geminam Garumnæ ripam premebant opposita, & immisso Vasconum nouo præsidio exquisitissimam defensionem instruxerant. Franci duces partiti militem, vtramque simul arcem impetunt machinis, Rionum Valesius, Potensacum Comestabilis. Et hic primus castro potitus est, tunc adiunctus Valesio, vi Rionum expugnat; Vascones trucidati, Angli ad redemptionem seruati; arces solo dirutæ, monumenta victoriæ ipsâ victoriâ euertente. Dein festinatum ad Sanseuerinum, quod in mensem tertium obsidionem extraxit. Eo capto Baiona vna supererat quam Angli tenerent, cùm Carolus Valesius reuocatur, Roberto Artesio in eius locum suffecto; Edmundo Eduardi fratre pariter in Aquitaniam misso: at noui duces quid egerint haud certò constat, nisi quod Edmundus diem morbo obiit, & induciæ in aliquot annos contractæ sunt, Quarum interuallo Rex Comites Fuxiensem & Armaniacum, sororios, graues inimicitias exercentes, à duello abstraxit, & litem ab armis traduxit ad iura. Ii Gastonis Moncadij Bearnij Domini filias in matrimonio habebant, Margaritam Fuxiensis, Amatam Armaniacus; Gasto testamento Constantiam natu

maximam

*Fuxiē-  
sis &  
Arma-  
niacus  
conci-  
liati.*

maximam quæ nupserat Regi Aragonum heredem scripserat, eique substituerat Margaritam, si sine liberis soror moreretur. Impletâ conditione, Fuxiensis Margaritæ coniux hereditatem totam adiuerat; Armaniacus eam diuidi postulabat, & quoniam obstabant testamenti tabulæ, eas falsas affirmabat, & à Fuxiensi confictas. Hac iniuriâ Fuxiensis vehementer offensus, in certamen Armaniacum prouocat, quod Parlamentum aliarum probationum defectu admiserat; iâque Gisfortij spectante Rege in arenam descendebant; cum ipse Rex saluti consulens tam illustrium Procerum, vi pugnam dirimit, inuitosque abducit; publicis litteris à duello prohibitos contestatus, litemque ad tribunal Iudicum reuocat, Comites iram habuerunt in potestate; quanquam ferocissimi animis. Et vera generositas tam affectum domat quàm inimicum.

Pacem interea vnus virginis mors abruptit; Philippa Guidonis Flandrensis Comitis filia, quam dixi retentam Parisiis, ægritudine animi desit viueret. Tunc pater, sublato pignore ratus fidem liberam, & instaurato in Regem odio, fœdus cum Anglo renouat, spondetque Isabellam alteram filiam iis quibus ante conditionibus, vno fœderis scopo vt iunctis viribus capitali bello Francum impeterent: Et Adolphus in partem belli adscitus, Germanos plurimos conscribebat. Flander his munitus præsiidiis, superbiam primùm atque audaciam in Regem armat; nam quod hactenus inauditum erat, perfeciale bellum indicit, nullâ clientis in Dominum reuerentiâ. Rex vehementer hac proteruitate offensus, postquam Rhemensis Archiepiscopus Flandrum anathemate percutit, totamque Flandriam sacris interdixit; primo vere Florentissimo exercitu in eam inuadit, copiis inconsultò euocatis ab Aquitaniâ. Flander

PHILIPPVS  
PVLCHER.

XVI.  
*Bellum cum Flandro.*

Anno  
1296.

PHI-  
LIPPVS  
PVI-  
CHER.

*Pugna  
Fur-  
nensis.*

Anno  
12 97.

der primum hostis impetum vt muris fran-  
geret, tribus filiis partitus copias, ad Brugas  
cum parte maximâ collocat castra; è filiis  
Robertus Insulas, Duacum Guillelmus, Ioan-  
nes Cortracum propugnanda suscipiunt. Rex  
bipertitus exercitum, Roberto Artesio par-  
tem tradit, qui agrorum populatione Flan-  
drium comprimeret, dum ipse Insulas obsi-  
dione cingit. Ea copiarum diuisio spem Flan-  
dro fecit tentandi prælij; subsidia nuper ab  
Imperatore acceperat, credebátque Artesium  
incautum, soluto populationibus milite, in-  
tercipi posse & deleri. Eo consilio celeriter  
educit militem, & ad Artesium properat ad  
Furnas agentem. Artesius intrepidè militem  
ad prælium sistit. Id atrox confertur, victús-  
que Flander in fugam agitur; quàm feroci-  
ter sit pugnatum clades ostendit; cæsis Flan-  
drentium sexdecim millibus, Comites Bel-  
mortius & Iuliacensis capti sunt; præda in-  
gens penes victorem cum gloria fuit. Ducem  
Artesium vt victoriæ decus ita doloris sensus  
affecit; nam Robertum vnicum qui supere-  
rat filium ea pugna sustulit; adolescentem  
fortissimum inter primos ordines tot confos-  
sum vulneribus, vt expirauerit, sed partâ vi-  
ctoriâ; diuiso patre luctum inter & gloriam,  
dum luget mortuum quem gratulatur victo-  
rem. Francorum res promotæ plurimùm eo  
prælio; quippe Eduardus profectus ab An-  
gliâ, adiungebat se Comiti, virésque ma-  
gnum in modum augebat. Aquitaniam pro-  
pè totam receperat, quam Philippus Flandri  
opprimendi cupidior, Artesio reuocato, in-  
uadenti obiecerat. Idem Turbauillam, An-  
glum quidem, sed proditorem, & agitantem  
cum Franco consilia, occupauerat, affecerát-  
que supplicio; generum Ducem Barrensem  
instructo exercitu immiserat in Campaniam,  
vastantem agros atque vrentem; haud dubiè  
si aduentantem se Flander expectassit, graue  
incom

PHI-  
LIPPVS  
PVI-  
CHER.

De Cre-  
cy.

Turba  
Regis  
ad Bo-  
nifacio.

incommodum Franco illaturus. Verùm con-  
traria omnia contigerunt. Nam sub Comitis  
cladem adueniens, cum eo Gandauum reces-  
sit; strage contritum metúque stupidum  
confirmaturus: simulque audit Ducein Bar-  
rensem à Gualtero Crecyo victum & fuga-  
tum, magnáque ignominiâ in ditionem suam  
retrusum. Hic victoriæ fructus; statim alte-  
rum Philippus percepit, redditis Insulis; qui-  
bus illicò Brugæ, Cassetum, Cortracum ac-  
cesserunt, & Flandria inferior vniuersa; me-  
tu quasi contagio peruadente in oppida, &  
munitionum claustra diruente. Hæc dum  
aguntur, Bonifacius Pontifex omni conten-  
tione satagebat, conciliandæ inter Reges pa-  
ci; càmque in rem Carolus Claudus Neapo-  
lis Rex profectus ad Philippum, adiuncto  
Sabaudia Comite, tantoperè enixus est, vt in  
biennium inducias impetrauerit; Rege Flan-  
dricas vrbes obtinente interea. Ita bello ad  
tempus sopito, Regum Legati coram Ponti-  
fice, in quem arbitrum sponte conuenerant,  
dum suam quisque rem disceptant, nouæ con-  
trouersia & molestissima omnium fons eru-  
pit. Quippe Bonifacius ab arbitro desle-  
ctens in Iudicem, Legatum in Franciam mit-  
tit, qui Regem iuberet instaurare inducias,  
dum amplius Pontifex de iure cognoscit. Ex-  
templò Francico agendi modo & iubendi  
verbo commoti, Regi auctores sunt vt Pon-  
tifici in hunc sensum respondeat: *Se prom-  
ptum esse Apostolica Sedi obtemperare in ijs  
qua ad animum pertinent; at quantum ad  
regni sui administrationem spectaret, nemi-  
nem esse mortaliū quem superiorem agno-  
sceret; vnum esse Deum, cui subiectus foret,  
ab eo vno sibi regnum commissum, illi vni  
regni benè aut secus gestirationem constare.*  
Eo responso Bonifacius, vt erat ingentis ani-  
mi, concitior, Pontificias litteras ad Re-  
ges scribit; quibus imperabat vt pacem con-  
ficerent;

PHI-  
LIPPVS  
PVLI-  
CHER.

ficerent; iisque Philippus quasi belli auctor designatus, restituere illicò quæ occupasset in Aquitaniâ & Flandriâ iubebatur. Ex litteræ infenso animo à Rege acceptæ, & primum odij semen, quod postea totius orbis offensione, & vtriusque Principum damno, prorupit in Bonifacium. Philippus interea, ut Flandro, in quem erat propensior Pontifex, incumberet totus, pacem cum Anglo ferit, restitutis aliquot in Aquitaniâ oppidis, & Margaritâ sorore in uxorem datâ. Nec Anglus à Flandro abscedebat inuitus, post ortam Gandavi seditionem, qua plures Angli incauti cæsi sunt, & ipse in discrimen vitæ adductus. Sic amorem Principum odiûmve sua ipsorum utilitas agit ac conuertit.

XVII.

*Belium  
in fã-  
dros re-  
ponat.*

Finitis induciis, numerosum exercitum Carolus Valesius in Flandriam ducit. Occurrit Robertus liberorum Comitis maximus, victusque primo impetu regionem totam milite inopem victori obiicit. Eum ciuitates certatim appellant, & infelicem Principem ciurantes, vtrò in potestatem vincentis concedunt. Iam Gandauenses deditionem pacti cum Carolo, occasione inuigilabant tradendi Comitis; eaque res Comitem in extrema quæque impellebat. Ideò propior desperationi, cum vndecumque immineret exitium, maluit hosti quàm subditis permittere se, & prodicionem occupare, quam ipse nullius scelere perpetraret. Explorato Valesij animo, ad eum cum liberis supplex accedit, & humili gestu professus miseriam, sic implorat clementiam. *Habes hic, Princeps generosissime, profligatum hostem atque debellatum, & patratam victoriâ metu victoriâ. Vicisti præsentia, quem arma vicissent, & contumaciam quam tot aduersa nondum infregerant, domuisti. Audieram Aragonios in Italiâ, Anglos in Aquitaniâ, tuis armis victos & subactos; nunc famâ nominis Flandros do-*  
*mas;*

mas ; maiori laude ; quia in alias palmas admisti socios ; hac una tua est , & consortis expers. Ita est , Princeps , difficillimum bellum tua dignitas stitit , confecit auctoritas , debellauit majestas , & animos armis illibatos gloria vicit. Eam ob rem , spero , monumentum potentia tua non aspernaberis ; promouebis clementiâ quos erigis indulgentiâ , & apud Regem auctoritate defendes , quos virtute ad Regem adducis. Vide quantum clementia tua confidimus , non eam appellamus , non miseras nostras obtendimus ; ea tibi nota sunt & perspecta , & clementia tua nobis innotuit : vnum precamur , vt apud Regem promoueas supplices , vt qui ipse es conformes Principem , vt Dominum places clienti infensum , & fatenti crimen leuiorem pœnam conficias ; nam donari veniâ , tam supra spem quam flagitium est ; quam cum semel donaueris , sat miseris indultum est , quibus permissum sit culpam agnoscere & deprecari , & ad luitionem pœna perdurare. Ita alloquutus , se , duos filios , & quadraginta optimates , potestati victoris tradidit. Valesius mirum in modum lætus , quod arduum bellum tam parato exitu terminaret , iubet Comitem bono animo esse , spem veniæ facit , regiam clementiam ostentat ; demissione exarmari Reges , quos ferocia atque rebellio in arma egerant. Hac spe fultus Comes ad Regem pergit ; precésque supplices ad appellandam clementiâ fundit. Verum contra spem durum atque imperuium Philippum reperit. Ille postquam supplici exprobrauit audaciam & obstinatâ perduellionem ; siue in fratrem Valesium inuidentiâ , seu inueterato in ipsum Comitem odio , siue cupiditate tam opulentæ prouinciæ ; siue gratiâ Enguerrani Marini , qui vt Regis vnus potiretur expellebat Valesium ; siue his singulis causis conuenientibus ; Comitem , ceterosque dedititios compegit in carcerem ;

PHILIPPVS  
PVL-  
CHER.

Comes  
Flan-  
dria se  
Valesio  
tradit.



PHILIPPVS PVLCHER. Anno 1300. carcerem ; & quod durius visum atque inhumanius, seiunxit patrem à liberis, singulis vrbes singulas in custodiã designans ; ceteris abrogatis quæ statuisset Valesius. Præterea anno proximo ipse in Flandriam pergit , totam captis obsidibus potestati subiiciens ; unde abscedens , vt Valesio integra contumelia esset , Castilionium Proregem constituit, abducto secum Valesio. Et quidem mirum est, fortissimum Principem offensi animi sensum continuisse, nec vlllo consilio machinatum vindictam ; adeò Regum inualescebat auctoritas, & ad fastigium admoti propius, impensius demittebantur obsequio. Attamen Valesius, vt dolorem absentiam mitigaret, vocante Bonifacio profectus est in Italiam, Constantinopolitani Imperij spe suscepta ; nam vxorem duxerat Catharinam Balduini filiam, quem Constantinopoli eiecerat Palæologus. In eam spem dictus à Pontifice Sedis Vicarius, Guelfos armis iuuit à Gibellinis oppressos, totaque Etruriã ad factiones extinguendas contendit ; præsertim Florentiæ, Nigrorum atque Alborum partibus scissæ, Albos qui Gibellini erant in exilium egit ; in quibus Dantes Aligerius , Poëta clarissimus, ob exilium Franciæ perinsensus, & Regum stemmati : quanquam ciuibz furore Cadmæo in se mutuò sæuientibus, Princeps vrbe excessit, quam excinderet citiùs quàm pacaret. Tum Caroli Claudii Neapolitani Regis classem in Siciliam duxit , Fridericum Aragonium expulsurus ; sed illicò bellum in pacem desiit, quã tota Calabria Carolo redita, seruante Friderico Siciliam, cum nouâ coniuge Eleonorâ Caroli filiã. Ac postmodum euanescente Imperij spe , Valesius in Franciam clade Flandrensi turbatam rediit, cumulatus gestarum rerum, ingenti gloriã, & coram sui contemptus pœnam inspecturus.

Eam

Eam Castilionij Proregis Flandrensis serebat asperitas, alebat & confirmabat Flandrorum patientia iam in furorem deficiens. Quippe Castilionius ratus perdomandam ipsorum contumaciam, & quorum amorem beneficiis assequi debuisset, eorum odium metu & terrore comparans, exercebat acerbissimas pœnas in peccantes, extinguebat immunitates, euersas Cortraci & Casseti arces instaurabat, excitabat nouas, futuras singulis urbibus compedes, passimque omnium vel operam vel pecuniam ad molestissimæ rei fabricam exigebat; ut miseri sibi vincula cedere suo ferro suisque manibus cogerentur. Cum eam in rem opulenti ut sit grauissimum onus in tenuiores reiicerent; hinc Brugis primùm orta seditio, quâ tota mox exarsit Flandria, bellumque difficillimum natum est. Artifices quorum Brugis ingens est numerus, de iniquitate vectigalis questu, consurgunt in diuites, urbisque præfectum illorum factorem adorti, ædes expilant, famulos obtruncant, ac seditionem urbe totâ propagant. Digni nouæ militiæ duces, quidam Petrus textor, modò effracto carceré solutus vinculis, & Ioannes Bridanus Lanio, ut quam in mactandis pecoribus exercebat artem, eam in Francorum cæde institueret. Iis antesignanis, in diuitum lares irrumpitur, & supellex pretiosa in prædam rapitur; tum furoris incremento satietas prædæ in cupiditatem sanguinis versa; Francis maximè ad implendam iram designatis. Nullum iis asylum, locus nullus quem vel religio sacrosancta defenderet. Penetrant vesani in ipsorum domos, raptos è laribus mactant crudeliter, discerpunt in frustra, diripiunt cruentis manibus viscera, leto multiplici perimunt, se contaminant cæcorum sanguine, laudique est fœdasse vultum tabo & cruore, seque totos miserabili sanie perfudisse. Dein ædibus flammæ subiiciunt, inclusosque

PHILIPPVS  
PVLCHER.  
XVIII

*Tertiò  
bellum  
instauratur in  
Flandria.*

*Brugarum  
seditio.*  
Anno  
1302.

PHI-  
LIPPVS  
PVL-  
CHER.

Parisiis  
тѣмъ-  
иъ ex-  
citatus.

inclusosque horrendis comburunt incendiis; hastis excipientes, si qui fenestris prosilirent in atrium. Sub ipsa altaria confodiunt supplices, sacrique parietes atque adeò aræ augustæ sacrificiis inquinantur imbre sanguineo: iam vrbs tota cruore diffuit, passimque cadauera suis artubus trunca, & Nobilium capita hastis affixa, in plebis ludum spectantur, & furoris materiam. Momento eadem rabies per vrbes ceteras dirâ Francorum strage concitatur; vnûmque Gandauum Præfectorum curâ in officio perstitit, multisque Francis pro asylo fugientibus fuit. Guido Comitis filius Iuliaci exul, repenti aduolat, & conscripto milite rabiem insanientium regit, ac seditionem in bellum auertit. Regem inaudito nuntio armabat vindicta, cum suus etiam tumultus Parisiis grauitè periclitantem continuit. Iam antè Anglico bello, ob noua tributa plebs oppressa expostulauerat; mercium partem primò centesimam, dein quinquagesimam vi adactâ persoluerat; postremò bonorum omnium tam mobilium quàm solidorum quinquagesimam partem; vnde nata vox illa, apud posteros adeò celebris, populorum odio detestante, Malatoltio, voce Francicâ *Male-toute*; quasi malè tolleretur, quod contra fas vt dicebant ipsi exigeretur. Modò nouum tributum accesserat, auctore quodam Musciato Florentino, priuato nemini in speciem onerosum, reuerà graue cunctis, & commercio quàm perniciosum. Nam monetæ materia parte tertiâ suo pretio minor cudebatur; vnde repenti tanta confusio in emptione rerum exorta est; vt Parisiis plebs furore percitata arma rapuerit: Et pax in prouinciis laborabat, ob vestigal aliud nuper impositum, quo mercatores in libras singulas singulos solidos numerabant. Parisiis vt in capite totum regnum commotum est, ac pacatum mox. Primus impetus in Barbetam tributì redempto-

rem

PHI-  
LIPPVS  
PVL-  
CHER-

rem prorupit, cuius domus duæ direptæ sunt atque euerſæ; tunc veſana plebs, pudore & reuerentiâ proſtigatis, ad ædes Regias, quæ in Templo erant, ſeu Templariorum hoſpiti-  
o, aduolat præceps, clamoribus & minis adeo perſonans, vt nemini in ædes pateret aditus exituſve; eaque audaciâ vt cibos regioſ à miniſtris illatos humi proiicerent atque proculcarent. Rex prudenter dato furori ſpatio, poſtquam ille aliquantulum conquieuit, pro-  
dit è regia, & qui turbulentiffimi erant ap-  
prehenſos, affligi patibulo ad portas vrbiſ iu-  
bet: luſtratâ hiſ iuſtitiaſ victimiſ ciuitate, cæ-  
teræ prouinciæ exemplo territa, & recreata ſolatio, tributo in libras ſingulas abrogato. Hæſit aduerſus Templari-  
oſ in animo Regiſ offenſio, mox illorum pernicioſa proruptura; quoniam dicebantur tumultuſ vocibuſ aluiſ-  
ſe, ob ingenteſ facultateſ maximè omnium tributis obnoxij.

XIX.

Fræn-  
corum  
cladeſ  
ad Cor-  
tracum

Pacatâ ſeditione, conſcriptum tanto ſum-  
ptu tantæque curâ exercituſ Roberto Arte-  
ſio Rex commendat, præclariffimo duci, quem  
in Flandroſ odium vetuſ, & noua ad Furnaſ  
victoria, in viliffimæ plebiſ ſuppliciuſ pro-  
pellerent atque incenderent. Erant in exer-  
cituſ quinquaginta peditum millia, equituſ  
duodecim; præter imperatoreſ præfeſti &  
tribuni palmiſ in Italiaſ atque in Franciâ in-  
clyti; Procereſ magni nominis, Ludouicuſ  
Comes Claromontiuſ, Regiſ affiniſ; Maiori-  
cæ Rex, Neſſiuſ Comeſtabiliſ, Comiteſ, Euſia-  
nuſ, Marchiaſ, Tancaruiſ, Aumaliſ, Sancti  
Pauli, Caſtilioniuſ Prorex, aliique quamplu-  
rimi; cuncti ad victoriâſ vt rebantur certam,  
reiſ ipſa in perniciem & propudioſam necem  
irruenteſ. Flandriſ illicoſ rebellionẽ incepta, vt  
ducem quærent, miſerant ad Ioannem Co-  
miteſ Namurcenſem, rogatuſ vt Flandriâſ  
propugnataſ vellet, oblato imperio, & ciuita-  
tuſ obſequio. Nec ille abnuerat, immenſam-  
que

PHI-  
LIPPVS  
PVL-  
CHER.

Anno  
1302.

que turbam collegerat, non tam militum, quam hominum, plebem inconditam, seditioni aptam haud bello. Ideo ubi primum Artesius in Flandriam venit, flamma & ferro in mortales agrósque læuiens; terrore iniecto maxima multitudo hostium effluxit; relictis viginti admodum millibus, quos metu perculios agrè ad Cortracum Namurcensis retinuit. Ad eos rectà pergit Artesius, habitóque de ratione pugnæ consilio, ipsum inter & Comestabilem contentio oritur. Nam Comestabilis censebat abstinendum pugnâ; hostes metu & periculi facie in desperationem agi non debere; qui etsi vincantur, minimam gloriam pro ingenti discrimine comparare victoribus; defatigandos assiduis velitationibus; facilius, postea toto exercitu obrui posse & deleri. Contrà Artesius, cæcus odio, suisque palmis fretus, vilissimam hostium turbam, numerum exiguum, metum & trepidationem ingerebat; Franco probrosum, quod tam diu non vicisset; posse hostem vno equorum impetu proculcari, & qui moram afferret, Longobardum sapere, aut lupinam pellem. Ea verba Comestabilem in simulabant proditoris, qui filiam Guillelmo Comitis Flandrensis filio collocauerat; iisque Senex fortissimus vehementer offensus, respondit Artesio; se in conflictu penetraturum, quod ipse non peruaderet; animisque per eiusmodi probra inflammatis, tam præcipitanter in pugnam decursum est, ut nec postremum agmen expectauerint, quod sexto adhuc milliari distabat. Flandri beneficio loci se tuebantur. Ad Cortracum campus est Grœninga dictus; in eo fossa ingens ad bicornis lunæ formam deducta, excipiebat è proximis agris aquas, in Lisam fluuium quas effundebat; nulli in ripa aggeres, nulla munimenta, solo æquabili, utroque margine in superficiem aquæ desinente; quis credat immunitum locum

cum

cum atque indefensum salutem & victoriam  
suis peperisse? Franci magno impetu, loco  
non explorato, in hostem procurrunt, in de-  
cem agmina partiti equites, legionibus a ter-  
go locatis. Primus omnium Comestabilis  
contumeliæ memor suum agmen ducit, &  
pulvere turbine inuolutus, nam decima lu-  
lii dies agebatur, citatis equis in patentem  
fossiam præcipitatur; similiter alterum agmen  
pari cursu parique lapsu deuoluitur; ita ter-  
tium, ac deinceps reliqua; vt breuissimo tem-  
poris spatio florentissimum equitatum hau-  
lerint aquæ, & paludosum cœnum immerse-  
rit. Etenim ripæ altæ admodum erant, aquæ  
lutulentæ & aggesto limo impeditæ; ita tum  
equi tum equites primo ingenti lapsu excu-  
tiebantur, tum impliciti cœno atque limo, &  
arriorum pondere pragrauati, enatare non  
poterant, aquisque merli necem hauriebant.  
Adstabant ad ripam alteram Flandri, otiosi  
propemodum spectatores, vnisque oculis pu-  
gnæ intenti, telis & contis si qui forte emine-  
rent cædebant. Tandem agmen postremum  
perspecto periculo, retrò cessit; Sed tam tre-  
pide & confusè, vt legiones turbauerit, ordi-  
nèsque dissoluerit. Flandri timore hostium  
deprehenso, petito quâ incipiebat fossa cir-  
cuitu, in perterritos irruerunt, magnâque  
stragem ediderunt; quanquam fuga seruauit  
plurimos, Flandro inlequi vel minus auso, vel  
spernente. Hæc clades Francis ingenti fuit  
tum ignominia tum iacturæ; nullus è pro-  
funda voragine saluus emerfit; Proceres om-  
nes Nobilèsque præter Comites Claromon-  
tanum & Sancti Pauli, aquis absorpti sunt;  
victores spolia è cadaueribus rapuerunt, quo-  
rum speciosissima, inaurata calcaria octies  
mille, quæ gestare nobilitate duntaxat insi-  
gnibus fas tunc erat; eorûmque plurima in  
templo Cortracensi appensa; iustè quidem,  
cùm victi calcaribus solis depugnassent. Arte-

PHI-  
LIPPVS  
PVL-  
CHER.

Novu  
Regis  
exerci-  
tus.

XX.  
Regis et  
Bonifa-  
cio con-  
trouer-  
sit.

sius tot bellis superstes, fato paternæ temeritatis, miserè periit; aquâ spiritum elidente, quem tot enses, lanceæ, hastæ, & machinæ frustra petierant: similiter Guido Lusinianus Comes interiit, eiusque testamento Rex heres dictus Comitatus obtinuit, Marchiæ, Enculismæ, & Lusiniani. Estque illa itrages tantoperè Flandris celebrata; nullo sanguine paratâ victoriâ, & se ipsum hoste profligante. Rex tanto damno inflammatus potius quàm terrefactus, novum extemplò exercitum contrahit, & numerata intra mensem, sexaginta peditum millia, equitum decem; adeò Francia ferax militum est, suoque Regi accommoda. Nihil tamen gestum tanto exercitu; cum sub Autumnum in Flandriam inuasisset, imbres assidui amnesque inundantes vetuerunt progressum, & Rex infectâ ultione reuertit; accedente etiam suspitione in Proceres, quam Eduardus Flandris clam cupiens excitauerat. Mox in annum datæ induciæ, tantâ Flandri gloriâ, quanto Franci probro. Et Guido Comes solutus est carcere, si Flandros subditos in obsequium reuocaret; sed cum ij prosperitate tumidi pacem omnem excluderent, Guido Compendij custodiæ se restituit, obiitque paulò post, octogesimo vitæ anno; quam longam est passus potius quàm egit, assiduis calamitatibus conflictatus. Sed Philippum ne ignominiam citò elueret, prohibebat difficillima cum Bonifacio controuersia, quæ huic bello media interuenit, raptâ in oppositos sensus Europâ; eaque dissensio ad scriptores peruenit, aliis Pontificias, aliis Regias partes tutantibus. Ego Spondano adhærebo potissimum, qui mihi visus præ cæteris nullo affectu veritatem vnam indagasse.

Bonifacius Anagninæ in Campaniâ natus, è Caietanorum gente illustri, magnas virtutes & aliquot vitia in Pontificatum intulerat.

Magni

Magni vir animi, diuini humanique iuris scientiâ clarus, multâ rerum experienciâ, per honorum gradus ad supremum vectus, iurium Ecclesiæ accuratissimus custos, ambitionis & auaritiæ insimulabatur. Dicebatur per fraudem irrepsisse in solium, persuasâ Cœlestino Pontifici abdicatione; reuera ope Caroli Neapolis Regis, spe factâ recuperandæ Siciliæ, thiaram induerat. Sub initia Philippo Regi fauebat admodum, auo Ludouico in Sanctorum albo descripto, erântque mutua duos inter Principes concordix & beneuolentiæ signa. Primus discordix fons, Bonifacij vel ambitio, vel Pontificiæ maiestatis asserendæ cupido. In pace Francum inter atque Anglum sancienda, cùm leges pro potestate dixisset, Francorum odium excitauit; quasi is tentaret dominium temporale, quod vocant, vsurpare in Regnum, Regemque suo obsequio & regni regimen mancipare. Ea res vtriusque studiis agitata atque disceptata, verborum vt fit aculeis & contumeliis, animos Aulicorum mox Principum diuellit sensim, & ad proximam flammam composuit. Columnas fratres Cardinales Bonifacius dignitate eiecerat, deturbatos persequabatur acerrimè, interdicturus orbe terrarum; ij ad Philippum confugerant. Exacerbatis inuicem animis Bernardus Apamiensis Episcopus subiecit incendium. Is antè ab Bonifacio, abnuente Rege, in eas inuectus Insulas, Episcopatu tunc primùm condito, nuntius à Pontifice ad Regem missus, linguæ intemperantiâ animique audaciâ, concordix, si quod erat adhuc, vinculum rupit. Regi obnuntiat, vt omnibus prætermiſſis ad bellum sacrum se conferat, vetat indictas decimas ad alium vsum conuertere, atque incredibili procacitate, Regem à Pontifice deponendum minatur, nisi obtemperet. Indignatus Rex in hominis impudentiam, correctum Narbonensi Archie-

PHI-  
IPPVS  
PVL-  
CHER.



PHI-  
LIPPOVS  
PVLI-  
CHER.

piscopo in custodiam tradit; alioqui de pluribus noxis accusatum. Id postquam rescivit Pontifex; nouas ad Regem litteras asperri-  
mas scribit; quibus testatur, ob eius contumaciam, Franciæ regnum deuolui ad Apostolicam Sedem: ex littera Iacobo Normandio Archidiacono Narbonensi tradita, eidemque erepta sunt, & ab Artesio spectante Rege in ignem coniecta; attamen solutus est Apamiensis Episcopus, & vnà cum Iacobo Archidiacono iussus à Franciâ procul faceffere. Continuò conuocata Regni comitia; in quibus plura Bonifacio obiecta, vnde Pontificiâ Sede indignus censeretur; vetitumque ne quis Ecclesiasticorum Romam se conferret, nève vllam pecuniam quauis causâ mitteret; adhibiti præterea custodes ne diplomata Pontificia deferrentur in Franciam, & missus Petrus Flotta Consiliarius Regius, qui hæc Regis nomine significaret Pontifici. Flotta intrepidè legatione defunctus, omnem spem reconciliationis abruptit; siquidem Bonifacius, frequentissimis Cardinalibus acerbissimè de Rege conquestus, Antistites omnes è Francia Romam in Concilium euocat, traditque prolixam Flottæ epistolam, quâ amaritudinem animi demonstrabat. Ea epistola tametsi multa in Regem graua continebat, tamen quòd plurima etiam mitigaret, Flottæ mollior visa, qui Regi in Pontificem concitando incumbere totus, ab eodem ob prolixitatem contracta in epitomen, asperriima tantum cum referret, Regem & Consilium in acerbissimam iracundiam impulit. Quare vetiti proficisci Romam Antistites, & molestissimæ litteræ ad Pontificem data. Quibus ille mirum in modum inflammatus in Regem, ad eum regno deturbandum, præter Flandros, quorum rebellionem incenderat, Eduardum etiam Anglum appellauit, & Albertum Austriacum Imperatorem, regnum Franciæ inuadenti donans;

nans ; quæ cum frustra forent , Alberto Regi amico tædere adstricto ; ad sacra fulmina conuersus , Regem anathemate perculit , vniuersam Franciam interdixit sacris , ipsosque Francos Regis obsequio solutos edixit. Ad ea fulmina retundenda , habentur iterum regni comitia ; in quibus repetitis in Bonifacium accusationibus , ab eo ad futurum Concilium prouocatur ; tum Nogareto significandæ Pontifici appellationis munus impositum. Hastenus concertatio intra verba fuerat , quæ verbis etiam sanari poterant ; nunc ad rem atque flagitium peruersitate agentium tantalis incidit. Tres potissimum viri consilium ineuent evertendi Pontificis ; Sarra Columna , Nogaretus , & Plessianus. Columna Cardinalibus expulsis affinis , & flammâ ultionis flagrans , machinabatur necem Pontifici ; Guillelmus Nogaretus Aquitanus nobilis , tam scientiâ iuris quàm militiâ clarus , contumeliam vnâ comparabat ; Plessianus qui in Comitibus accusatorem in Pontificem egerat , Nogareto assentiebatur. Ita consilium intra contumeliam stetit. Quâ perficiendâ Columna & Nogaretus profecti in Etruriam , Staggiæ propè Senas tantisper confident , dum reliqua apparantur. Agebat Bonifacius Anagninæ ad molliorem auram captandam ; cum re totâ ad facinus constitutâ , primâ luce septimo die Septembris , Columna Nogareto Comite , cum trecentis equitibus , & phalange peditum , quos è Caroli Valesij copiis collegerat clam , intra Anagniam admittitur , ab aliquot ciuibus quos auro redemerat , & Philippum Regem inclamans , ad Pontificias ædes cum armatis aduolat. Bonifacius de periculo monitus , ingenti animo incursum ultro in necem , vestes Pontificias induit , ac confidens solio , hostem præstolatur. In Palatium coniurati irrumpunt , ac Nogaretus , cui significandæ appellationis munus incumbebat ,

PHILIPPVS  
PVLCHER.

*De Nogaret.*

PHI-  
LIPPVS  
PVLI-  
CHER.

cum ad Pontificem accessisset, cui duo adstant Cardinales, cæteris metu aut consilio dilapsis, & multa ille ad contumeliam & contemptum ingereret; postremò minatus est se Lugdunum cum deducturum, ut à Concilio spoliaretur, qui alium spoliasset; ad quæ respondit Pontifex, animo firmo atque intrepido; se libenter à Paterinis pro Christi fide atque Ecclesiæ mortem subiturum; quibus verbis Nogaretum notabat; nam Albigenes Hæretici dicti Paterini, & auus Nogareti viuis ob hæresim conflagrauerat: eaque voce compressa Nogareti ferocia. Nullâ aliâ contumeliâ, triduum Pontifex in custodia fuit, direpto interim Palatio, in quod congestæ multa gazæ, & luculenta pecunia. Tandem Anagninenses pudore impulsæ, correptis armis Francos inuadunt, & vrbe expellunt, patratâ Bonifacii libertate; quâ ille vsus Romam prociscitur, grauissimam vindictam meditans. Sed ob animi æstum ac dolorem, in febrim incidit, qua tricesimo quinto post contumeliam die, viuis ereptus est; ardore febris dolorem animi concitante. Illaque est Tragœdia, omnium Historicorum scenis celebrata; quæ funesta Actoribus, tum primarum partium tum secundarum; Pontifice emortuo, Franciæ regno ad nouum ramum traducto, consciisque flagitij supplicium Deo vindici pendentibus. Ita quiddam in humanis sacrum est ac religiosum, quod ultionem mortalem excludit, cuique vnus Deus pœnam debet. Benedictus XI. eodem anno Pontifex dictus, Regem & Regnum exsoluit anathemate, resque vniuersas in integrum restituit, præter Sarraam & Nogaretum, quos percussit iterato ac nouo fulmine.

XXI.  
*Bellum  
tertium  
inferitur  
in Flā-  
driam.*

Annus interim cum Flandris decurrebant induciæ; nec ideò armis cessatum est. Flandri in Comitem Hollandiæ, eodem Namurcensi duce, bellum conuerterant, primum

cuentu

euentū haud pœnitendo. Verūm Philippus, ne hostis periret hostibus suis, suppetias Hol-lando veniens, classem tradit Grimaldo Gen-uensi; cuius ope nauali prælio victi sunt Flandri, capti Namurcensis, aliique duces, & in Franciam ducti. Eoque auspicio post elapsum annum maioribus quàm ante copiis Rex in Flandriam penetrat. Flandri præcone publico excitī, ad patriæ defensionem conuenerant immenso numero, atque occurre-rant hosti; primores, artifices, senes, iunio-res, sacri viri, profani, nullo discrimine; vno omnium voto, focos & lares ab exitio præ-senti tutari. Rex ad Montem pabulanum castra posuerat, Duacum inter & Insulas; Flan-dri haud procul, quā se agri demittunt, curribusque castra circummunierant. Franci nec hostium numero nec munimentis deterriti, castra inuadunt, totaque acie in quatuorde-cim agmina distributā, partim in castrorum portas irrumpunt, partim in currus reuulsis palis conscendunt. Atrocissima pugna conse-ritur; balistarij ab hostiū curribus quos inse-derant, quasi è machina maximā cladem sub-iectis inferunt; vrgent ad portas selecti milites deleturi ignominiam Cortracensem; nihilo-minus ea Flandrorum oppugnantium forti-tudo fuit, vt post horarum plurium dimica-tionem Franci recesserint; non tamen abs-que emolumento, abductis Flandrorum haud paucis curribus, & cibariis toto commea-tu. Hac iacturā Flandri vehementer affecti, rem suscipiunt furoris plenam, quæ Francos propius ruinæ adinouit. Opperiuntur dum cœnæ tempus adueniat, (nam tunc militi erant capiēdo cibo horæ assignatæ) ac sub vesperam, cū ipsis quo vescerentur suppe-teret nihil, luporum instar, quos vesana fa-mes in prædam agit, Guillelmo Iuliacensi duce, improuisi in Francorum castra inua-dunt. Ii armis depositis, aurā frigidiorē, quā

PHI-  
LIPPVS  
PVI-  
CHER.

Monts  
cipen-  
uelle.

Anno  
1304.

PHI-  
LIPPVS  
PVL-  
CHER.

pugna æstum discuterent ; & agebatur Aug-  
gustus mensis , securi inter tentoria raptos  
hosti cibos absumebant , cùm is repente in  
castra prorumpit. Primo impetu turmæ Equi-  
tum Valesiana & Sampaulina quæ excuba-  
bant disiciuntur ; tum quadrato agmine in  
tabernaculum Regis inuaditur. Ingens totis  
castris fit consternatio ; primùm occurrit me-  
tus & trepidatio , dein periculum præsens  
quod metum excutit , mox ad arma curritur ,  
& pugna iterum ab armis prohibet ; eques  
ab equo arcetur , à vexillo pedes ; turbat hic  
equitem , hunc eques dissipat ; cibos inter ac  
merum effunditur cruor ; ac passim voces in-  
tonant Flandrorum , Cortracensem cladem  
& præsentem gulam exprobrantium cæsis. In  
Regem maximè hostium furor inuehitur ; ta-  
bernaculum explorauerant , sed sub initium  
cùm Rex eos latuisset , nullâ insigni notâ de-  
prehensus , spatium fuit tum ipsi tum paucis  
custodibus depugnandi. Ille primus omnium  
vno ense dimicationem totam exhaustit ; cir-  
cùm Nobiles Parisienses , quibus eo tempore  
Regis custodia committebatur , mirabilia sub  
ipsius oculos perpetrarunt ; Gencianum ma-  
ximè Rex laudauit , qui suo pectore plurimis  
plagis exceptis , dum tegebat ipsum , occum-  
bit , Parisiensibus cæsis noua Nobilium tur-  
ma , iam instauratis animis aduolat , & Regi  
circumfusa fortiter dimicat. Francus interim  
è trepidatione recreatus , iam par pugne erat ,  
osque obuertebat , cùm Iuliacensis inter pri-  
mos ordines pugnans occiditur. Ducis letum  
Flandros absterruit , Francos excitauit ; ij post-  
quam se posse vincere animaduertunt , in-  
genti impetu irruentes Flandros loco mo-  
uent , recedentes cædunt , & castris depulso  
magnâ strage conficiunt. Semel inclinata vi-  
ctoria deuoluitur præceps ; Flandri vincun-  
tur , amissis triginta sex millibus ; cladis re-  
liquiæ Ipram & Insulas confugiunt. Nec in-  
cruenta

cruenta Francis victoria stetit ; plurimi è primoribus cæsi, è Nobilibus quingenti ; Comes Antiochodorensis à Rege ob præclara merita delectus, Sancerræ Comes, Ioannes Comitum Burgundiæ filius, anno decimo tertio nondum impleto, tirocinio primo quo veteranum exscripserat ; Anselmus Chevreusius, qui Orisammam gestabat, extincti sunt. Vno consensu laus maxima ad Philippum pertinet, cuius fortitudine hostis regressus est, & militi spatium exsurgendi datum. Rex ut aliquando bellum profligaret, Insulas obsidione obuallat ; cum iterum Flandri instar apum nouum exercitum conflant, septuaginta hominum millibus ; & à Rege intrepidè poscunt pugnam aut pacem. Attonitus Rex vnde tantus exercitus defluxisset : *Nunquam erit, inquit, belli finis ; credo Flandros è cælo pluerè ;* ita prudenter admisit mentionem pacis ; gnarus frustra in Hydram pugnari, cum excissio capite noua repullulant. Fœdus in has leges contractum est ; ut Guido Comes Flandris restitueretur (nam eius obitum Rex occuluerat) utque rebellibus parceretur, indictâ in pœnam pecuniariâ multâ ; interim Insulæ & Duacum vrbes obsidum loco traderentur. Iis implendis, post Guidonis mortem renuntiatam, Roberto filio Flandria traditur, ac tandem pax constituta est, post varias clades ; breui tamen reuellenda post tempore ; natiuo quodam gentes inter proximas odio, dum singulæ ius aut dignitatem tuentur ; & fortior infirmiori vim infert, repellit infirmior.

Flandrico bello confecto, Philippi curæ XXII. circa Romanum Pontificem incubuerunt. Benedictus post absolutum Regem & Regnum, nono mense ab electione veneno raptus est. Tum Cardinales in factiones diuisi : princeps alterius Caietanus Bonifacii nepos, alterius Ursinus Cardinalis Prætorius ; ille pa-

*Clemēs  
V. Pon-  
tifice.*

——— trui famæ, hic gratiæ Regis dum intende-  
 PHILIPPVS rent, contrariis studiis suffragia cætera diri-  
 mebant. Tandem mense vndecimo in hanc  
 PVL- pactiõnem conueniunt, vt Bonifacij nepos  
 CHER. tres Gallos nominaret, è quibus Pratenfis  
 die quadragesimo quem libuisset ad Pontifi-  
 catum seligeret. Appellauitque Bonifacia-  
 nus tergeminos, quos infensissimos Regi exi-  
 stimaret. In iis erat Bertrandus Gout, Aqi-  
 tanus nobilis, Burdigalensis Archiepiscopus,  
 Regi aduersissimus omnium, quod Aquita-  
 niam obtinente Valesio, tum ipse tum affi-  
 nes, malè habiti & multati essent. Attamen  
 Pratenfis cum antè perspectum, agnitumque  
 dignitatum percupidum, aptum iudicauit qui  
 præponeretur. Itaque clam nuntium ad Phi-  
 lippum mittit, & de pacto certiozem factum,  
 monet vt omninò Burdegalensem conciliet.  
 Philippus re susceptâ strenuè, in Santones ad-  
 uolat, euocatumque Bertrandum docet mo-  
 dum quo tiaram adipisceretur, si bonâ fide  
 inimicitias deponeret. Bertrandus tam im-  
 mensæ lucis splendore perstrictus, cum spon-  
 deret omnia, potissimum ad sex postulata iu-  
 ramentum adhibuit. Primum, vt ampliorem  
 ob Bonifacium læsum donaret veniam, vt ea  
 Nogareto & sociis impertiretur; decimas in  
 quinque annos legi permitteret, ad refun-  
 dendos sumptus Flandrici belli; Cardinales  
 Columnias dignitati restitueret, Bonifacij  
 damnaret memoriam; postremò id concede-  
 ret quod suo tempore Rex flagitasset: his per-  
 fectis, Pratenfis nuntio clam à Rege accepto,  
 Burdegalensem Antistitem in Pontificem di-  
 cit. Consequuta statim ex pactiõne electio,  
 ac significata Bertrando, qui assumpto Cle-  
 mentis nomine, & erat quintus ea appella-  
 tione, Lugdunum venit, ibidemque ab exci-  
 tis Cardinalibus tiara cinctus est. In æde san-  
 cti Iusti obita est celebritas, magnâ Princi-  
 pum Procerumque frequentia; aderant enim  
 Philippus

Anno  
 1305.  
 Lug-  
 dunum  
 corona-  
 tum.

Philippus, eius frater, & filij, Duces Burgundia, Britannia, & Lotharingia, Proceresque plurimi; Rege studiosè Pontificis gratiam incunte; Angliæ & Aragoniæ Reges appellati non interfuere. At casus improuisus celebritatem funesto omine maculauit. Cùm equitans Pontifex ab sancti Iusti in inferiorem urbem descenderet, atque eius equum Carolus Valesius & Ioannes Britannia Dux freno deducerent (eo munere Rex aliquot passus erat functus) & ad latus adequicaret Rex ipse; murus quà incedebant iam fatiscens vetustate, tunc collabens spectantium numero, ruinâ subitâ in prætereuntes effunditur, & oppressis cladem multiplicem infert. Eâ obtriti Britannia Dux, Gailardus Pontificis frater, aliique haud pauci; Valesius læsus grauitè, Rex agrè creptus; & ipse Pontifex equo deiectus est, tiarâque excussâ carbunculus ingentis pretij periit. Sinistrum omen calamitates Italia ipsiusque Francia impleuerunt: in præsentia Rex sibi admodum gratulans, ob amicum Pontificem, de promissis appellat, habuitque omninò memorem. Nam abundè Clemens donauit omnia, vno excepto quod Bonifacii non damnauit memoriam, ne ab ipso gesta cætera omnia rescinderentur, & Respublica Christiana perturbaretur summoperè. Plura tamen ultra pollicitum præstitit; nam in Gallia fixit Pontificiam sedem, Pictauij primùm, mox Auenione; quæ vrbs Prouinciæ Phocensis ad Neapolitanum Regem pertinebat; in quâ plus septuaginta annis egerunt Pontifices, magno Christianarum rerum detrimento; cùm Roma ac patrimonium Ecclesiæ ab Legatis Cardinalibus administraretur; imò & Francia luctuosa vicinitas, serie miseriarum calamitosum regnum obruente. Nempe Dei res malè homini seruiunt; nec æqualitas est



sacri & humani, sacro commercio deterente humanum.

PHI-  
LIPPVS  
PVI-  
CHER.  
XXIII

Tem-  
plario-  
rum  
destru-  
ctio.

Rex Pontificis compos, rem nouam aggressus est, quæ similiter gentium famâ omniumque scriptis celeberrima est, Equitum Templariorum perniciem atque exitium. Ii ab nobilibus Francis Hugone Payenio & Godofredo S. Audomaro primùm instituti, Christi anno post millesimum atque centesimum duodecimo, ad peregrinos iuuandos, vestem albam induti quam Crux rubra distingueret, multa præclara in Palæstinæ tutelam, & Saracenorum cladem præstiterant; dicti Templarij, quod ipsis ad habitandum, ædes Ierosolymæ ad Salomonis templum assignatæ essent. Piorum munificentiam ingentibus copiis comparatis, lapsu, vt fit, temporis in deterius mutati, rerum copiam voluptatum matre, primò in luxum, gulam & libidinem effusi, tum in auaritiam & rapinam, vt quod peribat vitiis, instauraretur & vitio; pessimè apud Christianas gentes audierant. Philippi maximè contraxerant odium, quod in tributis pendendis, querulis vocibus & seditiosis concitarent plebem; & in tumultu Parisiensi designati essent barbarum principes. Eas ob causas Rex in eorum perniciem diu incumbebat: nunc implendi desiderij illuxit occasio. Quidam Templarius Montis-falconis ad Tolosam Prior, ab Magistro Equitum ob graues noxas Parisiis coniectus in carcerem, socium eiusdem custodiæ nactus est quendam Nofsum Florentinum; quicum participato consilio ministros Regios appellauerat, iisque retexerat nefanda scelera, quibus vniuersus Templariorum Ordo contaminaretur; Ea erant hæresis, apostasia, idololatria, atque Sodomia. Quibus ad Regem nuntiatis, plurimi Equitum capti sunt, in custodiam traditi, ac de flagitiis requisiti. Rex qui in illos acerbam iram collegerat, plerosque fa-

tentes

tentes vbi comperit reos, accusationem ad Clementem Pontificem defert, vrgetque summo perè vt rei condignis suppliciis plecterentur, atque Ordo tot actam grauibus facinoribus implicitus deleteretur. Et hoc esse creditur postulatam sextum, quod suo tempore Philippus dixerat enuntiandum; quanquam & id valdè incertum sit; cùm alij ad Romanum Imperium referant; quod Francorum regno peroptabat restitui, quòdque post Alberto Imperatore occiso, incensis votis à Pontifice flagitauit. Pontifex grauitate criminum motus, ea de re ad Christianos Principes scripsit, proposuit capita scelerum, ac iussit in singulis prouinciis, in quibus Templarij agerent, quæstionem haberi, iis interim carceri mancipatis. Ea inquisitio aliquot annos tenuit, ne quis temerè & præcipitanter actum calumniatur, ab anno currentis seculi septimo ad vndecimum, quo Concilium Viennense celebratum est à Clemente; eodémque Ordo Templariorum abrogatus penitus atque extinctus est; Equitum bona addicta Hospitalariis, quæ iam ante sub Rhodiensium Equitum nomine innotuerant; exceptâ Hispaniâ, in qua eorundem bona ad bellum Mauricum designatâ, qui viui Equites superessent, pro grauitate scelerum plecterentur; infontibus vita, & ad eam ducendam sumptus præberentur. Id Concilij decretum à Rege continuò executioni mandatum; plurimique viri tum Parisiis, tum in prouinciis igne absumpti; facultates datæ Hospitalariis; quanquam priuatorum plures in eas inuaserrint; & momento propemodùm celeberrimus Ordo, non in Francia modò, sed in Christiano orbe extinctus est, magno omnium gentium Principumque consensu. In quibus Scriptorum calumniam arguas, qui Regis auaritiam, & abiectam Pontificis seruitutem, in re tanti momenti accusant, quasi infantes

PHILIPPVS  
PVLCHER.

Anno  
1311.

Execu-  
tati Pō-  
tifex &  
Rex.

eorumque

PHI-  
LIPPVS  
PVI-  
CHER.

eorumque criminum incomperti damnati sint. Enimuero tametsi concesserim Regem indignatum in eorum perniciem conspirasse, nec singulos iam horrendis flagitiis inquinatos; quis tamen Credat Pontificem plerisque innoxios, si fuissent eiusmodi, tantæ ignominia tantisque poenis subiecisse, nullo emolumento, ut Regi duntaxat obsequeretur? qui tam fortem atque intrepidum in tuenda Bonifacii memoriâ se exhibuisset, in perdendis Innocentium turbis ignauâ quadam & crudeli indulgentiâ consensisset? quid de auctoritate Concilij, quod vno suffragio extinguendum Ordinem censuit? quid de ceterorum Regum & Principum voluntate, qui refragante nullo in Templariorum perniciem assenserunt? an à Franciæ Rege conciliari? an similiter cupiditate opum illecti? Hæc mihi persuadent calumniam haud dubiè in Regem conflatam; aut à Templariorum affinibus, in quos infamia & iactura tanta redundabat; aut à populo conflagentium poenas miserante; aut Scriptorum indole, in peius detorquentium dubia, & regnantibus affingentium crimina; ut quibus nequeunt potestatem detrahere, innocentiam detrahant. Et verò figmentum est, quod de Mola Equitum Magistro, & Guidone fratre Delphini Viennensis scribunt; eos tum Pontifici tum Regi ad Dei tribunal dixisse vadimonium; atque intra quadragesimum diem raptum morte Pontificem, Regem anno verrente; cum constet Clementem vitam produxisse ad annum seculi decimum quartum; nec verosimile sit Regem ultione flagrantem eorum supplicia in tertium post Concilium annum distulisse. Locum fraudi an fecit, quod eodem anno Rex & Pontifex, mensium plurium interuallo fato concesserunt. Sed de his satis; libuitque tam multa, ad vindicandam innocentiam Principum, vulgi inviden-

tix calumniisque obnoxiam. Nunc répetenda series rerum quas prætermiseram.

Bello Flandrico ad finem vergente dolor grauissimus Regem affecerat. Ioanna coniux charissima prærepta est morte; præclarissima dotibus animi corporisque, pietati doctrinam & fortitudinem iunxerat; in viros sacros supra modum addicta; litterarum amore, quarum peritiam haud vulgarem hauserat, Nauarræ Collegium Parisiis celeberrimum condidit atque ornauit; princeps in consiliis dicebat sententiam, assueta etiam arma induere, & dum consors in castris ageret, copias ducere. Illius obitu Nauarræ regnum ad Ludouicum primò ex se natum deuoluitur, quo is iubente patre inauguratus, in Nauarram se contulit; ac præsentia tumultus compescuit, quos longa regnantium absentia concitauerat; regressusque in Franciam trecentos è primâ nobilitate adolescentes obsidum loco deduxit. Tum Lugduni turbæ consopitæ. Eam urbem vindicabant sibi Archiepiscopi; siue donatam ab Imperatoribus, & Arelatensis regni appendicem; seu in feudum commissam ab Guiscardo Comite Forisiensi. In præsentia obtinebat Infulas Petrus è familiâ Sabaudia Comitum, urbemque admotam ad Sabaudia limites sibi asserere cupiens, eâ ministros Regios prohibebat; ciues sibi adiunxerat, vel priuatim consiliatos, vel à Rege ob tributa abalienatos. Ludouicus urbem quâ metu quâ auctoritate pacauit; & ut radicem semel reuelleret, iura Archiepiscopi redemit pretio, regisque annexuit, vrbe iam florentissimâ in potestatem Regis traductâ. Ipse Rex Parisius hastiludia frequentia magnâ concelebrabat, sacram admodum ob causam: nam Pontifex cum Palæstinum bellum indixisset; Philippus ad eam expeditionem nobilitatem regni exciuerat, suscepitque cum tribus filiis sacram Crucem,

PHI-  
LIPPVS  
PVI-  
CHER.  
XXIV  
*Ioanna  
Nauarræ  
Regina.*

*Ludouicus  
Rex  
Nauarræ.*

plurimis

plurimis Procerum ad pium votum adlectis.  
 PHI- Verum frustra hic conatus fuit; Regi tum  
 IIPPVS motus Flandricus, tum priuatus dolor, mors de-  
 PVL- nique excusserunt expeditionem. Nascebatur  
 CHER. bellum in Flandriâ; Roberto Comite promif-  
*Bellum* sam pecuniam repræsentare cunctante; & pi-  
*Flan-* gneratæ vrbes rebellionem parabāt. Ideò mis-  
*dris* sus cum exercitu Valesius ad vim inferendam;  
*osten-* & Rex ipse grauib; exactis vectigalibus no-  
*sum.* uū conscribebat; sed procella vtramque Flan-  
*DeMa-* dri auertunt, conciliato magnâ pecuniâ En-  
*signy.* guerrano Marinio; qui primū expeditionem Valesij irritam fecit, regiam mox conti-  
 nuuit, interceptis tributis, & in vsus suos con-  
 uertis. Et quidem reclamabat vehementer Valesius, & proditionem exposulabat, quan-  
 quam incassum, Rege obsequente, & ad Ma-  
 rinij nutus conformato. Bellum præterea  
*Adul-* domesticus dolor excluderat. Tribus filiis Rex  
*teria in* vxores dederat; Ludouico Margaretam Bur-  
*dono* gundiæ Ducis filiam, Philippo Ioannam fi-  
*regia.* liam Othelini Burgundiæ Comitis, ac Caro-  
 lo Blancam Ioannæ sororem. Earum duæ  
 quanquam maritos formosissimos Principum  
 nactæ, incendente libidine patiebantur adul-  
 teros, adeò procaciter abusæ licentiâ quam  
 sibi fecerant, vt maritis flagitium innotuerit;  
 Ioannâ etiam in suspicionem vocatâ. Ii quæ  
 silentio debuissent obruere retegentes, ad Re-  
 gem adeunt, de scelere exposulant, efflaga-  
 tantque supplicium. Habitâ quæstione, Ioan-  
 na innocens, Margarita & Blanca fontes di-  
 ctæ, & carceri perpetuo mancipatæ; adulte-  
 ris mors per acerbos cruciatus illata. Vindi-  
 cta crimen extinxerat, non ignominiam, quâ  
 afflatus Rex, quod in familiam suam tantum  
 flagitium peruasisset, contraxit morbum; quo  
 lentè absumptus, viuere desiit, anno supra  
*Regis* quadragesimum octauo postquam inceperat.  
*mors.*  
 Anno Ad mortis fauces, agitante conscientia mor-  
 1313. su, significauit filiis, quantum angeretur ob  
 vestigalia

vestigalia regno indicta, ea se ut iniusta rescindere, ac rogare filios & iubere pro potestate, ea ut abrogarent atque extinguere: sed malè exigimus, quod ipsi non præstitimus; facta exemplo sunt, verba dispereunt. Huic fuere plura pro virtutibus vitia, generositate & pietate, quæ Capetiorum virtutes, nulli inferior, aiebat ambitionem, nec implebat tamen; designabat plura, pauca efficiebat; addictus Marinio, cuius avaritiæ & gloriam suam addixerat; peccavit in Bonifacium, cupiditate vindictæ, in mortuum etiam suscitata; vexavit subditos immensis tributis, nullo fructu, nisi ut quæ malè legerat, male effunderet. Infelix in posteris, quos brevi tempore regnantes deinceps, ceu fulgetra vidit Francia, illucescere & evanescere.

—  
Lv-  
DOVI-  
CVS  
HVTI-  
NVS.

Ludouicus natus maximus regnum primus suscepit, nec vitæ spatio, nec gestis memorabilis. Continuo in Marinium exarsit Procerum, Valesij maximè odium. Ille Philippi dominus ad nutum administraverat Franciam, contractisque immensis opibus per fas & nefas, conflagrabat invidia publicâ; priuatim inimicus Valesio, cuius gloriam in Flandricis bellis detriuerat, & in consiliis auctoritatem infregerat. Nec ignarus Marinus quantæ inimicitie sibi imminerent, nocte quâ Philippus decesserat, thesauros regios ex castro Luparæ, cui erat Præfectus, in securum locum extulerat; sibi inde amicos & aduersus inimicos præsidium paraturus. Verum inuigilans ultioni Valesius, Regis fratribus, Philippo Comite Pictaviensi, & Carolo Comite Marchiæ, adductis in sententiam suam, palam in Concilio euocari Marinium iussit. Quem præsentem percontatus, quid regiâ gazâ factum esset, respondente Marinio, se rationes optimè positurum, & instante Valesio, eas in præsentiam poneret; ille insolenter affirmat, se ipsi

X X V.  
*Ludo-*  
*nicus*  
*X. Hen-*  
*ricus*  
*dictus.*

*Mari-*  
*nij ac-*  
*cusatio*  
*& sup-*  
*plicium.*

——— ipsi Valesio dimidium alterum dedisse, alte-  
 LV- rum fratri ad alienum æs dissoluendum, quâ  
 DOVI- audaciâ excandescens Princeps, Mentiris, in-  
 CVS quit ; tunc impudentissimè Marinius , Per  
 HVTI- Deum, refert, tu ipse es. Enimverò in hæc  
 NVS. verba nudo ferro perimebat Valesius homi-  
 nem, nisi spectantium preces & Regis venera-  
 tio tenuissent ruentem. Ille à lictoribus in  
 custodiam datus est, & accusatio sedulò in-  
 stituta. Ea in saltu Vicenarum apud Regem  
 obita, Hauerio Aduocato accusatoris partes  
 sustinente ; multâque ad odium excitandum  
 congesta ; Franciæ calamitates, immensa ve-  
 stigalium onera, bella improuidè & infelici-  
 ter gesta, quorum omnium fons arcescebatur  
 Marinius. Dein speciatim crimina designata:  
 immensæ opes quas comparauerat, recensitis  
 redditibus & ædificiis sumptuosus ; accepta à  
 Flandrensis pecunia, vt ab eis bellum auer-  
 teret ; tributa & vestigalia in vsus proprios  
 deriuata ; mercatores plurimi nullo flagitio  
 quàm opulentix spoliati ; peculatus, & pluri-  
 ma aureorum millia plebi imposita ; resigna-  
 tæ & immutatæ regiæ litteræ ; Regis ipsius  
 lacrymæ, contestantis se à Marinio proditum ;  
 postremo epistola à Ioannâ Regina sub mor-  
 tem perscripta, quâ Marinijs scelera Regi ape-  
 riebat. Ad hæc cùm Marinius temporis mo-  
 ram reposceret ; res tam graues repelli mo-  
 mento sine quæstione non posse, instruendam  
 accusationem, & audiendum in singulis  
 reum ; iamque Rex eò propenderet, quia  
 postulatum æquum videbatur ; Valesius ne  
 reus elaberetur, nouum crimen profert ; nem-  
 pe vulgari famâ Marinium in salutem Regis  
 coniurasse, eiusque uxorem cum quodam ve-  
 neficio & feminâ eiusdem artis peritissima  
 conuenisse, vt Regem perimerent deuotis  
 imaginibus ; quæ ratio perimendi iis tempo-  
 ribus inualuerat plurimum ; seu ipsis venefi-  
 ciis, seu credulâ superstitione timentium. Rex  
 periculo

periculo territus, ex templò Marinium Valesio dedit; cuius sententiâ aliorumque Procerum damnatus patibulo, postero die suspensus est, affixusque furcis, quas nuper ipse instaurauerat; nescius hanc sibi domum poni, in quâ animum redderet; mox euerfa statua, quam in Palatio ad pedes Regis crexerat. Estque ille vna victimarum, quas identidem humanarum rerum conuersio mactat, præbetque in exemplum Deus, ad compescendas cupiditates mortalium; quibus plerumque fastigium summum, patibulum est. Attamen Marinus in calamitate quàm prosperitate modestior, dum ad mortem duceretur, conuersus ad plebem, clamoribus atque petulantibus verbis insectantem, id vnum repetebat; Boni viri, Deum pro me orate.

Dum hæ turbæ Aulam agitabant, sibi nouam coniugem Rex conficiebat, Clementiam Caroli Martelli Regis Hungariæ filiam; quæ dum ad regni fines accederet, Margaritam clausam in carcere offocari linteis iussit; tum cum nouâ vxore Rhemis inunctus est. At curæ illicò in Flandrense bellum conuersæ sunt. Cùm Flandri multa polliciti pauca præstarent; indignatus Rex, & deleturus contumeliam patris, exercitum scribit, ducitque in Flandriam, sed incommodo tempore, mense Septembri. Neinpe hoc anno cælum frequentibus pluuiis inundauerat, vt nec segetes nec vix maturuissent, intumuerant amnes; Lisa maximè, & Cortracum petentibus Francis iter occluserat; præterea solum ita penitus aquis immaduerat, campis latè in continuum cœnum conuersis, vt commeatus vehi nullatenus possent, triginta iumentis ægerrimè dolum vini trahentibus. Quò factum vt exercitus quoquò se verteret luto immersus, & paludoso cœno inuolutus, diu cum solo luctatus, ne aquis tandem obrueretur, regressum parauerit, ac se multo labore in Franciam receperit;

LV-  
DOVI-  
CVS  
HVTI-  
NVS.

XXVI.  
*Bellum*  
*in Flā-*  
*dros.*



ceperit ; sed prius impedimentis & tabernaculis igne combustis ; cum affixa luto ceu aues visco captæ euelli & explicari nequissent. Sic bellum istud vnos in Flandria rogos sumptibus Francicis excitauit. Metus tamen Roberto Comiti iniectus, qui Regem conueniens, in nouum fœdus iurauit. Nec eo diu frui permissum est. Rex haud paulò post vitam amisit ; veneno præbito tam vehementi , vt paucissimis horis animam egerit ; nec vnquam parricidij auctor compertus est. Agebat ætatis annum vicesimum quintum , regni secundum ; somnij iustar ostensus & raptus ; qui iam gratiam plebis collegerat, tributis expunctis ; quanquam Iudæos admiserat , grauissimum vestigalium. Hutini agnomen habuit, quod linguâ veteri tumultum sonat & seditionem ; quia nempe à patre ad tumultus premeandos erat designatus ; vel quia puer inter æquales ad pugnas & bella aptus videretur. Ex priore coniuge nata est puella, cui Nauarræ regnum proprium fuit , & ea postmodum Philippo Ebroicensi Comiti, Philippi Audacis nepoti , nupta est ; Clementiam coniugem iam quinto mense prægnantem reliquit ; quæ quidem marem peperit , cui Ioannes nomen fuit ; isque intra octiduum morte ereptus est. Ita cum Rege spes stirpis periit ; infante tam ignaro cui nasceretur , quàm cui rape- retur.

Philippus cum fratre Carolo & Valesio patruo Lugduni agebat ; eò à Rege missi vt Cardinales vrgerent ad eligendum Pontificem, iam alterum annum dissidentes, atque contentendentes. Repentinâ morte fratris acceptâ, continuò Parisios aduolat, & Parlamenti suffragiis designatur partus Regij tutor, Regni- que gubernator , dum Rex annum impleret decimum octauum. Regina fœtum masculum parit, quo statim mortuo, Philippus regnum cepellit , Rhemisque solemnî ceremoniâ inungitur.

XXVII  
Philip-  
pus V.  
dictus  
Longus.

inungitur. In quâ obseruatum, Mathildim Ar-  
tesia Comitissam, & Philippi socrum, dignita-  
te Paris functam esse, Paresque inter Coro-  
nam regiam sustentasse; iis indignantibus  
manum ad colum natam immisceri dextris  
virilibus. Hæc magnâ celeritate, & occlusis  
templi foribus perfecta, ne quid turbæ orire-  
tur; Valesio & Burgundiæ Duce dissentien-  
tibus, atque affirmantibus ad Ioannam Hutini  
filiam pertinere regnum. Id diuersis causis  
contendebant Principes; Burgundus vt Ag-  
neti matri obtemperaret, quæ Ioannæ puellæ  
auia, neptem imponi solio vehementer opta-  
bat; nec id Burgundi commodis oberat. Va-  
lesius rem suam agebat, & priuato studebat  
emolumento, quod vbi assequutus est à Phi-  
lippo, haud ægrè regni Comitibus controuer-  
siam permisit. Et iudicatum vno omnium cal-  
culo, Philippum legitimum esse Regem; lege  
Salicâ, & inuiolatâ consuetudine excludi fe-  
minas à regno Franciæ; càmque sententiam  
Proceres omnes scripto & iureiurando firma-  
runt. Hoc stabilito, Rex vt affinitatibus deuin-  
ciret Principes, quas susceperat filias nuptui  
collocat; Ioannam natu maximam Eudoni  
IV. Burgundiæ Duci, assignato in dotem Co-  
mitatu Burgundiæ; Isabellam Guigoni Del-  
phino Viennensi, & Margaritam despondet  
Ludouico nepoti Roberti Comitis Flandriæ.  
His nuptiis sancitum, vt Ludouicus Roberto  
auo (nam pater decesserat) heres foret, bel-  
lûmque diuturnum Francum inter & Flan-  
drum extingueretur; Flandri soluerent Regi  
intra annos viginti, ducenta librarum millia,  
darenturque in pignus arces Insularum Dua-  
ci & Betunæ. Pace constitutâ, legati à Roberto  
Brusio Scotorum Rege excepti sunt, fœdûs-  
que antiquum duo inter regna instauratum;  
adiunctum præterea, vt si fortè in altero re-  
gno de futuro Rege controuerfia foret, Rex  
fœderatus comitia ad dicendum illum con-  
uocaret,

PHI-  
LIPPVS  
LON-  
GVS.  
Anno  
1317.

PHI-  
LI-PPVS  
LON-  
GVS.

uocaret, quique dictus foret, cum omni ope  
asserere & stabilire ille contenderet. Rex in-  
terea memor expeditionis sacræ quam voue-  
rat, ad eam comparabat omnia diligenter, col-  
ligebátque Francorum beneuolentiam, quos  
vctigalium onere liberos fecerat, cum à vi-  
lissimæ facie plebeculæ interturbatur regni  
prosperitas. Primam molestiam faciunt pa-  
stres, qui, quod sub Ludouico Sancto ten-  
tauerant patres, ab impostoribus persuasi, Pa-  
læstinam armis agricolarum liberatum iri; ab  
aratro & vomere ad arma & militiam conuo-  
lant, in turmas conueniunt, seque in Syriam  
duci effagitant. At cum illos plerumque ali-  
menta deficerent, Iudæos diripiebant passim  
atque obtruncabant. Et memoratur Iudæo-  
rum furor, quorum quingenti confugientes  
in turrim, cum omni telorum genere pastores  
aliquandiu repulissent, mox telis faxis & si-  
gnis deficientibus, suos etiam liberos in ex-  
pugnantium capita iaculati, tandem se suis  
manibus confoderunt, prærepto inuadenti-  
bus scelere. Nec pastoribus fors commodior  
obtigit, in quos ciuitates passim consurrexe-  
runt, victosque haud ægrè appendebant arbo-  
ribus, ut ex agris profecti iisdem restitueren-  
tur. Ea lues in Occitania maximè sæuebat;  
quam & nuper Leprosorum cum Iudæis con-  
iuratio in periculum graue coniecerat. Dice-  
bantur Leprosi Iudæorum impulsu fontes &  
puteos veneno infecisse, ad luem communi-  
candam potantibus. Ea accusatio vera an falsa  
plebem extemplò concitauit in miseros;  
quotquot obuij erant, vrebantur; furorque  
grassatus est, donec edicto Regis Leprosi No-  
socomijs conclusi sunt, & Iudæi regno ex-  
puli. Inter hæc sacræ profectionis impedi-  
menta, Rex quartanâ feбри diu vexatus, cor-  
rupto iecore vitam clausit; regni anno quinto,  
vitæ vicesimo octauo; nullis liberis præter  
feminas relictis, pietate & prudentiâ non  
vulgari;

*Regi  
mors.*

Anno  
1321.

vulgari ; benignus in subditos ; literatorum amans , maximè Poëtarum ; moribus facilis commodusque ; & magnâ virtutum spe , si exercendi materia suppetiisset. Longus dictus est , quod staturâ procerior esset , & aliquantò tenuior.

Carolus Philippi frater refragante nemine. auspicatur regnum, imò adiungit Nauarræ titulum, siue administrator pro Ioannâ nepte; seu regio nomine, eandem vt spuriam & natam adulterio , sceptro excludens. Daturus sui specimen, irrogatis in celebres reos suppliciis, sanxit cultum iustitiæ. Totam Vasconiam conturbabat flagitiis Iordanus Insulanus; erat illi ad grauissima scelera facultas & audacia; vir ad omne nefas proiectus, matronis stuprum, vim sacris ædibus, necem opulento cuique inferebat; in priuatos se tutabatur criminibus nouis, in Principes affinitate Comitum Flandrensis, & Ioannis Pontificis, cuius neptem habebat in matrimonio; ipsiusque gratiâ prædoni teterrimo Philippus condonauerat plura. Vnum tandem scelus cumulauit cætera: licetorem Regio nomine vadimonium denuntiantem cum matasset, apprehensus, ductusque Parisios, suspensus est Parlamenti sententiâ; frustra Pontifice pro iniquissimo capite deprecante. Nouam item victimam odio publico Rex parabat, nisi improuisa mors intercepisset infamiam. Ea Gerardus Guetta, Philippi Thesaurarius, qui humili loco in Aruernis natus, Regis compos, publicique ærarij, tum immensas opes collegerat, tum ampliorum auidus, Regi auctor fuerat, vt tributa vetera restitueret, nouumque grauissimum in additamentum apponeret. Annuebat Rex cum morbo correptus, culpam agnoscit, disceditque ab instituto consilio; at perseuerauit odium in consultorem; ideoque apud Regem nouum accusatur; & repetantur pecunia

PHILIPPVS LONGVS

XXVIII.

*Carolus I<sup>us</sup>. Pulcherrus. d'Orléans. Tourdain de l'Isle.*

*De la Guette.*

———  
 CARO-  
 LIVS  
 PVL.  
 CHER.

nia publicæ, quas plurimas ille collegisset, nullo in publicam rem emolumento. Habetur quæritio per tormenta; in quibus inuicta quidem pertinacia animi, at tracta corporis infirmitas; etenim cum pernegaret in sua commoda quidquam deriuatum, augerenturque cruciatus, in febrem incidit, quæ opibus pleno vitam eripuit. Rex vindicatâ per has pœnas iustitiâ, curâ & sollicitudine Flandros liberat bello intestino. Robertus Comes Flandriæ senio grauis decesserat; huic nati erant Robertus, & Ludouicus ex primogenito nepos; Robertus ditionem reposcebat, quod patri propinquior foret, Ludouicus quod primogenitum repræsenteret, ipsumque auus in contrahendo cum Philippi filiâ matrimonio heredem dixisset. Controuersia in Parlamento disceptatâ, Rex Ludouicum Comitem iussit; missumque in Flandriam ab insidiis & vi patruî tutatus sæpius, facto firmavit quod verbo sanxerat. Hæc in sinu pacis, quam statim bellum geminum infregit. Castella primo, Anglia secundo materiam præbuit; quanquam euentu admodum diuerso. Cantabri Philippo Longo regnum moderante, Ioanna Regina vagiente in cunis, & Nauarrâ negligentius administratâ, Gorritiam arcem improuisi occupauerant; eam ad Guipuscoæ limites positam affirmabant sui iuris esse & ditionis. Postea Carolo in regnum assumpto, Pontius Mortanius Nauarræ Prorex ab eo dictus, vindicaturus iniuriam, atque ad eam arcem recepturus, conscribit copias, (quas Hispani ad sexaginta hominum millia, falsò enumerant) easque penitus in Guipuscoam immittit; ferro & flammis agros peruastans ad Beotibam oppidum. Cantabros Ægidius Onezius dux bello clarus octingentos admodum sub signis habebat; quem tam imparem numerum haudquaquam ausus ad pugnam sistere, temeritatem

*Clades  
 in Na-  
 uarra.*

*De  
 Mor-  
 taino.*

*Gil-  
 lo-  
 gue.*

meritatem hostium in subsidium exciuit. Ij ad Beotibam inconsultò in conuallem arctam penetrauerant, quam iuga montium includebant, imminebantque supernè; Onecius extemplo rusticorum turbâ collectâ, iuga occupat, dolia vinaria saxis implet; tum ea in subiectos hostes prouolui, vim ingentem telorum & sagittarum effundi, molèque lapidum proruere in præcep̃ rusticos iubet. Id cum strenuè obissent, & maximam partem iam protrita essent Francorum copiæ, ipse cum selecto milite per fauces irrumpit; proximâque clade attonitos haud ægrè fundit, deletque penitus; paucissimis fugâ aut latibulis rupium seruatis. Et celebrata vulgari carmine apud Hispanos victoria, ignominiam victis victoribusque laudem exaggerat.

CA-  
ROLV8  
PVLC-  
HER.

Carolo ad eluendam infamiam non defuit animus, opportunitas defuit. In Occitaniam conscripturus copias venerat, cum Anglicum bellum curas à Nauarrâ in Aquitaniam vertit. Ab vnus hominis temeritate d.º Reges commissi. Dynasta Montpesatij Anglo subditus arcem ædificabat in Francico solo; Regij magistratus eam cum occupassent ac Regi addixissent, Montpesatius Angli opem implo- rat. Eam vt præstaret Senescallus Burdegalen- sis immittit milites, arcem inuadit, Franco- rum præsidium ferro delet, & ad contumeliæ grauitatem, Nobiles quosdam necat suspensio. Carolus anteaquàm ad arma procurreret, ad Eduardum Regem Angliæ mittit, qui ex- postulent de facinore, & satisfieri flagitent; præterea reposcant Clientelam pro Aquita- nia. Eduardus vt rem protraheret, Edmun- dum fratrem ad Regem delegat, datque pa- lam in mandatis vt satisfaciat, clam cunctari, atque discedere re infectâ iubet. Id egregiè Edmundus præstitit, multaque Regi pollici- tus; cæ Eduardus Rex vt exequeretur, Am-

XXIX.  
*Bellum*  
*cum*  
*Anglo.*

*Sire de*  
*Mont-*  
*pesat.*

CA-  
ROLVS  
PVL-  
CHER.

blaum secum abducit, qui in Angliâ satisfacti-  
onem admitteret. Verum ipsum Princeps  
de viâ remittit, minatus mortem si pergeret;  
tum in Aquitaniam venit, ad repellendum  
bellum se comparans. Carolus geminatis affe-  
ctus iniuriis, Aquitaniam ob rebellionem  
Ducis sibi adiudicat; tum Valesio patruo  
ad eam subiugandam exercitum tradit. Ille vt  
quâ prouinciâ bellicas laudes adolescens in-  
ceperat, eâdem senior gloriam definiret, pri-  
mum in Aginnates conuertitur, & Aginnum  
verbis compellatam ad deditionem impellit;  
quippe ciues Edmundo perinfecti, quod ip-  
sos subsidii diuexasset, virginique ex honestâ  
familiâ vi stuprum fecisset, ultro iuerunt in  
potestatem Valesij. Cetera oppida primariam  
urbem æmulantur, ac se Franco permittunt.

Anno  
1324.

Regula  
capta.  
La Reo-  
le.

Burdegalam ad Garumnæ cursum properan-  
ti, obiecit se Regula, scopulûmque erexit qui  
vincentium impetum frangeret. Ipse Edmun-  
dus communitam urbem propugnabat, flo-  
réinque militum cini studio Angli adiun-  
xerat. Nec se intra murum ij concludunt, fa-  
tigant Francos eruptionibus; vnâ præcipuè  
luctuosâ Francis, quâ Dynasta Sancti Floren-  
tini è fortissimis ducibus, cum legione totâ  
deletus est. Nihilominus Valesius animum  
supra pericula erigens, muro admouet machi-  
nas, & ipsa intra mœnia cladem illaturus, iu-  
bet attolli è ligno pegmata, quæ supra muros  
ipso eminent; vnde & lapidum moles eru-  
ctatæ, & effusi imbres sagittarum, tandem in-  
fregerunt hostium robur. Nam cum testis pro-  
tritis subruerentur ædificia, ac ruinæ multos  
opprimerent, & nemo se in conspectum da-  
ret, quin pateret telis, deditionem Edmundus  
pactus est; eâ lege vt vrbs vincentium foret,  
ipse in Angliam proficisceretur, fratri vt sa-  
tisfaceret persuasurus; quod si minus perfice-  
ret, se Valesio traderet; quatuor Proceribus in  
obsides datis, prædesque fidei. Regulâ captâ

Valesius,

Valesius, ad belli fontem castrum Montpesatium copias ducit, capítque obsessum, & in pœnam Domini funditus eruit; eiúsque ignominia dolore Montpesatius obiit. Confecto bello redit Parisios victor. Fuitque hæc generosissimo Principi postrema laurea; nam sequenti anno viuis ereptus est. Præclarissimus bello dux, & prudentissimus pace: qui victoriam visus sub signis habere, semper vicit; prouidente Deo vt à Francorum cladibus semper abfuerit: mansuetudine & comitate omnibus charus; regno quàm propè admotus, nusquam id tenuit; nam Regum pater, frater & filius, & dictus Rex Aragonia, eius titulum aspersionatus, cùm inanis foret, se suâ sorte conscripsit, nec ambitioni quid regium præter laudem permisit. Sub obitum visus est pœnitere cordis Enguerrano illatæ; nam is quanquam iustè cæsus fuerat, indictâ tamen causâ, & vltionis libidine ad supplicium raptus. Ideò modestissimus Princeps iam extremo morbo suos iussit copiosè stipem largiri pauperibus, atque admonere, vt precarentur Deum, pro Domino Enguerrano Marinio, & pro Domino Valesio; sibi patibulatum præponens; adeò Christiana modestia triumphat de victoribus, & admotus ad mortem animus perspicacissimè contuetur mortalia.

Dum is erat æger, Aquitaniam noui motus turbauerant. E Vasconia tumultuarij prodeunt milites, & in proxima quæque feroces inuadunt. Ij dicti sunt spurij; credo quia è nobilibus nati, sed impari matre; iique ipsi ab paternâ hereditate amoti, quæ legitimis deberetur, dum ad paternæ conditionis modum vitam instituunt, nec suppetit vnde sumptus faciant; eos per malas artes conficiebant. Et primò quidem priuatis latrociniis; deinde prædis palam raptis, cùm euentus succederet, opésque abundarent, ceu iusto exercitu conuenientes, remotiora corripunt, & Garumnâ

CA-  
ROI.VS  
PVL-  
CHER.

*Caroli  
Valesij  
mors.*

XXX.  
*Spurij  
Vascones.*



CA-  
ROLVS  
PVF-  
CHER.  
*Alfon-*  
*sus His-*  
*panicus*

*Rex cū*  
*Anglo.*

transito, irrumpunt in Santones, urbemque primariam captam & vastatam flammis subiiciunt. Auctis prædâ plerique Angli sese immiscunt; iamque prædonum cohors vniuerso regno terribilis est. Rex Alfonso Hispanico eos comprimendi munus imponit. Ille Alfonsi Regis Castellæ ex Ferdinando filio nepos, idemque nepos ex Blancâ filiâ Ludouici Sancti; cuius causâ dixi à Philippo Audace bellum Sanctio Regi ostentatum; isque idem è custodiâ Aragonicâ profugus, se in Franciam ut in asylum receperat, spemque alens regni auiti, vxore ductâ serebat posteros; nato iam Carolo, quem Comestabilem post Ioannes dixit. Verum quod infortunium nascenti pro hereditate obtigerat, quodque adulto adhæserat, idem ad exitum Principem calamitosum deduxit; nam conferto prælio à spuriiis victus & profligatus est; tanto dolore cladis concepto, ut vitam clauserit, ne in metâ quidem prosperitate decerptâ. Eduardus interea Isabellam coniugem ad Carolum constitutendæ paci legauerat. Quippe Scotorum bello implicitus, atque Edmundo fratre perurgente, ut se honestè Aquitanico motu expediret, Aquitaniam cum Comitatu Pontini filio Eduardo tradit; eumque adhuc duodecennem cum Isabella matre in Franciam mittit, qui clientelam profiteretur, turbasque pacaret beneficio sanguinis & affinitatis. Nec secus quàm intenderet contigit. Isabella pacem à Carolo fratre impetrauit, non tantum Aquitanis, verum & spuriiis illis; quibus tot prædationum data est venia, modò quiescerent, seque in sua reciperent. Eduardus Regi clientelam iurauit; isque ille est, qui puer & supplex adductus in Franciam, vir & victor illi compedes cudet, fontemque calamitatum in plurimos annos aperiet; modò miser & fortunæ ludibrium. Etenim cùm mater diutius in Francia cunctaretur, nec marito se aut filium vellet commit

committere, in potestatem spenserorum penitus tradito, apud Carolum vehementer institit Eduardus, ut coniux & filius reducerentur in Angliam; nec Carolus ultra periculosos hospites retinebat. Quippe non placebat novum consilium agitati renouari bellum cum Anglo, & tædebat sororis quæ infamiam Mortemarij amore contraxerat; nam hic Anglus nobilis oriundus è Francicâ, effracto Londini carcere ad Isabellam euolauerat, credebaturque amator pulcherrimæ feminæ stuprum inferre. Eas ob res Carolus destinabat illis custodes, à quibus reueherentur in Angliam vel inuiti; cum admonita de consilio ab Roberto Artesio Isabella, clam cum filio & Mortemario ad Guillelmum Hannoniæ Comitem confugit; Rege haud molestè ferente, sibi hac fugâ necessitatem ereptam vel sorori vel consiliis suis nocendi. Quæ postmodum Isabellæ contigerint, siue in Hannoniâ, siue in Angliâ, quàm graue & iustum de spenseris patre & filio supplicium sumpserit, ut victum maritum in carcerem egerit, filiūque Eduardum in solium; narrant Angli. fusiùs, quorum codices ex Tragœdiæ implent. Carolus ad eas immotus ingentem rem voluebat animo, ad Imperium Germanicum aspirabat. Ioannes XXII. Pontifex graues inimicitias cum Ludouico Bauaro Imperatore susceperat, ipsum interdixerat sacris, indignum Imperio pronuntiauerat, parémque æmulum suscitans, appellabat Regem ad occupandum Imperium. Nec ille aures appellanti obstruxerat, sed lentè festinans, inquirebat modos occupandi. Fœdus contraxerat cum Ioanne Bohemiæ Rege, & cum Leopoldo Austriæ Duce, & laborabat Pontifex ad conciliandos Germanos Præsulles, cum Rex morbo concepto, altero mense desiit viuere, anno dum regnaret septimo, cum viueret post tricesimum quartò. Pius, liberalis, & fortasse consilio quàm bello aptior,

CA-  
ROI.VS  
PVL-  
CHER.  
*Iti bel-  
la f.  
ga.*

*Rex de  
Impe-  
rio co-  
gitati*

*Caroli  
mors.  
Anno  
1328.*

dictus est Pulcher, quod patrem Philippum ore & corpore totum exscriberet, Carolum Bohemiæ Principem, qui postmodum ad Imperium euectus est, in aulâ educauit puerum atque instituit, optimi Regis laudatorem egregium, & in posterum Franciæ strenuum defenforem. Primus Regum Decumas Pontifici legendas permisit, an ut particeps fieret? Ex tribus coniugibus nulli liberi, præter fœtum quem ferebat Ioanna, illique tutorem Philippum Valesium patruelem dixit. Ita Philippi Pulchri ramus exaruit, tribus stolonibus breuissimo tempore marcescentibus. Nec occurrit Diuinæ ultionis alia ratio; nisi quod hi Reges minùs reuerenter in Ecclesiam Romanam se gesserint; cuius dignitatem læsit in Bonifacio pater, maiestatem fortasse filij, dum eam in Franciâ locant, vsûmque rei sacræ in profanum vertunt. Sed non est mortalium in Diuinam mentem inquirere, & forsitan nobis quod in pœnam est, Deo est in præmium. Sanè novam Regum stirpem exceperunt tot calamitates, ut iis præripi beneficium sit. Obseruet interim ista qui legerit, ut per trium Regum & fratrum funera Valesiorum stirps ad regnum promota est, sic eadem per trium Regum & fratrum funera desinet, stirpe Borbonia ad sceptrum vocatâ; adeò omnia in humanis intereunt, & quæ ortum præbent, ducunt ad occasum.



# HISTORIÆ FRANCICÆ,

## *LIBER DECIMVS.*



**I**n Franciæ Regnum immo-  
tum perstabat, dum vicina Im-  
peria procellæ grauissimæ qua-  
tiebant. Anglia bello assiduo  
cum Scotis attrita, nuper ci-  
uili motu diuulsa, altè cruo-  
rem imbiberat necatis Principibus; Germania  
diuisa pariter & distracta, præda erat Aquilæ  
verè bicipitis, pluribus de Imperio contēden-  
tibus; Italia Guelforum & Gibellinorum fa-  
ctionibus scissâ, Germanos, Francos, & Arago-  
nios passa, nunc per absentiam Pontificū Ty-  
rannis inualescentibus, singulis tam præclari  
corporis membris alebat carnifices; Hispania  
præter incubantes Mauros & viscera depas-  
centes, Castellanium modò cum Lusitano, mo-  
do cum Aragonio cōmittebat: Francia vna ab  
Ludouico Sancto tranquilla, exercita quidem  
Flandricis motibus, bellisque Siculis, sed in  
alieno & de alieno, perseuerabat integra at-  
que illibata, per aliquot missiones sanguinis

I.

PHI-  
LIPPVS  
VI.  
VALE-  
STVS  
DI-  
CTVS.

Emro-  
pa sta-  
tus.

PHI-  
LIPPVS  
VALE-  
SVS.

*Eduar-  
dus re-  
gnum  
Fran-  
cie pe-  
zit.*

*Anglo-  
rum  
oratio.*

salute assertâ. Nunc calamitatum patietur vi-  
ces, easque tam graues, vt cogitanti vnde  
emerferit, videatur opus Diuinæ potentia,  
portum in naufragio, asylum in scopulo, vi-  
tam in tumulto, in desperatione salutem præ-  
stantis. Lubet intueri quibus gradibus in mi-  
seriarum voraginem florentissimum regnum  
prolapsum sit. Carolo vitâ functo, soror Iſa-  
bella spem regni Francici concepit animo.  
Vt ambitiosum est feminarum genus, nec sibi  
limites potentia vllas constituit. Feliciter  
suis tumultibus expedita, necatis Spenſeriis,  
marito è carcere in Sepulchrum actò nam ve-  
nenum ebiberat, & euecto in solium Eduar-  
do filio, Franciæ regnum prædam haud dif-  
ficilem existimabat. Eduardus eo nomine  
tertius, ingentis animi iuuenis, quem nec  
Oceanus definiret, calamitatibus supra spem  
in sceptrum mutatis, ad Franciæ nomen eri-  
gebat se, & capace iam cupiditate opulentis-  
simum regnum hauriebat. Id consequuturus  
oratores mittit, instructos magnificè, qui Re-  
gi suo Caroli mortui ex sorore nepoti Coro-  
nam poscerent. Habebant Franci de futuro  
Rege comitia, ac fortui Regio quem ferebat  
mater, Philippum Valesium tutorem dixe-  
rant; moxque partu in lucem edito, cum de-  
terioris sexus is esset, de constituendo Rege  
consultabant. Admissi Oratores Angli pro  
Eduardo congerebant multa. In Merlini va-  
ticinijs vnum celebrari, quo prædicebatur re-  
gna Angliæ & Franciæ in vnum corpus coa-  
litura; nunc felicissimum illud tempus illu-  
xisse; æquum esse, vt quæ duo regna ab vno  
capite propagata forent, in vnum caput rur-  
sum conuenirent; Vitichindum Francis, Ro-  
dolphum Anglis, vtrumque Normannum,  
dedisse regnantium fontem aque originem;  
quàm iustum eodem relabi vnde incepiſſent.  
Nec id vtrique genti minùs commodum at-  
que gloriosum, dum fortissimi populi, quibus  
separatim

*Separatim gens nulla par foret, communicatis viribus atque consilijs, imperium latè pro- rogabunt : & volentibus leges, nolentibus iugum & seruitutem imponent. Sanè interne- cinum bellum consopitum iri, quo se mutuis cladibus Angli Francique conficiunt ; futu- rúmque Oceanum non amulorum limitem, nec repagulum hostium, sed amicorum com- mercium, & possessionem fratrum indiuisam. Ad ius quod spectaret ; esse indubium ; na- tura iure transire ad liberos hereditatem pa- ternam, vocari ad successionem qui proximis, & numerari sanguinis gradus, ut qui propiùs ad truncum accesserint, plúsque illius san- guinis hauserint, admittantur ad legendam hereditatem, & remotiores excludant. Isa- bellam à Philippo Pulchro natam esse, sororem Caroli, nec ullum in Regis stemmate propin- quorem. At, inquiunt, à Diademate Fran- cia repelluntur femina ? quid ergo eas à regi- mine regni non excluditis ? Blanca Iudouici mater patientibus vobis atque laudantibus semel iterúmque gubernaculum tenuit ; Ioan- na à Philippo Pulchro Regens scripta erat ; cùm rem atque effectum permittitis, quid de inani iure contenditis ? Tum ad Salicam le- gem elcuandam ingerebant plurima ; Fam incertam & confictam propemodùm ; contra- riam legi sacra, omniúmque gentium legibus ; abrogatam Francorum usu, apud quos femi- na feuda etiam primaria consequebantur. Imò nec in eam peccari, cùm Eduardus Rex foret ; in quem non caderet vel legis ratio, vel muliebris sexus infirmitas. Sic Hugonem Ca- petium in Regem vocatum ; quod à filià regis stemmatis ortum duceret. Ad hæc adiunge- bant promissa ingentia, & argumentum ad persuadendum efficacissimum, spem excita- bant, partiendæ cum Proceribus prædæ, & opulenti pretij mercis quam venderent. Post- quam copiose oratores dixerunt ; Robertus*

Artelius & ipse è regia familiâ, & cum Vale-  
fio arctâ beneuolentiâ vinctus, contra differ-  
uit. *Vnâ lege Salicâ nitebatur oratio, ipsam  
aquauam Corona Francica, cum fundamen-  
tis simul stabilitam, inconcussam hætenus,  
nec vnquam euertendam, nisi per ruinam  
Regnicasumque Procerum. Eam docebat in  
primâ ac secundâ Regum stirpe inuiolatam,  
nature consentaneam maxime, cum iniquum  
foret, viros militares obtemperare femina, ortu  
atque indole infirma admodum, quæque na-  
ta esset vt regeretur. Feuda feminis permit-  
ti aliquoties, sed Regum indulgentiâ, quan-  
quam Regnum inter & feuda multum in-  
terfis, quando Regnum hereditas non est aut  
patrimonium, sed ius perpetuum atque im-  
motum, cuius vltusfructus ad regnantes per-  
tinet quidem, sed illibato iure & intemerato.  
Si admitterentur, femina, atque haberetur  
ratio sanguinis, quid Isabellâ cum regno?  
cùm superessent Hutini & Philippi filia, &  
modo è Carolo nata esset puella, num ipsa  
propinquiore matertera? At Eduardus ab  
Isabellâ natus vir cùm sit, infirmitatem se-  
xus exclusit, quasi ipsi exclusâ matre vel  
umbra superet, & Reges contingat nisi ma-  
tris sanguine & beneficio? Frustra spem ia-  
ctari & promissorum illecebras; Francos haud-  
quaquam mercatores esse, qui se & liberta-  
tem diuendant pretio; nec arcessendum vl-  
tra Oceanum Regem, præsente Philippo, quem  
natura, ius, Regni que leges Regem nuncu-  
parent. In eam sententiam à comitiis itum  
est, dictusque Rex Philippus Caroli Valesij  
filius, Caroli Pulchri patruelis, ob eam rem  
vulgò Felix nominatus; quòd per trium Re-  
gum mortem adhuc iuuenis regnum compa-  
raret, quòdque è duodecim stirpis Regiæ ra-  
mis cùm triginta admodum Principes viue-  
rent, ipse præ cæteris diademate cinctus est.  
Sed præcocem & præposteram appellationem  
acce-*

Philip-  
pus Va-  
lesius  
Rex.

Anno  
328.

acerbissimâ post calamitate corruptit; adeo nemo ante obitum felix dici debet. Rhemis magno Ordinum plausu inauguratus est; Anglo repulsam patienter ferente.\*

Philippus sceptri compos, abstinentiæ specimen illicò edit, Nauarræ regno à se abdicato. Et ipsi Nauarri pertæsi diuturnæ regnantum absentiæ, regi à præsente volebant; eamque ob rem celebratis comitiis, Ioannæ Hutini filia regnum delatum est, quæ iam nupserat Philippo Ebroicensi; repulso similiter Eduardo, qui à Franciâ deiectus, Nauarram appetierat, ut Carolo Regi coniunctior. Philippus à nouis Regibus Campaniam & Brigiam habuit; datis in permutationem Comitatus Marchiæ, Mortauij, Longauillæ, & Enculismæ, præter pecuniam annuam; sua enim intererat à Lutetiæ portis amoueri longius Principes. Tum Petrum Remium Caroli Pulchri Quæstorem primarium, peculatûs damnatum, ad patibulum misit, ob arrogantiam & immensas opes vulgò exosum; nam in bonis numerabat duodecies centena librarum millia, immensas iis temporibus opes, quæque Regem æquarent. Isque suspensus ad furcas Monfalconias, quas nouas ipse nuper extruxerat; quartus eo seculo, qui pecuniâ ditatus publicâ pœnas dedit; nec aliorum supplicio abstinentiam didicit; adeo picata est auri cupiditas, viscòque ineluctabili animos implicat. Post hæc continuò Rex ad Flandrense bellum se admonit. Flandri Ludouicum Comitem assiduè rebellionibus diuexabant; seditiosi consurrexerant Brugis, qui usurpato regimine, castrisque nefariè qui repugnarent, urbem moderabantur ad nutum: in aliis oppidis Roberto patruo faces submittente plebs exardescibat in Comitem, & in discrimen vitam sæpe vocauerant, rebellionem per diuersa fœdera excitatâ potius quàm sopitâ. Comes tandem in Franciam

PHILIPPVS  
VALE-  
SIVS.

I I.

Rex  
Nauar-  
ram di-  
mittit.

Remiûs  
in pæ-  
nam  
vocat.

Bellum  
Flandrense.



PHI-  
LIPPVS  
VALE-  
SIVS.

confugerat, extorrisque à patriâ opem Regis calamitate ipsâ implorabat. Proceres ad consultandum adhibiti, abstinendum bello censebant: Illo *quari haud multum gloria, periculi plurimum; vilem plebeculam & faciem hominum in desperationem agi, qua vel in ignavis terribilis sit; plus nobilis sanguinis in Flandriâ fustum his proximis annis, quam superioribus in Aegypto & Africâ; maioris esse pretij Francum unum è nobilitate, quam opulentam in Flandria ciuitatem; ipsi inter se belluarum instar desauiant, se inuicem laniant atque dilacerent, abscindantur ab omni commercio, sibi que ipsi, qua acerbissima poena, relinquantur.* Haudquaquam Rex iis mouebatur, flagrabat animus militari laude, ratus regnum frustra comparatum, nisi iuuenile illud incendium magno facinore statim effunderet. Urgebat itaque, miseriam Comitis contestatus atque Franciâ ignominiam, si diutius calamitosum supplicem pateretur. Cum nihilominus resisterent Proceres, & affirmarent exhausto arario expeditionem tantam temerè suscipi; saltem præstolandum opportunius tempus, cum nunc æstas ad finem vergeret; Rex tantas moras vno verbo abrumpens, ad Gualterium Crecy conuersus, nutu intendens quod desideraret; Tu, ait, quid censes? cum ille voluntati Regis obsequutus respondisset; Haud cunctandum vltius, & amatoribus Martis omne tempus esse opportunum; æquum, inquit Rex, censuisti; tibi assentio, & nemo credo mihi dissentiet. Ita vno verbo nodum Gordium secans, ipse validum exercitum in Flandriam ducit. Rebelles magno numero ad Cassetum, in erecto colle, castra posuerant, hostes patriâ prohibitori; Franci in subiectis campis sua metabantur. Ii cum sponte impellerentur in pugnam, vt ab tuto loco Flandros educerent, copias diuidunt, iisque in

Regis  
ad bel-  
lum ar-  
dor.

Gual-  
tier de  
Crecy.

Pugna  
ad Cas-  
setum.

in hostium oculis agros populantur. Flandri conspectis villarum incendiis, duci in aciem flagitant; se conuenisse tutandæ patriæ gratiâ, non ut otiosi collem occuparent, solisque oculis prosequerentur perniciem. Duces quorum princeps Nicolaus Rozequinus, arte piscator, cum nequirent temeritatem compefcere, censuerunt fraude & dolo armandam. Ergo pugnam polliciti, ad eam Francos pro-uocatum mittunt, diemque indicunt ab eo secundum, sancti Bartolomæi postridie. Tum Rozequinus fallendi certus, piscatorio habitu, in Francorum castra pisces it venditum; admissusque nullâ suspicione, explorat omnia, militem, præfectum, tabernaculum Regis, ac cætera quæ audax consilium promo-uerent. Cuncta speculatus, ad suos regreditur, & in ipsum festi diem pugnam tacitus comparat. Franci dolum minimè suspicati, expectata in diem posterum pugna, incauti agebant; cum repente Flandri triplici agmine, è colle nullo strepitu, nullo clamore, aut buccinæ sono exscendentes, in castra inuadunt. Ea in tres partes diuisa. Primam obtinebat Rex ipse, alteram Ioannes Bohemiæ Rex, tertiam Comes Hannoniæ. Primus impetus ac ferocissimus in tabernaculum Regis effunditur, Rozequino duce, cui nota omnia & perspecta erant. Multi Nobilium ad tabernaculum cæsi, dum Rex armatur; in aliis locis necati aliquot, donec Franci à trepidatione recreati, armis terribiles, ad sua quique signa conuolantes, repellunt impetum; mox Flandri recedunt, agmènque instruunt ad iustum prælium. Quod tandem initur acerrimâ dimicatione; illinc fortitudine, hinc desperatione pugnantibus; donec ista oppressa, non victa est; cæsis in loco quem occupauerant Flandris; nemine terga vertente, tela aduerso corpore cunctis excipientibus. Istorum necata sexdecim millia; Franci, nisi id fidem superet,

PHI-  
LIPPVS  
VALE-  
SIVS.

Anno  
1328.

PHI-  
LIPPVS  
VALE-  
SIVS.

superet, duntaxat septemdecim; splenduitque si vnquam militaris Francorum gloria, quibus nihil ad exaggerandam laudem desideratum est. Eodem cursu victoriæ expugnatum est Cassetum; quod deletum ferro & flammis, pœnas dedit irrogatæ Regi contumeliæ; quem repertum Regem nuncupabant, Gallumque pictum supra muros erexerant, concincentes in ludibrium tunc Regem repertum in sua munimenta subiturum, cum hic gallus caneret. Ypra, Brugæ, & cæteræ ciuitates Comitum exceperunt supplices; & Rex victor triumphauit Parisiis, primariam Deiparæ Matris Ecclesiam equo vectus & coruscans armis ingrediens; obtulitque orbis Regina, iustrumenta & monumenta victoriæ, Equum atque Arma; erectâ postmodum in eodem Templo equestri statuâ; vt tam auctor victoriæ Deus, quàm Rex victor illucesceret posteris. Comes Flandrensis iustis in rebelles suppliciis auctoritatem sanxit; & Canuti pœna memoratur, perduellium principis, qui Regi traditus, per acerbos cruciatus necatus est; vt plurimorum quos trucidauerat neces, totidem, quantum vni corpori licet, suâ rependeret.

III.

Contentio  
contra  
Ecclesiasti-  
cos.

Anno  
1329.

Regem bello functum contentio ciuilis ex-  
cepit, eò intricatior, quò periculosius alteri  
parti se traderet. Diu querebantur Indices  
Regij, Ecclesiasticos in alienam iurisdictionem  
inuadere, nullam esse litem quam non  
occuparent, immiscere se omnium causis, son-  
tes etiam imò insontes in forum suum vocare;  
& specie sacri fulminis quod vibrarent, per-  
turbare singulorum res atque familias, & te-  
lum quod commissum in sacrarum rerum tu-  
telam foret, in profanas impendi; usu iustitiæ  
sue deque euerso. Ob querelas graues Par-  
lamentum in Vicenarum saltum Rex conuo-  
cat; vbi in frequentissimo Antistitum Proce-  
rumque cœtu habet orationem in Præsules

Petrus

Petrus Cunerius Aduocatus Regius, acerbè in sacros Iudices inuectus; quorum immunitates & immensam potentiam infringi penitus flagitabat. Respondit accuratissimè Petrus Bertrandus Episcopus Angustodunensis; & lite ab culpis Iudicum ad dignitatem Ecclesiæ solerter traductâ, multa de Ecclesiæ maiestate dixit, de reuerentiâ religionis, de Francorum Regum pietate, euocauit è superis Carolum Magnum, Ludouicum Pium, Ludouicum Sanctum, eorum opem implorauit, vt quæ tam effusè donassent Ecclesiæ, ea conseruata in posteris vellent, adiunxit beneficia quibus ipsos Deus cumulasset, demùm tantâ eloquentiâ perorauit, vt Regi metum iniecerit immutandi quidpiam, efficacissimo apud pium Principem Diuinæ reuerentiæ arguimento. Quare is postquam amicè admonuit Præsules, vt qui irrepsertant abusus tollerent, parciùsque sacrum fulmen vibrarent, pronuntiauit, Ecclesiæ iura aucta se potius velle, quàm imminuta, factasque & testas immunitates iussit esse Præsulibus. Vnde Catholici nomen adeptus est: difficillimâ lite disceptatâ tam prudenter quàm piè. In vnum Cunerium promptum est odium publicum, cuius nomen simulacro informi adscriptum est: idque Parisiis in æde Deiparæ prostat loco obscuro, ad extinguendos cereos designatum, in angulo seu cuneo positum, vt annominatio cuneum inter atque Cunerium, tantum præclaro viro ludibrium esset, quantum statux dedecus foret. Expeditâ lite, ad clientelam admissi Proceres: quorum princeps cùm esset Eduardus Rex Angliæ, ad eam præstandam vocatus est. Et verò summa Philippi dignitas erat, vt qui cum ipso contendebat de regno, is clientem & subditum se profiteretur: atque ideò primùm Isabella Eduardi mater negauit, filium professurum, nec decere vt Regis filius coram Comitis fi-

PHI-  
LIPPVS  
VALE-  
SVS.  
*Petrus  
Cune-  
rius.*

*De C-  
gnores.*

*Eduar-  
dus  
clien-  
telam  
iurat.  
lio*

PHILIPPVS VALESIVS. lio sese submitteret, Eduardus tamen re de- liberatâ, æquum peti censuit, & profectus est ad iurandam fidem, siue odio nondum in Philippum concepto, siue adhuc impar illi demonstrando. Ambiani Rex venientem magnâ pompâ excepit; appellauerat Reges Bohemiæ, Nauarræ, atque Maioricæ, Proceres omnes, virósque Nobiles, tum è Franciâ tum è fœderatis, ad maiorem Eduardi honorem an ignominiam, quòd tam multos spectaret testes demissionis atque obsequij. Primò disceptatum, quibus verbis præstaretur id officium, permissum vt generalia Anglus vsurparet, dum domi per otium quid maiores eâ in re egissent consideraret, ac deinde specialiter Regi sese obstringeret, quod & postea præstitit. Interea magna vt interpretabatur contumelia ipsi illata est, Cùm enim ad præstandam fidem accederet, Philippo Rege in folio confidente, inductus Villosio serio in purpuram tincto, pardis aureis vectem illuminantibus, capite Coronam præferens, cincto ense, aureisque calcaribus, iussus est Coronam, ensen & calcaria ipsa deponere, séque ad subditi cultum accommodare, iussusque paruit, sed altè in generosum pectus penetravit opprobrium, deditque fomitem incendio quo conflagrauit mox Francia. Dolorem haud multò post cumulauit, quod Philippus affinitatem contraxit cum Ioanne Bohemiæ Rege, eius filia Bonâ Ioanni filio in uxorem datâ, cui sororem Anglus obtulerat, nouâ repulsâ dolorem primæ, & contemptus sensum refricante. Igitur cùm Philippus communicato cum Ioanne Pontifice, & Benedicto successore, huius nominis XII. expeditionis sacræ consilio, omnia in eam comparasset, statetque Massiliæ magna classis in anchoris, par octoginta militum millibus, Regesque Hungariæ, Siciliæ, Cypri atque Maioricæ, socij gloriosissimi belli accederent,

Rex

Rex aduertens Anglum tacitum se continere limitibus, & Europâ tota adstrepente vnum conquiescere, ad eum misit, qui rogarent nunquid ipse vellet in expeditionem sacram conferre. Nec vltra dolorem Anglus oppressit, dato Legatis responso, cùm Philippus sua sibi restitueret, quæ vsurpabat iniquius, se tam citò profecturum in Syriam, quàm Philippum ipsum. Quâ voce maleuolentiâ Angli deprehensâ, sacrum iter dimisit, ratus sua cuique quàm aliena esse potiora, nec aliis subueniendo prouocandam in se perniciem. Sed iam vrget belli Anglici moles, quod tenuit annos centum sexaginta, & calamitatum caput appetit Franciam. At primùm inquiero, quo fonte quâque origine hic ærumnarum æstus proruperit.

Ex summâ beneuolentiâ & arctissimo sanguinis vinculo, capitale odium & Vatinianum exortum est. Roberto Artesio cum Philippo, antequam is promoueretur in regnum, iucundissima vitæ atque officiorum omnium societas erat, vna voluntatum & sententiarum consensio; ex priuatis commodis commune quoddam efficiebant; imò vt agnationem sanguinis vincirent arctiùs, affinitatem contraxerant, sorore Philippi Artesio in vxorem datâ. Ideò de regno dum disceptaretur, Robertus contentionem omnem vt Philippus promoueretur intenderat, idque perfecerat; imò aliquandiu Regem inter & subditum eadem amoris significatio perseuerabat, cùm Philippus Artesij causâ omnia cuperet, & potentix quantum sat ambitioni foret permetteret. Ea res Artesio veteris litis instaurandæ atque obtinendæ votum & spem fecit. Robertus Artesius qui in Cortracensi strage occiderat intestatò moriens, reliquerat liberos, Mathildim filiam, & nepotem ex Philippo filio iam præmortuo, Robertum hunc de quo sermo. Lis inter liberos continuò nata; Roberto

PHILIPPVS  
VALE-  
SVS.

I V.  
*Consa  
belli  
Angli-  
ci.*

*Robe-  
tus Ar-  
tesius  
causa  
belli.*

PHILIPPVS VALE-  
 SIVS. berto Comitatum Artesium reposcente, qui  
 Philippum patrem natu maiorem representa-  
 ret; Mathildis contra quod propinquior patri  
 quàm nepos foret, & quia Artesia consuetu-  
 dine repræsentatio patris in filio vetaretur,  
 eandem ditionem sibi asserebat. Iuris speciem  
 potentia fulciebat: nam nupta Othelino Bur-  
 gundia Comiti, susceptas ex eo geminas  
 filias, nuptui dederat Philippo & Carolo, Pul-  
 chri Philippi liberis; quare controuersia in  
 Parium Curia disceptata, Regis gratia & au-  
 ctoritate, Artesia Mathildi adiudicata est. Et  
 Robertus cum iniquitatem iudicii questus  
 in Artesiam inuasisset, Philippo Longo in re-  
 gnum euecto, Mathildis genero, ab eâ pulsus  
 est, nouaque iterum perculsus sententiâ, quâ  
 Mathildi ianciebatur Artesia. In præsentia  
 Philippo rerum potiente, existimauit Rober-  
 tus articulum ad repetendam litem percom-  
 modum; *Mathildim iam vitâ decessisse, Re-  
 ges generos quorum gratiâ nitebatur nullos  
 esse, superesse in liberis præter unam filiam  
 neminem, illibatam in Philippo beneuolen-  
 tiam, & beneficium nullo premio repensum,  
 summam sibi apud omnes ordines auctori-  
 tatem, iure se niti atque equitate; fieri non  
 posse quin postulatum tandem obtineret.* Pri-  
 mum eâ de re cum Philippo Rege verbum  
 facit; porro eum duriores expertus, quod  
 constituta à duobus Regibus nollet reuelle-  
 re, diceretque Bellomontanum Comitatum  
 in compensationem datum; tertium contro-  
 uersiam in iudicium vocat, dicto die Ioannæ  
 Mathildis nepti, Philippi Longi filia, quæ Eu-  
 doni Burgundia Duci nupserat; simul indu-  
 striâ Domina Betunensis falsas confingit ta-  
 bulas, quibus ab Roberto auo heres diceretur.  
 Rex auditâ re, rogat Comitem, ut ab ini-  
 quâ lite abscedat; male honorem pro quocun-  
 que bono commutari; tabulas præmeret, ex  
 quibus nihil aliud nisi falsarij nomen asse-  
 queretur.

Suscep-  
 tas ex  
 eo.

Beau-  
 mont.

Dame  
 de Be-  
 tunc.

queretur. Ad eam vocem Artesius, ut erat præcipitis iracundiæ, negat se falsarium, prouocatque in certamen, qui sibi obiiceret rem tam turpem. Rex eâ prouocatione commotior, quâ peti se existimauit, respondit falsas esse tabulas, id compertum haud dubiè; illarumque auctores daturus meritissimas pœnas. Exinde amicitia deficiente in odium (adeò Regum vitrea est beneuolentia, & summa illa dignitas parem nescit) capitaliter Comitem Rex persequutus est; nam Parlamenti sententiâ damnatus est ut falsarius, non modò à postulatis exclusus; sed & à Franciâ exulare iussus, bonis publicatis, & honore ignominiosè proscripto. Nec odium Regis intra infamiam stetit, pulsi Artesij coniugem liberòsque in custodiâ habuit, quamuis coniunctissimos sanguine; ipsùmque Artesium Namurco quò profugerat per Episcopum Leodiensem expellit; ac feminam Betunensem quæ fabricauerat tabulas flammis addicit; mirantibus cunctis, quò beneuolentia prima euassisset, & extorrem miserantibus, qui tot beneficia vno facinore ac propè verbo perderet, essetque exemplo, quàm nullis limitibus conscriberetur ira impotens Principum. Namurco pulsus Artesius ad Ioannem Brabantia Ducem & affinem suum se recipit; nec tamen in eo perfugio quietem adeptus est. Quippe Rex inflammante satietate vindictam, cum Brabantino nuntiaret bellum, nisi hospitem odiosum abigeret; isque Artesium clàm haberet, si fortè ira Regis morâ deferreret; Rex cunctationis intolerans, bellum repente Brabantino mouet, & in eum vicinos concitat, Episcopos Leodiensem & Coloniensem, Duces Iuliacensem & Gelrium; quorum copiæ ductore Eusio Comite Comestabili in Brabantiam ductæ, imparem Ducem spoliatum ibant ditio. Ille tamen quâ erat versus hospitem fide, extrema omnia pati

certior,

PHI-  
LIPPVS  
VALE-  
SIVS.

Anno  
1332.

Artesius  
pulsus  
in  
Angliam  
fugit.



PHI- certior, quàm profugum & affinem prodere,  
 IIPPVS peribat victima hospitalitatis, cum Artesius  
 VALE- vltro excessit Brabantia, postque actas Duci  
 SIVS. immensas gratias, calamitatem suam conqu-  
 stus, quod nullibi agere quieto liceret, & Regi  
 minas intentans, professus se quem crexerat  
 deiecturum, occultus in Angliam transmisit,  
 quasito apud Eduardum asylo, quem sperabat  
 ex inimico beneuolum atque amicum, quan-  
 do in amicissimo acerbissimum hostem nactus  
 esset.

V.  
 Artesius  
 Anglo-  
 bolium  
 insi-  
 nuat.

Eduardus exulem, quem æmulo infensissi-  
 mum nosceret, lætanti animo & gratulant i  
 excepit, dixitque Richemondia Comitem.  
 Nec Artesius oblitauit iniurias, sed tam illa-  
 rum memor quàm beneficij, Eduardum in  
 bellum Francicum inflammabat. Insinuabat  
 identidem; *iustissimum esse bellum*, quo re-  
 petuntur per iniuriam rapta, non agi de urbi-  
 bus arcibusue quas Philippus in Aquitania  
 retineret, de toto regno, & quidem Europa  
 præclarissimo controuersiam esse, iam in iure  
 quasito plusquàm dimidium actum, quid ha-  
 reret, ac fortuna donum cunctatione corrup-  
 peret? Sanè contumelia meminisset, qua sibi  
 Ambiani tot illustribus testibus irrogata, cum  
 potentissimus Rex, spoliatus ornatu regio,  
 æmulo & inferiori non clientelam præstitit,  
 sed indecorem multam & probrosam, ferrum  
 modo accingeret quod vi atque iniuriâ dis-  
 cinxisset, coronam reponeret quam riuales  
 iniquitas detraxisset, quàmque donauerat ab  
 proavis Regibus inconcussa successio: imò no-  
 uam Philippo detraheret, nato priuatis in la-  
 ribus, & admodum nuper illam cingenti. Nec  
 tam arduum atque difficile id præstare, tene-  
 ram arbusculam radices altas nondum im-  
 misisse, euelli posse haud difficulter, nunc Phi-  
 lippum flagrare inuidiâ, agrè Proceres Regem  
 ferre, quem parem senserant, còque Dominum  
 iusserant ut regnarent simul, Francos Princi-  
 pem

perem qui nasceretur amare & colore, quem ipsi fecissent inuidiâ prosequi & contemptu. Nauarra Regem Philippo infensum, ob detractam Campaniam, alienatum Pontificem, Imperatorem hostem acerrimum, iis sociis tentari posse omnia, perfici plurima. Debellatos Scotos, Davidemque Regem maximâ regni parte multatum, nunc victrices copias ducendas in Franciam, & triumphorum seriem maiori compendio propagandam. Cùm iis verbis Eduardi dolor, quasi ferro vulnus exacerbaretur, tandem bellum decretum est. Quod ut moueretur validiùs; primò de adfisciscendis sociis laboratum, & in Germaniam maximè conuersa studia: nec ægrè in partes Ludouicus vocatus, dudum Franciæ hostis, quoniam omnia Pontificum tela quibus impeteretur, à Francis Regibus existimabat emissa, non dubius quin de Imperio tam Carolus quàm Philippus ipse cogitassent. Episcopus Lincolnensis orator in Germaniam missus, non modò Ludouicum adiunxit fœderi, sed Duces Brabantix, Gelrix, Iuliaci, & seniore Hannoniæ Comitem, (nam iunior Franco militabat) atque Coloniensem Antistitem, ad Flandriam quod spectat, in partes abierat, urbibus admotis ad Franciam Comiti obsequentibus, cæteris quæ ad Germaniam cuidam Arteuellæ Gandauensi addictis, abdicatâ Principis auctoritate. Eduardus post Sancta fœdera, profectus ab Angliâ, Cagantiam insulam quæ Flandriæ erat, & præsidio tenebatur, vi primùm occupat, deicitque præsidium, tum Antuerpiam se confert, ut Germanica fœdera arctiùs stringeret, ubi postquam à Ludouico Imperij Legatus seu Vicarius dictus est, confirmatis sociis, bellum Philippo per Episcopum Lincolnensem indicit, simulque infertum in Aquitaniâ, tum in Morinis. Iam Philippus ad eum repellendum se comparauerat, nec in fœderatis quærēdis segnior,

PHILIPPVS  
VALE-  
SIVS.

Bellum  
ab An-  
glo in-  
strui-  
tur.

Et à  
Philip-  
po.

Reges

PHI-  
LIPPVS  
VALE-  
SIVS.

Reges Bohemiæ, Nauarræ & Scotiæ, Lotharingiæ & Austriæ Duces, Comitē Palatinū, & Leodiensem Episcopum sibi adiunxerat. Conductis ex Hispaniâ & Genuâ nauibus, classem ingentem instruxerat, quam Testanerio Genuensi, rei maritimæ peritissimo, gubernandam tradit, Comestabilem in Aquitaniam mittit, qui ope Comitum Fuxienſis & Armaniaci ad Garunnam prouincias contineret, ipse numerosum exercitum conscribit, tantâ Francorum alacritate, vt soli Normanni ad profligandam Angliam maiorum instar sese obtulerint, deligendis equitum quatuor millibus, quadraginta peditum, quos stipendiis suis alerent, idque ob initam à Rege gratiam, quod Ioannem filium Normanniæ Ducem dici voluisset. Tanto apparatu cū Europa scinderetur in partes, primus Anglus mouit, & Cameracum obsidione cingit, ita enim cum Ludouico Imperatore conuenerat, vt ab Imperatoriâ vrbe belli initium faceret. Illam propugnabat Galesius Baumius Eques Sabaudus, accesseratque Comestabilis ab Aquitaniâ reuocatus, cum tribus equitum millibus, eratque spes Angli opprimendi, si obsidione perſtaret, quare Artesius nono die illius soluendæ auctor est: *non occupandum regnum per vrbes singulas, semel rem vnius pugna alea committendam, idē in regni viscera penetrandum, id decere legitimum Regem: nam tentare limites fore extranei.* Hoc consilio soluta obsidio, & ad Capellam Picardiæ urbem promotus exercitus, ad quam Philippus castra posuerat. Continuo per feciales diem pugne dicit Eduardus, à Franco gratulante accepta est, & feciales splendide habiti, donatique muneribus. Dictâ die vtrunque exercitum Præfecti instruunt, in Anglico erant millia equitum quatuordecim, sexaginta peditum; in Franco equitum viginti octo, peditum quinquaginta; erantque

Anno  
1338.  
Galeois  
de Bau-  
me.

Admo-  
ti exer-  
citus  
sine  
pralio.

erantque sub signis quatuor Reges, Comites triginta sex, vexilla Nobilium insignia viginti supra ducenta ; vt Europæ flos in id bellum conuenerit. Verùm Franci Proceres omninò abhorrebant à pugnâ; seu prudenti consilio, quod vniuersum regnum vno alex iactu adducere in diſcrimen nollent; seu religione quadam deterriti, quod Robertus Neapolis Rex, curiosus Astrorum inspector, affinem Regem admonuisset, ne pugnam præſente Eduardo committeret, astra enim stragem horribilem comminari Francis, si secus agerent; isque erat per vniuersas copias dissipatus rumor. Et Regi Proceres exponebant; malè pro gloriâ regnum in periculum vocari; si vincat, palmam inanem in præmium fore, si vincatur, totum regnum in iacturam. Quibus tametli generosissimum Principem haud dehortarentur, tamen cunctando & prolatando tantum perfecerunt, vt inclinante in vesperum die, conſeri pugna nequiuert, eamque in posteram lucem Reges remiserint. Franci interea rumorem spargunt, sibi præliandi haud esse animum, sed aciem instrui duntaxat in speciem, vt facilius Anglum interciperent, & alimenta detraherent. Quo rumore ad Anglos delato, seriò pertimuit Eduardus; ne id hosti consilium foret, eò maximè quod deficiebant cibaria: & ipsa nocte reduxit exercitum, in Hannoniam primùm, tum in Brabantiam, accusans Philippum, quod dicta die aciem non stitisset in prælium. Et Philippus ab eo insequendo precibus suorum monitisque prohibitus, se versus Franciam recepit: Deo adhuc calamitatibus Franci indulgente; nam quid præter Numen infensissimas gentes atque fortissimas, Reges priuatis incensos iniuriis, sub ipsa tela admotos, nullo sanguine, absque vlllo obice diremisset?

- Intercisa spe pugnae Eduardus retinendis  
fociis

¶ VI.

PHI-  
LIPPVS  
VALE-  
SIVS.

*Arta-  
uella  
repul-  
sus à  
Franco*

fociis incumbere prudenter, quos temerè abalienabat Philippus. Flandri præcipuè magno erant momento, in quam partem se darent. Ii iam antè ab quodam artifice Iacobo Arteuella prorsus regebantur. Gandavi Artauella diu cereuiciam coxerat; eratque staturâ corporis firmâ & procerâ, valido robore ad staturâ modum, magno animo, præfractâ audaciâ, & ad quoduis nefas intrepidâ; ob quas dotes lato nomine in popularibus comparato, plebi acceptus, & facinorosorum asyllum, in Gandauenses tyrannidem vsurpauerat, probo cuicumque terribilis, contrâ improbis gratus, quorum vitia fouebat atque alebat. Incedebat sexaginta stipatoribus aut Sicariis cinctus, quorum aliquot ad sæuitiam eius conformati, leuissimo nutu designatû quemlibet perimebant. Sic non Gandavi modò, sed intotâ Flandriâ nefarius vir se Principem gerens, morte damnabat, multabat exigebat tributa, leges condebat, magistratus dicebat, nemine auso iniquissimis iussis repugnare. Ille ab Eduardo primùm appellatus, vt Flandrorum arma suis adiungeret, quam multâ donatus pecuniâ, excusauerat se, tum recenti memoriâ pugnæ Cassetanæ, tum ob pactum cum Benedicto Pontifice initum, quo Flandri promiserant se in Regem Franciæ nunquam bellaturos; si secus agerent, Pontifici in pœnam penderent florenorum bis decies centena millia, & sacris omnibus interdicerentur. Nihilominus Regibus ad pugnam accinctis, conscripserat copias ad Insulas expugnandas, quam obrem cùm ij infecto prælio discessissent, veritus Artauella ne allaborante Pontifice pacem contraherent, & ipse Philippo in prædam cedret, ad eum mittit, qui pacem peterent, iis conditionibus, vt Flandri abdicato Anglo reciperent Comitum, & Francus vrbes Flandriæ quas tenebat dimitteret. At Philippus conditionem asper-

natus,

natus, Attauellam reiiicit. Is ne ab utroque Rege destitueretur, ad Eduardum Bruxellis agentem se confert, deductisque Flandricarum urbium Consulibus, contrahit fœdus; Anglo lucrum ex alienâ fœcundiâ faciente, Erat præterea vnus obex tollendus, ne in Pontificiam pœnam Flandri incurrerent; notus ut solueretur, Attauella auctor est Anglo, se Regem Franciæ nuncupet; ita pœnam imminuentem vitari vel eludi posse. Quanquam Eduardo id videbatur ridiculum, se Regem dicere eius Imperij, cuius nedum minimâ parte potiretur; tamen ut Flandros obtineret, iurisque auctoritatem palam omnibus faceret, se Regem Franciæ dixit, adiunxitque Pardis aurata lilia; quo vano titulo gausi sunt posteri, quanquam tam possessione deiectione postea, quam primùm erant iure destituti. Sed ambitio sibi gaudet illudere, & cum cibo solido vesci nequit, fumo se pascit. Eduardus stabilito fœdere, in Angliam transmittit, cuius oras classis Francica populabatur, & in Hantonix portum irruperat; relicta vxore Gandaui, seu charissimo fidei pignore. Nec Flandros spes aut metus distraxerunt ab Anglo; frustra Philippo conditiones optimas offerente, & commodiores quam quæ antea rogabantur: & Benedicto Pontifice interdicta incassum pronuntiante; quibus primò quidem Flandri perculsi sunt, sed consuetudine stuporem vincente, desierunt timere, quæ nec vitam nec vitæ usum eriperent. Philippus, qui sapere alienatione Flandri debuerat, nouo errore priorẽ cumulat, Hannonix Comitem à partibus suis diuulso. Nam cum Franci Aspram urbem contra ius cepissent, ac captam incendissent, Comes hætenus in Philippi copiis adscriptus, excandescens iniuriâ, quia Aspra suæ erat ditionis, ad Eduardum defecit; bellique calamitates tam intulit Francis quam inuexit Hannoniis. At prohibere

PHILIPPVS  
VALESIVS.

Anglus  
Rex  
Franciæ dicitur.

PHI-  
LIPPVS  
VALE-  
SIVS.  
*Tuñ*  
*l' Euef-*  
*que*

non potuit, quin castrum Thinepiscopium, quo Cameracum vinciebatur ut compede, Ioannes Philippi filius expugnaverit. Et memorandum in expugnatione telum, quo tandem capta arx, vincentium arte indecore & propudiosa. Nam cum æstu ingenti cælum efflueret, facileque ex corruptis corporibus virus contraheret; Franci machinis suis plurima equorum cadauera iaculabantur in castrum, quibus putrescentibus inualefcebat contagium, & minabatur teterrimam pestem. Quo metu arx Ioanni dedita est, prius liberato per Comitem præsidio. Sed Marti num est satis, ferro & elementis pugnare; quid ea corrumpit mortalis ambitio, & in naturam suam cur peccare cogit.

V I I.  
*Franci*  
*pugnâ*  
*navalis*  
*visti.*

Eduardus interea rebus in Angliâ constitutis, ad traiciendum fretum se comparat; classi instructæ imponit militum quindecim millia, florem nobilitatis, atque militiæ Anglicæ robur; Præfectumque se gerens, soluit intrepidè. Et erat omnino quod pertimesceret; nam classis Francica ad Solusam & Blandeborgam littus prætexebat, & scopulosam nauium seriem obiciebat appeilenti in Flandriam. Trecenta nauigia Franci numerabant, militum triginta millia, alij scribunt quadraginta; Præfecti tres peritiâ maris clarissimi, Testanerus Genuensis, Keruelius Brito, & Bahucetus Cænomanus; peritissimi equidem, sed plures pro imperio, quod confortis impatiens, tres non capit. Eduardus ad conspectum classis, cum regredi nec pudor nec animus, nec necessitas belli permetterent, suos ad pugnam instruit; primâ fronte nauium maximas collocat; eâ serie, ut quam nauem implerent milites cataphracti, dux ad latera tegerent Sagittariis plenæ; tum aliud agmen nauigiorum seiungit, quod pugnam spectaret, promoueretque; ubi opus foret, detractis identidem & in pugnantium opem missis

missis nauigiis ; foeminas quæ magno numero ad inuiscendam Reginam naues incenderant, in postremum agmen coniecit; destinato ad earum tutelam milite. Mox prudenter aduertens suorum ora oriente sole verberari, pugnam inhibuit, dum sidus se ad occasum conuerteret : quâ morâ opinionem metûs hostibus fecit, auxitque forsan audaciam, sed simul temeritatem improvidam, lucisque præstinguentis incommodum attulit. Post pugnandi copiam, ad balistæ iactum naues impelluntur, statimque effusa telorum & sagittarum grandine, promotæ vterius vncis impactis ad statariam pugnam se admouent. Tunc vtrinque strages horribilis, balistis & arcubus certo ictu in subiectum hostem collimantibus ; enimuerò miserabilior facies, cum milite cataphracto in obiectam nauem traiecto, fluctus inter velat in solido, nullâ fugæ spe aut salutis, ferro brachia & capita detruncantur, oppletur pergula cadaueribus, exundatque sanguis in fluctus. Aliquot horis acerrimè dimicatum est, parique fortunâ; imò visa victoriâ Anglo aduersari, Eduardi femore sagittâ saucio. Verùm cum is nec pugnam omitteret, nec Angli, quos à fronte gloria, à tergo incitaret pudor, ardore primo decederent; Franci profligatis fortissimis, primum vinci animo ; dein nocte appetente, conuersis proris quibus integrum erat, ad portum confugere. Mali causa princeps, quod triremes in quibus militum robur, prohibita vento pugna abscefferant ; tum Præflecti classem pro numero nauium non instruxerant milite ; postremò Angli sub Regis oculis pro gloriâ atque coniugibus præliabantur; Franci pro prædâ ; cuius cupiditas crescit ex facili, ex difficili perit; nec prædoni vnquam, nisi ex infirmitate hostis, animus est. Nocte ipsâ expugnatæ naues cæteræ ; nam æstu maris Anglos promouente, ventoque valido

PHI-  
LIPPVS  
VALE-  
SIVS.

Anno  
1340.



PHI-  
LIBVVS  
VALE-  
SIVS.  
*Bahu-*  
*et.*

*Torna-*  
*e um*  
*obse-*  
*sium.*

*Ar-*  
*gues.*

*Edmar-*  
*du*  
*Philip-*  
*pum*  
*promu-*  
*cat.*

vela implente, elementis pugnantibus Fran-  
ci contriti sunt, & reliquæ prælii profligatæ.  
Cæsa Francorum decem millia in ipsâ acie,  
plures hausti fluctibus, imo è captis necati  
plurimi, seruatis duntaxat Nobilibus; Bahu-  
cetus ducum vnus malo nauis suspensus est,  
quod Huntonem urbem diripuisset imma-  
nius. Nec incruenta Anglis victoria, quo-  
rum occisa quatuor millia, præter Regis vul-  
nus. Ille victor in Flandriam subiens, quan-  
quam moderatè & pie se gerens, omnium  
summâ gratulatione exceptus, instaurato cum  
Flandris fœdere, centum viginti millia Tor-  
naco admouet; quorum millia quadraginta  
Artauella conscripserat, educta ex officinis  
artificum. Porro Philippus nauali clade nus-  
quam perterritus, præsidiis vrbes firmauerat,  
parabatque exercitum quo hostem pelleret.  
Tornacum propugnabant Comes Eulius Co-  
mestabilis, ac duo Franciæ Marescalli, (nam  
ea vnus viri dignitas, iam admiserat duos)  
cum tribus millibus equitum. Cum ideò pro-  
traheretur obsidium, hostes pro militum in-  
genti copiâ, plurimas turmas od populandos  
agros emittebant. Postquam feliciter Comes  
Hannoniæ sanctum Amandum expugnasset,  
Flandros contraria sors afflixit atque disie-  
cit. Dum ij Arcam diriperent, sancti Ando-  
mari præsidiarij milites, facto in palantes  
impetu, prædationi intentos haud agrè pro-  
fligant, & cæsis quinque millibus, prædam  
recipiunt. Fugâ seruati cum in Anglorum  
castra euaderent, tantum metum populari-  
bus suis iniiciunt, vt repente Flandri omnes,  
quasi hostis à tergo premeret, relictis castris  
abscesserint, & in municipia sua confugerint;  
quippe ineptus ad militiam ciuis, & malè ca-  
stra permutat laribus, martisque arumnas do-  
mesticis commodis. Eduardus hac copiarum  
parte imminutus, rem nouo consilio gerit:  
ad Philippum scribit, eumque ad singulare  
certamen

certamen prouocat ; sat effusum innoxij sanguinis, priuatam esse contentionem vtrius regnum sit, ab ipsis vnice disceptandam ; si tamen socios pugnae perciperet, centum sibi adiungeret, aut plures quanto numero vellet. Super scriptum erat epistolæ, Philippo Valesio. Rex prouocationem, vt par erat, ludibrio habuit ; responditque, epistolam non ad se per scriptam, quæ titulum non præferret ; se iturum ad pugnam vbi commodum foret ; ad duellum quod spectaret, si Eduardus Angliæ regnum in præmium vincenti proponeret, certamen placere ; sin minus, haudquam par esse, rem certam & possessam in discrimen vocari. Anglus interea angebatur, quia præter defectionem Flandrorum, destituebatur pecuniâ, quam Proceres in Angliâ retinebant ; porro vnde stipem Germanis conficeret, flagitantibus, vimque ni solueretur minantibus ? Tornacum excludebat spem deditiois, & quanquam ad diem duntaxat tertium alimenta suppeterent, ciues fortitudine supplebant penuriam, quam & Anglus ipse non nouerat. In iis difficultatibus lux pacis illuxit. Ioanna Valesia Philippi soror, eademque Eduardi socrus, post mariti Guiljelmi Hannoniæ Comitis obitum Fontauellam secesserat, in Cœnobium Virginum, vitamque in solitudine agebat sanctissimam ; modò miserata belli miseras, & discrimen Regum affinium, progressa Cœnobio, tantum curâ & auctoritate apud Reges valuit, vt inducias in decem menses impetrauerit, solutâ obsidione Tornaci ; laudabili factô mulieris, quæ pietatis otium pio negotio interpunxit, & sanctam solitudinem sanctiori frequentia immutauit. His induciis quærebatur Pontifici spatium pacis sarciendæ, quam ab animis infensis minùs obtineret ; eæ prorogatae sunt in tres annos ; datumque odiis, vt mox acerbius ex flammâ testâ erumperent.

PHI-  
LIPPVS  
VALE-  
SIVS.

Indu-  
cia.

PHILIPPVS noui Ducis occasione, infensos Reges & VALE- regna ipsa commisit. Ioannes IV. Britanniz SIVS. Dux, cum liberos qui succederent nullos haberet, ad proximos affines adiecit animum. VIII. Ij duo erant, Ioanna ex fratre neptis, & Ioannes Blefensis Comes, consanguineus frater; in virginem Ioannes pronior, eam Carolo Blefensi uxorem collocat, simulque Britonum Comitiis designat heredem, repudiato fratre Monfortio, quem ex incestis nuptiis natum assererat. Erat Carolus Ludouici Blefensis Comitis frater, haud dubiè à Philippo Rege propugnandus, quando Margaritam ipsius sororem Blefensis habebat in matrimonio. Ioannes à Tornacensi expeditione in Britanniam rediens, Cadomi morbo pressus animam egerat, Ioannâ nepte herede scriptâ; quamquam Monfortius præsens nihil non tentaret, vt à moriente impetraret tabulas. Hac spe deiectus, haud deiecit animum, sed equis incitatis Nannetas aduolans, ciuium assensu Dux appellatur, indicit comitia, & Lemouicum profectus, Ioannis gazas & opulentam pecuniam rapit, quam in eâ vrbe Dux reposituerat; gnarus sibi tantum iuris accessurum, quantum pecuniæ. Ea fretus quamplurimas Britanniaë vrbes, quâ vi, quâ deditio occupat: nec dubius quin Philippus Blefensem promouens, immissurus esset exercitum; huic æmulum parem vt instrueret, transmittit in Angliam, & commendatione Roberti Artesij, cui erat affinis, beneuolè ab Eduardo exceptus, & spe subsidiorum erectus, eidem pro Britannia clientelam præstat. Blefensis interea Philippum appellat, cuius auctoritate tam ipsi quàm Monfortio dies dicitur, vt in Parium Curia de iure disceptent. Monfortius regressus ab Angliâ se ad diem sistit, comitatu frequenti Britonum; sed cùm persentiret sibi Regem

Regem iratum, veritus ne causâ simul & libertate excideret, mercatoris vestem indutus, clam profugit, seque Nannetas recipit. Mox sententiâ Parii: Blesensi adjudicatur Britannia, eiusque executio à Philippo Ioanni filio commissa. Ille parato exercitu, cui dederant nomina insignes Proceres, Comes Alenfonius, Comes Blesensis, Duces Burgundus & Borbonius, Ludouicus Hispanicus, Eudus Comestabilis, aliisque, capto Cantonezo, Nannetas obsidet. Imparatus à milite Monfortius erat; ideò Britonibus auctoritate Regis deterritis, & Anglicam opem mari dirimente, cum in arcein recepisset se, à præsidario milite per preditionem Ioanni traditur. Videbatur bellum confectum in capite; cum Claudia Monfortij vxor Ludouici Flandrensis filia, Francica verè Semiramis, nisi quòd Babylonicâ castior, pro captiuo coniuge filioque impubere rem suscepit. Ea femineis lamentis abstinens, & erecto supra sexum animo, post acceptum Rhedonibus nuntium, ipsam Rhedonum urbem ceterasque in officio firmat, ac filium Ioannem in Angliam mittit, quo vel obside vel pignore Anglica subsidia impetraret. Ioannes interea Rhedonas obsidet, capitque, deditibus ciuibus, qui direptionem metuerent; tum Hennobonum validam arcein oppugnat. Monfortia eam propugnabat, quæ repulso sapius Francorum impetu, rem aggressa est militari audaciâ & fortitudine singularem. Cum ex sublimi turri obseruaret Francos impressionem in murum facere, vniuersas copias eò aduolare, & relinqui sine custodibus castra; per oppositam portam trecentos educit equites, castra inuadit, diripit, atque incendit, & excitato tumultu cum vetaretur in urbem regressus, equites ad Auxum proximam urbem agit incolumes, & quinto post die magno absentiae fructu sexcentos equites, per obiectos hostium cuneos,

PHILIPPVS  
VALE-  
SVS.

Monfortia  
Amazon  
egregia.

Rennes.

Hennobon.

PHI-  
IPPVS  
VALE-  
SIVS.  
*De*  
*Man-*  
*ney.*  
*Vannes.*  
*Cliffon,*  
*de Leō.*

salua ducit Hennobonum. Inter hæc genesofitatis specimina, sex Anglorum millia in subsidium Maunæus duxerat, & profligauerat Ludouicum Hispanicum plurium copiarum ductorem; cuius aduentu Blesensis perterritus, pactus est cum Monfortia in aliquot menses inducias. Illa breui hoc interuallo Londinum profecta, maiores copias à Rege impetrat, quibus præficitur Robertus Artesius, & cum iis reuecta in Britanniam Venetiam capit. Verùm relicto Venetiæ Artesio, postquam Rhedones exercitus ductus est, Clifsonius & Leo conscriptis militibus Venetiam ipsam aggrediuntur; atque dum in murum irrumpitur, Artesius læditur grauiter, cogiturque per posticum effugere; plagis obiens transmittendo in Angliam; vir militaris, & ad omne discrimen accinctus; infelix tamen, qui dotes egregias in patriam & Regem conuertens, fortis suo damno & probro fuerit. Eduardus ægerrimè amicissimi viri mortem ferens, ipse magnum exercitum in Britanniam ducit, quam Ioannes non minoribus copiis obtinebat; iamque bellum totis viribus instaurabatur, cum Legati Pontificij inducias in tres proximos annos exorant, foederatis in eas admissis, & Monfortio liberato. Sed ea malacia non tranquillitas fuit; excitandâ in posterum tum in Franciâ tum in Britanniâ tempestate, quæ clauum & arma-menta confringet.

IX.  
Rex  
Proce-  
res ne  
cas.

Inducias Reges ludis & conuiujs transigebant, eamque in rem suos quisque Proceres euocauerat; vt diuerso consilio, sic diuerso euentu. Eduardus Comitissæ Salisberiensis amore accensus, ordinem Tibialis fasciæ instituebat; dum Philippus vindictam an metum animo obtegens, hautiludia pacisque lætitiâ prætendebat. Hac specie cum plurimos euocasset è diuersis prouincijs Nobiles; decem è Britonibus, quorum princeps Oliuerius Clifsonus;

Cliffonus, & tres è Normannis, in vincula agit, & proditiōis compertos an suspectos capite plectit. Vnus effugit insidias Gotofredus Harcurius, & à Rege expetitus summo- perè, ad Eduardum se contulit, inflammavit- que præcipitem animum iracundiâ, quia Phi- lippus innoxios Proceres, vnius criminis reos, quod fauere Anglo putarentur, vitâ spoliasset. In locum Artesij admissus Harcu- rius; sedulò bellum in Angliâ comparatum, & ad casorum vindictam non tantùm palam Eduardus surrexit, verùm in Franciâ ipsorum affines dolorem tacitum instigabant. Exem- plò missi in Britanniam Monfortius, in Aquit- aniam Lancastris Comes Erbiensis, & ille paulò post morbo extinctus, istius verò expe- ditio celebris. Siquidem obsidione Berge- racum cepit, & Comitem Insulanum insigni victoriâ profligauit; mille duntaxat equiti- bus decem hominum millia sub vesperam aggressus, in fugam egit, captis ducentis è præcipuâ nobilitate, & transito Garumnâ, Aginnates subegit. Imò vterius victoriæ in- stans Carentono transmissio, Enculismam ar- mis obtinuit. Subito fulmine perculsus Phi- lippus, Ioanni filio generosissimo iuueni re- pellendi hostis prouinciam tradit, & ille par- tem exercitus, qui scribebatur amplissimus, illicò rapiens, circâ Carentonum omnia oppi- da & ipsam Enculismam recipiens, Anglum recedentem Aquilonium vsque persequitur, inclusumque obuallat, centum hominum millibus in exercitu numeratis, vniuersâ penè Normanniâ confluente. Dum regni co- piâ ad scopulum hærent, Eduardus spe Flan- driæ obtinendæ conceptâ, ex Anglia soluens, Sclusam appulerat, deducto Eduardo filio, agebâtque eâ de re cum Flandris. Artauella prouinciæ tam opulentæ spem fecerat, & ciui- tatum Consules eò loci adduxerat, tacito consilio, donec in Eduardi conspectum ven-

PHI-  
LIPPVS  
VALE-  
SIVS.

De  
Har-  
curio.

De  
l'Isle,  
Bellem  
Ang. us  
instan-  
rat.

Aigui-  
lon.

Artau-  
nella  
occisus.

PHI-  
LIPPVS  
VALE-  
VS.

tum est. Tunc ad eos oratione conuersa ;  
*Longam intexit miseriarum seriem, quas per-*  
*peffi hætenus bello erant ; earum causam in*  
*Comitem Ludonicum transfert ; ipsum Fran-*  
*cum affectu mala omnia in ditionem suam*  
*intulisse, spoliasse pecuniis ciues, extorres de-*  
*pulisse è laribus, in fontes necauisse quam plu-*  
*rimos ; ac demùm Philippo Capitali hosti ob-*  
*tulisse prouinciam totam in direptionem &*  
*pradam. Iam abruptum obsequij vinculum &*  
*reuerentia ; non habendum pro Principe qui*  
*pradonem segerit, & abrogasse iam diu Co-*  
*mitem, qui Francis adiunctus calamitates*  
*tantas intulit patriæ. Ita libertati suæ reddi-*  
*tis unum superesse, ut sibi nouum Principem*  
*adsciscant, cuius beneuolentiâ atque poten-*  
*tiâ, tam foueantur intus quàm foris tegan-*  
*tur. Adesse Eduardum, à quo percepissent tam*  
*multa commoda, sperarent longè plurima ;*  
*præualidum ad infringendam Philippi ty-*  
*rannidem, futurumque defensorem vocarent ;*  
*atque ut arctiore vinculo sibi anneâerent,*  
*Eduardum filium pro potestate datâ à populo*  
*Comitem dicerent. Consules re inexpectatâ*  
*attoniti, postquam exaggerarunt momentum ;*  
*postulant spatium ad deliberandum cum ciui-*  
*bus, & spe factâ reditûs, in sua quique oppi-*  
*da abeunt. Ciuitates singulæ audito Artauel-*  
*læ consilio ; exclamant retinendum quem*  
*Deus & natura dedissent Principem ; haud-*  
*quaquam : eum qui secum natus, educatus*  
*foret atque institutus, cum extraneo permu-*  
*tandum ; atque auctorem tanti flagitiû tol-*  
*lendum è medio, & perniciosum consilium*  
*regerendum in caput. Artauella diuturnâ fe-*  
*licitate metum restinguente, Eduardo polli-*  
*citus se solo aspectu ciuitates in sententiam*  
*suam adducturum, Gandauum ubi regnum*  
*inceperat se primùm confert. At prouidebat*  
*iustissimè Deus, ut quo in loco nata erat ty-*  
*rannis, eo occumberet ; & qui tot scelera pro-*  
*mouissent,*

mouissent, iidem excinderent. Subeanti vrbem nemo occurrit; spectat ciues convenire in compitis, se ferocibus oculis designari; voces audit obstrepentium, eum esse qui Flandriam vt patrimonium donet; quid ultra ipsi patiantur tyrannum? Per eas voces metu penitus admisso, domum abscedit, obstructisque foribus se in vim communit. At plebs incondita ex alieno metu collectâ audaciâ, ad domum properat, Artauellam poscit, & vim comminatur. Ille ad fenestram se offert; salutem precatur abiectissimis verbis, vnumquemque appellat de nomine, atque humiliter supplex sibi veniam flagitat. Postquam animaduertit mutatas hominum voluntates, nec locum esse precibus lacrymisve, tentat effugere per posticum, atque sibi consulere. Verum in effusam turbam incurrit, & ab iisdem casus est, quos antè vt mancipia ad nutum leuem circumagebat. Isque exitus fuit homuncionis, ex officina quiskiliis ad imperium euecti, & dantis popularibus pœnas, quas exegerat diu. Eduardus compertâ morte, Flandris iratus, irritam spem reuexit in Angliam, & ad belli rationem nouam se accinxit.

Nam certior factus, Ioannem Aguilonio pertinaciter adherere, & constituisse arcem fame opprimere, quam expugnare vi haudquaquam poterat; ipse ad seruandam arcem & præsidarios milites conscensis nauibus exercitum in Aquitaniam ducit. Sed ventorum resistentium vi tertium à cursu diuulsus, coactus est ad Britannix oram appellere, dum tempestas remitteret. Ibi otianti nouam mentem inspirat Harcurius. *Dimittendam Aquitaniam, in ipsa regni viscera penetrandum: Normanniam irruptioni valde obnoxiam; in eam si inuadat, ingentia spolia, egregia commoda nullo periculo parari posse, ac subiterni pontem quo ad Parisios properet. Prouinciâ*

X.  
Eduar-  
dus  
Nor-  
manniâ  
vastat.



PHILIPPVS VALESIAS. ubi frugibus, refertam ciuitatibus atque opulentam, admotam ad Lutetia portas, patere inuadenti; nullis arces, nulla munita oppida quae vim excluderent; ciues & incolae diuturnâ pace emollitos; si quid roboris sit, id totum cum Duce ad Aquilonium confluxisse; rem cum imbelli turbâ & feminis fore. Addebat plures sibi affinitate & amicitia coniunctos, Philippo infensos, quorum ope loca percommoda & municipia obtineret: Normanniam verum Angliae patrimonium, imò Regum patriam, quae natura iure compelleret Principes suos; obsecraret sibi eripi seruitutis iugum, & quem in Guillelmo Victorem dederat, in Eduardo reposceret. Eduardus iis persuasus, cursum obuertit, & ad plagam Constantiensem improuisus applicat.

Anno  
1346.

Saint  
Lo.

De  
Giles  
Tancarville.

Nauem egredienti omen contigit, quod Sinistrum in speciem dexteritate ingenij dextrum effecit; nam cum grauitur lapsus ore prono in terram ruiisset, & e naribus fluere copia sanguinis, aduertens id videri ominosum adstantibus, verbo fecit auspiciam; annon, inquit, aspiciatis, quonam modò me hac terra alliciat? scilicet me dominum expetit. Illicò trifariam copias diuidit; utque plura per loca populationem & terrorem spargeret, latè grassatores diffundit. Nec municipia modò & inualidas vrbes expugnat, sed quae maioris nominis, Arislorum, Casaroburgum, Monteburgum, Carentenium, fanum Lantonis, patuere victori, turbâ agresti intra muros perfugiente, ut defenderentur, non ut defenderent, at qui muri metum propugnare possint? iam Normannia inferior penes Anglum erat præter Cadomum; cum Philippus tumultu excitatus Rodolphum Guinium Comitem & Tancarillam Comitem, ex Aquitania reuocatos, ad Cadomum defendendum mittit, dum ipse indicit delectum militum, arcessitque ex prouinciis nobiles.

Vrbs

Vrbs nullo ambitu mœnium cingebatur, testâ vno latere Orno amne præterfluente, altero arce, quam Blanius Præfectus cum trecentis Genuensibus obtinebat. Implebat urbem ingens mortalium numerus; nam præterquam quod populosissima erat, rusticorum turbam e proximis agris exceperat. Qui singuli metuebant, modo prædentes & temerarij; adeò facilius in extremum vitium quàm in mediam virtutem itur; hostem spernunt, expectant, nulloque ordine aggrediuntur prorumpere. Comestabilis gnarus quantum interesset militem inter turbamque ciuium, statuerat pontem urbisque portas defendere, nec sinebat petulantes prodire. Sed ij feroces in absentem hostem, cum duci vim facturi forent, si esse durior pergeret, permisit quod prohibere non poterat; simul cum Tancarvilla pontis caput occupat, ciues ut reciperet, atque hostem persequentem repelleret. Nec ducem fefellit temeritatis opinio; vix in conspectum Angli venit Cadomensis, cum adhuc illibatus à vulnere, proiectis armis fugam versus urbem effusissimè capit; nec modò ad pontem, sed per ipsum amnem, qui vadofus fortè erat, in domos suas confugit quisque. At salutis via iter morti atque exitio præbuit. Eodem vado insequenti hostes, in urbem inuadunt, vicisque strage & cruore implent. Pugnant ad pontem Comestabilis & Tancarvilla, ignari vado amnem patere, cum à tergo spectant captam urbem, oppressique multitudine, hosti se tradunt, à multis ideò prodicionis suspecti. Exin licentiæ militis vrbs permissa. Verùm cum desperatio ciuium animos inflammaret, ad singulas ades pugna instauratur; obstructis foribus è supernis locis Saxa tela trabes ciuis iaculatur, iamque imbelli sexu bellum propagante, vno pro milite inualefcit multiplex. Eo pugnae genere è fortissimis quingenti Angli ceciderant; ceteri

PHI-  
LIPPVS  
VALE-  
SIVS.  
*Di. Blag-  
ny  
Cado-  
mæ ca-  
ptam.*

Eduardus

PHI-  
LIPPVS  
VALE-  
SIVS.

Eduardus irâ præcipiti abscedere militem, atque vrbi flammâ iniici iubet. Enimvero Harcurius misertus popularium, calamitatem proximam deprecatur; supplicemque ab Eduardo impetrat, ut poenam in misericordiam verteret, vinceretque clementiâ quos desperatio ad extrema impulerat. Sic promulgatâ veniâ victori urbem asseruit; cui salus concessa, raptæ opes: ab arce Eduardus abstinuit, & quidem prudenter; ne morâ suorum ardor tepesceret, neve in alias vrbes obfistendi exemplum propagaretur.

XI.

*Lute-  
tiam  
conce-  
dit, &  
recipit  
se.*

Postquam Normanniam populationibus atque incendiis peruastravit, ad Lutetiæ portas exercitum victorem admouit, circum oppida & municipia incendit, domosque regias flammis consumpsit; per proditores admonitus, iam Philippum inualescere copiis, & statuisse pugnam conferere, ne ipse in alieno tot circumclusus annibus interciperetur, receptum indicit; & restituto ad Positiacum ponte Sequanâ transit, versus Bellouacum iter capit. Dum regreditur, nouâ calamitate Philippum percellit; Ambianenses submittebant ad Regem turmam Nobilium, quæ cum in Harcurium incurrisset, oborto certamine, victa & profligata est; mille & ducenti interfecti, equi & impedimenta à victoribus abducta. Nouum vulnus vehementer Regis dolorem auxit; ille intolerabilem contumeliam ratus, si hostis post tot incendia elaberetur impune; Somonæ, qui vnus annis recedenti erat transmittendus, pontes subruui, & vada conturbari iubet (adeo pontem aureum non sternebat) magnisque itineribus sequitur regredientem. Eduardus sextâ ab Ambiano leucâ substitit, datque mandatum Præfectis castrorum ut vadum inquirant; ij cum decursâ Somonæ ripâ nullum reperissent, & hareret inops consilij Eduardus, Francus captiuus vadum latens commonstrat, quo admodum tuto duode-

deni

deni equites vna fronte procederent ; verum id patebat duas tantum horas , cum amnis humilior æstu Oceani non exurgit. Præterea ripam oppositam Godemarus Fayus occupabat, ac seu millia peditum equitesque milles nos penetranti vadum obiiciebat : Nihilominus Eduardus opportunis horis vadum ingressus , pugna cum Fayo confertâ , in ulteriorem ripam transfinit , & hostili equitatu in fugam acto , proculcauit peditem atque disiecit. Urgebat Philippus, peruenitque ad vadum vnâ horâ postquam Anglus transmiserat ; iamque fluxu amnem implente prohibitus transitu, flexo itinere, Abbauillam venit, & ibidem ipsâ nocte quieuit, dum se legiones cæteræ assequerentur. Eduardus, ad ad Creciacum qui in Pontiuus pagus est , castra metatus , statuit frontem hosti obiicere, quando terga maiori periculo obuettebat. Eam in rem in colle modico aciem dirigit, tergum expassa arboribus sylua obuallabat, frontem & latera curribus texit, inani spatium, quò irruere copiarum & se recipere possent. Tum postquam accepit à speculatoribus eo die Francum non venturum, militem ad corpora cibo & somno reficienda dimittit; quamquam, cibi erat magnâ penuriâ, iam octauum diem castris solo pane Syluestriûmque arborum baccis famem pellentibus. Postero die, qui Augusti erat vicesimus sextus, Philippus primo manè , postquam sacro interfuit , copias versus Cressiacum agit tumultuarius, quasi ad certam stragem prædâque indubiam , non ad pugnam iretur. Eques pedesque confusione pari incedebat ; modò hæc legio præcurrebat citatiore passu , modò consistebat cursu fessa ; mox altera concitabatur in cursum ; ita nullo ordine agros impleuerant, cum Regi speculatores renuntiant, Anglum hand fugere , sed instructa acie pugnam præstolari. Eam ob rem suadebant ducum seniores , ut

PHILIPPUS  
VANDERS  
SIVS.  
De  
Faye.

*Crecy.*

Anno  
1346.

Ordo  
ad pugnam  
Cressiacam.

inhibito

PHI-  
LIPPVS  
V. E-  
SIVS.

inhibito in eum diem exercitu metaretur castra ; in eâ perturbatione ad pugnam militem haud componi posse , iam instare meridiem , vix luce reliquâ turbam inconditam instrui in agmina posse. Et verò assentiens Rex sisti vexilla, & locum castris designari iubet ; verum cum signa prima constitissent , quæ proxima erat legio rata primam ad pugnam instrui, vt ipsa prior ad prælium accederet , festinat occupare principem locum ; quam festinationem prima legio adscribens contumeliæ , præfestinauit frõtem obtinere ; sic prauâ æmulatione violata imperia , Rexque ipse nolens ad pugnam inductus ; adeo bellum disciplina atque obsequium regit, & vis destituta consilio in furorẽ transit. At ne prorsus inordinati procurrerent , Rex agrè à Proceribus impetrauit, vt acies in aliquot agmina distribueretur. In primo designata sex millia Sagittariorum ; ij Genuenses stipendiarij ducibus Doria & Grimaldo ; ducebátque agmen Ioannes Bohemiæ Rex ; & hîc præclarissima in Franciam fide, orbus oculis properauerat Philippo venire suppetias, adduxerátque filium Carolum Romanorum Regem designatum ; palam profitens se memoriam beneficiorum quæ acceperat à Franciâ non amisisse cum oculis, & vel cæcum rectâ iturum Parisios. Carolus Regis faater Alensonius Comes, præferuidæ indolis alterum agmen ducebat, erântque in eo cataphractorum quatuor millia , duodecim peditum. Tertium constatum cataphractorum duodecim millibus, peditum quinquaginta , Rex ipse cum turmâ Procerum deducebat. Et læuomini quædam accepta sunt ; primùm quod pedites hoste nondum viso , cæco impetu simul nudatis mucronibus proclamant, *Ad mortem, Ad mortem* : tum quòd ingens cornuorum phalanx, infauis clamoribus crocitantium, tetrâ nube Francos obumbrabat ; sensitque

sensitque ex crocitibus Bohemix Rex impuras aues olere cadauera, mortisque esse prænuntias. Contra Eduardus à pietate sumpto primordio, postquam totus exercitus sacrificio sancto interfuit, & ipse cum Proceribus Christi sanctissimo corpore pastus est; copias similiter partitur in tria agmina; primum Eduardo filio tradit, implenti annum decimumquartum, voluitque adolescentem impuberem in periculi frontem obiiicere, ut primo tirocinio vel honestam mortem vel gloriosam victoriam assequeretur; cum eo equites octingenti, & bina Sagittariorum millia. Idem numerus in alterum agmen attributus, tertium ipse ducebat; erantque in exercitu peditum millia viginti quinque. Iussi omnes hostem silentio præstolari, dum ad quingentesimum passum accederet.

Diei medium illucebat, cum Franci æstu, cibi inopiâ, & cursu defessi, ad hostem admoti sunt; & ipsam pugnae prolusionem molestissimus casus perturbavit. Subito cœlum nubium velo inhorruit, fulgetrisque tenebras inter splendentibus, minantibusque fulminis iactum tonitribus, effunditur nubibus torrens imber, eaque copiâ ut funibus arcuum aqua imbutis, Genuenses iaculari abnuerint, excusantes arcus ad pugnam ineptos. Cum nihilominus vgerentur, indignantes succidunt funes arcuum & balistarum, & retrò gressum vertunt. Philippus pertæsus ignaviæ, & angente iam ægritudine animi, iubet secundum agmen incedere, proterique vngulis turbam illam vilissimam. Dicto ocyus Alenfonius aduolat; Genuenses oderat capitaliter, & cupidissimus pugnae quam i) detrectabant, in ipsos irruit, caditque obuios ferro, quod in hostem debuisset deripere. Nec se idèò ad pugnam expedit; nam illicò equi, peditum fugientium & morientium implicati corporibus, arcuum & balistarum quæ humi

PHI-  
LIPPVS  
VALE-  
SIYS.

XII.  
Pugna  
Cassiana.

PHI-  
LIPPVS  
VALE-  
SIVS.

*Ioannis  
Bohe-  
mi  
mors.*

*Eduar-  
di  
viriuf-  
que fa-  
cinus.*

hum iacebant obicibus intricati, cum inue-  
luerentur, & prolaberentur frequenter; eques  
similiter humi procumbebat, & vetabatur ad  
hostem ingredi. Ita Anglo pedici data facul-  
tas progrediendi; isque tuto ad equitem pro-  
serpens, obuium quemque oblongis cultis in-  
terficit. Interea Carolus Luxemburgius ag-  
mine equestri inuehitur; cum Angli sagittarii  
in fronte collocati, imbre telorum emisso,  
equos pariter equitesque traiciunt; tum  
Eduardus iubet primum equitum agmen in-  
cedere, præliumque acerrimum conferitur.  
Ioannes Bohemæ Rex postquam audit fi-  
lium inter hostes versari, nec enim præ caci-  
tate videre poterat, veteri martis incendio  
fuscitato, rogauit qui aderant se in confertam  
aciem ducerent; ij inuiti obsequuntur; & ne  
inter turbam ac tumultum pugnantium Rex  
aberraret, cum fasciis ad equorum frenæ ad-  
uinciunt, vnoque impetu in obiectos hos  
se abdunt. Ioannes post edita præclarissima  
facta occubuit; repertusque est postridie suos  
inter reuinctus, sociis pariter occumbentibus;  
dignissimis testibus generosissimæ cecitatis.  
Iam tertium agmen Rex ipse inuexerat, vni-  
que Eduardus iunior par adhuc erat tot co-  
piis repellendis, cum discrimen grauissimum  
ab vna cohortium subit: ea ex gentium va-  
lidissimis, Francis, Germanis, & Sabaudis,  
magno impetu rapta, ad Principem penetrat,  
vrgetque vehementer, cum Eduardus Rex à  
pugnâ etiamnum abstinens, & è summo col-  
le spectator omnium, specimen cederet Im-  
peratoris præclari, vni oculis victoriam deli-  
bans, imò verbo laudem augens. Nam cum  
ad eum periculum filij referretur, magno ani-  
mo interrogauit, filius læsus foret, an mor-  
tuus? responsóque accepto, Dei beneficio  
integrum atque incolumem esse, ite igitur, in-  
quit, volo huius diei tota penes illum sit glo-  
ria, redimat calcaria, noménque Equitis,  
suis

*suis impensis atque laboribus.* Nihilominus decerptos ex altero agmine equites in opem misit, quorum aduentu recreatus Princeps, cum iam supra ætatem mira perpetrasset, penitus profligauit, hostémque deuicit. Philippus stipantibus perpaucis, peregregiè ducis militisq̃ue officio functus, prope erat vt caperetur, iamque equo deiectus in recentem conscenderat, Ioanne Hannonio sufficiente; eum ab eodem equum auertente, inuitus & nolens, femur & guttur faucibus, pugnae subripitur, receditque Proceribus quinque comitantibus, Hannonio, Monmorencio, Belliocensi, Ambignæo, & Monfortio, Ambianumque eâ nocte peruenit. Nec eo die conclusa est calamitas Franciæ. Nam postero cum spissima nebula lucem obscuraret, equitem peditemque Eduardus mittit diuersa in loca, qui hærent fugientibus, vetaréntque ne conuenirent ad prælium. At eodem die milites è pluribus ciuitatibus lecti, rati nondum confertum prælium, ad Philippi castra properantes, incurrebant in vincentium arma, & appendix victoriæ cadebantur. Ita Rothomagenses Archiepiscopo cæso à quo ducebantur, Bellouacenses magno Priore Franciæ pariter occumbente, deleti sunt, aliisque plures, vt iactura grauior, maiórque strages quàm pridie fuerit. Tunc Eduardus securus victoriæ, ad ipsius vsum se conuertit, ac primum requiri inter mortuos qui dignitate præcellerent iubet, inuentique plures quàm par esset deuictæ Franciæ: præcipui Ioannes Bohemiæ Rex, Carolus Alenso, Ludouicus Blesensis Regis & sorore nepos, Dux Lotharingiæ, Comites Flandrensis, Valdemontius, Antisiodorensis, sancti Pauli, atque Harcurius, præter ingentem Nobilium turbam, numerata cæsorū triginta millia. Procerum funebribus Eduardus ipse interfuit, pullatus cum filio, Christianâ modestiâ palmæ gloriam temperans,

PHILIPPVS  
VALE-  
SIVS.

*Nonna  
post pug-  
nam  
clades.*



PHILIPPVS  
VALE-  
SIVS.  
*Philippi clem-  
mentia.*

*Causa  
cladis.*

XIII.

*Cale-  
ram ob-  
sessam.*

temperans, testatus hanc lauream adscriben-  
dam Deo potius, quàm viribus vincentium.  
Et Philippum tantâ in strage victoria sua  
commendavit. Quippe Gotofredus Harcu-  
rius, ille nefarius proditor, atque Eduardi in  
eam expeditionem instigator palmarius, cum  
fortè in fratris Harcurij incidisset cadauer,  
cruore fœdum & pulvere; adeò hoc specta-  
culo immutatus est, ita cædes tot popularium  
in animum penetrarunt, vt repentè in alium  
versus, Eduardo relicto præmiisque victoriæ,  
ad Philippum transierit, supplexque collo fu-  
ne adstricto, non veniam scelerum, sed me-  
ritissimas pœnas poposcerit. At clementissi-  
mus Rex indulgit veniam, bonis reo & digni-  
tatibus restitutis; hocque facinore Eduardi  
palmam forsitan vicit: adeò sua summæ mi-  
seriæ victoria est; & illud calamitatibus est  
solatium, vt etiam in se quod vincant super-  
sit. Sic contigit clades Cressiaca, luctuosissi-  
ma Franciæ; cuius indaganti causas, non oc-  
currit verior, quàm Philippi Procerumque  
temeritas, quos præsentia contemptrix ho-  
stium, arrogantia, atque vindictæ cupiditas,  
in perniciem induit. Nec memorauerim in  
causis, quod elegantissimus scriptor cum ple-  
risque scribit, tum primùm machinas æneas  
ab Eduardo in pugnam inductas, suisque ful-  
minibus patrauisse victoriam. Nam consensu  
omnium, cum id inuentum conferatur in se-  
culum quod sequutum est, non est veri simili-  
le tantâ festinatione Anglum recedentem in-  
gentes machinas tutò asportasse; quarum  
multis post annis nullus vnquam meminit,  
nec in Anglorum castris nec Francorum. Por-  
rò res tam noua, atque effectus prodigiosi,  
centum annos in Anglorum cellis non delat-  
tasset.

Eduardus postquam deliberavit, quam in  
partem verteret victrices copias, & abductus  
est à visceribus Franciæ, quam Seminarium

Martis

Martis agnouerat, ad truncanda extrema se addixit; gnarus totum corpus ad tutelam cordis exurgere, secus ad salutem pedis aut digiti. Ergo ad Oceanum ducto exercitu, statuit Caletum occupare, peropportunam ad Francica bella stationem, munitam urbem, amplo portu & commodo, angusto freto diremptam ab Angliâ; quæ ponte propemodum vnam alteri iungeret, & ex Insula continentem efficeret. Primum existimabat prædam haud arduam, nec victori militi occlusuram portas urbem vnam: verum Ioanne Viennio propugnante, & frequentius erumpente, cum percepisset eò vim non peruenturam, quò nequaquam metus perueniret, dimissâ oppugnatione, obsidium lentum instituit; sperans quod plerumque contingit, viros & munimenta fame obtinere. Eam rem supplementis auxit exercitum; viginti Germanorum millia, quæ Marchio Iuliacensis adduxerat, castris adiunxit; classem oræ littorique imposuit, ne quid in urbem ad fraudandam inopiam importaretur: ab coniage excepit duo equitum millia, vicena Sagittariorum; accessitque Lancastrius vehens ex Aquitaniâ militem, clarusque victoriâ latè propagatâ. Nam omnia videbantur in Philippum vnum fortunæ tela coniecta. Quippe Ioannes Normanniæ Dux post Cresliacam stragem à patre, ut dicebat, ad defendendum patrimonium vocatus, ab Aquilonij obsidione discesserat, magno animi dolore, quod post tantas ærumnas, tantam hominum, famæ, pecuniæ, temporisque iacturam, iuratus ipse non abscedere nisi arce captâ, cogeretur calamitatis paternæ series, litare suæ gloriæ malo alieno. Eius discessu metu & compe-  
de solutus Lancastrius, adiuncto Galterio Maunyo, qui Aquilonium tantâ laude in Ioannem propugnauerat, per Santones & Pictones vagatus liberrimè, Talleburgo & Pi-  
clauio

PHI-  
LIPVS  
VALE-  
SIVS.

*De  
Viennæ.*

*Lanca-  
strius  
in A-  
quita-  
niâ vi-  
ctor.*

*De  
Manny.*

PHI-  
LIPPVS  
VALE-  
SIVS.  
*Es Re-  
gina.*

*Castra  
Rex in  
urbem  
fermat.*

*Ludo-  
nicus  
Mala-  
nus Re-  
gem se-  
quitur.*

Ætatio captis & direptis, ad Caletum Eduar-  
dum conuenerat. Præterea eodem cursu fe-  
licitatis, Philippa vxor ingenti periculo libe-  
rauerat Angliam, Dauide Rege Scotia, qui  
in eam cum quinquaginta hominum milli-  
bus penetrauerat, ruptis in gratiam Franci in-  
duciis, profligato, capto, & in custodiam tra-  
dito. Et inconcussa prosperitas naualem vi-  
ctoriam peperit; classe quam Philippus ad  
Caleti opem instruxerat victâ & deletâ ad  
Caletensium conspectum. Quin vt spem ob-  
sessis omnem interciperet, sibi que interci-  
deret mutandi consilij rationem, Eduardus  
urbem vrbi opposuit, castris in ædes ligneas  
conformatis, adiunctisque circa munimentis,  
beneficio classis recepto abundè ex Anglia  
commeatu. Attamen in hac mentis obstina-  
tione, mansuetudinis specimen ingens exhi-  
buit siquidè Viennius cùm superfluâ turbam  
emisisset vrbe, vt cibariis parceret; eam per  
castra transire Eduardus passus est, recreauit  
cibis, erogauit singulis geminos sterlinos,  
erant autem capita mille septingenta, dimi-  
sitque incolumes; humanitatis maximo tam  
sensu quàm laude. At urbem fames sensum  
adurgebat, frumento deficiente in dies, nec  
suffecto nouo; nisi quod aliquoties Maratius  
& Mestriellus, nauicularij Abbauillæ, forti  
audaciâ & dolis militaribus per hostium  
classem importabant annonam. Philippus in-  
terim euocabat copias diligenter, vrbisque  
charissimæ inuigilabat saluti; tot inter infor-  
tunia vno euentu commodo sustentatus.  
Flandri post Cressiacam victoriam Anglo ad-  
hærentes, flagitauerant vt Eduardi filia Lu-  
douico Comiti suo nuberet. Erat Ludouici  
in pugnâ cæsi filius, quem Malensem vel Ma-  
lanum appellant, quod Malæ in Flandriæ op-  
pido natus esset, adolescens annorum quin-  
decim, paterni affectus vt patrimonij heres,  
hoc est Franco benivolus atque amicus. Pri-  
mum

mum itaque aspernatus has nuptias, quod negaret eius filiam se posse ducere, qui parentem suum peremisset; postea vim inferentibus Flandris, assentiri se simulans, desponsa virgine quam Eduardus ex Angliam duxerat; solutaque custodia vrbe prodicens ad aucupium, in Franciam citatissimo equo perfugit, deluso Eduardo, relictaque Virgine, sub spem nuptiarum; magnam Philippi latitiam, qui Comitem Brabantini filiam iunxit, nouumque sibi conciliauit clientem. Flandri ob contumeliam efferati, ad expugnandam Ariam conuolant; sed repulsi fortiter, instar fluctuum quos retundit moles, refluxerunt in sua oppida. Philippus tandem conflatō exercitu ducenta hominum millia ad Caletum ducit, hostem ab vrbis obsidio reuulsurus, aut nouo praelio commissurus regnum. Potebant dux ad castra hostium via, arcta admodum atque difficiles; Prima ad oram Oceani, qua surgunt arenarii aggeres, altera per paludum voragines vno ponte iunctas; vtramque Anglus pramunierat tam accuratē, ut Franci speculatores renunciauerint Regi inexpugnabilem transitum. Philippus nullam aliam spe occurrentem, Eduardum in pugnam prouocat, si generositatis aculeo extra castra educeret: ille instar testudinis suis arcibus reclusus, respondit se Caletum non pugnam querere; porro si Francum ageret tantus pugnae ardor, sibi ad eam patefaceret aditum. Ita Philippus subleuendae vrbis, modo interclusus, ne spectante se dederetur, cum tanto exercitu ægerrimus animo ad interna recessit: nam praestabat iacturam ferendo minuire, quam arcendo augere.

Tunc Caletenses omni ope destituti appellabant clementiam Eduardi; quam ille durissimus pernegat, iubetque ciues deliberatam omnium nece sine conditione ullam se dedere; quod iam mensera vndecimum sua arma suasque

PHI-  
LIPPVS  
VALE-  
SIVS.

XIV.  
*Caletum  
reddi-  
tum.*

PHI-  
LIPPVS  
VALE-  
SIVS.

suasque victorias retardarent. Ad eas voces duces & Tribuni, veriti nè Francus eandem scuitiam in se aliquando conuerteret, adeò precibus apud Regem suum contendunt, vt ille venià cæteris indultâ, sex dumtaxat è primoribus tradi petierit, quorum supplicio litaretur victoriæ, metusque iræ regis propagaretur in alios. Itaque conuocatis in forum Caletensibus Viennius palàm conditionem proponit; omniumque suffragio sex eligendos, qui publicæ victimæ necarentur pro ciuibus. Aderat promiscua hominum turba, viri, mulieres, seniores, & pueri; simulque ad hanc tristissimam vocem, erumpit maestissimus omnium gemitus, clamorque deplorantium calamitatem, quasi iam in urbem hostis peruasisset, omniaque ferro, & flammis perderet. *Lamentabantur id premium fidei, & fortitudinis fore, vt qui iis virtutibus fuissent principes, caderent ferro hostili, & dignissimi premio soli deputarentur ad pœnam. An non præstabilius fuisset, prodere patriam, eiurare Regem, quàm tot incommoda pertulisse, quando virtutem pœna assequitur? Quid Anglus clementia specie sauiissimam crudelitatem exercet? Omnes occidat, singulos perimat, nempe vnius criminis cunctos reos, fidelitatis aduersus Principem. Quæ illa inusitata barbaries, ciues cogere, vt ipsi meritissimos de patriâ populares, vt affines, vt progenitores de medio tollant; nam quid aliud designare sex viros, quàm ad cruciatus & mortem rapere? Nos eos confodiamus suffragiis, quos debui-mus obiectu corporum tegere? proscribemus ad necem, quorum curis, vigiliisque hætenùs omnium salus stetit? Veniat ipse tyrannus dirissimus, grassetur in omnium capita, necabit insontes, nullo adhuc parricidij crimine violatos. Eius generis voces dum sparguntur, passimque forum omnium lamentis & eiulatibus personat; exurgit Eustachius à*

Caleten-  
siæ for-  
mido.

Sancto

Sancto Petro, opulentissimus clarissimusque  
ciuium, & præ reuerentia tumultu sopito, ita  
concionem alloquitur. *Conquiescite Ciues, la-  
chrymarum, & querelarum desinite; quam  
vocatis crudelitatem hostium, clementia est,  
& fatum quod in tot hominum millia gras-  
sari poterat, intra sex capita reuocatum, be-  
neficium est, non supplicium. Nec vos contur-  
bet instituendus delectus, aut difficultas desi-  
gnandi ad necem, quos vestris suffragiis ad  
magistratum purpuram designastis; erunt  
qui vestros calculos eam in rem ambient; qui  
prehensabunt vos, qui pristinam dignitatem  
tanto honore cumulatam velint. Et verò qua  
dignitas maior, qua fœlicitas optatior, quàm  
animam pro salute ciuium ponere, mori pro  
Patriâ, & ad seruandam tot insontium vi-  
tam occumbere? Quis è nobis nuper, dum vr-  
gebat hostis, dum urgebamus, bellique mu-  
nera suscipiebamus tam strenuè, quis felici-  
tati non adscriberet mori, & suo sanguine  
murorum hunc ambitum, hancque ciuitatem  
ab incursu hostium tegere? Et reputamus  
ciuitatem in muris, non in ciuibus positam;  
pluris esse ligni, saxorumque congeriem, quàm  
patrum, coniugum, liberorum, atque affi-  
nium animas; in iisque seruandis parci cruo-  
ris erimus, quem toties profudimus ad defen-  
dendum fossa, aggerisve perexiguum spa-  
tium. Hanc Superimentem, hanc auertant  
infamiam. Et verò nequis existimet, me con-  
tra id quod sentiam loqui; ecce me primum  
omnium designo, qui Eduardo ad vestram sa-  
lutem obiciar; felix, si uno meo capite pro  
cateris plectâ. Quamquam haud dubito, quin  
plures alij Patria gratiâ, hanc mortem am-  
biant, velintque mecum gloriosissimum fatum  
oppetere, cui utinam vnus solusque addicerer.*  
Vix ea dixerat, cùm alter ciuis, cui nomen  
Ioannes Aërius, duoque fratres Iacobus &  
Petrus Visantij, aliique duo, quorum nomina

D' Aire  
visant.

PHI-  
LIPPVS  
VALE-  
SIVS.

posteritati haud satis gratæ effluerunt, vtrò ad generosam mortem se offerunt, & statim à Viennio inter suorum gratulationes, lachrymas, laudes, & lamenta, Maunyo Anglo ad vrbis portam traduntur, enarratà constantiâ, & obeundæ mortis consilio. Ab eo ad Eduardum sistuntur, nudi caput & pedes, recte de collo pendente, clauisque vrbis tandem oblaturi. Rex haud quaquam eo spectaculo mollior, accersiri carnificem iubet, qui deditorum capita truncaret. Tunc Principes, Proceresque, tantæ virtutis admiratione, Regem apprecantur, vt calamitosus indulgeat, narrant factum, & meritò clarissimum laude exaggerant. Ille iracundiæ tenacissimus nusquam inflectitur; Legati Pontificij qui adstabant urgent, adhibentque sanctissimas ad misericordiam preces: induratur peruicaciâ animi, quasi preces fuscæ, noua erigerent munimenta, & vetaretur conceptam iram in Caletenses effundere. Cùm Regina comperto quid in tabernaculo Regis gereretur, ad eius genua procidit supplex, precaturque per Dei misericordiam, per amorem mutuum, per charissima Thalami pignora, per fœtum quem gestabat vtero, vt sibi viros illos miseros condonaret. His precibus fracta est Eduardi durities, datique coniugi præclarissimi ciues. Et forsitan ea clementiæ merces diuinitus cessit, quòd Anglis postmodum à totâ Francia pulsus, Caletum benignitatis trophæum stetit incolume; vixque iis post ducentos annos ereptum est, cùm iam hæresis antiquæ gratiæ corrupisset memoriam. Regina Ciues donatos præter libertatem vestibus & pecuniâ dimittit; Rex Caletum ingreditur, Ciuesque omnes vrbe deturbat, euocatis Anglis qui obtinerent coloniam; ratus frustra expugnari vrbium mœnia, nisi & animi ciuium expugnentur. Ad eam calamitatem accesserat in Britannia clades, qua Carolus Blesensis cum duobus

Anno  
1347.

duobus liberis, Ioanne & Guidone ad Rumpem Eriensem, à Monfortiâ capti sunt, & cum multis Britonibus Normannisque Proceribus captiui in Angliam transportati.

PHILIPVS  
VALE-  
SIVS.

*Roche  
d'Erieu  
XV.*

*Indu-  
cia in-  
ter Re-  
ges.*

*De  
Charny.*

*Caletiâ  
frustra  
tenta-  
tum.*

*De  
Renty.*

Capto Caletto faciliorem Eduardus se legatis Pontificiis præbuit. Ij à Clemente VI. ad abrumpendum bellum submissi, cum ab animis efferatis impetrare pacem haud possent, inducias obtinent: quibus aliquando belli furor sopitur in speciem, at reipsa vires instaurat, ad exurgendum validius. Ex deinceps ad tertium annum productæ; nunc contractæ recens asperissimo Martis insultu interiunguntur. Godofredus Carnius Præfectus Sancti Audomari inscio Rege cum Almerico Ticinensi, Caleti Præfecto consilia agitât clandestina, de Caletto tradendo, aureorum vicenis millibus dandis in pretium. Res non clam adeo fuit, quin innotesceret Eduardo; ille Almericum in Angliam vocat, & præsentî apertâ consilia, prodicionem reiectâ, modumque impetrandæ veniæ monstrat, si Carnium prodat, & ruentem vltro reti inuoluat. Almericus datâ fide Caletum reuertitur, (mirâ Eduardi confidentiâ, qui bis fidem fallenti fidem haberet,) diemque Carnio ad tradendam urbem indicit. Sub eam diem vtrimque ad fallendum duces se comparant; Eduardus occultè ex Angliâ cum trecentis equitibus, & sexcentis Sagittariis Caletum appulsus, in arce delitet; Carnius cum quadringentis equitibus Audomaro profectus, noctu ad urbem aduenit, Ticinensem appellat, aureos numerat, simulque arce admittitur Odoartus Rentius cum equitibus centum, qui eam obtineat. Illicò erecto sublicio ponte in admissos Angli inuadunt, & ad deditiorem impares adigunt; nullâ morâ Eduardus in Carnium irrumpit, & tantâ mutatione percussus armis aggreditur. Carnium spes deficit non animus; iubet suos equis cursu iam



defectis exscendere, & quando necessariò  
 PHILIP- pereundum esset, perirent, sed fortiter, & more  
 LIPPVS Francico. Tunc certamen graue conferitur,  
 VALE- quod in primam lucem extractum est; Eduar-  
 SIVS. do accerrime & iam pro salute vitæ dimi-  
 De Ri- cant. Etenim cum in Eustachium Ribomon-  
 tant. tium incidisset, bellatorem fortissimum, ipse  
 pugnator strenuissimus, totâ nocte consum-  
 pra prælio, ter aduersarij viribus in genua  
 procubuerat; donec die illucescente, cum Ri-  
 bomontius socios omnes, cæsos aut captos  
 animaduerneret, regi quem haud nouerat en-  
 se proiecto se captiuum tradit: Fuitque illa  
 Eduardo victoria omniû gratissima, quæ non  
 Regem sed fortitudinem suam coronaret.  
 Carnium ceterosque captos humanissimè ha-  
 buit ipsos eo die in cœnam suæ mensæ ad-  
 monuit, Principe Valliæ præministrante; ac  
 Ribomontio præter laudem eximiam repor-  
 tata pridiano certamine gloriæ, donauit præ-  
 cariam ex margaritis corollam, eumque liber-  
 tati restituit; verâ fortitudine hostem com-  
 plectente, à quo potissimum, habet vt fortis  
 sit. Per id belli facinus steterunt induciæ, vt-  
 que noctè patratum est, ita silentio tectum;  
 Philippo non auso conqueri de Præfecto cap-  
 to, cuius culpa pœnam incurrerat; Eduardo  
 similiter haud exoptulante, cuius beneficio  
 summæque gloriæ res tota cesserat. Inter ea  
 Philippi infortunia, duas Prouincias contra-  
 ctu Ciuili lucrata est Francia; vt dum bello  
 defloresceret gloria, aliunde sarciretur iactura.  
 Iacobus Aragonius Balearium Rex, à Ma-  
 ioricâ expulsus à subditis, inopisque pecuniæ,  
 Philippo Ruscinonem, urbemque Monspe-  
 lium vendidit, centum ac viginti aureorum  
 millibus; iustaque fuit non pignoratitia em-  
 ptio. Eo contractu Pyrenæi dati limites Fran-  
 ciæ; altero & commodiore ij prorogati sunt  
 Delphi- Alpium tenus. Humbertus eo nomine secun-  
 natus Fræcia dus, Delphinus Viennensis, (vnde Delphini  
 accedit.

vox mihi incertum est) partem Allobrogum qui ad Isaram iacent cum Valentinis, & Dionsibus obtinebat, sedemque imperij Vienne fixerat. Is pertæsus diuturni belli, quod Sabaudus Comes inferebat, vt se ac subditos iis arumnis semel vindicaret, iam antè Delphinatum Philippo quibusdam conditionibus dederat: postea dolore oppressus, quod vnicum filium per imprudentiam necauerat, mundum abdicauit, seque sacræ Dominicanorum familiæ Lugduni addixit. Admisit renuntiantem Pontifex Clemens, vnoque die per plures ordines Sacerdotem inunxit, vt prauæ pœnitudini modum abrumperet. Porro antè Monachi vestem quàm induisset, nullâ conditione Delphinatum Philippo donaue-  
rat; additumque ex merâ Regis voluntate, vt Regum primogenitus Delphini in posterum nomen, vsurparet, & Delphinatum haberet in patrimonium. Accensere an iis prosperis debeam nouum Regis connubium hæreo; sanè vt læta & iucunda primordia, ita luctuosus exitus, à thalamo ad feretrum breui interuallo. Ioannam Philippi coniugem pestis rapuerat; quæ lues ab Asiâ in Europam sæuissimè propagata, in Græciâ maximè atque Italiâ, spississima funera cumulans, in Franciâ prima diu capita demetebat; cum Philippus subitum amorem concipit. Erat Blanca, Philippi Nauarri Regis filia, Caroli soror, dotibus animi, formaque corporis tam insignis, vt vulgò *Pulchra Sapientia* dicebatur. Ea Ioanni Duci Normanniæ sponsa, postquam in Franciam ducta est, ac spectata, iam vehementi igne Rex inflammatus est, vt quam desponderat filio vxorem suam fecerit; atque adeò in tanto ætatis discrimine, conquerente filio sed in sinu, Virginem tenero ætatis flore iam senior duxit. Mors per eas nuptias ad ipsum irrepsit, ac mense septimo thalamo raptum tumulto intulit; frequen-

PHI-  
LIPPVS  
VALE-  
SIVS

Philip-  
pus  
Blan-  
cam  
duxit

Et mo-  
ritur.  
Anno  
1350.

PHI-  
LIPPVS  
VALE-  
SIYS.

tiori vt scribitur connubij vfu; cùm etiam licitorum sit intemperantia, & calor Virginis senile frigus extinguat. Blanca paulò post huc Puellam dedit; & ipsa toto vitæ cursu vidua perstitit, magna castitatis & temperantiæ laude; dicere solita, *Reginas Francia numquam bis nubere*; innuens credo, indecorum esse & turpe femina à prima dignitate amore tori decedere. Philippus extinctus est anno vitæ quinquagesimo septimo, calamitatibus clarus, si quis alius Regum; quibus videbatur & fœderatos suos inficere, quasque cum Regno ad hæredes seros transmisit. Quanquam eas non meruisse est visus, in Deum pius, liberalis in homines, in periculis fortis, domi grauis atque mansuetus, vt paucas è Regum dotibus desideraret. Attamen ob tributa graua quæ Francis imposuit, suorum amore passim exciderat, primusque traditur Salarium vectigal instituisse, quòd Gabellam vocant, (vnde Eduardi Iocus Regem Salicum appellantis Philippum) quo saluum solis atque maris opus pretio distrahitur, venitque beneficium naturæ in rapinæ commercium. Et Francorum intemperantissimi mores, quibus procacitas, libido, luxus, proximisque luxûs fœtus auaritia, corrumperant procerum plebisque animos, tot infortunia, vt vitiorum pœnas, prouocabant; nam vicissim vt delicta Regum luit plebecula, obnoxas populi Reges plectuntur; reciproco membra inter caputque, mali atque pœnæ contagio. Et verò Philippus nihil pietatis in Deum omisit, vnde prosperitatem eliceret, nisi aliorum culpæ beneficij fontem obstruxissent. Litteras & litteratos odisse dicitur; & si eas non inuiderit filio, quem accuratè erudiri voluit atque institui; credo conscius sibi, quantum malum esset ignorantia Principis.

IOAN-  
NES.  
REX.  
XVI.

Ioannes Philippi filius capeffit Regnum, quadragesimo ætatis anno decurso, iam ante  
in

in regiminis partem admissus, expeditionibus belli plurimis obitis, susceptaque ex bonâ coniuge prole multiplici, præter indolem ad suauitatem & probitatem morum conformatam, magnâ omnium spe, vinctus in solium. Verum hæres Paterni infortunii, temeritate quadam præcipiti tot bona perdidit, claro documento, si desit prudentia, virtutes omnes in extrema vitia flectere. Perfectis inunctionis ceremoniis malo omine Regnum à sanguine auspicatus est, & quidem clarissimo. Rodolphus Comes Guinensis & Comestabilis Franciæ, quem ab Eduardo captum dixi Cadomo expugnato, tandem ab Anglo libertatem redemerat, octoginta nummorum millibus, quos si minus repræsentaret, Guinam urbem Eduardo traderet. Ea altera pacti conditio clam cæteris erat, negabatque Rodolphus à se initam; sed iam antea suspectus, & Ioanni haud dubiè minus gratus, in carcerem mittitur, tertioque post die nullâ iudicii formâ eodem in carcere capite plectitur, proditiōis cogitatæ reus, quâ, ut dicitur, Duci Atheniensi sororio suo sub mortem passus est. Pœnam iustè illatam Guina postmodum capta ostendit. Perstabant induciæ saltem in speciem, nam in Santonibus & in Britannia se Præfecti mutuò lacecebant; nupérque Nessius Marescallus in Santonibus captus, idemque post in Britannia cæsus cum tribus hominum millibus fuerat; cum ipse Eduardus Guinam occupat, in Bononiensi Comitatu urbem Caletum haud procul. Fraudem sine dubio eam in rem impendit; siue Præfecti fidem auro mercatus; siue captiui Angli proditiōe, qui popularibus, suis viam commodam fecit; urbs noctu inuasa atque direpta; & Franci cum eam tentarent recipere, malè multati repulsi sunt. Appellatus ob violatas inducias Eduardus, excusauit se Philippi exemplo Caletum ten-

IOANNES.

Comestabilis  
dam-  
natus.

IOAN-  
NES.

Caro-  
lus Rex  
Nauar-  
rae,  
Fran-  
ciam  
vexat.

Char-  
les d'E-  
spagne.

tantis ; præterea Guinam redemptionis præ-  
tium esse, promissum à Comestabile ; se non  
delinquere, qui in suum inuaderet. Hoc doli  
successu Eduardus illectus, eandem artem  
vrbibus sancti Audomari & Nannetensium  
frustrà adhibuit : imò ad Audomarum Eme-  
ricus ille Papiensis famosus proditor à Car-  
nio captus est, & iustè in supplicium vocatus.  
Inter hæc resurgentis belli præludia, nouus  
Franciæ hostis & quidem permolestus exo-  
ritur, Carolus Nauarræ Rex cum Philippo  
fratre. Hic natus ex Philippo Ebroicensi Co-  
mite & Ioannâ Hutini filiâ, ita è regio vtrin-  
que sanguine, Regis præterea gener ; idem-  
que ob morum improbitatem & peruersita-  
tem Malus dictus ; iam omni vitio depraua-  
tis Procerum atque Nobilium animis ; sibi  
Franciæ regnum affirmabat deberi ; Salicam  
legem quæ excludat feminas nullam esse ; na-  
tum se ex Ioannâ ; amouendam stirpem Va-  
lesiam, quæ patrimonium alienum inuade-  
ret. In id consilium iam plurimis conspiran-  
tibus, immiserat in Regem sicarios, à quibus  
nefariè confoderetur ; sed reiectum consi-  
lium frustra fuit ; imò in salutem Principis  
cessit ; qui eam ob rem stipatores corporis &  
custodes Prætorij, tum equites tum pedites  
sibi adhibuit. Prohibitus eo scelere Carolus,  
aliud nouum aggressus est ; Comestabilem  
Regi carissimum de medio tollere. Is erat Ca-  
rolus Hispanicus, Alphonsi filius, Ferdinandi  
nepos, qui cum Ioanne puero educatus, præ-  
clarisque ornatus virtutibus, sibi vnicè bene-  
uolentiam Principis conciliauerat, dictus post  
Rodulphi mortem Comestabilis, Enculif-  
mensi Comitatu donatus, Regiæque auctori-  
tatis Minister vnus & magister. Collimabat  
in eum vnum Nauarri inuidia, tum quod  
Regi charissimus foret, tum quod vnus  
praua consilia fide & sedulitate auerteret,  
tum

tum quod olim Enculisma penes Nauarrum fuisset. Concepto facinore dum executioni intendit, versaturque in Normannia in conspirantium cœtu, audit Comestabilem Aquilæ in oppido proximo agere; eò missum, sibi ut inuigilet suisque consiliis, nihilque cunctatus, secum raptis sicariis, sub auroram Aquilam ingressus, iacentem in lectulo Comestabilem confodit, patratoque flagitio Ebroicas, mox Meduntum fugit. Rex audito scelere, quatrimum solus præ dolore delituit, augebatque ægritudinem quòd reo scelus impune foret; nam is erat conspirantium numerus eaque dignitas, ut vocari in pœnam haud possent, nec deberent, ne in maius flagitium impellerentur. Ij erant Harcurij fratres, Normanni Proceres omnes propemodum, & ex ipsâ Aulâ haud pauci, qui si vrgerentur, Anglum excirent, & ad Lutetiæ portas admouerent. Quare Rex dissimulatâ ultione, ad Nauarrum mittit Cardinalem Bononiensem, aliosque Proceres, qui infractam concordiam utcunque sarcirent. Ille quasi innoxius præmium criminis impetrat, nec ad Regem pergit, nisi Comite Andegauensi altero Regis filio in obsidem dato. Sic absteriso metu coram Rege sistitur, & ad quandam iudicii simulationem excusatâ necesse, quam patrata ob iustas causas diceret, non ut Regi molestiam ullam faceretur; Iacobus Borbonius in perempti locum Comestabilis dictus, in eum manum leuiter iniicit, ac Regina, Ioanna Pulchri vxor, & Blanca Philippi vidua deprecantes ad genua Regis, veniam reo exorant, pœnâ in pecuniariam mulctam conuersâ, quâ pro necati animâ institutæ preces & sacrificia: magno Regis dolore, quando nihil acerbius, quam cui iustè pœnam debeas, iniustè parcere.

Carolus pœnâ solutus, & metu, quod in facinoroso deterius, profectus in Nauarram,

IOAN-  
NES.  
*Comes-  
tabi-  
lem ne-  
cat.*

Anno  
1354.

XVII.

IOAN-  
NES.  
*Navar-  
rus ite-  
rum  
turbas  
capi-  
tur.*

Rebellionis instrumenta colligit, pecuniam & militem; iisque instructus duo Nauarrorum millia nauigiis imposita in Normanniam ducit, & Chereburgum appulsus, fœdè loca vicina diripit. Erat in Normanniâ Carolus Regis primogenitus, quem deinceps Delphinum appellabo, idemque dictus Normanniæ Dux; qui iam animi solertiâ præditus, quâ deinde Principum clarissimus euasit, Nauarrum ita prudentiâ flexit atque mitigauit, ut ad Regem deduxerit, impetratâ rursus petenti veniâ. Nec is erat prouocandus hostis, finitis induciis, & bellum Anglo instaurante ferocius. Quippe Eduardus Valliæ princeps, qui Burdegala commorabatur, vastabat Occitaniam, & Narbonem vsque, & Carcassonem prædas impune abegerat, Francisque ducibus inter se discordibus, intactus per eorum copias recesserat in Aquitaniam. Rex Eduardus similiter Caletum in Morinos populationem intulerat, & post tentatum Hesdinum, Ioanne frustra in duellum aut prælium prouocante, prædæ plenus se Caletum receperat. Ergo Ioannes utrimque appetitus, ut potentissimè vim tandem retunderet, euocat Regni Comitibus, & belli necessitate ostensâ, pecuniam in necessarios sumptus efflagitat. Franci in tergeminum diuisi ordinem, omnia benignè & liberaliter spondent: Oratores pro Cleri ordine, Ioannes, Cranensis Rhemorum Antistes, pro Nobilitate Brienius Athenarum Dux, pro Populo Marcellus Parisiis Mercatorum Præpositus; omnium facultatis, atque ipsas adeo animas ad Regni salutem & tutelam deferunt, statimque in tributum consentiunt, quo triginta hominum millia alerentur. Dum id exigitur, & dependentibus singulis paulò grauius est, quod promittentibus cunctis videbatur leue, Nauarrus occasione vsus repetebat prima consilia, & rebellionem suboffectis animis inspi-

rabat.

rabat. Quod, inquiebat, deliramentum, ex-  
sugere ab hircinibus Aulicis, & auaritia pa-  
tere pradantium, ne nos Anglus diripiat? An-  
glus si irruat, muris urbium, munimentis,  
machinis, armis, viribusque nostris repelli-  
tur, & plerumque prada est dum pradatur;  
at Regi per publicanos & redemptores suos sa-  
uienti, penetranti in munitissimas urbes im-  
punè, in omnium tecta & penitissimas arcas  
inuadenti, quis obstiterit: nunc palam esse,  
tam Ioannem quàm Eduardum in regnum  
Francia ut in alienum irruere: qui diripiant  
provincias atque populentur; alter palam &  
aperto bello; clam alter & pacis specie; ut  
hinc inde calamitosum imperium distractum  
in diuersa, verum legitimumque Principem  
vocet. Eum se esse, ad quem iure sanguinis &  
hereditatis pertineret Francia; qui si regno  
iam antea potiretur, auertisset calamitates  
quibus id obruitur; nec Eduardus tot Fran-  
cis ad Crassiacum caesis Caletum occupasset;  
nec Ioannes tributum nomine pauperiem omni-  
bus fecisset, se tamen quanquam affectum in-  
iuriâ, publicas curas haud deposuisse; para-  
tum se ad sancientiam populi libertatem; si  
qui seruari ac defendi vellent, ad se confu-  
gerent, experturi patriâ patrem, quem inius-  
sè Regem repulissent. Iis sermonibus cum  
Normanniam atque Picardiam ab Rege plu-  
rimùm abalienaret, Delphinus ad eum pro-  
fectus, singulari virum deuincit indutriâ,  
multaque pollicitus deducit Rothomagum,  
ut de conditionibus pacis conuenirent. Tunc  
Rex à Delphino admonitus, simulatâ vena-  
tione Rothomagum aduolat improuisus, ad-  
missusque pseudothyro in castrum, Nauar-  
rum deprehendit cum Delphino pranden-  
tem, & socios conspirationis. Simul omnes  
captos in custodiam mittit; & quibusdam  
ipso die in foro Rothomagensi truncata sunt  
capita, Comiti Harcurio, Grauille, Manbuxo,



IOAN-  
NES.Pon-  
tean de  
mer.XVIII  
Appa-  
ratus  
ad pu-  
gnam  
Picta-  
vien-  
sem.  
Cran &  
Bouci-  
quant.

& Colineto. At Nauaari frater, in eandem caueam impingendus, ad nocendi facultatem liber, iura gentium violata conqueritur, Regi per pacis speciem vim illatam; deinde reliquos coniuratos euocat, atque Angli opem efflagitat. Ita repente bellum exardescit. Franci instant, & municipia Nauarro eripiunt; primum Ebroicas, urbem miseram, ferrum toties & flammam perpeffam; & impugnabant Pontellum maritimum; cum Dux Lancastrius adductis quatuor Anglorum millibus, eos vicissim ad receptum cogit. At is ingruente cum exercitu Rege, retro cedit, queritque effugium; cum repente Rex in Aquitaniam euocatur, & in nouum hostem imò calamitatem nouam abripitur.

Eduardus Valliæ Princeps, post lxtas Occitanix populationes, in alteram Franciæ partem conuersus, Aruernos atque Bituriges diripiebat; iamque prædas abegerat ad Auarici mœnia; deleuerat trecentos equites, quos in eum Cranensis & Boucicautus cõuociterant, & in Blesenses deflectens Romorantium urbem & castrum expugnauerat machinis; cum audito Regem cum exercitu aduentare, prædam ferens magnis itineribus per Pictones in Aquitaniam redit. Etenim Ioannes contractis copiis, Procerum atque Nobilium magnâ frequentiam aduolabat ad Ligerim, cupidus prædatores intercipiendi, & exigendæ ob tot rapinas vindictæ. Tantâ celeritate Ligerim ac Vigennam transmittit, ut properantem Eduardum vno die antecesserit, & ipse Eduardus de consilio Regis certior factus, circumspiciensque conclusum exitum, nisi victoria faceret, regreditur versus Pictauium, & milliari ab urbe tertio locum seligit commodum, cui nomen *Maupertuis*, in quo castra ponit, seque communit situ loci atque industriâ. Surgebat tumulus, bis mille passus complexus ambitu; dumeta circum horrebant sepèsque densissima;

siſſimæ; hinc ſilua cædua, inde vineta intri-  
cata ſarmentis; via paulò demiſſior ad ſum-  
mum tumulum deducebat, ſed ita anguſta, vt  
tres dumtaxat homines ſimul admitteret, &  
hinc inde dumo altiſſimo texebatur. Eo in tu-  
mulo collocat milites Eduardus; ſi qua ſpa-  
tia minus ſepe ſpiſſantur, curribus implicat,  
foſſam circumducit, in fronte Sagittarios diſ-  
ponit, & quâ mædia via incedebar; iubetque  
equites ad ſummum tumulum præſtolari, pe-  
dibus quidem, ſed apparatis ad manum  
equis, quos in omnem euentum conſcende-  
rat. Ribomontius ad explorandum hoſtem  
à Ioanne miſſus, obſeruata ſedulò omnia  
Regi renuntiat, ac rogatus ſententiam, quid  
agendum foret; cenſet, amouendos equos,  
equitem pedibus deducendum ad pugnam,  
prælongas lanceas decurtandas ad quintum  
pedem; quoniam, affirmabat, denſa inter vir-  
gulta longa haſtilia magis detrimento eſſent  
quàm vſui. Ribomontio ab Eduardi ſub Cale-  
tum pugna erat fama ingens, & celeberrima  
gloria; quamquam hoc conſilio ſat demon-  
ſtrauerit, quantum ducem inter & pugnatore  
interſit. Aliquot alij ſuadebant abſtinen-  
dum à prælio, circumcludendum hoſtem, pa-  
bula & cibaria detrahenda; neceſſariò intra  
diem tertium conſecturam famem nullo pe-  
riculo, quod nunc aleâ dubiâ tentaretur. Ad  
peiorem ſententiam Rex acceſſit, & quadrato  
agmine ad Maupertuſium contendit. Verum  
cum aciem ad prælium expediret, aduolat Ta-  
lerandus Petrocorius Cardinalis, ab Innocen-  
tio VI. Pontifice ad conciliandam pacem Le-  
gatus; ac tametſi ab Rege ſæpius antè reie-  
ctus, nunc primis ſignis ſeſe obiiiciens, Regem  
per Deum orat, ne pugnatum eat in eos qui  
ſe cupiant dedere, nullo periculo ſuam victo-  
riam fore, leges tantum dicat. Agerrimè ad  
hæc verba ſe Ioannes ſuosque continuit,  
diemque Cardinali permittit, vt hoſtem ad de-  
ditionem

IOAN-  
NES.

*Ribo-  
montio  
error*

IOAN-  
NES.

Чак-  
маи.

Anno  
1376.

ditionem adduceret. Porro Eduardus in eas venerat conditiones ; vt iuratus Septennio ab armis in Franciam abstineret, prædam captiuos atque vrbes restitueret ; demùm Burdegalam abiret viâ quæ Regi placeret. Ex conditiones ab Rege repulsæ ; nullâque placuit , nisi vt Eduardus cum centum selectis Equitibus se captiuum omninò traderet. Erat Regi indubitata victoria, & incendebant militarem animum , vindictâ iam flagrantem, tum Ribomontius , tum Cauuæus Catalaunensis Episcopus , inglorium & ignominiosum affirmans, si Rex ipse, tota Nobilitas, tantusque exercitus, nihil aliud præter æqualem pacem conficiant. Ita Cardinalis repulsus, & quidem cum probro, quasi in Anglos propensior, lugens & calamitatem præfagiens, secessit Pictauium. Iamque illucebat funestissimus Franciæ dies , decimus nonus Septembris, cùm vtrinque ad pugnam instruuntur exercitus. In Francico omnia, ad amplitudinem, ad pompam, fastum tumidum , & ad victoriæ speciem comparata ; quinquaginta hominum millia, centum & viginti vexilla , ipse Rex, eius quatuor filij , Procere , ac totius penè regni Nobilitas ; arma speciosa, aurum, gemmæ, purpura ; quæ per lata camparum æquora , iucundissimum oculis præberent spectaculum. Contra in Anglico ; octo hominum millia, virgulta inter sepèsque latentium, sed tumore nullò , paratis in omnem euentum animis. Protinus ex Ribomontij sententiâ, equites relictis equis, abiectisque calcaribus, cum pedite in tria agmina diuiduntur : primum ducebat Dux Aurelianensis Regis frater, alterum Delphinus , in quo tres eius fratres ; tertium ipse Rex , selecti equites trecenti, quos Marefcalli ante peditatum educent. Rex adequitans ordines , insinuabat ; *iam adesse hostem , quem ipsi toties voto & desideria præcepissent , spectari coràm prædā-*  
tores

tores illos, qui nullo iusto bello, nusquam acie iustâ contenderent; sed vilem piebeculam dinexarent, fortes in timidos, in fortes ignavi; iam retrusas in latibulum suum vulpeculas, haud agrè extrahi ac deleri posse: meminertint ipsi se pugnare sub Regis oculos, qui non exigeret, quin ipse præstaret. Nec Eduardus rem obibat instrenuè. Sagittariis ad vini repellendam compositis, egregius animi & militaris roboris iuuenis, pugnam Cressiam singulis memorans, duces & milites inflammabat verbis. Iam præiudicari victoriam, quod irruerent Franci, nec se obsidione ad extrema adigerent; quid fortibus optatius quàm pugnare, & à dextrâ victoriam non à ventre conficere? Non perterreantur hostium numero, eosdem esse qui ad Cressiacum immensâ multitudine profligati essent, palma memoriam nondum effluxisse, quàm plurimos sub signis esse qui vicissent; ipsum se reportasse victoriam, & si ex præteritis futura colligimus, deprehendere in animo ea victoria signa, quæ tunc percepisset. Spectarent aurum, purpuram, gemmas, & inaurata quibus Franci collucerent arma, ea sibi concessa spolia; opes Francia in hostilia castra confluisse ut diriperentur; uno pralio, prædam, gloriam, & salutem referrent; atque arbitrentur sibi vel honestam mortem obeundam, vel in vitam reliquam immensas diuitias, laudem incomparabilem, & honestum otium comparandum.

Delibata primùm per Francos pugna est, iussique trecenti equites se in viam quæ patebat tumulus abdere, & ad superna per obstantem hostem irrumpere. Hinc prima mali causa, totiùsque fons cladis. Angli Sagittarij utroque latere dumis tecti, prægrandes sagittas, & aculeis asperas in obiectos equos ciaculantur (nam equites sat arma grauiâ protegabant) eosque transfadigunt: Saucij equi  
doloris.

XIX.

Pugna  
Picta  
uicissit.

— doloris impatientiâ agmen omne confun-  
 IOAN- dunt ; alij in posteriores pedes se erigunt, alij  
 NES. retrò cum impetu vertunt . quidam occum-  
 bunt afflictis humi fessoribus, plerique in pro-  
 ximam aciem rapiuntur , pedites proterunt,  
 locòque submouent. Ita impeditum primum  
 agmen, dum retrò cedit, spatiûmque ad resti-  
 tuendos ordines quærit, in secundum infun-  
 ditur , illudque pari modo permiscet ac tur-  
 bat. Tunc erumpentes extra vallum Angli,  
 quâ equites , quâ sagittarij , haud agrè per-  
 turbatas acies aggressi per latera, fundunt at-  
 que disiciunt. Et verò fuga fit & consterna-  
 tio ; è Francis plurimi in proximos equos in-  
 siliunt , séque stragi proripiunt : ipsi Regij  
 adolescentes, Delphinus & fratres, Præfectis  
 educationi ducentibus, inscensis equis abdu-  
 cuntur à prælio ; vnus Philippus natu mini-  
 mus, vixdum pubes, ad patrem instauraturus  
 pugnam recessit ; ita discessu Principum acies  
 reliqua profligatur , vnûmque fugæ studium  
 superest. Contemplabatur è summo tumulo  
 Eduardus , ad quem eo momento conuersus  
 Chan- Ioannes Chandosius, dux militari peritiâ cla-  
 dos. rus ; *Eamus, inquit, mi Princeps, nunc victo-  
 ria tempus est, ea nos vocat ; Regem Franciæ  
 aggrediamur , capietur haud dubiè ; noui  
 animum viri, nunquam terga vertet.* Eduar-  
 dus continuò cum selectis ducibus , & gra-  
 uiori equitatu , in confusa agmina impetum  
 facit ; iisque nullo negotio disiectis & fufis,  
 tertium etiamnum integrum aggreditur.  
 Enimverò prælium instauratur denuò, Fran-  
 cis sub oculos Regis generosissimè dimican-  
 tibus. Et memorantur in primis Athenarum  
 Dux Comestabilis, & Borbonius Dux, qui ad  
 Regis latera sub extremum spiritum depu-  
 gnarunt ; imò spectabatur ipse Rex liliato pa-  
 ludamento refulgens , fortissimè omnium  
 prælians , Philippusque filius, nouus Franciæ  
 Scipio , tenero corpusculo quantum licebat  
 obtegens

obtegens patrem. Verùm cùm iniqua foret pugnae conditio, pedibus omnes Franci certarent, paterentque Anglis equitibus irrum- pentibus, tandem agmen tertium victum ac- fusum est. Deturbatum erat vexillum Fran- cia, caesusque signifer Gotofredus Carnyus; iamque hostis victor in Regem & filium irruebat. Vnus filius propugnabat patrem, ac tametsi grauitèr saucius, neglecta salute, de vno patre erat sollicitus, cùm à Rege iubetur se dedere; eoque facinore Audacis siue Im- perterriti nomen adeptus est. Nihilominus Rex inuictus animo confertam turbam diffi- ciebat; audiebantur acclamantium voces, uti se dederet; imò comminantium mortem, si cunctatur; ille intrepidus versabat huc illuc gladium, seque admirabiliter tutabatur; tandem accedenti propius Morebequo equi- ti Atrebatensi, seque Francum dicenti, castu contradito, Rex dedit se; nec sine periculo, irruente turba; detractusque est digito pre- tiosus carbunculus, quem gestabat, eo se in- uictum fore existimans; malè à lapillo secu- ritate quaesita, quam à prudentiâ suâ non præstaret. Post Regem captum, fuga & caedes Francos obtruiuit. In ipsâ acie caesa sex millia, octingenti nobilitate præcipui, è Proceribus multi, Dux Borbonius, Comestabilis, Cler- montius Marecallus, Carnyus, Guillelmus Barrensis, Cauuæus Episcopus pugnae tuba, Rupifocaldius, Sancerra, Lauallius; aliique plurimi. Nec ipso caedes campo stetit; victo- res insequuti fugientes ad portas Pictauij plures ceciderunt; occludentibus Pictauien- sibus portas, ne simul victor admitteretur cum victis; videnturque qui scribunt occisa de- cem Francorum millia, numerum vtriusque stragis meminisse. Captiuorum numerus pro- pè immensus: in iis præter Regem & filium eminebant Borbonius, Pontiu Comes, Comi- tes Eufius & Longailla fratres, Comites

IOAN-  
NES.

*Et Phi-  
lippi*

*filijs*

*De*

*Charny.*

Tancar

Tancarullæ, Dammartini, Vindocini, Iuinuilla, Andregenus Mareſcallus, & Sintræus eques celeberrimus; cæteri tam frequentes, ut Anglorum, ſingulis quinque ſexve fuerint; pluresque dimiſſi ſunt à victoribus, redemptionem polliciti. Spoliorum opulencia ſupra fidem eſt; cum Franci certatim quidquid domi pretioſum foret ſecum detuliſſent; derelicta à victoribus multa; vnæ gemmæ aurum & ſupellex argentea in prædam ceſſerunt. Eſtque illa clades poſt Cortracenſem Francis ignominioſiſſima, temeritatis atque audaciæ proles; ut prodigio ſit Francorum cæcitas, & ſupra omnem fidem; tam recenti Creſſiacæ cladis memoriâ, (nam decem anni duntaxat interceſſerant) eodem modo, eâdem amentia dimicatum, proiectamque victoriam, quam vnus diei cunctatio reportaffet. At quam diuturnâ & lugendâ ſerie calamitatum, ſuam proteruiam atque inſaniam luent! Rex ab Eduardo ſummâ humanitate & reuerentiâ exceptus, Burdegalam ductus eſt, & aliquot poſt meſes Londinum; Eduardo pariter humaniſſimè & amiçiſſimè Regem veluti hoſpitem accipiente; ſed ut eſt honeſtiſſima triumphî ſpecies victum Principem magnâ pompâ deducere; ita eſt victo luctuoſum ſolacium præbere pompæ materiam, & alienâ gloriâ ſuam ornare miſeriam. Verùm hoc euentu par eximium fortuna composuit, Principes duos moderatione certantes; quippe Ioannes aduerſitatem egregiè tulit, altiſſimo animo, & ad calamitatis ſenſum impenetrabili; Angliſ mirantibus victam in trophæo ſuo fortunam, & Eduardus ſupra votum felix, ita proſperitatem habuit in poteſtate, ut nec verbis nec factis elatior, vllatenus modeſtiam læſerit; imò annitente Petrocorio Cardinale, in biennium conceſſit inducias, quaſi nouæ victoriæ ſementem ſereret, & prolapſum hoſtem nollet obruer

obruere. Præterea Dauidem Scotiæ Regem, iam nono anno captiuum libertate donauit; an ratus supra mortalitatis fastigium esse, duos simul Reges habere in custodiâ.

IOAN-  
NES.

X X.

Delphinus & fratres erepti Pictauiensis cladis periculo, se receperant Parisios regni caput, vnde in corpus reliquum ordo & regimen propagarentur. Porro Delphinus in procella sæuissima clauo se admouens, rerum administrationem suscipit, titulo Gubernatoris regni assumpto; nam Regentis nomen visum inuidiosius. Primum duo erant momenti maximi procuranda, Regis capti libertas, & difficillimi belligerendi ratio. Earum rerum quia pecunia instrumentum & machina erat, regni Comitia indicit Parisiis; ratus in tanta calamitate neminem esse, quin priuatis incommodis subleuatam rempublicam & ruinâ vindicatam vellet. Verum secus quàm existimauerat contigit. Legati ex singulis vrribus lecti, postquam Parisios conuenerunt; à seditiosis & turbulentissimis viris in contraria studia impelluntur. Duo præcipuè flammam ventilabant, Robertus Coccus Episcopus Laudunensis, & Stephanus Marcellus vrbi Parisiensi Præfectus, quem dicunt Mercatorum Præpositum: ij siue à Nauarri asseclis corrupti pecuniâ, siue ambitione & cupiditate regiminis, pertraxerunt Comitia ad quædam postulata quæ Delphino facerent; antequàm de subsidiis in regnum & bellum agerent. Erant ea; primum vt Consiliarios omnes & ministros amoueret, ac vocatos in iudicium condemnaret; deinde vt Nauarræ Regem libertati assereret, regij sanguinis Principem, aptissimûmque, qui vt tempora perturbata erant, curâ & industriâ regnum subleuaret; postremò vt abrogato prorsus concilio, substitueret triginta sex alios, quos ipsi ex singulis ordinibus dicerent, ii- que vni de rebus publicis consulerentur. Delphinus

*Pari-  
sienfes  
primò  
tumul-  
tuâ:nt.*

*Le Ciq.*



IOAN-  
NES.

*Occita-  
nia in  
Regem  
Judith.*

*Tumul-  
tus re-  
nova-  
tur.*

phinus ad eam tempestatem clauum infle-  
tendum ratus, moram flagitat ad responden-  
dum; variisque cunctationibus rem procras-  
tinando Comitia soluit, responso in com-  
modius tempus dilato. At quia urgebat ne-  
cessitas præsens, sibi fidos rei que publicæ  
peramantes in singulas prouincias mittit, qui  
opem flagitarent, & auxilium in præsentem  
miseriam. Qui gnauiter functi officio, pecu-  
niam impetrant, quæ triginta hominum mil-  
libus stipendio esset, dum de libertate Regis  
amplius consultaretur. Et Occitanix ea in re  
memorable in Principem studium, cuius pri-  
uatis Comitibus, Armaniaco Comite mode-  
rante, decretum est, ut ad bellum nouem  
Equitum millia publica Ordinum stipe ale-  
rentur; nè dum Rex in custodiâ ageret,  
vir ullus aut mulier, aurum, argentum, mar-  
garitas, aut gemmas vesti adhiberet, nisi se  
ornaret; nè lato colore sese indueret, aut  
vestimenta ad ornatum incideret; Comædis  
præterea & tibicinibus interdictis; rati læti-  
tiæ sensum pro peccato esse, dum Rex suus  
lugeret in carcere; nec adeo priuatam esse  
calamitatem Principis, quin ad bonos subdi-  
tos deriuaretur. Eam porro laudem sibi Cam-  
pani etiam vindicant. Delphinus post eas res  
utcumque stabilitas, Metas profectus est, ad  
inuisendum Carolum Imperatorem, auun-  
culum suum, ut à sapientissimo & amantissi-  
mo Principe admodum iuuenis consilium at-  
que opem exposceret. Et quidem in spem  
certam subleuatus est; verum per absentiam  
eius inualefcit Parisiis factio, cogiturque  
Dux Andegauensis Delphini frater edictum  
abrogare, quod de monetâ nouâ propositum  
erat; & ipse Delphinus ad tumultum regres-  
sus, adigitur à seditiosis ad instauranda Co-  
mitia. Quibus euocatis, cum eadem de Mi-  
nistris Regiis flagitarentur, & in ipsum Del-  
phini palatium seditiosi fecissent impetum,  
iisdem

iisdē Coccio & Marcello instigatoribus, amouentur veteres Consiliarij, & de republicā meritissimi; Petrus Forestius Cancellarius Archiepiscopus Rothomagensis, Simon Bussius in Parlamento Præses primarius; aliique, quibus fides & in regnum amor, fuit noxæ & pœnæ. Ex ipso etiam Parlamento plerique eiekti, subrogatis in eorum locum, qui maximè omnium nouis rebus & Nauarro studerent. Dum Francia laborabat in capite, sua etiam lues membra diuexabat. Nam in Normannia Philippus Nauarri frater, adiuncto Gotofredo Harcurio, proditore illo percelebri, agros incendebat; & in Britannia Lancastius expugnabat Rhedones; atque prouincias cæteras prædones diripiebant atrociter. Vnus famosissimus Arnulphus Cernollus è Phocensi Prouinciâ in proximas terras irrupens, ac præcipuè in Cauares, quos populatus, Pontificem Innocentium Auenione obsidet, eoque audaciam vir nefarius promouet, ut receptis à Pontifice quadraginta nummorum millibus, Auenionem admitti voluerit, ad Innocentij mensam accumbere, atque instar Principis à ciue excipi; non tantum impunitate partâ flagitio, sed pompâ & plausu. Harcurius interea prodicionis geminæ pœnas luit, qui prælio fortè conferto, suis profligatis, cum nec fugere vellet nec dedere se, post cæsos plurimos, securi quàm fortissimè dimicans, confossus lanceis, in trophæum suum incubuit. Et Lancastius obsidionem Rhedonum soluit, siue induciis, siue Bertrandi Guesclini præclarâ fortitudine; quem Delphino Deus pugnatorem egregium instruebat, gente Britonem, Roberti Guesclini filium, adhuc adolescentem, primoque tirocinio effor-

IOAN-  
NES.

De la  
Forest  
de Buss-  
si.

Cernol-  
lus.  
prado.

Harcu-  
rius  
cesus.

De  
Gues-  
clin.

Eas inter turbas factiosi Parisienses nondum quieuerant; duo adhuc ipsis erant conficienda

XXI.

—————  
 IOAN-  
 NES. *Nauarra Rex libera-  
 tus.* ficienda, libertas Nauarri, vtque Cocius Antistites in consilium Regis adscisceretur. Primum fraus perfecit, Ioanne Pequinio Gubernatore Artesiæ in suas partes abducto, qui falsis iudiciis ab arce Artesiâ Nauarrum Regem eripuit, deduxitque Ambianum; alterum audacia ipsius Antistitis, qui suffragante Marcello Delphinum adegit ad euocanda tertium regni comitia. In iis cum seditiosè, sed ad sensum populi accommodatè, de regni miseriis perorasset, conquerens eas omnes ab iis qui ad consilia regia adhiberentur fluxisse, prouinciarum Legatis poscentibus, admissus est in Delphini consilium, ac statim pro audaciâ principem locum inuasit. Prouectâ in cupitum verticem ambitione, eam vt stabiliret, agit de reuocando in Aulam Nauarro; obtinetque haud ægrè Reginis deprecantibus, vt ipsi fidè publicâ ad veniendum Parisios caueretur. Venit igitur magno fautorum atque Nobilium comitatu, & in sancti Germani diuersans, iusso erigi pegmate; vnde quondam Regibus erat consuetudo spectandi duella publica, euocat populum ad concionem. Erat ille naturâ ad dicendum factus, imbutusque à puero eloquentiæ facultate, lubricam artem parauerat flectendi animos, & ad nutus suos conuertendi. Iis subsidiis, & miseratione ex calamitate carceris implente exordium, immensam quæ conuolauerat plebem ad suam mentem pertraxit. Parisios summis commendauit encomiis, misérias carceris exaggerauit, causam demonstrauit, quod publici boni studiosus, Ioannis Regis administrationi intercessisset; tum fusè Franciæ calamitates, tributa, cæteraque ex bellis infortunia ad molliendos animos enarrauit; contumeliosè de Ioanne & Eduardo loquutus, quos asseruit iniuste inuasisse in regnum, quod suum foret, se tamen iure suo decedere, ne nouo bello populares obrueret,

ret, satis sibi esse, si cum ipsis vnà contenderet, ad instaurandam publicam felicitatem, calamitatum causas abigendas, & liberandam Franciam tyrannis sæuissimis. Hæc grata in vulgus, magno omnium plausu excepta, nouum regnum Nauarro conficiunt, singuli in tutelam eius confugiunt, iurantque se in potestatem ipsius venturos. Nec mora, Marcellus conuenit Delphinum, exposcitque vt Nauarro Regi postulata concedat, atque illicò Laudunensis Delphini responsum occupans, dicit, ipsum paratum ad excipiendum Nauarrum. Ita Delphinus, inops opis atque consilij, intus prodentibus qui Nauarro fauebant, foris vrgente Marcello, & tumultu Parisiensium, pluribusque iactatus iniuriis, inuitus postulatis Nauarri annuit. Primum vt sociorum cadauera quæ etiamnum pendebant Rothomagi, refrigerentur patibulo, & honestè tumularentur, restitutis bonis quæ fiscus raperat, tum vt vrbes & castra quæ in Normanniâ obtinuerat sibi redderentur, tertium vt pro iactutâ & incommodis grauibz numeraretur ingens pecunia, postremum vt quidquid egisset litteris publicis aboleretur. Iis impetratis, Rothomagum Nauarrus contendit, vt vrbes reciperet, ac patibulatos sepulchro conderet. Et quidem postremum id celebritate magnâ exequitur, habitâ oratione ad populum, quâ proditores nefarios dicebat Martyres, qui mortem boni publici causâ obiiissent: verum alterum haud perficiebat, Præfectis vrbiũ recusantibus eum admittere, dum Rex apud hostes captiuus ageret. Ea Præfectorum seu fides, seu contumacia necem propemodum Delphino consciauit, quippe Nauartus Præfectorum duritiam Delphini voluntatem interpretatus, cum veneno aggitur, è quo vita quidem incolumis, sed diu perstitit ipualetudo, pilis & vnguibus decidentibus, & toto corpore adeò macrescente,

IOANNES.

*Auctoritate summæ usurpat.*

*Delphini ex veneno morbus*

IOAN-  
NES.

*Seditio  
renoua-  
tur.*

*D'Arcy*

cente, vt sceletto propius videretur. Submissus à Carolo auunculo Medicus natione Germanus, inusto in brachium cauterio Sanauit Principem, monuitque vti fluere desineret, mortem affuturam. Nauarrus postquam animaduertit conualescere Principem, prohibetumque successum criminis, ad primam artem versus; Parisienses flabellis incitat, de violatâ fide conqueritur, Normannicas vrbes nullas restitui; palamque Delphinum signat, qui promissis haud stare. Iam Parisiis gliscebatur eam ob rem seditio, quam Marcellus vt incenderet, iubet omnem populum insignia noua induere; vt capitia colore cæruleo viridique distinguerent; rubrum alij scribunt; nam cæruleus Franciæ, ruber Nauarræ conueniebat; hoc quasi vexillo furorem ad cædes proximas instruente. Nec vnâ plebem agebat infania, Vniuersitatem ipsam inuadit, cœtum illum doctrinâ & pietate percelebrem; à quâ legati ad Delphinum missi, qui procaciter Nauarro promissa repræsentari exposcerent, additæque minæ, si cunctaretur. Mox conceptam vesaniam vnius hominis cædes luci dedit. Quidam Macæus Ioannem Bailleum Quæstorem Franciæ cum necasset palam, in ædem sancti Iacobi confugerat. Delphinus ratus originem mali comprimendam, mandat Roberto Claromontano Marefcallo Normanniæ, & Ioanni Constantio Marefcallo Campaniæ, vt noctu sicarium è templo rapiant, pœnâque iustâ afficiant; illi obsequuti ipsâ nocte hominem ad patibulum adigunt. Postero die, viso cadauere, increfcit vesania: exclamat populus, violatam immunitatem Ecclesiæ, mortem infanti oblatam, vindicandam in auctores, qui Nauarri petitis iustissimis refragarentur. Marcellus arreptâ occasione, se duce præstat, agitque populum in Delphini palatium. Prima plebis victima Petrus Dacyus Aduocatus Regius, qui in viâ occurrens discerpitur;

discerpitur ; tum furiosi in Palatium Regis inuadunt. Conuenerat Delphinus cum plerisque Proceribus in conclaue quod sancti Ludouici dicitur, agebátque de rebus ad Patrem in præsentia conscribendis , cum Marcellus selecta sicariorum turbâ in conclaue penetrat , & Marescallos duos Clermontium & Constantium ad Delphini pedes obtruncat ; cruore Clermontij in Delphini os redundante. Quo furore Princeps perterritus ; *Ecquid*, ait , *Sanguinem Francia vultis effundere ?* negauit Marcellus , iussitque securo animo esse ; tum caputium bicolor capiti suo detractum Delphino tradit ; quódque Delphinum tegebat , tinctum in roseum obsoletum , & auro distinctum , capiti suo imponit, totúmque diem in trophæum violatæ maiestatis gestat. Cæsorum cadauera triduum plebi fuerunt ludibrio ; fidesque in Principem cum exitum nacta est ; adeò casus humanitatis incerti , vt virtuti asylum vel in amplexu amantis Principis non sit. Delphinus paulò post negotia prætexens, Compendium venit, seque tantisper furentibus rapuit ; incredibili altitudine animi, qui ad clauum stare tot inter procellas ; nec abiiceret se, quem eiicerent sui.

Porro agitantem pœnas in rebelles nouus tumultus distinuit, suâ lue campos deuastante , ne calamitate rura vrbibus cederent. Ad urbem Bellouacum , die festo aliquot rustici postquam incaluerant mero, de publicis rebus colloquentes, vt vulgò assolet, deploratâ miseriam Franciæ , accersunt infortunii causas à Nobilitate , qua insignes Regem suum in pugna Pictauiensi turpi socordia prodidissent, & adhuc voluptatibus domi indulgerent , in addictos rusticos exercerent sæua imperia, dum Ioannes in custodiâ esset ; expertes publicæ calamitatis ; nisi quod singuli Interre-

IOANNES.

ANNO 1358.

Marescalli.

XXII.

Iaque-  
ria Ru-  
sticorum  
tumultus.

IOAN-  
NES.

Anno  
358.

Boni  
homines.

Crudele  
facinus.

Rusti-  
corum  
caedes  
varia.

ges forent, & vsurparet suâ quisque in ditio-  
ne tyrannidem. Ad has voces subitâ correpti  
infantiâ, exclamant, delendam esse Nobilita-  
tis illam progeniem, auerruncandam lucem à  
Franciâ, hominesque perdendos, qui nemini  
commodi, cunctis essent perniciosi & detesta-  
biles. Nullâ dictis morâ, quæ ad manum erant  
arma corripunt, fustes, furcas, falces; atque  
in Nobilis domum, quæ fortè occurrit, impe-  
tum faciunt, (Franci Nobiles rure in castellis  
habitant) herum, coniugem, & liberos ma-  
stant. Confluunt rustici è proximo pago, & in  
aliud castrum irrumpunt similiter; statimque  
instar niuium accumulâtâ prædantium mul-  
titudine, terribilis factio in omnia castra per-  
uadit. Ea dicta laqueria, ab eo quem sibi im-  
posuerant ducem, cui Iacobus Bonhomius  
erat nomen; vnde & Iacobi & Boni homi-  
nes appellati; ac breui furor adeò inualuit,  
vt iam in Picardiâ, Artesia, & Briâ; Nobiles  
omnes castellis pulsi sint, castella incensa, fa-  
cultates direptæ, necati quamplurimi, ingenti  
sæuitiâ & immanitate. Memoratur abomi-  
nanda crudelitas; cùm semel castrò expu-  
gnato, captum Dominum induerunt in veru,  
ad ignem assarunt, spectante coniuge, quæ  
post stuprum illatum, adacta est cocti mariti  
de gustare carnes; tum in frustra concisa, pro-  
iecta est canibûs pabulum. Atrocissima eiu-  
modi facta Nobiles omnes atque adeò Pro-  
ceres ad exscindendam teterrimam vomicam  
concitarant; prima Meldis strages prælusit  
cæteris. Eam in urbem Dux Aurelianensis  
Regis frater cum vxore secesserat, & in eam  
confugerant aliæ matronæ nobiles, circiter  
quadringentæ, tutæ vt rebantur munimentis  
urbis, & Principis dignitate. Duodecim Iaco-  
borum millia circa Parisios prædabantur, se-  
que iis multi è plebe cupiditate prædæ adiun-  
xerant, cùm audito Meldis Nobiles feminas  
agere,

IOAN-  
NES.

agere, continuò ad urbem spolia rapturi ad-  
uolant. Pleraque urbium magno in Nobiles  
odio fauebant Rusticis; Meldenses acceden-  
tibus portas aperiunt, excipiuntque ædibus  
turbam irruentem: forum ibidem vrbe in me-  
diâ est admodum tutum, ædificia Matronâ  
amne circum ambiente; cum in locum se  
abdunt feminae, propugnantibus Fuxio Co-  
mite, & Boatum Principe, quæ regio est in  
Aquitaniâ. Commodum ij reuertebantur è  
Prussia, equitibus sexaginta stipantibus, com-  
pertoque in via Nobilium feminarum pericu-  
lo, digressi Meldas, se suamque operam  
ad vim repellendam obtulerant. Nec passi à  
vilissimâ turbâ forum oppugnari, per apertas  
portas erumpunt; & armorum fulgore pri-  
mum perculsos, mox fortitudine militari fra-  
ctos, mactant, proterunt, fundunt, cæsisque  
aut fluuio merfis plus septem millibus, cæ-  
teros in fugam agunt; ipsique vrbi flammâ  
subiiciunt, quæ tam diros hospites excepisset.  
Adèò suam cuique Natura artem inge-  
nit: bellum Nobilibus atque imperium, agri-  
culturam Rusticis atque obsequium. In Pi-  
cardia Delphinus eisdem greges facinoro-  
rum mactabat, cæsis viginti millibus, vno  
die sacro Ioanni Baptistæ; Dominusque Cou-  
cyus institutâ per ditionem suam venatione,  
belluas teterrimas ferro & suspendio perime-  
bat. Tandem eodem anno quo exorta lues  
compressa est; postquam Deo ob Nobilium  
noxas sat pœnæ datum est, & noua tortorum  
crimina suis etiam pœnis sunt obruta. Del-  
phinus interea Regentem se dixerat, suoque  
sigillo litteras publicas muniebat, hac in-  
scriptione; *Carolus Primogenitus Regis  
Francorum, regni Regens*; Eiûsque custo-  
diam Ioanni Dormantio dederat; quanquam  
adhuc penes Laudunensem tota auctoritas  
foret. Oppressis Rusticis, plurimos Nobiles

Capit  
de  
Buch

Sire de  
Concy.

Del-  
phinus  
dictus  
Regens.



IOAN-  
NES.

qui ad se confugerant sub signis retinens, adiunctoque ex Germaniâ milite, validum conflat exercitum, in quo triginta hominum millia recensita; & ad delendam Parisiensem iniuriam, ac Nauarrum sede imperij deturbandum, copias omnes versus Parisios ducit. Nauarrus per Delphini absentiam urbem amplissimam, Marcello fautore, ad nutum flectebat; dictus erat populi comitiis totius Regni Dux, machinis muros urbis instruxerat; Anglos euocauerat, quos commodis urbis locis imposuit; eductisque quatuor militum millibus, in Campaniam bellum intulerat. Delphino admoto, arcessitur à Parisiensibus, quorum villæ conflagrabant incendiis, instabatque iam fames propior, pago Carentonio ab Regiis capto, & imposito ponte quo gemini amnes frenarentur: ideo celeriter cum suis aduolat, turbamque pauidam studiosè confirmat. Verùm cum aliquoties erumpendo, per suorum stragem repelleretur, aduerteretque iam beneuolentiam vulgi senescere, seque obillata incommoda iam odiosum, Sandionysium recessit; urbi pacem aut auxilia valida curaturus. Illam nolens perfecit, modo quem minimè omnium intendebat.

Charenton.

XXIII  
Delphi-  
nus Pa-  
risijs  
excipi-  
tur.

Nam præter infortunium prius, nouo facto Parisiensium odium concitat. Cum Delphino foedus tandem contraxerat, suis quidem rebus percommodum, pollicente multa Delphino, sed euentu difficile, cum recepisset effecturum se, ut Parisienses trecenta nummorum millia ad redemptionem Regis conferrent. Eam pecuniam ubi à ciuibus flagitat; vulgò fremere atque indignari; Eam esse Regis Nauarra in bonum publicum sollicitudinem: illum patrem patriæ, Parisiensium defensorem; eò curas, studia, & praeclara promissa vertere; ut ipse sibi pararet con-  
ditiones

ditiones pingues atque opulentas; at permolestas Parisiensibus, quibus facultatum flos diriperetur, haud placere pacem bello tristiorum; nec captis euenire posse acerbius, quam bonis spoliari. Ita Nauarri postulata reiecta, & ipse plenus tædij præsidium Anglicum Sandionysium euocat. Eorum trecenti in vrbe substitant, cum rixâ ortâ inuaduntur à populo, cadunturque multitudini impares; iamque sexaginta necatis, propagabatur cædes in reliquos, nisi Marcellus aduolans ad tumultum sedandum, cæteros Anglos plebi obsequuturus condidisset in carcerem. At nocte proximâ ab eodem emissi, accessitis Sandionysio fociis, Parisinos, quàm multi extra muros occurrunt, obtruncant in vindictæ solatium. Excandescunt ciues, instantque Marcello ut se ducat in grassatores, cunctanti minantur, & nolentem in Anglos propellunt. Ille tandem prædit, ac solerter ducit in locum diuersum, reducitque nullo hostium viso. Agmen regrediebatur perturbatum nulloque ordine; cum Angli à Marcello admoniti aggrediuntur extremos, vincuntque haud ægrè, necatis sexcentis. Ideò in vrbe tumultus increfcit; Marcellum ciues proditoris insimulant; iamque palam ad reuocandum Delphinum conspirant: accedunt viri probi, ac boni publici studiosi, profcindunt Nauarrum; quantum in periculum urbem coniceret, cæterâque damna exaggerant; suntque auctores, ut appellent Delphini clementiam, eiusque obsequio se addicant. Placet consilium, & deprecantibus Ioannâ Reginâ, Legato Pontificis, atque Episcopo Parisiensi, impetratur venia à Delphino; & præter duodenos qui poscerentur ad pœnam, vrbi toti condonatum flagitium. Marcellus interea haud ignarus suo capite sancitum iri cum Delphino fœdus, agit cum Na-

*Mar-*  
*celli*  
*mors.*

IOAN-  
NES.

*Des  
Effarts.*

*Mont  
joye.  
saint  
Denis.*

Anno  
358.

uarro, prodendæ ac perdendæ vrbis hoc con-  
siliū inīit; vt nocte designatâ, portas sancti  
Antonij & sancti Honorati ipse recluderet;  
Anglos Nauarrôsque admitteret; tum simul  
in inimicorum cædes decurrerent, obtrun-  
carent incautos, & nemine iam repugnante,  
Nauarrum Regem Franciæ dicerent. Conspi-  
ratio cū emanaret ad plures, quibusdam  
bonarum partium viris innotuit. In iis tres  
sempiternâ digni memoriâ, Ioannes Maillardus  
& Simon frater, ac Pepinus Effartius, vin-  
dicauerunt urbem perniciæ, magnâque glo-  
riam magno periculo compararunt. Ipsâ fla-  
gitij nocte, Ioannes Maillardus, comperto  
Marcellum horâ duodecimâ iturum ad por-  
tam sancti Antonij, quâ Nauarrôs admittē-  
ret, is selectâ amicorum turbâ venturum oc-  
cupat, & postmodū in accedentem rixâ  
commotâ, securi obtruncat; iustè diffisso ca-  
pite quod tam praua consilia parturiebat;  
dein consortes disiecit; & continuò equo in-  
scenso vexillum explicat liliatum; signum  
faustum Francis inclamans, quo sancti Dio-  
nysij nomine in pugnam aguntur. Ciues eo  
clamore exciti, arma corripunt, se duci ad-  
iungunt, nullâque morâ Maillardo præeunte  
ad portam sancti Honorati conuolant; alte-  
ram turmam à Marcello designatam vt An-  
glos exciperet similiter inuadunt, necant ali-  
quos, cæteros capiunt, vrbique salutem & se-  
curitatem præstant. Primâ luce Maillardus  
conuocatos ciues docet quid proximâ nocte  
actum sit, omniūque consensu qui capti  
erant damnatos, variis per urbem suppliciis  
necat. Tum bini Senatores ad Delphinum  
missi, qui orarent vrbi vt parceret, expiata  
proditorum cæde, atque ipsi flagitanti pluri-  
mū se restitueret. Eoque die ingenti om-  
nium gratulatione vrbe exceptus est, & in  
Luparæ castro diuersatus, mutatis animis, &  
ad

ad sanam mentem conuersis ; adeò plebi nihil certum est, sed voluntas mutabilis, nullâ boni malive constantiâ. At Nauarrus spe regni depositâ, in vindictam exarsit, auctisque per fautores copiis, postquam agros vastauit crudeliter ; castra atque vrbes quæ Matronam, Sequanam atque Oesiam amnes coërcebant, vi occupat aut proditione, stringitque Parisios lento obsidio. Et furorem auxit, quod aliquantò post Parisienses Thomam Laditum ipsius Cancellarium, dum ab vno carcere in alium traducitur, humi protritum, nudum per cœnosos vicos extraxerant, & in amnem proiecerant. Sed dum Nauarrus sanguinem perniciem regno infert, mox nouo repente consilio, atque iniecto propè diuinitus cum Delphino reconciliatur.

Appetebat induciarum cum Anglo exitus, paxque bello deterior imminerebat. Siquidem Ioannes Rex postquam Eduardo flagitanti in Franciam summum imperium obstitit diu ; dixitque sapius, *non tanti esse libertatem Regis, ut Regni seruitus eius pretium foret, paratûmque se mori in vinculis, ut in libertate Francia ageret*, tandem diutinx captiuitatis pertæsus, in nouas condiciones consenserat ; quibus non tota quidem Francia clientelariis Eduardo esset ; sed ipsi tot prouinciæ detraherentur, ut in membra discriptæ tenuis admodum spes salutis foret. Nam cum summo imperio tradebantur Normanni, Cœnomani, Andegau, Turonenses, Pictones, Santones, Aquitani, & Vascones ; in Picardia præter Caletum, Pontinium, Bononia, & Guinæ ; ut reliqua Francia interdicta Oceano, ceu ab vberis infans raptus, expiratura breui videretur. Delphinus conuocatis comitiis eas fœderis leges perlegit, & in exordio fœderis obseruatum, indignari omnes maximè, quod Eduardus Francorum se Regem appellaret,

IOANNES.

XXIV.

B. lum  
c. m  
Ang'lo

Ioannem verò Regem Francum; reiectum-  
 que omnium calculis instrumentum turpissi-  
 mum; bellum præoptatum, atque vltro obla-  
 ta omnium facultates, ad asserendam Regni  
 maiestatem. Ea Francorum constantia for-  
 tissimumque consilium immutauit Nauar-  
 rum; isque professus est ad procurandam pa-  
 triæ gloriam se commoda sua abiicere; atque  
 adeò pacem cum Delphino ferit; iustis con-  
 ditionibus; vt sibi vrbes quas ante bellum  
 obtinuisset restituerentur, admirantibus mul-  
 tis peruersitatem animi repentè conuersam,  
 & diuino consilio rem assignantibus; aliis  
 timori, cùm Anglo se haud vellet permitte-  
 re, & Melodunum Regens obsideret, in quo  
 tres Reginæ, Ioanna Nauarri matertera, Blan-  
 ca soror, & Ioanna coniux, captiuitate haud  
 procul aberant: imò haud paucis existiman-  
 tibus bonam mentem à pessimo Principe si-  
 mulatam, animumque vitiis tam altè imbu-  
 tum, haudquaquam posse virtuti patere.  
 Eduardus postquam à Francis repudiatum  
 est fœdus, constituit in eos deportare exer-  
 citum, tam numerosum, vt Regnum quod  
 infringere pace non poterat, Marte obtineret.  
 Ingentes eum in euentum instruxerat copias,  
 excitæque omni Anglicâ nobilitate, vt quod  
 obseruat Froissardus, mulieres duntaxat &  
 senes dimitterentur in Insulâ, paucique mi-  
 lites quibus arcium portuumque custodia  
 traderetur, ipse mille supra centum nauibus  
 Dubri soluit, & Caletum appellit integris co-  
 piis; scribitque Villanius recensita in exer-  
 citu centum millia militum. Atque is adulto  
 iam Autumno, sub hyemem imminentem,  
 non Franciam modò sed ipsum cœlum expu-  
 gnaturus atque elementa, Caletum educit exer-  
 citum, & versus Campaniam mouet. In tria  
 agmina dispertiuerat copias; primum age-  
 bat Comestabilis Marchiæ Dominus, medium  
 ipse

Eduar-  
 di exer-  
 citus.  
 ANNO  
 1359.

ipse Rex ; postremum Princeps Valliæ , cum  
tribus fratribus , & selecto iuventutis flore ;  
medium inter & postremum impedimenta  
& commeatus sex mille curribus vehebantur ;  
obtinente immensum spatium tanto apparatu ,  
& ante prælium iam agente pompam victoriæ .  
Etenim Delphinus , cum ad eas vires repellendas  
deficeret miles , quidquid armatorum erat in  
munitas vrbes coniecerat ; imitatusque Fabium  
seruatorem patriæ post Cannensem pugnam ,  
calamitates Cressiacam & Pictaviensem  
prudenter formidine persanabat : nec fuit agris  
inferenda vastatio , ita direptis superiore bello  
per Nauarrum , ut ad iumentorum pabulum ne  
herbula quidem superesset . Eduardus institutum  
iter Rhemos , vertit , eo consilio ut capta vrbe ,  
inauguraretur cœlesti chrismate , nuncupatusque  
Rex Franciæ , iam venerandus in cæteras vrbes  
admitteretur . Rhemos obtinebant Ioannes  
Cranus Archiepiscopus , Comes Porcianus ,  
eius frater Hugo , alique Nobiles , cum præ-  
sidio valido ; quorum fortitudine post repres-  
sum primum Anglorum impetum , cætera  
hyems confecit , atque acerbitas tempestatis .  
Nam sub initium imbres assidui ; tum niues  
frigidiæ , mox pruina , gelu , & cæteræ hyemis  
asperitates , sic adstrinxerant milites , conti-  
nebantque in tabernaculis , nullis campis  
alimenta præbentibus , ut post alterum men-  
sem Eduardus , obsessio quam obsidenti propior ,  
post temporis & iumentorum iacturam soluerit  
castra . Tum lustravit Campaniam , si quam  
urbem indefensam corripere : ita Catalaunum ,  
Darum , Treas , & Antisiodorum prætergressus ,  
nullibi ausus intentare obsidium , Temodurum  
expugnat , deflectitque ad Burgundiam , prædas  
quæsiturus ; quas postquam Burgundiæ Dux  
redemit ducentis librarum millibus , versus  
Parisios retrò iter

*Eduar-  
di ex-  
peditio.*

*De  
Por-  
cien.*

*Ton-  
nerre.*

IOAN-  
NES.

fleatit. Iam Nauarræ Rex nullâ causâ quàm improbitatis infracto fœdere bellum agibat, opprimensque Normanniam, Delphinum & Parisientes premebat admodum; cum Eduardus exercitum ad urbem admouet, laccessito ad pugnam Delphino. Ille se continens munimentis, nec quid Martis alex permittens, retundebat hostem immotus; iam Francis suo magno malo prudentibus. Quamobrem Eduardus, cum eum nec ad pugnam cogere, nec urbem expugnare imminuto exercitu posset, recessit in Britanniam, militem instauraturus; initoque nouo belli consilio, ut quando totam Franciam præter urbes aliquot obtineret, iisdem alimenta eriperet, constituto ad singulas milite, qui obstructas agris excluderet, faméque vinceret, quæ pugnam negarent.

XXV.  
*Pax cum  
Anglo  
ad Bri-  
tanniam  
venit.*

Verum postquam abscessit Parisiis, Delphinus præsentis defunctus periculo, passus est Legatos Pontificios, quorum princeps Andromus Roquius Abbas Cluniacensis, ipsum Eduardum de concilianda pace conuenire. Et primum repulsi asperrimè, mox Lancastrio Duce in sententiam suam perducto, ipsius sermone induratum Regis mentem emolliunt. Quippe Lancastrius ætate, affinitate, & sapientiâ ex rebus gestis collectâ, apud Principem potens, incertos belli insinuabat euentus. Nihil periculosius quàm hostem victum ad extrema impellere; seipse doceret, quis ad Cressiacum Pictauinûmque vicisset; ingentes exercitus ab exiguis profligatos; quod illos temeritas arrogancia & præsumptio agerent; istos calamitas prudentiaque mater necessitas continerent sub signis; iam stare à Francis victrices illas virtutes, transiisse ad Anglos vitia; ut si contumacia accedat, in easdem clades haud difficulter incurrant. At quæ  
spes,

*spes, quàm incerta, quàm supra modum im-  
mensa, expugnandi singulas tot munitas vr-  
bes ! cùmque recens validissque exercitus,  
vnâ Rhemorum vrbe frustra tentatâ, penè  
conciderit ; quantum temporis, quantum co-  
piarum opus ad ceteras perdomandas erit !  
Iam gloria satis tot victoriis partum, recede-  
ret dum tot adhuc laudes integra starent,  
nec se amplius inuidenti fortuna committe-  
ret ; securâ pace stabiliret parta, tumultoque  
iam propior futuris heredibus certam & in-  
stam hereditatem pararet. Eius generis pru-  
dentissimis monitis Lancastrius Regis ani-  
mum sensim inflectebat, repugnantem ta-  
men, ambitione perstante, quæ Franciæ re-  
gnum voto iam hauserat. Sed Deus consilio-  
rum auctor, motorque mentium, nouo pro-  
digio cunctantem Eduardum impeilit in pa-  
cem. Agebat tunc in agro Carnutensi, diri-  
piante circum pagos milite ; cùm repente  
sæua tempestas exoritur. Venti vehementissi-  
mus turbo terram perflat, caliginosæ nubes  
cælum condunt, prægnantesque fulminibus  
tam inuestam noctem fulgetris pellunt, tum  
horrendis tonitribus tetram necem in mo-  
menta intentant, & ecce nubibus prodigiosa  
grando effunditur, quâ tentoria excussa, iu-  
menta cæsa quamplurima, sæuci homines,  
perturbatus totus exercitus, putatusque dies  
imminere orbi postremus. Et in animos  
grando penetravit ; ita cunctos terror & ma-  
lorum ingentium perculit metus. Eduardus  
ipse peruicacissimus omnium conceptâ for-  
midine, humi supplex procumbit ; ac conuer-  
sus ad templum Deiparæ Carnutensis, cuius  
apex longè refulgebat, pacem vouet, si pro-  
cella desaiuat, superstitque incolumis : Sanè  
immensâ ipsius gloriâ, ad quem vincendum  
euocanda fuit è cælo machina ; nec minore  
Franciæ, ad cuius salutem infirmis mortali-*

*Pax  
parata  
prodi-  
gio.*



IOAN-  
NES.*Breti-  
gny.**Condi-  
tiones  
pacis.*Anno  
1360.

bus exurgeret Deus. Extemplò adconstituen-  
dam pacem dies dictus, locúsque Bretinia-  
cum, pagus Carnutibus haud procul; missi-  
que à Delphino Ioannes Dormannus Can-  
cellarius, Ioannes Melodunensis Comes Tan-  
caruillæ, Bouciquautus Marefcallus, & periti  
forensium rerum, quales Simo Bussius pri-  
marius Parlamenti Præses, & Ioannes Mara-  
sius Aduocatus: legati ab Anglo Lancastris,  
Comites Norantonijs, Varuicijs, Suffolcijs,  
& Ioannes Boatum Princeps. Intra octiduum  
conuentum est de conditionibus: quarum  
præcipuæ; vt Anglus Aquitaniam latissimis  
finibus & summo imperio obtineret, cliente-  
lari iure prorsus abolito; porro in iis finibus  
continebantur Santones, Pictones, Enculif-  
menses, Petrocorij, Cadurci, Lemouices, &  
Bigerri; præterea idem Rex Caletum, Ponti-  
nium, Guinam, cum adiunctis ditionibus iure  
supremo possideret, & ad Regis redemptio-  
nem, aureorum tricies centena millia Del-  
phinus penderet, in præsentia sexcenta mil-  
lia, cætera designatis temporibus. Contra An-  
glus iure cederet, quod vindicabat in regnum  
Franciæ, præcipuè in Normannos, Andega-  
uos, atque Cœnomanos. Addita pleraque  
alia, in monumentis Francicis porrecta fu-  
siùs; in quibus obseruanda Delphini soler-  
tia, qui cum animaduerneret ad iniquas con-  
ditiones se adigi; in instrumentum fœde-  
ris aspersit scrupulos, vocumque formulas;  
vnde postea commodiori fortunâ resilirent  
Franci à fœdere, illibatâ fide. Postquam  
vtrinque ea in pacta iuratum est, Eduardus  
reducto exercitû, profectusque Londinum,  
Ioannem Caletum misit; vnde solutâ pe-  
cuniâ donaretur plenâ libertate. Porro in  
tantâ regni miseriâ, exhausto ærario, agris  
iam tertium annum deuastatis, vrbibusque  
fame propè enectis, cum id auri colligi  
haud

haudquaquam posset, Rex affinitatem cum Galeatio Vicecomite, Mediolanensi Duce contrahi passus est. Ille opulentissimus Principum, & affinitatis regis cupidissimus, sexcenta nummorum millia obtulit Regi, si filiam Isabellam Ioanni Vicecomiti primogenito filio dare nuptam vellet. Eaque est calamitas, quam Villanius illius æui scriptor clarissimus, & ipse Italus, acerbissimam dicit, ac funestissimam omnium cladium; qua Regius sanguis, & illustrissimus orbe vniuerso, in nouam familiam miscebatur; paternâ miserâ pudorem virginis licitante. Dicta dos puellæ, Comitatus Virtutum, exilis in Belgica secunda ditio; quasi suppuderet cognationem fateri, & dote imminutâ demeretur de probro.

IOANNES.

*Regis affinitas cum Galeatio.*

*Des virtus.*

Pecunia persoluta, datisque obsidibus, Rex liber emissus est; obsidum magnus numerus, præcellentium dignitate; in iis Philippus Dux Aurelianensis, Duces Biturix & Borbonius, Comites Andegauensis & Alenfonius; è Proceribus præterea lecti, atque ex Franciæ primariis vrbibus clari ciues. Eduardus qui Caletum eam in rem venerat, postquam Ioannem opiparo excepit conuiuio, abeunti postero die Edmundum Principem duosque filios Edmundum & Lionetum honoris causa viæ comites dedit; iisque pedites peditem Regem Bononiam vsque deduxerunt; piam voto concepto peregrinationem ad Deiparam Virginem obeuntem. Rex postliminio in solium reuocatus, recepto Nauarro in gratiam, Parisiis lætitiâ summâ excipitur, donatus ab ciuibus, mille pondo argenti, fabrefacti in vasa. Exinde fœdere implendo actum est; multæ prouinciæ detrectabant in potestatem Angli transire; Marchiani, Petrocorij, & Armaniaci, profitebantur se ornatos priuilegio

XXVI. *Regis libertas.*

IOAN-  
NES.

*Rupella  
fides.*

*Tard  
venit.  
Prædo-  
nes tia-  
stant  
Fran-  
ciam.*

uilegio à Carolo Magno, ne vnquam à regno Francico auellerentur, & vehementer instabant ne id contingeret; verùm Rege contra obnitente, se Anglo dederunt. Rupellensium fides in paucis enituit, qui nullo studio, nullis precibus, nullâ contentione prætermiffa, ne à regno Franciæ abiungerentur, tandem persistente in sententiâ Rege, anno vertente Anglum admiserunt, antè testati se vi ad transi- tionem eiusmodi cogi, futuros Anglici iuris labiorum tenus, at mente intimâ Francici; insculptâque in animis lilia nunquam expungenda. Hæc Ioannes ingenuè & fide magnâ exequebatur, cùm Eduardus lentè & molliter occupatas arces dimitteret. Imò noua lues ex illorum præfidiis inuasit Franciam.

Etenim dimissi milites cùm plerumque sine stipendiis mitterentur, rapto viuere atque alieno assueti, in cohortes conueniunt, mox in legiones, & illatâ in proxima loca vastatione, iam exercitum conflant, & recensentur hominum sexdecim millia. Ij se Societates dixerunt, siue Tardiores, quod serius ad diripiendam Franciam, tot calamitatibus perditam venissent: nihilominus decursis Campaniâ, Burgundiâ, Niuernensibus, & Bellijocensibus, & vndique prædâ pro miseriâ temporum raptâ, in Lugdunensi agro hæserunt, incumbentes amplæ ciuitati, proximâsque prouincias deuastantes. Ioannes ad rescindendam hanc luem, postquam sæpius Anglum compellauit, vt qui ipsi stipendia meruissent eos haberet in potestate, & ex lege fœderis pacatas ditiones contraderet; Saltem ad prædones opprimendos sumptus diuideret, militémque sufficeret; ad quæ postulata Anglo obsurdescente, ipse tandem Iacobo Borbonio mandat, conscribere militem, ac vomicam illam abscindere. Borbonius euocatâ nobilitate,

tate, è Burgundiâ, Delphinatu, ac Phocensi Prouinciâ, nouem hominum millia plerofque equites sub signa mittit, ducitque in prædonum turbam. Illi diuturnæ periti militiæ, artisque memores quâ sub Eduardo bis vicerant, ad pagum Brignæum, nono ab Lugduno vrbe milliari, castra ponunt in colliculo, eaque ratione copias collocant, vt inspectantibus partem dimidiam duntaxat obliicerent. Ea ars hostibus fraudem primùm, mox stragem intulit. Quippe Franci nobiles, indignati in prædonum turbam ceu in iustum hostem depugnare, speculati ipsos negligenter, ac dimidiâ parte conspectâ, paucissimos esse renuntiarent; eaque mente incuriosè & socorditer eos aggressi sunt. Verùm ij fossâ & munimentis quæ deduxerant testî, primò in accedentes vim maximam telorum & Saxorum effundunt; quibus posteaquam primum agmen protritum est atque perturbatum; ex auersa tumuli parte selectum equitatum immittunt, qui incautos hostes à tergo adortus, magnâ strage cædit, & in fugam agit. Necati plurimi Nobiles; Borbonius eiusque filius grauitè Saucij, vix è pugnâ educti, Lugduni postridie expirarunt. Hac victoriâ stauissimis grassatoribus ianua in omnes prouincias patefacta, & verò egregiè functi sunt munere; viris passim peremptis, stupratis per vim feminis, templis violatis, spoliatis altaribus, pagis oppidisque succensis; vt iam Anglicum bellum præ hac miseriâ lusus foret. Sed vt suam luem in plures prouincias spargerent, pluresque simul diriperent, in duas turmas sese dispertiunt; altera minor numero, conflata ex tribus Vasconum millibus, duce Simone Batefole, Ansam occupat castellum ad Ararim, quartâ Lugduno leucâ,

IOAN-  
NES.

leucâ, atque inde cis vltraque fluuium, in Bellijocenses, Matisconenses, Hæduos, & Niuernenses, latè grassatur; altera amplior, se ad Rhodanum applicat, & duce Belgerante, Auenionem, Pontificem Innocentium, totâmq; Pontificiam Curiam, in prædam designat. Verùm Auenionem iam tertium prædatorum agmen stringebat: nam plurimi aliorum opulentiâ illecti, nomen in eandem militiam dederant, ductore quodam, qui se Amicum Dei, & inimicum omnium nuncupabat, & appellationem posteriorem implebat, obuios quosque perdiros cruciatus interimens. Iis Pontifex hostibus circumcinctus, frustra promulgatâ Crucigerorum militiâ, Marchionem Monferratensem famâ celebrem euocat; nec ille prædones ausus ferro aggredi; sed postquam duces conciliauit pecuniâ, reliquam turbam, iugentis prædæ factâ spe, in Italiam duxit; iisque copiis Vicecomitem Mediolanensem, infensum Pontifici profligauit. Batefoles ad bellum vsque Hispanicum in statione inuictus perstitit.

**XX** Regno ita turbido, Ioanni hereditas vel  
**VIII.** lucrum obtigit. Philippus Burgundiæ Dux,  
*Burgundia* ætate iunior, ductâ Margaritâ Ludouici Flan-  
*regno* drensîs filiâ, nullis liberis vitam amittit; po-  
*annexa.* stremus primæ illius stirpis Ducum Burgun-  
diæ, à Roberto Roberti Regis filio per annos trecentos & triginta ad ipsum deductæ. Obtinebat præter Ducatum Burgundiæ, eiusdem Prouinciæ Comitatum, aliósque geminos Bononiæ atque Artesiæ. Ioannes statim Burgundiæ Ducatum inuadit veluti vacuum, affirmans cum regni Francici feudum, quod deficientibus liberis, regno vnde erat profectum restitueretur; ceteros Comitatus proximis heredibus tradit; Bononiam Ioanni Bononiensi

nienſi Philippi Ducis auunculo ; Artesiam & Comitatum Burgundiæ Ludouico Flan-  
driæ Comiti, nato ex Margaritâ Philippi Lon-  
gi filiâ. Ita videbatur Ioannes heredum iura  
cumulaſſe & vota, niſi Nauarro Regi in Bur-  
gundiam iuris ſpecies cederet. Nam Eudo  
I V. Philippi demortui auus tres ſorores in  
matrimonium dederat, Margaritam natu  
maximam Ludouico Hutino, Blancam Ca-  
rolo qui dictus eſt Pulcher, Ioannam mini-  
mam Philippo Valeſio ; ex Margaritâ nata  
Ioanna Nauarri mater, ex Ioannâ natu mi-  
nimâ Ioannes Rex ; quamobrem Nauarrus  
ex maiori natus, totam hereditatem adi-  
bat, quam iniquè occupari à Rege aſſere-  
ret. At nunc ſenſus iniuriæ intra verba ſte-  
tit, mox in apertum bellum prorupturus.  
Rex poſtquam Burgundiam regno adiun-  
xit, Auenionem proficiſcitur, acturus cum  
Innocentio ; egitque diutius, donec eo de-  
functo Vrbanus V. dictus eſt Pontifex. Vene-  
rat ſimul Auenionem Petrus Cypri Rex &  
Ieroſolymæ, Attaliâ Ciliciæ vrbe nuper captâ  
clarus, & flagitabat à Chriſtianis Principibus  
in Saracenos ſubſidia. Appellatus Ioannes,  
parum attentus in regni ſui miſerias, pro-  
fitetur expeditionem ; ac die quo Chriſti  
Domini morientis deſſetur memoria, Cru-  
cem ab Urbano ſuſcipit, cum Voldemaro  
Daniæ Rege, ad Pontificem ſalutandum ad-  
ueniente. Sed cogitanti Palæſtinam nouum  
iter & tumultus nouus ſe obtulit. Princi-  
pes quos Anglo datos obſides dixi, Aure-  
lianenſis, Biturix, Andegauenſis, & Bor-  
bonius, quanquam liberâ in cuſtodia ha-  
berentur, pertæſi diuturnæ à Franciæ abſen-  
tiæ, nouum ſœdus cum Eduardo compege-  
rant ; vt à Rege ſecundas tabulas impetra-  
rent, quibus abdicaret ſe imperio ſummo  
Aqui

*Ioannis  
itineræ.*

—  
IOAN-  
NES.

Aquitaniæ ; tum vt Rex Eduardum liberum faceret de damnis à prædonibus regno illatis. Caletum Principes eam ob rem ducti , foedus Ioanni oblatum , & discussum in concilio. Id autem obnitente Delphino reiectum ab omnibus , quamquam Rex pro inditâ bonitate id comprobaret ; ac statutum nullas tabulas novas conficiendas , cum priores , Angli culpâ , non essent admixtæ ; porro damna obtigisse ipsius etiam culpâ , qui ex foedere milites suos non continuisset. Hæc dum aguntur , Andegauensis se fugâ proripit , venitque Parisios. Et quidem Rex pater acerbè succensuit , quod fidem publicam violasset , & ad regressum vrgebat , quem cum ab adolescente libertatem omni officio præponente haud impetraret , nec vi optimus pater vellet conficere , ipse pro filio suum offerre caput constituit , & in Angliam proficisci , vt ab Eduardo nouas condiciones exoraret , bellique consilium , si quod inde exurgeret , interciperet præsentia. Et hæc vera itineris causa ; publicum bonum , paterna indulgentia , amor pacis , studiûmque belli restinguendi ; non conceptus in feminam amor ; quod in bonum Principem excogitauit calumnia. Nec ab eo consilio vllis suorum monitis , aut Delphini precibus amoueri se passus est ; desiderio expeditionis sacræ admodum flagrans , quam belli Anglici metus conturbabat. Ergo in Angliam delatus , comitante Petro Cypri Rege , lectisque Francorum Nobilibus , perhonorificè ab Eduardo excipitur. Sed mox pompa gaudij in luctum desinit ; postquam Ioannes morbo inter festos plausus concepto cessauit viuere ; anno ætatis quinquagesimo sexto ; calamitate ad extremum spiritum

*Ioannis  
mors.*

Anno  
1364.

spiritum insequente, ut in alieno animam poneret. Eduardus summâ magnificentiâ funus prosequutus est, reuertumque est in Franciam corpus, quieturum tandem in sepulchro. Erant Ioanni virtutes plurimæ, indolis bonitas, simplex & apertus animus, qui nihil ex occulto, nihil ex insidiis ageret; summa fides, & quædam in promissis præstandis religio; plerumque dicebat; *quando fides & promissi securitas ab orbe exularent, ab ore & mente Principum numquam ablegandas*; summa generositas, fortitudo imperterrita in aduendis periculis, in ferendis aduersis inuicta; in Deum pietas, in patrem obsequium, in suos amor; liberalitas in viros fortes & litteratos, in inimicos clementia, & quidem præclarissima singula; nisi Prudentia defuisset; cuius defectu tot tantæque doctes, vel irritæ, vel degeneres in opposita vitia, calamitates magnas importarunt. Sanè graui detrimento fuit; quod leuior in proponendo, in exequendo constantior foret; mirâ mentis intemperantiâ, ut suscepta leuiter vrgeret fortiter, nec admitteret aliorum consilium quod suum regeret. Quid, quod nocuit aperta illa simplicitas; quando Regum pectus, quantumuis candidum & sincerum, Sacrarum instar passim patere non debet; estque consiliorum Principis ut personæ veneratio, quæ spectantes absterreat. Felicior in liberis quàm in gestis fuit; nam præter Carolum Regem, coelitus datum ad paternos lapsus emendandos; duo filij clarissimis Principum truncis stirpem posuerunt, Ludouicus Dux Andegauensis, Andegauensem familiam, Regisque Siculos propagauit; Philippus patri charissimus, Burgundiæ Duces genuit:



—  
IOAN-  
NES.

genuit : quamquam iste in posteris infen-  
tissimam patriæ luem dedit. Ioannes Bi-  
turigum Dux , liberis suis superstes , ævo  
diuturno orbitatem solatus , bonitate mo-  
rum patri consimilis , senectutem vlti-  
mam ad novas Franciæ calamitates pro-  
uexit.



HISTO



# HISTORIÆ FRANCICÆ,

## LIBER VNDECIMVS.



AROLVS postquam patris corpus Mausolæo maiorum condidit, nunc regiminis compos, quod gerebat antè precario, nouam administrandi rationem init.

Quippe gnarus quas calamitates aui patrisque temeritas importasset Franciæ, statuit viâ contrariâ afflictam rem publicam subleuare, & solerti prudentiâ mederi vulneribus, quæ cæca generositas intulisset; verè Fabius Francicus, qui publicam rem cunctando restituit, & consilio fortunam subiecit. Nam regni sui mens, in conclauis abdictus, per fratres & legatos, seu per manus & ministrantia membra conficiebat pugnas & bella; & periculo subductus, nusquam committebat alex rem vniuersam. Ac statim regni primordia insigniuit victoriâ Deus. Ioannis obitu Carolus Nauarræ Rex in spem Burgundiæ expectatus, cùm Regem Carolum despica

CAROLVS V.  
SAPIENS  
DIRECTVS.  
I.

*Pugna  
ad Co-  
querel-  
lum.*

Anno  
1364.

CARO-  
LVS V.

Mante  
&  
Meu-  
lan.

De  
Gralli,  
Capitl  
deBuch

Cocher-  
rell.

dispicaretur, atque ut rebatur consilio infe-  
riorem atque prudentiâ, quam fraude, dolo  
& simulatione metiebatur, sanè sibi audaciâ  
imparem duceret; palam arma parat, tumultu-  
que Normanniam miscet. Rex instituto suo  
vim oppressurus, diem Proceribus indicit,  
sanctissimæ Trinitati sacrum, quo se Rhe-  
mis sisterent, ad inaugurationem obeun-  
dam; interim silentio militem euocat, tra-  
ditque Guesclino & Bouciquautio. Duo  
oppida ad Sequanam obtinebat Nauarrus,  
Meduntam & Meulancum; iisque amnem,  
vber alterum Parisiorum, ceu clauibus ha-  
bebat in potestate. Ea duces Regij inua-  
dunt, ac nullo strepitu, dolo militari, Me-  
duntam primum, dein Meulancum, leui  
periculo nulloque damno securi occupant.  
Nauarrus eâ iacturâ perculsus, copias con-  
trahit, veniuntque in subsidium commodè  
Ioannes Grallius, Capitalis Bucchius, dux  
magni nominis, cum quadringentis equiti-  
bus, & Iouellus Anglus cum trecentis. Co-  
piarum Dux Grallius dictus, iussusque ad  
hostem pergere. Nec is longè inquirendus  
fuit; aduolabat eodem voto Guesclinus, oc-  
curritque Grallio ad pagum Cocherellum,  
Ebroidis haud procul. Grallius Capitalis ex-  
plorato hoste, & numerosiore perspecto, in  
tumulo virgultis atque arbusculis consito re-  
cipit militem, & præiudicatâ victoriâ, benefi-  
cio loci se tutatur, totâ acie in tria agmina  
distributâ; ac primum Iouellus, alterum ipse,  
tertium Maruellius nothus continebant. Eo-  
dem ordine distributos milites Guesclinus  
ducit, primum agebat agmen ipse conflatum  
ex Pictonibus, alterum ex Francis Comes An-  
tisiodorensis, tertium Robertus Canolus, præ-  
do ille insignis; eratque à tergo Vasconum  
legio, bellicosissimæ gentis, ductore Perdicca  
Albretio; quos studiosè ad signa Carolus  
euocauerat:

euocauerat : ij militari audaciâ , centum ex  
 suis designauerant , qui Capitalis vexillum  
 per tela atque enses eriperent , alióſque tri-  
 ginta , qui Capitalem ipſum vi caperent at-  
 que abducerent. Vbi ad radices collis de-  
 uentum eſt , noua belli facies vtrinque ſpe-  
 ctatur. Gueſclinus ſuos inſtructos in aciem  
 ſub ſignis continet, nuſquam paſſus in tumu-  
 lum inuadere ; mirâ in iuvene moderatione,  
 qui conſilio ſub æſtum prælij Martem ſubii-  
 ceret; nec ſecus Capitalis ſe concludit ſepto,  
 hoſtique eliciendo , direptos enses fulgen-  
 tesque haſtas oſtentat. Poſtquam diutius in  
 conſpectu hæſerunt , iámque Francos ardor  
 ſolis perureret , receptu ſimulato Gueſclinus  
 militem iubet abſcedere , præmiſſisque impe-  
 dimentis & laxis, poſtremum agmen ordinem  
 ſoluere. Tunc Iouellus haud dubiè ratus  
 Gueſclinum fugere , impetu raptus , dehor-  
 tante multùm Capitale, decurrit in planitiem,  
 cæteraque agmina ſimul in prælium trahit.  
 Enimuerò Gueſclinus voti compos, acie hæud  
 ægrè inſtauratâ, in hoſtem conuertitur, ac pu-  
 gnam conſerit. Eâ tempeſtate magnum An-  
 glorum robur in Sagittariis erat , quorum  
 grandes Sagittæ arcubus miſſæ , plerumque  
 milites tranſuerberabant ; eam in perniciem  
 oblonga ſcuta Gueſclinus parauerat , quibus  
 agminis principes teſti , exceptâ grandine,  
 integri ad hoſtem euadunt , miſcetúrque  
 prælium atrox. Vaſcones ſui conſilij memo-  
 res , Capitalis vexillum primò eripiunt , tum  
 ipſum non incruenti inter hoſtium tela præ-  
 liantem egregiè capiunt atque abducunt ; ac  
 demùm poſt plurimam internecionem Gue-  
 ſclinus vincit. Nullus hoſtium fugam capeſ-  
 ſiuit ; cæſi omnes aut capti , pugnatúmque  
 dextrâ non pedibus. In captis præcipui , Ca-  
 pitalis , Grauilla , Iouellus , Rouſſillonius,  
 Saqueuilla, aliique; ſed Grauillam Rex trun-  
 cavit

CARO-  
 LVS V.

*Sagit-  
 tary  
 Angl.*

cauit capite, ob maiestatis violatæ crimen;  
**CAROLVS V.** Iouellus vulneribus paulò post obiit. E Fran-  
 cis haud pauci extincti sunt, in iis Belmon-  
*De Beau- mont, Anne- quin.* tium Vicecomes, & Annequinus balistario-  
 rum præfectus, dignitate primi. Ea victoria,  
 relata pridie inaugurationis regiæ, quâ Rex  
 cum Ioannâ Borboniâ coniuge, magnâ Pro-  
 cerum frequentiâ, inunctus est chrismate; &  
 nuntiata postridie palma omnium animos fe-  
 lici augurio hilatauit, cogitantium iam mu-  
 tatarum sortem, cœloque auspice illucere Fran-  
*Philip- pus Dux Bur- gundia* ciæ prosperitatem. Carolus reuersus Parisios,  
 Ducatum Burgundiæ Philippo fratri, vt desi-  
 gnauerat pater, constituit; iuuenemque for-  
 tissimum ad profligandos prædones, qui fero-  
 cissimi incubabant Franciæ legatum dicit.  
 Porro dum ille labore multo sparsam luem  
 contendit opprimere, & Charitatem muni-  
*La Charité.* tam ad Ligerim urbem obuallat, capítque;  
 tandem in Britanniâ lis illa ingens, Blesen-  
 sem inter atque Monfortium, atrocissimâ pu-  
 gnâ disceptatur & diiudicatur.

**II.** Iam anno post vicesimum tertio, quâ ar-  
*Blesen- sis à Mon- fortio casus.* mis, quâ induciis, variè promota & sopita  
 controuersia, ambitione Ioannæ Blesensis ad  
 finem vergebat. Ea foedus à marito ictum de  
 diuidendâ Britanniâ rescindens, belli tuba,  
 coniugem ad decretoriam pugnam impule-  
 rat: isque accuratè contractis viribus, ad  
 Monfortium Auræum oppidum obsidentem,  
 exercitum ducit, Bretiniaco foedere excipie-  
 batur Britannia, fâsq; erat Regibus pace il-  
 libatâ vtrinque opitulari clientibus; & An-  
 glus Monfortio, cui filiam vxorem dederat;  
 selectas copias duce Ioanne Chandosio cele-  
 berrimo victore submittit; Francus Blesensi  
 affini suo Guesclinum & militem, quantum  
 bellum Nauarricum patiebatur; Britanni No-  
 biles suo quique addicti Principum, pars  
 Monfortium pars Blesensem fouebant. Ad-  
 uentanti

uentanti Blesensi occurrit Monfortius, aciem-  
que ad pugnam instruit; sed Belmanegrio  
Nobili Britone intercedente, alterum diem  
arma repressâ sunt, dum ille conciliandâ pa-  
ci incumbibat; cuius spem abruptit vel Chau-  
dosij malignitas, vel Blesensis vxorij nimis  
cupiditas. Vtrinque acies tripartitò disposi-  
tâ; Monfortianam Chaudosio, Blesensem  
Guesclino, admiratione mutuâ instruenti-  
bus, præter sepositas ad subsidium cohortes,  
exemplò ad dimicationem aguntur. Atrocis-  
sima fuit, horisque octo per cædes mutuas in-  
certâ victoriâ prorogata; demùm ad Blesen-  
ses clades conuersa est. Alterum agmen quod  
ab Antisiodorensi Comite ducebatur, vrgen-  
tibus Chaudosio atque Clifsonio postquam  
apertum & dissolutum est, vincentium im-  
petus in Blesensem totus incubuit, qui & ipse  
fortissimè dimicans cæsus est; tum Guescli-  
no omni vi ad restaurandam aciem conni-  
tenti hostis vndique circumfusus, consum-  
mat victoriam; accedensque Chaudosius  
Guesclinum excipit se dedentem, simulque  
victi cæteri se in fugam agunt, sequunturque  
victores. Cæsa Blesiensium quinque millia;  
in iisque Britanni Proceres, Rupefortius,  
Riensius, Dinanus, Tornemina, & Pontius;  
capti cum Guesclino Antisiodorensis, Begus  
siue Blaisus Villanius, Raixius, Rohanius, &  
Leo. Victoriam duo potissimùm pepererunt;  
primum, quod Angli Sagittarij, post emissâ  
tela, proiectis arcubus, arreptis securibus, in  
media hostium agmina se abidentes, equis  
crura abscondebant, obtruncabant deiectos  
equites, & lignatorum instar siluam homi-  
num decutiebant: alterum victoriæ momen-  
tum, Hugo Caurelæus, qui turmas ad pu-  
gnandum sepositas, tam aptè & commodè  
immittebat in prælium, tam peritè & fortiter  
erigebat oppressos, vt ad eum maximè pal-  
mæ honor spectauerit. Ita cæsus est Carolus

CARO.  
LVS V.

*Bea-  
manoir*

*Beque,  
de Vil-  
laines.  
Raix,  
de Ro-  
hans, de  
Leon.*

*Caure-  
lé.*

CAROL.  
IVS V.  
Bleis.  
sis san-  
ctitas.

Blesensis, vir summè pius, eaque sanctitudi-  
ne morum, vt Urbanus Pontifex de eo in san-  
ctorum album adscribendo sæpius egerit, (nec  
enim adscriptum satis mihi constat) isque  
per vitæ atque imperij quod ambiebat ia-  
cturam, ad immortalem vitam æternumque  
regnum traductus est. Ioanna coniux, vbi  
mariti fatum edocta est, suoque dolori & af-  
flictæ ambitioni obsequuta est diu, per gene-  
rum Ludouicum Andegauensem Regem ap-  
pellat, oratque suppliciter vt viduæ orpha-  
nisque liberis opituletur. Et Rex ad submit-  
tendam opem propendebat; verum re in con-  
siliū missâ, cum dehortarentur Consiliarij,  
atque affirmarent; *Anglum haud dubiè in  
generi opem venturum, & Anglicum bellum  
è calido cinere surrecturum; nondum Fran-  
cia persanatas plagas grauissimas; herere in  
visceribus prædones, incultos agros, vacua  
oppida; dandum saluti spatium, nec nouo  
bello, eoque difficillimo calamitates primas  
instaurandas: impetrari pacem à Monfortio  
posse; maiori emolumento adiunctum iri ip-  
sum ad Franciam, quàm nouo necessitatis  
vinculo Anglo adstringendum.* Eam in sen-  
tentiam perductus Carolus, Cranensi Ar-  
chiepiscopo Rhemenfi & Bouciquanto Ma-  
rescallo imponit munus adeundi Monfortij;  
eorumque prudentiâ pax conuenit; iis legi-  
bus vt penes Monfortium tota esset Britan-  
nia; Ioanna se omni iure prorsus abdicaret;  
ea consequeretur Pontini Comitatum & Vi-  
cecomitatum Lemouicum; contenderet Mon-  
fortius ad libertatem Ioannæ liberis impe-  
trandam, qui ab Anglo custodiebantur; ipso-  
rumque primogenitus Ioannam Monfortij  
sororem haberet coniugem. Sic pacata pro-  
uincia, restituta concordia; & in appendicem  
Britones duo viri præstantissimi Regi adhæ-  
serunt, Tanneguius Castellus & Oliuerius  
Cliffonius, Oliuerij à Philippo Valesio in-  
terempti

Tanne-  
guy au  
Castel  
Cliffon.

terempti filius ; cui Rex facultates patri raptas donauit ; in eam præcipuè capturam intentus, vt viros eximios vndecumque alliceret, séque communiret eiusmodi propugnaculis. Monfortius Regi ob Britanniam clientem se præstitit : atque postmodum cum Nauarro bellum sopitum est, paxque sancita, curâte Grallio Capitale. Supererántque vni prædones amouendi à Franciâ, ea vt respiraret, ac subleuatâ miseriis conquiesceret ; quam luem Guesclinus in bonum patriæ natus, in Hispaniæ commodum nouo bello traduxit.

CAROLUS V.

III.

Ille à Chaudosio libertati nuper restitutus, promissis in pretium centum librarum millibus, quarum prædem se Rex constituerat, Urbanum Pontificem Auenione inuiserat, eoque inducente suscepit bellum Hispanicum, Henrici gratiâ, quem Petrus Castellæ Rex, idémque immanissimus tortor, persequabatur ad necem. Vterque ex Alphonso XI. natus, vt diuersis natalibus, ita quàm diuersis moribus erant. Petrus ex iusto coniugio natus, quanquam postea suspicio fuit permutatum in cunis, & à Iudæa matre substitutum, regio infante morte prærepto ; sceptro potitus, immanem tyrannidem exercebat in suos, grassans in Proceres, & promiscua Nobilium strage sese contaminans ; inde Crudelis appellationem tristem consequutus. Huic Blanca nupserat, Borbonij Ducis filia Ioannæ Reginæ soror, virgo formæ specie & virtutibus animi per insignis, quæ læuissimo Principi tradita, ab ipsâ nuptiarum celebritate sponso odiosa, & in custodiam postmodum data, tandem eodem venenum præbente vitam amiserat ; summo Hispanorum dolore, quibus feminæ virtus admirationi & amoris erat ; at Mariæ Padiliæ magnâ lætitiâ, quæ prauo amore Regem implicauerat, susceptis ex eo pluribus liberis. Ex publico odio nata Henrico spes, priuatas publicasque inu-

Guesclinus in Hispania.



CAROLVS V.

*Malandrinus.*

rias vlciscendi, & vindicandi paterni solij; nam tametsi ex impare matre Eleonorâ Gufmaniâ natus esset; tamen eximiè à naturâ ad virtutes regias comparatus, erat vulgò acceptus, & si facultas accederet, haud inuitis populis regnum obtineret. Primum ad Petrum Aragoniæ Regem confugerat, dictusque ab eo Comes Transítamaræ, bello fratrem Petrum vexabat: quod cùm lentius promoueretur, adiuerat Vrbanum Pontificem, & fratris inhumanitatem demonstrans per singula Patre sanctissimo ad flagitia perhorrescente, spe & promissis plenus reuerterat; eumque vt in Castellam deduceret, Guesclinus Pontifici fidem addixerat. Quam vt impleret, prudenti consilio statuit Franciam magno incommodo liberare, simulque excutere à Castellâ molestiam summam. In Francia præter Societates illas prædonum, quas ad Lugdunum ceterasque prouincias dixi incumbere, finito bello Britannico nouæ accesserant, maiori numero, robore & crudelitate, quæ Regi ipsi pertimescendæ, impunè per omnia scelera prædabantur; eos populus Malandrinus vocabat, qui se ipsi magnas Societates dicebant. Guesclinus rem apud se statutam Regi proponit, prædonum illam colluuiem in Hispanicum bellum abducere, ac Rege totoque Consilio applaudente, comiteatu ab eorum ducibus impetrato, Belnam inter & Cabilonem in Burgundia vrbes eosdem conuenit: erant præcipui, & superioribus bellis clarissimi, Hugo Caurelæus, Eques viridis, Mathæus Gournæus, Hugo Varennius, Gualterus, Huetus, è nobili orti profapiâ, sed à cunabulis innutriti armis; quibus pax funus, bellum vita & delitiæ forent. Iis vt erat magnæ inter viros fortes auctoritatis, persuadet Hispanicam expeditionem; non quidem mouendam in Hispanos, sed in Saracenos; ostentatâ prædâ ingenti, cuius luce præstinguere-  
tur

tur cupiditas. Deliberatâ profectiōe ducto-  
rum præcipuos Lutetiam ducit ; qui à Rege  
excepti opiparè , donatique præterea ducen-  
tis librarum millibus, mox regressi ad suos,  
terribilem illam prædonum copiam versus  
Hispaniam agunt. Guesclinus summum im-  
perium obtinebat, Andreghenus Marefcallus  
Franciæ deducebat ad limites regni, nomén-  
que dederant plurimi Nobiles, amore gloriæ,  
& studio perdiscendæ militiæ. Vtrùm Ioan-  
nes Borbonius Blancæ frater profectus sit,  
incertum admodum ; mihi non videtur in  
Hispaniam penetrasse. Institutum iter à Bur-  
gundiâ per Occitaniam ; quòd cùm ad Aue-  
nionis muros deduceret, prædonum duces  
à Pontifice stipis nomine pecuniam flagita-  
runt ; quando ipsi in Saracenos irent pugna-  
tum, hostes Christianæ religionis ; deditque  
Pontifex ducenta librarum millia : an spon-  
te, vt quam ocysimè molesti hospites ditio-  
ne sua facefferent ; an vi, vt plures scribunt,  
ambiguum ; sanè haud verisimile est , quod  
iidem affirmant, à Guesclino vim illatam  
Pontifici, cuius impulsu expeditionem susce-  
perat, quique in cæteris pietatem multam ex-  
hibuit. Iam peruentum erat ad fines Fran-  
ciæ , erântque sub signis quadraginta mili-  
tum millia ; quibus tunc belli causam expo-  
nit Guesclinus , atque haud ægrè in senten-  
tiam suam adductos, occurrente Henrico, per  
Aragoniam in Castellam ducit. Quæ conse-  
quuta sunt , bellique sortem variam , Hispa-  
norum est enarrare, quibus maximè hac ex-  
peditione consultum est. Quo modo primùm  
Petrus expulsus sit , Henricusque vectus in  
solum ; vt ad Eduardum Aquitaniæ Ducem  
Petrus confugerit , ipsóque cum exercitu re-  
ducente, victo & capto Guesclino, rursus in  
regnum & scelera sua restitutus sit ; postre-  
mum vt deserente Eduardo, & liberato Gues-  
clino, ab eo victus & profligatus sit Petrus,

Anno  
1366.

— & ab Henrico fratre obtruncatus. Ea sunt  
 CARO. Hispanica scenæ argumenta; nostra nos disti-  
 LVS V. nent, nec sinunt in alieno vagari. Tædet ta-  
 men egregia Guesclini tum capti tum pu-  
 gnantis facinora externis committere, quæ  
 monumentis nostris dignissima sunt; sed su-  
 persunt, tanta est copia, quæ scribamus; &  
 iam Carolus ad Anglicum bellum ducem  
 suum euocat.

## I V.

*Causa  
 belli in  
 Angliæ  
 moti.*

Causæ belli flagrantis frigidus nondum cinere  
 non latent: vnam potissimam arbitror, iniqui-  
 tatem conditionum, quas Breteniaci Francus  
 promiserat; quas cum vi potius quam volun-  
 tate vllâ admisisset, vi cessante interibat quod  
 eas malè compegerat. Carolus in eum finem,  
 postquam Angli Brugis dictâ die non compa-  
 ruerant, ad excipiendum instrumentum quo  
 Franci summum imperium in Aquitaniam  
 abdicabant, contestatus erat per ipsos stare,  
 quò minus ea conditio impleretur; nec postea  
 instrumentum concesserat, quamuis Eduar-  
 dus id vehementer reposceret. Tum ob præ-  
 donum Societates, Anglo sæpe ad sarcienda  
 damna compellato, violatam legem fœderis  
 Francus accusabat. Sic affectis Regibus, pace  
 incertâ & vacillante, duo bellum videbantur  
 differre, momentum occasionis, & miseria  
 Franciæ. Ista dum tempore & curâ Principis  
 subleuatur, occasio citius quàm Rex cuperet  
 data est. Eduardus Princeps Valliæ, post Bre-  
 teniacam pacem, donatus erat à patre Aquita-  
 nianâ, Gallicisque prouinciis, séque Burde-  
 galam cum vxore & liberis contulerat, Au-  
 lûmque instruxerat, vt magnanimus erat at-  
 que magnificus, quæ non saperet Principem,  
 sed potentissimum atque opulentissimum Re-  
 gem: nam præter sublimem animi indolem,  
 tot partæ victoriæ exaggerabant superbiam,  
 vt quos armis vicisset, eos & sumptu vince-  
 ret. Eam ob rem plurima cum exigeret ve-  
 stigalia, vno tandem Vascones penitus à se  
 ab

abalienauit. Regressus ab Hispanicâ expeditione, quod Petrus auri penuriâ stipem militi non suffecisset, imponit vectigal ingens in Aquitanix prouincias, quo familiæ singulæ nummum dimidium penderent. Cæteris prouinciis assentientibus, vni Vascones, gens Garunnam inter atque Pyrenæos, assueta libertati, & vectigalium plerumque immunis; primùm morâ ad deliberandum petitâ, dein Proceribus instigantibus cunctatione abruptâ, denegant tributum, & palam defectionem adornant. E Proceribus, quibus odiosum erat Anglorum imperium, Albretius, Armaniacus, Petrocorius, Conuena, & Carmanius Comites, suscitabant flammam; moxque auctores sunt, vt Vascones Regem Franciæ appellent, ceu supremum Aquitanix Dominum, ob iniurias sibi ab Duce illatas. Eo constituto Lutetiam veniunt, Regique supplicat, vt admissâ appellatione, quæ ab Eduardo Principe gesta essent, ea rescinderet atque abrogaret. Se ab Ioanne Anglis tradi haud potuisse; vtrò maiores concessisse in Caroli magni potestatem, câ lege vt à Franciâ nunquam abscederent; in præsentia nullo gentis consensu Anglum admissum; se penitus coaluisse in Franciæ corpus, & ab eo abscindi sinẽ assensu suo nequiuisset; postremò minabantur, si excluderentur à Francia, appellaturos se Regem Aragoniæ, nec amplius tyrannidem Angli perpassuros. Gratissima Carolo ea legatio fuit. Sed quoniàm admissâ appellatione bellum ingruerat, adhuc imparato nec ad rem tantam satis communito, Comites dum amplius deliberatur benignè acceptos, Parisiis suo sumptu aiiit, spe auctos promissisque egregiis. Intendit latitiam Caroli Delphini ortus; quamuis sub belli consilia genitus, eo demùm, magno suo malo vexatus est. Rex interea Proceres conuocat, iisque assentienti-

CAROL.  
LYS V.

Vascones ab  
Anglo  
defi-  
cimus.

Contes  
de Perin-  
gueux,  
de Com-  
minges,  
& de  
Cay-  
main.

Anno  
1368.

**CHARO-**  
**LVS V.**

*Appa-*  
*ratus*  
*ad bel-*  
*lum.*

bus admissa est Vasconum prouocatio, scriptumque ea de re instrumentum, quod à singulis Rex subscribi voluit: tum ad pecuniam obtinendam indicta Comitia; quæ oblata liberaliter. Rex iis prouisis, antequam apertum bellum prorumperet, res instruebat sagaciter. Clam Abbauillam & Pontini Comitatus oppida conciliat, ut indicto bello Anglum eiiciant; fœdus instaurat cum Castellæ & Scotiæ Regibus; Germaniæ Principes sibi adiungit quamplurimos, Margaritam Ludouici Flandrensis filiam, vnicam atque heredem, Philippo fratri uxorem impetrat, quam Eduardo Eduardi filio antè desponsam; Societates prædonum promissis expugnat; Nauarro urbem Monspelium tradit, connitens sollicitè sibi ut vnus hostis Anglus superforet. Ac iuuabat propositum, quod clarissimi obsidum, libertatem pecuniâ pacti, in Franciam venerant, Duces Arelianensis atque Borbonius, & Guido Blesensis, præterea frater Biturigum Dux & Alenfonius dimissi erant, ut conficerent pretium. Postremò ad implorandam opem diuinam conuersus, preces toto regno, sacrificia & supplicationes instituit, præit exemplo cæteris religione atque pietate, frequens in supplicationibus cum Regina, nudis vterque pedibus, munus imponit oratoribus sacris inflammandi populum ad necessarium bellum, doceant iustissimè susceptum à Rege, belli iusti spem præclaram esse; Anglos violatores iurati fœderis, plectendos haud dubiè à Deo periurij vindice. Et ij strenuè functi sunt munere, religione validissimo ad populum zelo: ac memoratur Archiepiscopus Tolosanus qui Occitaniam opera Concionatorum continuit, peragrânsque Aquitaniæ limites, vnis Religiosis sub signa euocatis, atque vnâ sermonis tubâ pugnantibus, urbem Cadurcum & plurima oppida Regi adiunxit. Ita

Rex postquam omnia comparauit sedulo, in Parlamenti Curiâ Vasconum prouocationem admisit, legauitque qui eam Eduardo Burdegala significarent, Pelotum Iudicem Tolosanum, & Caponellum Equitem, diemque dicerent, ut se Regi supremo Domino sisteret. Ad quas voces respondit indignans, se iturum Parisios, sed indutum galeâ, & stipatum sexaginta hominum millibus. Missus postea in Angliam non facialis, sed Regis famulus, qui Eduardo Regi bellum denuntiaret; eodemque tempore, ut erat constitutum, Abbauillæ ac Pontiuenses, eiectione presidio Anglico, Francum admittunt; Comitibus Sanpaulo & Castilionio ciuium animos conciliantibus.

Belli obnuntiatio non improvisa Eduardo fuit; sed inexpectata Abbauillæ & Pontiu defectio; collectumque rem cum temerariis Francis non amplius fore; sed cum iis quos prudens calliditas iam armaret: ideo ab Eduardo conuocata Comitum, & ad bellum gerendum curæ adhibita. Verum ut noua bellandi ratio repente extitit, & noui Imperatores, ita noua propemodum fata. Eduardus pater tot ærumnis fractus se Insulâ suâ continebat; filius ab expeditione Hispanicâ morbo contracto, in hydropem vergente, corporis malo vigorem animi relaxabat; quamobrem pater alterum filium Cambrigie Comitum in Aquitaniam miserat. Et quidem Chaudosius clarissimus ducum, victorque perpetuus, Vasconiam premebat, urbesque singulas impugnabat; verum paucis captis, repulsus à pluribus, cum ad Pictones arma conuertisset, in leui & fortuito pralio casus est; adeo incerti sunt exitus Martis: nec securitatem vlla vnquam gloria vel facinora præstant. Interea Rex Cambrigie Comiti in Andibus grassanti fratrem Andegauensem obiecerat, Burgundum Lencastrio Caletum

V.  
*Bellum cum Anglo.*

Anno  
1369.

— cum exercitu aduenienti. Sed vtroque  
 CARO. ostentatum bellum non gestum, Francis pu-  
 LVS V. gnâ abstinentibus, Anglis se in sua oppida  
 recipientibus. At per eas moras Carolus  
 Guesclinum exciuerat ab Hispaniâ, hyémis-  
 que effluxerat; cùm Andegauensis & Bituri-  
 gum Dux gemino exercitu in Aquitaniam  
 penetrant; eo consilio vt ad Enculismam  
 iungerent copias, & Eduardum morbo vexa-  
 tum, qui in eam urbem secesserat, simul ob-  
 siderent. Guesclinus se Andegauensi adiun-  
 xit, benefactori suo, & ob militarem indo-  
 lem chariori; vrbesque nullo negotio & in  
 viâ pergens plurimas cepit, Moissacum, Agin-  
 num, Tonnesium munitum & populosum mu-  
 nicipium, & quarto die Aquilonium, inexpu-  
 gnabilem Ioannis contumaciæ arcem; adeo  
 in Imperatore stat bellum, vnûmque caput  
 pro machinis & munimentis est. Inde copias  
 soluit Andegauensis, reuocatûsque Lutetiam  
 Guesclinus, dum iter per Lemouices habet,  
 urbem Lemouicum quam Biturigum Dux  
 obsidebat; ad fœdus perduxit, ciues atque  
 Episcopum alloquutus, Francosque intra mu-  
 ros constituit; nam in eo mens æquè prom-  
 pta ac manus, & sæpe quiescente ferro lin-  
 guam armabat. Tunc admodum properabat,  
 & erat in Picardia, quod cum præsentem ex-  
 peteret. Robertus Knolus, dux bello præcla-  
 rus, ab Anglia transportato exercitu, Bono-  
 niensem agrum, Artesiam, & Picardiam vre-  
 bat impune, & ad Parisios vetante nullo ad-  
 motus, prædis atque incendiis grassabatur.  
 Quippe Carolus in proposito constans, absti-  
 nere pugnâ, hostemque morâ & cunctatione  
 conficere, capitali poenâ vetuerat, ne quis ex-  
 tra urbium portas prorumperet; aquis tor-  
 rentibus campos expastos obiectans, non ag-  
 geres; imò cum fumantia villarum incendia  
 Parisienses ipsi commonstrarent, immotus  
 respondit; *Angli fumum dumtaxat exci-*  
*tant,*

*tant, at is citò euanesceat.* Præstolabatur ducem cui militem atque arma committeret; isque mox aduenit arcessitus Guesclinus, & illicò Comestabilis dictus est, Moræo Fienno spontè abdicante ob graue senium, & proficiente regni Ensem, fortiorem suâ dextram appetere. Ac memoranda Guesclini modestia, qui recusatâ dignitate excusabat inscitiam, sed à Rege iussus hanc demùm admittit; vnum Regi supplicans, vt quando tam celsò in apice omnium procerum pateret inuidiæ, ne quid de se Rex delatoribus cederet, donec ipsum audiret; Rexque affirmauit, alienari se ab virtute tam cognitâ nunquam posse: mox huic copias dat, quibus exercitum Anglum retunderet. Nec fefellit Regem viri virtus; nam Knollium Guesclinus ad Pictones accedentem, vt Anglis principibus sese coniungeret, per eadem hospitia sequebatur; nec se pugnæ committens, venabatur pugnandi opportunitatem. Ea se in Cænomanis obtulit, cùm Anglus spretâ Guesclini patientiâ, quam timiditatem interpretabatur, latius atque securiùs positis castris, quietem caperet; primo mane metatos longiùs Guesclinus excipit; cæditque ostingentos. Exin reliquum exercitum ita vexauit, carpendo, incurrendo, cibos detrahendo, vt paucis diebus instar niuis effluerit, Knollio reliquias agrè in Britanniam deducente. Dum is arte pugnat; Eduardus iracundiam in Lemouicum urbem effundit: nam excandescens quod ea vrbs, munita admodùm, Francos voluntate suâ excepisset, excitis fratrum copiis, urbem inuadit, vîmque omnem admouens, postquam ducto cuniculo pars muri euersa est, per cius labem irrumpit, permissâque urbem furori militum, prædâ, cæde atque incendio perdit: cæsa ciuium quatuor millia, feminis atque infantibus haud vsquam parcitum; vni Episcopo agrè indultum est; nihilque præ-

CAROLVS V.  
Guesclinus  
Comestabilis.

Lemouicum  
captum  
& euer-  
sum.



CARO.  
LVS V.

termiffum, quo intenderetur vrbis calamitas. Hæc poftrema Eduardi prouincia ; nam in momenta morbus inualefcens , exhauriẽsque artem medicorum, adegit principem Angliam petere ; fi forte natiuo cœlo afflicta vires reftituerentur. Simul morbo Londini raptus Gualterius Maunys celeberrimus bello dux ; vt iam deficere fortuna Anglica, imò fortitudo fortunæ domina videretur. Nec rem erexit , quod Lancaſtrius Petri crudelis filiam natu maximam vxorem duxit ; ſpe Regni Caſtellæ in dotem allatâ ; quippe Henricus Caſtellæ Rex in nouum hoſtem vt ſe communiret , arctius fœdus cum Francis pepigit, omneſque vires in opem intendit, gnarus in Franci victoriâ ſecuritatem ſuam collocatam , nec ſe Anglo incolumi ſtare poſſe.

VI.  
*Angli  
nauali  
prælio  
ab Hiſ-  
panis  
victi.*

*D' An-  
gle.*

Haſtenus bellum lentè & per gradus inceſſerat , ceu deliberante fortunâ in vtram partem conuerteret ſe ; mox verſus Franciam curſu inueſta eſt, ac Eduardum deſeruit ; neminem vnquam mortalium conſtanter amplexa, abceſſitque eodem gradu quo antè acceſſerat, nauali prælio. Poſtquam Eduardus iunior in Angliam venit , fraterque Lancaſtrius cum nouâ coniuge pariter in eam ſoluit, Aquitania in Præfectos plures diuiſa, patebat Franco inuadenti , atque oppida plurima expugnanti. Huic malo Eduardus vt mederetur , Comitem Pembrotium generum ſuum deſignauit in eam cum imperio mittere , ſimulque claſſem inſtructam quam Guichardus Anglius deduceret, vir bello præclarus, reiſque nauticæ peritiſſimus. Gnarus huius conſilij Carolus , nam in Eduardi arcana ſagacitate maximâ penetrabat, claſſem quam ab Hiſpano Rege acceperat , conſtatam ex magnis nauibus quadraginta , deſtinauit ad Anglicam repellendam , iuſſitque in anchoris ad Rupellam ſtare. Huic Præfectus Bucca-  
nigra

nigra erat, Hispanus vir, felici audaciâ, naua-  
libusque præliis illustris. Is cùm primùm An-  
glica classis spectata est, secundo venti flatu  
intercepto, improuisus in hostiles naues in-  
uadit. Teli iactum repente occupat, propiùs-  
que accedens, longurios ferreos, globos, &  
quadra, inductisque machinis Saxa ingentia,  
tanto impetu, tàmque spisso infundit, vt ru-  
ptis armamentis, malis fractis, obrutis tabu-  
latis, armis, armatisque perfossis, vim resi-  
stendi Anglo excusserit. Nec hosti proderat  
vnco naues affigere; nam præcellsa Hispano-  
rum nauigia natantium instar scopulorum  
vesta in Anglica, ea demergebant partim,  
partim, diffringebant; ita in noctem pugna  
protracta est. Prima luce cùm elabi Angli non  
possent, nec Rupellensibus persuaderent, vt  
sua ad instaurandum prælium subirent nauig-  
ia, fortiter renouant dimicationem, qua ta-  
men victi penitus & profligati; cæsi omnes  
aut capti; captus ipse Pembrocus, vnus in  
suâ nauî pugne superstes; octo millia mili-  
tum capta, & cum nauibus ad Castellæ Regem  
deducta. Ea clarus victoriâ Carolus ad subi-  
gendos Pictones animum appulit, & quando  
Rupella totius Regionis caput esset, & pro-  
pugnaculum, ad eam se adiicit, auocatque  
Yuanum Valliæ Principem, iussu ad Castel-  
lam ire, & nouam classem diligenter instrue-  
re. Erat Yuanus Aimonis filius, Valliæ Princi-  
pis, ab Eduardo ditione pulsus, patre ab eo-  
dem per ambitionem interempto, profugus-  
que in Franciam, atque ab Rege; pecuniâ,  
milite, & exiguâ classe donatus, benefactori  
gratus, simul vindictam in infensissimum ho-  
stem exerebat. Ista dum mari patrantur felici-  
ter, Guesclinus Comestabilis haudquaquam  
cessabat, post Lemouices & Rutenos Regi  
adiunctos, dum incumbit Pictonibus, vt con-  
siliu Regis promoueret, à Pictauiensibus  
appellatur, oblatâ spe occupandæ Urbis, si  
appto

approperaret. Decursis intra vnum diem ac noctem leucis triginta, cum selectis turmis primo mane adstat ad portas, admissusque ab appellantis, urbem magnâ lætitiâ occupat. Quæ multum est aucta, cum post horam Capitalis Buschius ad muros spectatus est, ab ciuibus pariter qui fauebant Anglo excitus, sed illi frustrâ celeritas fuit, anteuertente Guesclino, & cursus præmium occupante. Capto Pictauio plurimæ in Pictonibus vrbes Franco adhæserunt: Subisium oppidum vtrique partium cladis & triumphî materia fuit. Id impugnabant à Guesclino missi Pontij duo, quorum alter Brito; Picto alter; virgebantque plurimum; cùm Grallius Capitalis ad opem aduolat, & nocte concubiâ in obsidentium castra inuectus, militem cædit, capit, disiecit; ipsosque Pontios in vincula agit. Yuanus quem dixi Valliæ principem, iam ab Castella, cum instructa classe reuerterat, auditâque obsidione Subisij, non dubitauit quin ad opem Capitalis accederet. Ergo siue militari peritiâ rem suspicatus, siue à speculatore admonitus, eadem nocte qua Capitalis prorumpit, ipse quadringentos educit equites, Carentonum amnem cimbis transmittit, prælatisque facibus, quas magno numero lixæ accenderant, repentinus Capitem aggreditur; utque victores in prædando fusi & palantes erant, haud ægrè vincuntur; capti Pontij recipiuntur, & ipse Capitalis vicem suam passus à captiuis suis abducitur. Ex belli sunt vices, quo nec ipsum pelagus mutabilius est. Tanti viri captiuitas molestissima Eduardo fuit; eo enim res Anglica iis in prouinciis nitebatur, obtulitque ad redimendum, captiuos & uatuor etiam principes; sed Carolus vizum liberari nequiquam passus est, à quo vno metuebat, laudabilisque fortissimi viri in Principem fides, qui postquam nullis Caroli conditionibus ab Anglo abstractus est,

est, quinquennio custodia maceratus, tandem tædio captiuitatis emisit animum; æquè gloriose & fortiter, ac si confossus vulneribus in patrandâ victoriâ cecidisset. Continuò vrbes Pictonum & Santonum, præter Rupellam atque Touartium in potestate Franci concesserunt.

Rupellæ Yuanus Vallius imminebat. Ille celeriter ab Henrico Rege impetratâ classe, mari vectus naues Hispanicas quatuordecim & triremes octo, pluribus adiunctis nauigiis, Præfecto Rodericio Rufo, ad Rupellæ oram aduocauerat. Insidebat ostium, quo mare arctiori alueo in portum peruadit, missisque anchoris, occludebat obsessis exitum. Rupellensibus prona erat voluntas Franci admittendi, sed erecta arx intra urbem ipsam, Anglicumque præsidium, intercedebant tacitis votis. Attamen ut cupientibus nihil arduum est, Ioannes Chandorerius Urbis consul primarius, dolo militari in arcem penetrat, Anglicum præsidium capit, & vetante nemine Francum appellat; Porro dolus eiusmodi fuit. Centum dumtaxat Angli arcem obtinebant Præfecto Philippo Mancello, viro quidem forti, sed feroce, & literaturæ omnis experte. Eum vocat Consul ad prandium, simulque optimates urbis, consilij sui participes; exceptoque oppiparè, diploma exhibet ab Eduardo profectum, quo tam ciues quam præsidarij milites, iuebantur lustratione publicâ recenferi; erat diploma munitum sigillo regio, quod Mancellus agnouit, at cum legendi imperitus esset, non aduertit fraudem, idque mandatum haud inscriptum litteris, sed fictum à Consule ad dolum texendum. Ergo postero die suos ex arce educit, præter duodecim, ciuesque omnes Consul aliisque consocij instruunt armis; nec iis arduum fuit, Anglos & Præfectum capere, ipsamque arcem inuadere; capii incolumes dimittuntur Burdegalam,

VII.

*Rupella  
capta.*

CARO  
LVS V.

*Touar-*  
*tium*  
*captum*

degalam; ciuēsque liberi paciscuntur deditionem cum Franco, honestā conditione, vt arx euerteretur, ciuitasque in posterum, nullo fœdere tradi extraneo; aut à Franciæ corpore auelli posset; quam eximiam fidem eorum posterī longā perduellione fœdabunt. Ex quibus miror, venisse Anglis in mentem scribere, curā atque industriā Lancastrij; seruata Rupellam, nec in Francorum manus peruenisse, ipso factō arguente mendacium, & in cæteris scribentium fidem eleuante. Sed diu est quod ferri furor peruadit in calamos, vt stilum exerant, qui ensē nequeunt; magno Historiæ & fidei publicæ detrimento. Guesclinus Rupellā deditā, Benonum Castrum expugnat: cuius Præfectus in odium Rupellensium postquam Anglum expulerant, sex adolescentes ex popularibus eorum suisque præfidiariis, auribus naribūque truncatos, Rupellam miserat. Atque is vim repellēbat strenuē, donec fossā æquatā Franci ad murum admoti, eum scutis protecti eruerunt ligonibus, & per apertam labem irrumpentes, Præfectum & milites in crudelitatis pœnam obtruncarunt. Tum vires omnes in Touartium conuersæ. Eam in urbem Vicecomes cum primā Pictonum nobilitate, Anglicisque præfidiis defensurus patrimonium sese receperat, eratque spes auxilij ab Angliā submittendi; verū ita machinis muros & munimenta quassabat Guesclinus, vt obsessi deditionem pepigerint, intrā tres proximos menses, nisi eo tempore Eduardus aut vnus filiorum cum exercitu regio opem urbi inferret. Eo fœdere haud dubia pugna indicebatur: nam erat spatium ad copias vndique contrahendas, ac tametsi Carolus ab eiusmodi præliis abhorreret, tamen postquam Comestabili bellum permiserat, idē eius felicitati atque prudentiæ relinquebat. Nec Eduardus in parando prælio segnior, qui collecto ex vniuersā Angliā

Angliâ milite, cum filio Eduardo ostingentis nauibus Dubri soluit ; professus se ire vt perdita reciperet, aut relicta perderet. Verùm & in eo sortem aduersam expertus est , ventis obstinatè resstantibus , & appulsum in Franciam prohibentibus ; vt plurimos dies ad Normanniâ, Britanniaque oras classem iactatam, soloque semper interdictam, tandem in Angliam suam reduxerit ; elementis infensis, quibus diu ita propitiis utebatur ; adeò vitæ nostræ vel exigua breuitas ingentibus conuersionibus patet ; dixitque in reditu, nullum Regem minùs arma induisse quàm Carolum , nec vllum sibi facessiuisse plus negotij atque ærumnarum. Nempe eâ procellâ atrocissimam pugnam auerterat Deus , qui Christiano parcebat sanguini ; nam condictâ die, tres Regis fratres, Comestabilis, cunctique principes, cum sexaginta hominum milibus, instruxerant aciem , hostem operientes ; quo non comparente , Touartium nobilisque Pictones Franco addicti sunt. Chiraxum supererat validissimum castrum , quod obsidio Guesclinus cinxerat, vrgebátque summo perè Touartio reddito ; cùm è proximis vrbibus Angli Præsidiarij ad liberandam arcem conueniunt , & Guesclinum aggrediuntur ; ille primùm se intra aggeres suos continuit ; nec dubius quin eodem tempore ciuis è castro erumperet, cohortes lectas in insidiis collocat, quæ ciuem, vt collegerat, erumpentem interceptum à tergo conficerent haud ægrè ; tum ipse ex aggeribus prodiens , Anglos aggressus est , perculitque tam fortiter, vt nullo incolumi cæsi omnes aut capti sint. Hoc facinore subacti Pictones & ex singulis oppidis vi Angli aut sponte deiectioni. Ioanni Biturigum Duci dati à Rege Pictones ; iam lætitiâ in Franciam reuocatâ , & miseriarum sensum abstergente.

*Chirax.*

Mox à Pictonibus in Britanniam bellum traductum

VIII.

CARO.  
LVS V.

*Britan  
nia  
Dux  
pulsus.*

traductum est. Ioannes Monfortius Britan-  
niæ Dux, Eduardo socero, præter affinitatem,  
sponte & gratâ beneficiorum memoriâ addi-  
ctissimus, Franci successus ferebat impatien-  
tius, sæpè tentauerat bellum persuadere Bri-  
tonibus; se Anglo fortunam, atque imper-  
rium debere, participandam cum eo calami-  
tatem, cuius prosperitate modo felix esset;  
ingrati animi fore, pro beneficiis obliuio-  
nem opponere. At surdis clamabat; nam Pro-  
ceres cuncti, vel censu annuo à Rege dona-  
ti, vel tranquillam pacem bello præoptantes,  
excusabant, pacta cum Rege fœdera, nec vllâ  
causâ passuros se vt violarentur. Monfortius  
vt vi perficeret, quod vetabatur consilio, An-  
glos euocat, plurimos præsidij loco in vrbi-  
bus atque arcibus locat, iisque nititur Pro-  
cerum potentiam atque auctoritatem conuel-  
lere. Verùm isti palàm rebellantes, in An-  
glos irrumpunt, pellunt, atque obtruncant;  
ad Regem vt ad supremum Dominum quere-  
las deferunt, Ducemque accusant, quod  
Franciæ hostem in ditionem suam euocasset.  
Eam ob rem dies Monfortio dicta; moxque  
imperatum vt ab Anglo deficiat, Regique  
Franciæ Domino suo pugnatum veniat. Cum  
is cunctaretur, iubetur Comestabilis in Bri-  
tanniam irrumpere, & prouinciam reo Duci  
detrahere. Nec mora; tota Britannia in ve-  
nientis potestatem tradita; ac præter Brestum  
arcem, & Auræū urbem, cætera omnia nullo  
sanguine obtenta. Monfortius ad flagitanda  
auxilia in Angliam fugit, ac ea Eduardus va-  
lidissima comparabat. Quippe Comitem Sa-  
lisberiensem cum octoginta nauibus in Bri-  
tanniam mittit; simulque ad Francum à Bri-  
tanniâ auertendum Lancastrium cum eo  
quem instruxerat antè exercitu Caletum de-  
stinat. Primus Salisberienensis Brestum appel-  
litur, & in arcem admissus, quam tenebat  
præsidium Anglicum, urbem inferiorem, quia  
Francum

Francum exceperat, ferro vastat & flammis. Comeftabilis qui in Infulam Gersæam transfugerat, ad eam cladem reuocatus, Britanniam repetit, Angliſque imminens, caſtris reſtos premit. Cum repente à Rege arceſſitur, Lancaſtrio cum Monfortio quadraginta hominum millia deducente, & terrorem quoquò ſe verteret inferente. Erat illi animus rem pugnae committere, & fortunam Angliæ ſuſcitare; ſed cum Gueſclinus nuſquam copiam faceret, torrentis inſtar per vaſtatos campos effluxit. Nam inundans in Arteſiâ primùm, mox in Veromanduos, inuaſit Campaniam, tum Burgundiam impetens, vnòque tractu Bellijocenſes & Forſienſes corripuens; mox pertransiſit Aruernis & Lemouicibus, tandem Burdegala ſeu Oceani ſinu exceptus eſt. Hærebat aſſiduus Comeſtabilis; modò latera modo terga carpens, detrahebat cibaria, viæ diuortia prohibebat, erectiſque hinc inde molibus, furentibuſque vndis conſtrictis aluco; amoliebatur peſtem ab urbibus. Ita tantus exercitus viam quidem ſignauit ruinis atque incendiis, ſed nullâ urbium captâ, nullâ arce, imminutus potiſſimâ ſui parte, cum hominum ſex duntaxat millia ſupereſſent, ceu duriffimâ procellâ iactatus, naufragium tandem in portum intulit; adeò ſine ferro proſtigantur bella, & plerumque efficaciffima pugna eſt, abſtinere pugna. Diſcuſſa eiufmodi tempeſtate in ipſam Aquitaniam Rex peruaſit, miſſuſque in ſuperiorem Vaſconiam Dux Andegauenſis cum Comeſtabile, & quindecim peditum millibus, partim ſpontaneas deditiones excepit, partim armis obnitentes confecit. Sponte conceſſerunt, Condomum, Sammacarius, Monſinarſanus, aliæque vrbes. Viadactus eſt Comes Fuxienſis, qui Andegauenſem conuenit, ac Bearnium cæterâſque ditiones clientelæ Caroli ſubdidit. Interea Gregorio X I. Pontifice



ce qui Urbano successerat contendente, pactæ  
 CARO induciæ aliquantisper arma continebant, dum  
 LVS V. vtrinque viri illustres Brugas conueniunt, ad  
 Anno pacem duos inter Reges conciliandam. Ve-  
 1374. rum is erat animorum ardor, cum hinc

Caro-  
 lus V.

De  
 Cency.

Eduar-  
 di mors  
 filij &  
 patriæ

IX.

Eduardus tot victoriarum fructu orbari, iac-  
 turam & grauissimam quidem existimaret;  
 illinc Carolus reducem prosperitatem sine  
 fructu omittere, stoliditatem putaret; vt à bel-  
 lo amoueri nequiuerint; cardine contentio-  
 nis circa imperium vertente, quod summum  
 Carolus in concessas vrbes vindicabat, Eduar-  
 dus prorsus abnuebat, indignans se subiici ei,  
 quem toties profligasset. Induciæ tamen in  
 biennium proximum prorogata, quo tempo-  
 re Coucyus vacuas militum legiones in Ger-  
 maniam duxit, Austriam inuasurus, sibi heredi-  
 tate materna quæsitam; at iuri arma exti-  
 tere imparia; penuriâ & locorum difficul-  
 tibus exercitus, sponte solutus est, spēsque  
 expeditionis euanuit. Et per easdem indu-  
 cias acerbissimam cladem Anglia passa est, in  
 Principum fato. Primus morbo hydrope as-  
 sumptus est, Eduardus filius, Aquitaniæ Dux,  
 clarissimus in Europâ victor, & Franciæ trium-  
 phator perpetuus; virtutes eximias vno su-  
 perbiæ nauo dispungens. Nec superfuit diu  
 pater Eduardus, aliquot post menses morte  
 subita correptus; magnus haud dubiè, dignus-  
 que quem Anglia cum præclarissimis Impera-  
 torum componat; vitæ media felicissima na-  
 ctus, dura exordium exitumque; vnus morta-  
 lium quibus vita longior miseræ fuit; felices,  
 si vitam felicitatis fundum contraxissent. Suc-  
 cessorem dixit Ricardum Burdegala natum  
 ex Eduardo filio, vndecim annorum puerum;  
 patruo Lancastrio Regnum gubernante, Re-  
 gem Guiscardo Anglico, Veterano Duce,  
 prudentiâ claro.

Post elapsas inducias, magno animo bel-  
 lum

lum in Anglos instaurat Carolus ; sublato, Eduardo , prona omnia & secunda votis videbantur. Classiem ingentem quam adornauerat, Ioanni Viennio Admiralio tradit ; adiunctisque Hispanis nauibus , iubet oram Angliæ legere, & vastare ; Quod egregiè præstitum, capto Plimontio, & orâ illa quæ Franciam spectat, direptâ impunè atque incensâ. Tum ad Ardras admotus exercitus ; (nam sic Ardeam appello ; ) quarum præsidium toti Picardiæ atque Artesiæ molestissimum erat. Copiarum Dux Philippus Burgundus , qui vexatam urbem saxorum grandine immisâ machinis, nec satis pro momento munitam, adegit breui ad deditionem , & viam Calentibus arctiorem effecit, qua in Franciam ibant. Inde belli moles in Aquitaniam versa. Hanc pro rege Angliæ obtinebat Thomas Felletonius milite parum instructus , quod Anglia in Lancastrium iam turbas coquebat, & nuper odium nobilium graue contraxerat, nece Aimonis Pommerij , suæ genti charissimi, quem palam capite truncauerat , suspectum super amicitia Franciæ. Dux Andegauensis & Comestabilis ducto exercitu , in quem conuenerant Proceres , Coucyus Sancerre, Armaniacus, Albretus, & Yuanus Valliæ, singuli cum equestribus turmis ; Bergeracum obuallant. Ea vrbs ad Duranium munitissima, Burdegalensis regionis clauis, cuius beneficio in Aquitaniam clauderetur aditus ac pateret. Felletonius vt obsessis opitularetur, exigua spe Anglici subsidij , Vascones appellat , quorum aliquot fidi adhuc perstiterant ; ij Mucidantius , Rosemius , Durassius, & Langoiranus , nam Dominum Elparæ in Angliam miserat ; eorum ope trecentis lanceariis congregatis, Yureti supra Regulam hæret, atque ad insidias pugnæ impotens versus, obsidentibus magna incommoda inferebat. Erat Regulæ machina bellica quam

Porcam

CAROLVS V.  
*Bellum instauratum.*  
ANNO 1377.

*Felleton.*

*De Pommeris.*

*Bergerac.*

Porcam appellabant; ea ex ingentibus tignis compacta, quæ faciliè inferi, & dissolui possent, centum armatos capiebat, quos per rotulas ad hostilem murum admota, arcanis-que machinulis supra pinnas erecta, hosti propugnanti obiciebat; iniquitate loci superatâ, & marte quasi ex nubibus prorumpente. Missi Regulam trecenti lancearij qui machinam ad castra deferrent, & reditum Felletonius operiebatur, vt machinam simul & perductores diriperet. At fortè contigit, vt ducenti Lancearij in aliam rem à Comestabile missi, incompetis insidiis se ad trecentos adiunxerint; ita conferto in reditu prælio Validiores Franci vicerunt Vascones; capti Felletonius, & ij quatuor quos dixi Proceres; ac postmodum Bergeracum dedicationem paciscitur. Ita Rex Carolus victorias propagabat foris, dum intus vitæ grauissimum discrimen subiit. Rex Nauarræ aliquot ante annis pacem Vernoni iurauerat, & sæpe in perfidiâ deprehensus, vt fidem faceret, liberos duos in obsides dederat. Nihil hætenus in fœdus peccauerat, cum repentè execrabili flagitio coalitam pacem diuellit. Prosperitati Regis insensissimus, quam in dies stabiliri inspiceret, inuidiâ odium primum & naturæ peruersitatem vehementius inflammante, veneno tollere Regem aggreditur. Id vt perficiat, duos è domesticis donis illectos, in nefas immittit, persuadētque vt missi ad Regem specie famulandi liberis suis, qui obsides in Franciâ erant, Regi toxicum præberent; eorum alter Sacerdos, alter nobilis; de industriâ lecti, vt dignitas originis & conditionis suspicionem omnem amoueret. Ij in consilio deprehensi, & equuleo torti, fatentur parricidium, authorem accusant, ac testantur Nauarri in Regem odium nullo vnquam pacto mitigari aut restingui posse. Pœnis rei affecti, & in Nauarrum bellum exemplo

plò tergeminum motum. Comestabili assignata Normannia, Monspelim Duci Andegauensi, Nauarra ipsa Henrico Castellæ Regi. Et quidem Comestabilis Ebroicensem Comitatum inuadit fœliciter, vrbes omnes expugnat; præter Ebroicas, quas postmodum Coucyus capit, Nauarrumque tota regione victor deturbat. Similiter Andegauensis Monspelim occupat, & ditionem vrbi adiectam, & depulsi Nauarri Magistratibus, vexillum Franciæ erigit. Verùm aliquantò post cùm à ciuibus pecuniam grandem exigeret, ij seditione commotâ, à Nauarris forsan inflammatti, Magistratus à Duce constitutos obtruncant, ipsius Cancellarium, & Amanuensem, Præfectum vrbis, aliósque Regiarum partium octoginta, eorùmque cadauera in puteos proiiciunt. Andegauensis alioquin ferocioris iræ, atque impotentis, tunc ad dirum facinus excandescens, reducto exercitu urbem serò pœnitentem ingreditur, dignumque pro flagitio meditatur supplicium; miserabilium spectaculo nusquam emollitus, (nam Consules recte de collo pendente clauis afferebant, fœminæ & pueri lugubri habitu, ac voce supplici misericordiam inclamabant) iubet singulos in palatium suum arma deferre. Id ubi est præstitum, imperat se in foro sistant, in quo theatrum erigitur, milesque dispositus, turbam ciuium!accedentem, & terribili mortis facie trepidantem, ne quis effugiat circumambit, mox in theatrum Dux scandit, dixitque sententiam, qua vrbs Monspelim omnibus ornamentis & priuilegiis spoliatur, in aureorum centum & viginti millia, & stipendia militum damnatur, muri turres & portæ maiores euertuntur; sexcenti è ciuibus trucidantur, ducenti capite, toridem suspendio, ignibus cæteri; omnium bona dimidia parte fisco addicuntur. Ad damnationem acerbam Cardinalis Luna opponebat preces; is orabat,

CARO.  
LVS V.

*Monspeliy  
pana.*

Anno  
1378.

**CAROLVS V.** bat, Clementis nomine, qui post Gregorij mortem Pontificatu in partes distracto, agebat Auenione; ut si reis minus ignoscere vellet, saltem vno die differret supplicium, breui hac morâ vires nec sibi deperituras, nec reis addendas, eo Pontificis precibus commodaret, ut nocte vna pœnam prolataret. Rem tam leuem non ausus denegare Princeps, reos in posterum diem dimittit, ambiguos an spem tenuem in tempore tanto conciperent. Ipsâ nocte, Principis ira deferbuit, primoque mane pœnam commutauit, indictâ leui pecuniâ, & seditionis capitibus in mortem raptis, vrbi cæteræ indulgit. Ita generosis animis ira tempestas est, quam si mora excutiat, serenitas redit; gaudetque animus indemnus aliis, sibi restitui.

**X.** Interim in Nauarra graue bellum exoriebatur. Henricus Castellæ Rex ab Franco impulsus bellum indicit; nec causâ deerat; quod Nauarrus ex superiori fœdere pecuniam pactus, Hispano adulteratam dederat, pro indole fraudulentâ, & nunquam non fallente, etiam per ipsam pacem & candoris commercium. Ille Petrum Mauricum Lugronij Præfectum inuitabat pretio, ut arcem proderet, finxitque permittente Henrico Martinus, ut Nauarrum se dantem in retia tandem apprehenderet; sed cum is mœnibus abstinuisset, cæsi quos immiserat equites, ipse fugâ elabatur; tunc promotum bellum; & Ioannes Henrici filius Pompelonem cum exercitu venit, Guardiâ, Vcanâque arcibus captis. Illicò obsidio Pompeloni admota, quæ protracta longius bellum extinxit. Nam Nauarrus profectus Burdegalam, obtentisque subsidiis urbem communiuit; præterea Henricus Rex vitam amittit, reuocatusque Ioannes filius ad nouum regnum constituendum, pacem cum Nauarro sancit, reditque in Castellam. Eos inter motus turbasque Europæ, Carolus Imperator

Imperator in Franciam venit ; id summopere ambiuerat , siue conciliaturus inter Reges concordiam , siue Franciam sibi alteram patriam , nepotemque Charissimum inuisurus ; siue filio Venceslao cui vnice studebat comparaturus Francorum beneuolentiam. Magnifice ac regiè exceptus infectâ pace in Germaniam rediit , memoraturque ipsius donum , quo duo in Delphinatibus castra Delphino concessit. Abruptâ spe pacis , in bella grauius Reges incumbunt. Anglum premebat Britannia Ducis Calamitas , qui patriâ extorris , deiectusque imperio , in Flandriâ agebat ; eum vt reduceret Lancastrius , cum valido exercitu , in Britanniam penetrat , fanumque sancti Maclouij oppugnat. Ad urbem seruandam Comestabilis cum exercitu aduolat , & castris locatis , ad alteram Rencij ripam , conturbat hostem velitationibus , pugna facultate semper interdictâ. Præterea cùm Maclouienses se egregiè defenderent , hyemsque instaret ; Lancastrius soluit obsidium , copiasque multum imminutas imponit nauibus , reuertiturque in Angliam ; Monfortio ad Flandrum veterem hospitem diuertente. Mox Auræum quod vnum ex eius partibus stabat , ad Regem accessit. Ergo Rex totius Britannia compos , vt victoria fastigium adderet , rem instituit , quæ & ipsam euertit victoriam , & euersum Ducem amplitudini primæ restituit ; adeò fallax est humanæ mentis prudentia. Nam Rex sententiâ Parium ob perduellionem Ducem damnat , Britanniamque Regno adiungit. Eo iudicio alienati Britonum animi , paucisque exceptis quibus annuos sumptus Rex pendebat , vnanimi consensu Monfortius reuocatur : *Ab omni memoriâ prouinciâ suam Duces habuisse , imò olim Regio titulo gubernatam ; non ferendum in alienum imperium tradiscatur ; perstandum ac moriendum in antiquissimi iuris tuitione , & ducendâ ad nepotes*

CARO-  
LVS V.Res ta-  
ria in  
Britan-  
nia.S. Ma-  
clou.

ultimos perpetuitate. Missus ad Monfortium  
 CARO Rohanius, datusque ab Anglo Huo Caure-  
 LVS V. læus, veteranus miles, lectæque copiæ, qua-  
 rum ope momento in totam Britanniam Dux  
 admissus, præter vrbes paucas quas Franci te-  
 nebant, & copiosum exercitum instruebat in  
 Anglia Buquingamius Regis patruus, quem  
 in Franciam duceret, auerteretque à Britan-  
 niâ vindicem. Ille dum paratur; Guesclinus  
 aduolauerat in Britanniam, & Diuano expu-  
 gnato, contendebat bellum propagare, cum  
 euocante Rege in Aquitaniam properat. An-  
 gli Duce Neouilla plures vrbes receperant, &  
 inualescebant in dies. Testanerius prædo fa-  
 mosus multas prouincias diripiebat, valida  
 castra obtinebat in singulis, in Aruernis, Ru-  
 thenis, Lemouicibus, Cadurcis, Gabalitis,  
 Aginnatibus, & Bigerris; Ventadoreum ce-  
 perat in Lemouicum finibus castrum, & ab eo  
 Burdegalam vsque, sexaginta occupabat, tum  
 arcès, tum oppida, campos latè opprimens,  
 & pecuniarum pactionibus vexans, vt iam  
 non prædo, sed tyrannus foret; Anglo fauen-  
 te, atque subsidia ministrante. Ad eum detur-  
 bandum urgente Andegauensi, designatus  
 Guesclinus, qui iam multis castris inuasit,  
 Castrum nouum obsidebat, arcem Mimates  
 inter atque Anicium. Iurauerat, se non dis-  
 cessurum quin castrum caperet; cum repenti-  
 no morbo correptus, paucis diebus interit,  
 eodemque die obsessi deditionem pacti, cla-  
 ues in mortui feretrum deferunt, credo vt  
 fides mortuo staret, quæ uiuo semper integra  
 fuerat. In martis scholâ natus propemodum  
 atque eruditus, erat tamen prudentiâ ciuili  
 & moderatione clarissimus, ad nutum Principis  
 altitudinem animi temperans; à milita-  
 ribus noxis alienus, sœuitiam & avaritiam  
 ignorabat; imò & gloriam communicabat  
 cum aliis, non tantum Principibus, sed & mi-  
 litibus, testatus eam seu cetera spolia in partes  
 cedere;

*Testa-  
nerius  
prædo.*

*Venta-  
dour.*

*Gues-  
clini  
mors.*

Anno  
1380.

cedere ; at præter eam, nullas opes accumulabat , solitus dona , & beneficia Regia parti in socios ; ideò passim cunctis charissimus, in summo gratiæ & potentiæ apice, quod rarissimum , sic inuidiam restinxerat , vt amori viuus , mortuus luctui singulis fuerit. Rex acerbo dolore mortem prosequutus, illi indixit solemne funus, ac Regium, in sancti Dionysij inter Regum Mausolæa , ad tumulum quem sibi ipse erexerat. Nec Procerum vllus Comeftabilis dignitatem admisit, quanquam à Rege appellati essent, & Coucys stirpi Regiæ affinis, & Saucerra Marescallus ; affirmantibus cunctis , tam recenti Guesclini memoriâ ; extinctum iri gesta cæterorum , & plus gloriæ fore in eo admirando , quam in æmulando.

Interea exercitus à Buquingamio scriptus Caletum aduenerat , & ducebant signa , veterani Duces Knollius , Persius , & Cauræleus tot victoriis inclyti. Destinauerat Buquingamius , in Britanniam applicare , vt Francorum reliquias, ab eâ prouinciâ prorsus depelleret ; tum in Franciæ caput victor inuaderet. Sed magnâ classe, quam Ioannes Castellæ Rex miserat, à Britanniâ prohibitus, tuto & angusto freto Caletum transiue rat. Inde constituit in Britanniam transgredi, pugnam conferere si se occasio daret, latè grassari, prouinciâsque totas deurere. Carolus primi consilij tenax , eo maximè quod raptò Guesclino mancus esset propemodum truncûsque dexterâ , iubet Duces continere in vrbibus militem, viam decurrenti hosti permittere , ac demùm tergo instare , lentos carpere , & cibaria intercipere. Aderant in exercitu Regio Duces , Burgundus , Borbonius , Barrensis , Lotharingus , & Viennius Admiralius ; & ex iussu Regis testi erant muris. Angli postquam Artesios, & Campanos vastauerant, Icauna transito penetrant in

I X.  
*Angli  
in Fræ-  
cia.*



Cœnomanos, vnde in Britanniam facile transgredierentur. Sartha amnis transcurrit Cœnomanos, ripamque alteram Clissonius munierat, ad hostem arcendum quâ vadum fluuius patitur, palos infixerat, vallo & fossa ripam absciderat, & ipse cum nobilibus è prouinciis proximis munitiones ductas propugnabat. Quâ iter erat Angli ad vadum accedunt, medique inter hostium copias, nam à fronte Clissonius, à tergo Principes cum exercitu sequebantur, consilium à fortitudine ineunt. Quippe in amnis alueum vtrò præcipites, palos quâ vncis refigunt, quâ brachiis, & sagittas inter, quas balistarij Franci effundebant, intrepidi ad munimenta decurrunt. Ea audacia Francis stuporem primum, dein trepidationem, mox fugam iniecit; ipsisque transitum tutum per relicta vada confecit; Accessit ad eorum salutem constituendam, quod Principes, proceresque deferentes exercitum, celeriter Parisios conuolarunt, ad Regem inuisendum, qui grauissimo morbo decumbebat. Etenim is postquam effluuium brachij sponte exaruit, memor facti proximi, quod olim eo signo Germanus medicus prælagierat se ad mortem seriò comparat, & feбри correptus, ad regnum, & se quæ spectarent, diligenter componit, fratres arcessit, Duces Biturigum & Burgundiæ, atque Borbonium Ducem, sororium; Andegauensi omisso, quod præferuidam indolem non amaret, rebûsque Neapolitanis implicito haud fidendum crederet; arcessitis dat mandata consiliâque egregia, duo præsertim accuratè commendans, primum vt Delphino in Germania Coniugem quærerent, ne Rex Anglus præriperet, eamque nationem adscisceret; alterum vt Oliuerium Clissonium Comestabilem dicerent, quem ipse exploraue- rat, dignumque censebat tanto fastigio. Hæc Rex prudentissimus, nescius per eas portas prorupturam

*Regis  
mors.*

prorupturam calamitatem in Franciam ; quas felicitati patefaciebat. Tum dicto Regni Re-  
gente Philippo Burgundo , Regis Borbonio,  
datisque in stipem pauperum centum sexa-  
ginta millibus florenorum ; anno ætatis qua-  
dragesimo secundo , piè & Christianè ani-  
mam posuit. Eodem anno quo Guesclinus  
obierat ; vt simul Francia columnis firmissi-  
mis destituta, propius ad præcipitium verge-  
ret. Ille est Carolus merito sapiens nuncupa-  
tus, tantumque nomen impleuit meritis, con-  
silio optimus, quod exigebat frequenter ab  
aliis, nulli mancipatus , quàm rationi atque  
iustitiæ. Habebat equites quos togatos & le-  
gum vocabat, quibus non pauciora quam ar-  
matis debere Regnum affirmabat, Præclaras  
leges condidit ; quarum vna intemerata iuit  
ad posteros , vt Reges anno decimo quarto,  
dicerentur maiores , & regnum ipsi admini-  
strarent ; existimans Regi & Regno perni-  
ciosissimam lucem esse, tutelam alterius. Idem  
appellatus est diues ; quod prudenti parsi-  
moniâ, tot inter bellorum sumptus ædificia  
priuata, & publica, quæ multa crexit ; præter  
erogatas liberaliter pecunias, in Nobiles, mi-  
lites , atque egenos , Duodeuicies centum  
millia aureorum , in ærario reliquerit , nulla  
Regni vexatione collecta. Erat illi mira affa-  
bilis, qua conciliabat omnium animos, sa-  
gacitas in penetrandis aliorum consiliis, suis  
obtegendis , litterarum amans & studiosus,  
ad eloquentiam à naturâ factus , religionis  
cultor atque pietatis ; vt nullum tot inter  
virtutes næuum deprehendas. Elugenda vi-  
tæ breuitas, quæ felicitatem Franciæ tam ci-  
tò rapuit : & obseruandum quàm æquâ sorte  
cum vtroque Regno à Deo actum sit ; nam  
Eduardus in Anglia raptò primo filio , puero  
regnum dimiserat, tribus patruis clauum oc-  
cupantibus ; in Francia similiter Carolus,  
Guesclino præmortuo, quem Eduardo prin-

CARO-  
LVS V.

cipi opponerebat, filio annorum duodecim, sub-  
trium patruorum tutelâ, an prædâ, sceptrum  
committebat, æquâ sanè lance, quam illic  
calamitates Franciæ depriment. Inuestigabat  
Nobiles studiosè, quos inopia premeret, iis-  
que clam pecuniam largam submittebat, qua  
æ alienum persoluerent, suâque filias col-  
locarent; ne nobilitatis stirps illa deficeret,  
quam ornamentum & fulcrum Franciæ nun-  
cupabat.

XII.

*Carolus*  
*VI. Di-*  
*ctus*  
*Idiotus.*  
*S. 1301-*  
*89.*

*Des*  
*Ma-*  
*rests.*

Rectè à Sapiente Carolo constituta, Ludo-  
uici Andegauensis præceptis ambitio contur-  
bavit. Etenim & non vocatus adfuit morien-  
ti, & mortui supremum reuellens arbitrium,  
Carolus Sauoisium ærario præfectum corri-  
puit, coëgitque pecuniam Regiam sibi trade-  
re, tum palam in regimen regni aspirauit;  
sibi debitum affirmans, quod è Regis patris  
natu maximus foret. Contra Burgundus at-  
que Borbonius obiiciebant tabulas Regis,  
quibus ipsi designabantur tum Regis tum  
Regni tutores; iamque contentio ad arma  
spectabat, euocato vtrunque milite, cum Ioan-  
nes Maresius Aduocatus Regius rem propo-  
nit ad sopiendam litem percommodam. Est  
auctor, vt quando Rex ab decimo quarto  
anno distaret propius, regni administratio-  
nem ipse susciperet; nullo Regente, ac ipsius  
nomine & sigillo tabulæ regis munirentur.  
Contra vir grauis, magnæque in Parlamento  
authoritatis, *voluntatem mortui Regis oppo-*  
*nit, sapientiam viri exaggerat, quid tam*  
*repentè violetur quod prudentiâ summâ con-*  
*stituit? standum scriptis tabulis, operiendum*  
*designatum tempus, rebûsque præponendos*  
*quos Rex appellasset.* Cum dissensio iam inter  
togatos propagaretur, immineretque ciuile  
bellum grauissimum; tandem Burgundo &  
Borbonio in publicum bonum de iure suo  
patientibus detrahi; Andegauensi Regni,  
armorum, atque ærarij administratio cessit,  
Regis

Regis institutio Burgundo & Borbonio; Duci Biturigum Occitania & Aquitania tradita. Tum Oliuerius Cliflonus Comestabilis dictus. Ita turbæ consopita, & Rex ductus Rhemos. Nec obita sine motu inauguratio; Duce Andegauensi principem inter Pares locum ambiente, quem tamen ipse Rex Burgundo assignauit, quia Princeps inter Pares esset, & id munus Parium esset, non Ducum. Imò in conuiuio cum Andegauensis aliquo interuallo à Rege proximus consideret, Burgundus in interuallo sedile apposuit, vt vndecumque staret integra dignitas. Festam ceremoniam gratissima populis rex excepit; cum Regis liberalitate ab omni tributo vectigali atque subsidio plebs liberata est; relique omnes læsæ Maiestatis donati veniâ. Eam ob rem Rex Dilectus vulgò nuncupatus, & studia plebis vehementer incensa; ad priuatum commodum respicientis; nec cogitantis bonum publicum sine priuato incommodo stare non posse. Et euentus docuit præposterâ liberalitate datum, quod extemplo reposcendum fuit. Lata primordia Britannia Ducem ad sinceram concordiam impulerunt: suadebant britones nobiles, in primis Rohanius, Riensius, & Rupefortius, bello tandem desineret, & pacem subditis optatissimam daret; Regis adolescentis obtineri gratiam posse; sepulta odia & inimicitias cum Rege Carolo; rationem habendam Britannia, qua tot miseriis vexata & discerpta, efflagitaret pacem & quietem. Chariorem patriam esse quam Eduardi memoriam; sat Anglorum beneficiis hæcenus datum; de cætera sibi, suis & patriæ, serâtque posteros, quibus beneficiorum memoriam hereditariam linquat. Ad eas voces legati ab Rege missi accedunt, Episcopus Carnutensis, Cheurecussius, & præses Cabiensis, fœdusque obtinent; quo Dux Regem conueniret, flagitaret ve-

Dux  
Britannia  
reconciliatus.

CAROLVS VI

Anno  
1381.

Seditio  
Parisien-  
sis.

niam, clientelam profiteretur, amicitiam Anglicam eiuraret, ac pecuniam indictam solueret. Tum Rex ipsi vrbes in Britannia restitueret, & Monfortiam ditionē, aliāsque terras quas Regio fisco pater addixisset, Mox Angli nouo cum Britone fœdere abscesserunt, Duxque Monfortius pacatâ Britannîâ tandem positus est; reuocatâ post annos plurimos tranquillitate atque concordîâ. Dein ad cumulandam lætitiâ, Anglus in biennium inducias pactus est; cùm seditione domesticâ laboraret; quæ statim contagio quodam porrecta in Franciam; primum calamitati fontem aperuit. Andegauensis cùm in regni regimine vnum intenderet, immensam vndique pecuniam cumulare, vnde expeditioni Italicæ foret satis, post exhaustum ærarium, prima vestigalia restituebat, nouâque adiunxerat. Ea res cùm acerbissima populo foret; recens beneficium tantæ fontem lætitiæ, obliterari illicò atque expungi; ostensam spem quasi infantibus, atque illulis ficto splendore, imponi vera onera, pristinasque misérias. Hæc cogitantibus Gandauensium occurrit exemplum, qui felici rebellionē Comitem expulerant, seque ipsi magnâ criminum impunitate regebant. Parisiis primum à vilissimis capitum orta seditio. Veteramentarius in forum prodit & facta concione plebem inflamat in vestigalium redemptores, agitque in ipsos, quorum ædes aliquot direptæ sunt, atque incensæ. Accedit tumultui Muliercula propola olerum; quæ virgente publicano vt duodecim denarios in tributum solueret; sibi vim fieri exclamat, excitâtque turbam operariorum atque baiulorum, à quibus miser ille occiditur. Et ij statim delibato sanguine furorem concipiunt, aliûmque mancipem in æde Sancti Iacobi obtruncant; tum Hugonem Aubrietum reum carcere efracto liberant, Ducemque ad insaniam regendam constituunt. Cùm

ad

ad alias vrbes iam propagaretur amentia; Rex Coucyum prudentiâ & authoritate insignem clam mittit Parisios; qui solertiâ suâ plebem ab infaniâ ad obsequium reuocet; ille sagaciter in plebis consilia atque cœtus, sese inlinuans, pœnitentiam impetrat, promissâque vectigalium liberatione, Regem vrbi restituit. Nocte proximâ quatuordecim è seditiosis in amnem proiecti, & pœna vltâ inhibita ne malum recrudesceret; maximè cùm vrgeret Rothomagensium seditio, qui mercatorem vi Regem dixerant & coronaauerant; eiusque nomine edicta scripserant; quibus tributa omnia exstinguebantur. At Rege accedente; seditiosis animus excidit; rogata venia & concessa, aliquot reorum in exemplum iusto supplicio datis. Ita prælusum domesticis malis, tirocinium miseriarum sequentium Francis ponentibus.

XIII.  
*Bellum  
in Flā-  
dros.*

Ea seditio potissimum ab exemplo Flandriæ grassabatur, ad quam subleuandam Rex se armis cinxit. Dum bella Carolum inter & Eduardum Franciam atque Angliam acerbissimè diuellebant, pacata Flandria, atque omni bonorum copiâ, diffluens, in voluptatum vt sit voraginem cœcam immergitur. Ludouicus Comes præit exemplo cæteris, luxu, conuiujs & hastiludijs otium terit; adeoque Flandri ad Principis instar se fingunt, vt paucis annis intra ganeas & lupanaria, priuatis iurgiis, cæsa numerentur Flandrorum quatuordecim millia, adeò voluptatum perniciosus est vsus; per ea qua placent interimentum, & punientium quæ iubent scelera. Deinceps in corruptos flagitijs animos inuasit rebellio, apex criminum atque infania popularis. Non est animus hic vniuersam seriem mali perscribere; quomodo origo à Gandauensibus cepta; primùm quatuor viris, seditionis Tribunis, Boulæo, Boissio, Clerico, & Nuitæo, tum Philippo Arteusella Iacobi illius

ab Eduardo celeberrimi filio in Præfectum electo, atque immanitatem Patris suscitante, malum inualuerit; donec tandem victo Comite, atque profligato, Brugenses corripuerit, & totam propemodum Flandriam hauerit. Ludouicus Comes in Franciam profugus, Sapientem appellauerat, ope imploratâ, ad rebelles domandos; sed frustra, cum Sapiens causatus bellum Anglicum, gauderet calamitate Comitum, quem habuisset infensum vtentem prosperis, quique nuper ventante se Monfortium profugum excepisset. Post obitum Sapientis Artauella conscriptis centum hominum millibus Aldenardam munitissimam urbem obsidebat, cumque protractâ obsidione, rebelles in proximos agros excurrerent, & Nobilium castra euerterent, aliquot imprudenter in agrum Tornacensem, qui erat Franciæ, inuadunt, prædamque hinc agunt. Philippus Flandri gener, occasionem diu captatam arripiens, audaciâ rebellium exaggerata, Regi autor est & vehementer suadet, vt facinorosam amentiam plectat. Perducto in sententiam suam Bituricense, nam aberat Andegauensis, haud ægrè Regem in bellum impellit. Erat Adolescenti iam à teneris martia indoles, olim à patre tentata, iam atque demonstrata; quippe infans; obiectis simul coronâ & galeâ, illâ neglectâ, hanc ardentem rapuerat, & arma ad corpusculi modum fabrefacta induibat libenter. Quare persuasus Parlamentum Compendium vocat, & cum difficiliter Procures assentirentur, atque incommoda multa obiicerent; refutabat obiecta Rex ipse, reponebâtque hæc verba; *ita ita, qui audet nihil, comparat nihil*. Sic bellum decretum est, Regemque incendit, oblatus in somnis Ceruus alatus, quo ipse vestus, præclarum in aëre exerceret aucupium, vnde Ceruus volans huic in tesseram fuit, scutoque Franciæ Ceruos alatos in ful-

cra adiunxit ; appiſtis tribus duntaxat liliis, cum antea plura incerto numero ſparſa eſſent. Ad ſamam exercitus Artauella haudquam territus, Liſa amne ſe muniens, cœlique atque ſoli intemperie ; iam enim Nouember Menſis incœperat ; abrumpi pontes præter duos iubet, ad oppida Cominium atque Varnetonum, quibus validum immittit præſidium ; & mox eoſdem aduentantibus Francis eſſringi imperat. Regius exercitus in paluſoſum ſolum luſtatus, tandem ad cuſtos pontes euasit, quos Comeſtabilis cum abruptos videt, tumidumque amnem intercipere tranſitum, hæret ambiguus, in quam partem ſe vertat, tam intercluſo aditu, quam probroſo reditu. Verſantem in ancipiti Procerum quorundam expediuit temeritas. Sancyus, Ioannes Royus, & Henricus Maunius, dimidia infra pontem Cominæum leucâ, ſuâ quiſque cymbulâ in oppoſitam ripam occulti tranſmittunt, ſeque abdunt in alnetum proximum, opportunitatem operientes ; iamque ſexaginta nobilitate illuſtres tranſierant, cum Comeſtabilis de re admonitus, mittit Rieufium affinem ſuum exploratum, quidnam audaces illi cogitarent. At Rieufius militari gloriâ rapiente conſilium, eâdem cymbulâ amnem tranſit, eiûſque exemplo clariffimi proceres, Rhoanius, Lauallius Longauilla, Touartius, Belmanerius, aliique, & ipſe Sancerre Mareſcallus, præpollente impetu, Francis adeò proprio atque innato. Comeſtabilis renuntiato Procerum tranſitu, vt promoueret audaciam, quam vetare non integrum erat, iubet ad pontis exitum diſtrahi hoſtem, telis faxis, globiſque igneis, dum cymbis quibus arbitrium eſſet tranſmitterent. Petrus Boiſius Artauellæ Præfectus, pontem & Cominæum defendebat, nec eum tranſitus Francorum latuit ; ſed cum immineret nox, præſtolatus eſt lucem, qua Francos nocturno



frigore adstrictos facile profligaret. Et vetò ipsam noctem Franci magnis incommodis peregerunt, luto & aquis magnam partem immersi, nullo cibo recreati aut somno, aura noctis frigidior vexati, perstitērunt vigiles, & sub primam lucem Boisium notis viarum compendiis decurrentem inspiciunt. Committitur prælium, Flandrique quanquam è cohortibus lecti vincuntur, Boisius Saucius ægrè à suis pugna eripitur, & Brugas defertur; cæsa quatuor hostium millia, via Francis permessa, ac refeito ponte, Rex cum toto exercitu amnem transmittit. Mox captum Cominæum, & præda miles oppletus. Cæteræ vrbes, Ypra, Cassetum, Furnæ, Dunquerca, Grauelinga, Regi vltro delatis in castra clauibus patuerunt.

**XIV.** *Pugna ad Rosebeccam.* Artauella hoc exemplo nusquam perterritus confirmat audaciam, palamque exultans, quod Nobiles cunctos è totâ Franciâ optata fors in sua retia induisset, indicto per omnes vrbes delectu, Harfellam legatum cum parte copiarum ad Aldenardam dimittit; ipse cum sexaginta hominum millibus, ad Francos properat ad Rosebeccam oppidum, dimidiâ Brugis leucâ, inter aquas, imbres & frigora, castris positis incommodissimè affixos. Franci in spem pugna erecti, solutis castris hosti occurrunt, pugnaque ad Aureum-montem conseritur, inflammatis vtrinque animis. Petrus Villerius Ori-flammam ferebat; primam aciem ex Britonibus, & Normannis conflata ducebat Comestabilis; aderantque Marscalli duo Sancerra & Blainuilla; tegebátque alas Comes Flandriæ cum sexdecim hominum millibus; agebat agmen medium Rex ipse, anno decimoquarto nondum impleto, comitantibus patruis Burgundo & Biturige, & Borbonio auunculo, Coucyo, Albrezio, cæterisque Proceribus; in agmine postremo Comites Blesensis, Sancti Pauli, Harcutius,

Harcutius, Castilionius, & Fera; ij æquum imperium obtinebant, militumque omnium numerum implebant sexaginta equitum milia, præter peditem. Et constitutum ut cum primum agmen inueheretur, ad latera secundum & tertium inuolarent simul, ut obrutum hostem omni ex parte cõciderent. Fuitque bono omni acceptum; primum quod ubi ad pugnam explicata est Ori-flamma, disiectæ sunt nebulae, & aëri parva mira serenitas; tum quod albus columbus postquam diutius super agmina imperterritus, volitavit, alteri è vexillis regiis insedit; tumultu tanto nusquam efferatus; Contra Artauella, memor palmarum Brugenſis, pari modo aciem in unicum agmen instruit; militesque allocutus, spe ingenti factâ victoriæ, iubet nobiles omnes proceresque interimi, salute nemini præter Regem permissâ, cui ob iuniorem ætatem parcitum vellet, quemque Gandavi suo more post institueret. Hæc stultâ audaciâ postquam effudit, ita Flandros componit, ut densis ordinibus pugnam inirent, altero brachio adstricti inuicem, altero expediti ad prælium. Ita dispositi è Monte-aureo se in plana demittunt, graui errore, cum tuto loco expectare hostem possent atque depellere. Primo impetu acerrimè dimicatur, statimque ad lanceas atque enses ventum, Francis sagittarios Genuenses amouentibus, & tela inter hostilia procurrentibus. Nec diu Flandrorum audacia fortitudini Francorum par fuit; à fronte & ad latera ferro decerpti; cum primi ordines regrederentur in posteriores; sic tota acies in arctum redacta est, ut omnes immoti in eodem vestigio, manibus pedibusque prope modum alligatis, hostium ferro duntaxat patuerint; imò sibi præ angustiam spatij perniciosi, se aggesti in cumulos suffocabant, & spiritum illibati ferro præcludebant. Ita pugna breui tempore in cladem versa, maximè ubi postremi

CARO  
LVS VI

Anno  
1382.

CA-  
ROLV  
V l.

postremi ordines se in fugam dederunt ; tunc ceteri à Franco pedite nullo negotio, vel obtriti clavis, vel ferro deleti. Cæsa scribuntur quadraginta Flandrorum millia, in quibus nouem Gandauensium millia. Ipse Artauella suorum turba oppressus interiit, & in fossâ repertus est, accumulata super cohorte Gandauensium ; vt Gigantum instar pugnantium in Deos, quâ scandebat mole, eâ oppressus sit. Rex quæsitum cadauer arbori affigi iussit. E Francis quadraginta desiderati sunt ; vt profectos in lanienam potiusquam prælium dicas. Postero die Cortracum inuasit victor exercitus ; captumque extemplo oppidum, atque direptum ; imò incensum, preclaræque ædes versæ in cineres. Rex audito asseruari in maiori æde calcaria aurea Cortracensis cladis monumenta, & quot annis magno plausu à ciuibus memoriam celebrari, iussit ciuitatem flammis aboleri, ne suæ gentis in posteris extaret opprobrium ; quanquam inutiliter saxa inflammantur, cum memoria perstat, & post erutas moles in mentibus hominum trophæum superest. Aldenardæ illicò soluta obfidio ; Boissius & perduelles qui superfuerant Gandauum se receperunt, ( Brugæ urbisque aliæ in deditionem acceptæ, ) quod perseuerauit in scelere, nec à Rege expugnari iam adultâ hyeme potuit, præterquam quod auocabatur Parisios Francus, nata domi peste, dum alienam excinderet.

X V. Restituta erant in Francia vectigalia, & exigebantur paulò acerbius ; Nobilibus profectis cum Rege in Flandricum bellum, plebs duntaxat ciuésque in urbibus agrisque hæserant, qui maximè, nobilitate immuni, tributorum onere premebantur. Ij memores calamitatum quas sub Philippo & Ioanne Regibus exhauferant, & reuocato in nobiles odio, quorum auaritiam & superbiam incusabant, statuunt iugum excutere, amoliri atque extinguere

guere infensas illas nobilium stirpes , atque inducere nouum regiminis genus , quo optimates administrarent res publicas , suasque fortunas procurarent ipsi atque promouerent. Id consilium Parisiis natum , subito in proximas vrbes propagatum est , Rothomagus, Rhemos, Aureliam, Treca, Senones, Antisiodorum , serpebátque vltèriùs, magno publici boni illicio ; iámque Parisienses in communem, vt dicebant, libertatem intenti, palam omnia comparabant ad rebellionem. Primùm omne armorum genus redimunt atque accumulunt, loricas, lanceas, enses, sarissas ; ac præcipuè ingentem malleorum ex ferro numerum, (quadraginta millia scribunt fabricata , ) quibus equitum galeas perfringerent ac comminuerent ; cùmque iis armis gloriarentur potissimùm, hinc nuncupati sunt malleatores. Dein arces regias euertere statuunt , Pulchritudinem in saltu Vicennarum, Luparam & Bastillam , quæ suæ vrbi compedes ponerent ; Et Castelletto in ipsa vrbe diruto, festinabant ad alia, nisi à ciue, cui Flammendus nomen, pressus furor esset, dum certiora de Flandrensi bello renuntiarentur. Nam cum Gandauenfibus communicabant consilia , natiuámque insaniam spe alebant, fouebántque literis. Iamque vt prodiret malum, præter vnum ducem nihil deerat , adeò vel in anarchiâ monarchia regnat , & pluribus regnum abolentibus semper Rege opus est. Ea post deuictos Flandros Regem in Franciam reuocant ; ideò parte copiarum relicta in Belgio , partem adducit, & in magno comitatu Procerum Compendium venit. Dùm Parisios accedit propius , ciues vt metum aduentanti incuterent, prodeunt armati triginta millia, in speciem pompæ, atque honoris, reuera terribiles & minarum pleni. At Rex Burgeti substituit, nec eos passus in conspectum venire, quatuor Proceres mittit, qui rogarent quam

CA-  
ROLVS  
V I.

*Mallotins.  
Branté.  
Chatelet.*

—  
CA-  
ROLVS  
V I.

quam ob causam armati prodirent, iuberent-  
que in sua quemque tecta abscedere. Obtem-  
perant ciues, neminē turbam inconditam ad  
perducendum scelus regente, & maiestate  
Regiā iam frangente audaciam; postquam  
repressi sunt, & conceptum metum intulerunt  
vrbi; Rex cum Ducibus, Patruis, Proceribus,  
& cataphractis equitibus vrbi succedit; in-  
cedebant equites pedibus, pars Regem antece-  
debat, pars subsequebatur, incēpitque pœna  
ad S. Dionysij portam, quam Rex subiens iu-  
bet tolli cardinibus, cuelli septa, idēque  
effici in portis cæteris; vt spoliata ciuitas por-  
tarum claustris, pateret omnibus, iamque esset  
pagi instar ignobilis. Pergenti Regi mercato-  
rum Præpositus, Consulēque occurrunt, gra-  
tulaturi victoriam; iis inauditis, & contem-  
ptim repulsis, ad Deiparæ ædem Carolus ten-  
dit, supplēxque gratis ob victoriam actis, ve-  
xillum regium virgini donat, quod ad pu-  
gnam explicauerat. Dein se Luparam recipit.  
Patruī interea Duxque Borbonius, vicos sin-  
gulos decurrunt, catenas ferreas quibus clau-  
debantur vicorum capita, asportari curant,  
publica arma inuadunt, cinibus singulis, quæ  
domi habebant deferre in armamentarium  
iussis. Inuaserat omnium animos ingens ter-  
ror, & magnitudo sceleris iam quanta erat  
obuersans mentibus, grauitatem supplicij  
suo vno modo metiebatur. Deliberatum an  
ciuitas permittenda esset rapinæ militum, &  
ad prædam tam opulentam anhelabant Brito-  
nes maximè; sed ne pœna redundaret in iu-  
dicem, sibi que Rex vehementer officeret, pri-  
mariam urbem, & tot diuitiarum fontem  
euertendo; præterea ne fontium pœnā in-  
uoluerentur infontes, vrbi parcitum est; at  
ciuium villæ, rusticæque deliciæ, traditæ sunt  
rapinæ militum; vnâ voluptate vocatâ in sup-  
plicium. Postea tributa omnia & vectigalia  
restituta, eaque palam locata redemptoribus;  
suppressa

suppressa dignitas. Præpositi urbis & Consul-  
 lum, trecenti è seditiosis ad necem delecti,  
 atque in plateâ truncati capite; in quibus  
 magno omnium stupore, Ioannes Maresius  
 Aduocatus Regius, alienæ culpæ supplicium  
 luit. Ille venerandus canitie, rebusque in togâ  
 gestis clarissimus, iam inde à Philippo Vale-  
 sio notus, initiatus ordinibus sacris dicendi  
 arte in paucis peritus, in mortem rapitur, Pa-  
 truorum Regis inuidia; quod pronior in An-  
 degauensem, ipsius rebus accuratiùs studuif-  
 set, vnôque fratrum promotio amouisset alios;  
 potentiore ad perdendum odio, quam bene-  
 uolentiâ ad seruandum. Et mortì propior,  
 compellatus vt à Rege veniam peteret; pro-  
 fessus est, *se in maiestatem Regiam non pec-*  
*casse, Regis patri, auo, & abauo se fidem at-*  
*que obsequium præstitisse; nunc si Regi atas*  
*& peritia foret, alium sibi futurum exitum,*  
*& nauata toties opera pramium; se à Deo*  
*noxarum veniam flagitare, quem pro infir-*  
*mitate hominis offendisset, & sperare propi-*  
*tium pro infinitâ misericordiâ.* Istæ singulos  
 poenæ, mox vniuersos ingens metus corri-  
 puit. Regis præconio ciuitas omnis in palatii  
 aream conuocatur, atque conueniunt viri,  
 mulieres, pueri, famuli, regio milite per sin-  
 gulos aditus excubante, & reis supplicij fa-  
 ciem intentante. Tum in theatrum Rex scan-  
 dit, stipatus Proceribus, sedetque in solio;  
 Dum Petrus Orgemontius Cancellarius, ille  
 Maresij extincti æmulus, turbam alloquitur.  
 Longâ oratione Parisiensium crimen exagger-  
 rat, immemorem tot beneficiorum animum  
 arguit; peccatum in capite, quod exemplo  
 cæteris esse debuisset; statuissè Regem metiri  
 poenam flagitio, & quando vniuersa ciuitas  
 scelus contraxisset, in vniuersam propagare  
 supplicium. Vbi perorauit, & miseri operie-  
 bantur sententiam Regis, iamque enses mili-  
 tum intentatos iugulis, mente præciperent,

Ecce

---

 CA-  
 ROLVS  
 VI.

 Des  
 Ma-  
 rests.

 Pari-  
 siensium  
 pæna.

— **CA-**  
**ROLVS**  
**V I.** Ecce Duces Biturigum atque Borbonius, ad  
 genua Regis prouoluti, appellant clemen-  
 tiam; matronæ simul crinibus ad miserationem effusis, totusque populus in humum prostratus, misericordiam lamentabili voce in-  
 clamant; postquam diu metu & terrore puniti sunt miseri, id enim de industria inten-  
 debatur, Rex dedit veniam, & vni Diuites multati pecuniâ, quæ multa exacta est, Proce-  
 rum emolumento, à Rege flagitantium quod iam publicum erat. In cæteras vrbes consicias criminis, par pœna sancita, & regendi cupiditas sanguine plexa, aut facultatibus.

**X V I.** *Angli*  
*è Flan-*  
*dria*  
*pulsi.* Vindicatam domi maiestatem Gandauen-  
 ses rursus violabant. Ii post Artauellæ necem, receptis Ducibus, Boissio, Mitrio, & Atremenio, instauratâ infaniâ, Flandriam diripiebant, atque Ardemburgum vi expugnabant; imò clam cum Anglo communicatis consiliis, eum exciuerunt in Belgium, quem quasi Clypeum Francorum ensi obtenderent. Noruicensis Episcopus transmissum exercitum Caleti habebat; quem improuisus in Flandriam duxit, ac bello neutiquam denuntiato Grauelingam cepit. Comes hac procellâ attonitus, quam minùs cauerat, cum duodecim pugnatorum millibus ad Dunquercam se Anglo obiicit; sed magnâ clade fusus fugatusque Philippum generum appellat, opemque Franciam. Rex rogante Patruo, scribit exercitum, in quo tradit Froissartus numerata Equitum trecenta millia; eoque stipatus ad Anglum tendit; qui pluribus urbibus occupatis, Ypram obsidebat. Verùm is ad copiarum famam dilabatur, nec Hugo Caurelæus veteranus miles se Bergæ munimentis tutum existimat; nam spectato è muris exercitu metusque concepto, nocte cum sociis proripit se. Mox tantas copias Rex domum reduxit, expeditione terrore confectâ; multâ quidem gloriâ ob depulsum Anglum, sed tacitâ

cità ignominiâ , quod adhuc Gandauensibus impunita tot scelera forent; quibus eadem atque Anglis permissâ induciâ. Aliquantò post obit Ludouicus Comes, Malanus dictus, vtrâmq; fortunam dum vixit expertus; ac Philippus gener, Burgundiâ Flandriam, Artesiam, alterûmq; Burgundiam adiunxit; cui regiâ potentia nihil præter titulum defuit. Porro ea expeditio quoniam Urbani Pontificis vno impulsu, ab Anglis tentata est, isque Urbanus Franciscis rebus plurimû obfuit, postulat locus vt graue vulnus Ecclesiâ retractem, & paulò altius repetam. Postquam Gregorius XI. traductâ Romam Pontificis Sede; Romæ mortem obiit; Et Cardinales ad eligendum Pontificem conclauis clausi sunt; Romani tum magistratus tum populus, minis intentatis, vique illatâ, coëgerunt Patres ad eligendum Pontificem, qui Italus foret; ipsique vim inter se testati, vt se periculo mortis eriperent, Bartholomæum Barrensem Archiepiscopum nominant, Romanisque iterum vim afferentibus, tiara coronant; isque statim se Urbanum dixit eo nomine VI. Perfectâ coronatione; ex sexdecim Cardinalibus, duodecim Ultramontani, specie captandi cœli commodioris, Anagninam recedunt; & libertatis iam compotes excusant vim Romæ illatam; ac testati nullam Bartholomæi electionem; postea Fundos secedunt, quæ Neapolitani Regni ciuitas est, fauente Ioannâ Reginâ, atque ex iuris recepti formulis, Robertum ex Comitibus Gebennensibus Pontificem dicunt, qui nomine Clementis VII. se extemplò pro germano Pontifice gessit; ac mox Auenionem pro maiorum instituto se cum Pontificiâ curiâ contulit. Ita exorto in Ecclesia schismate, ambiguisque in vtram partem se vertent Christianis, vterque Pontifex sibi quisque Principes conciliabat; & quidem Carolus

CA-  
ROLVS  
VI.

*Schisma Urbanum inter & Clementem.*

Anno  
1378.



——— *CA-* lus Regis pater Clementi Franciam statim  
*ROLVS* addixit, tracto in partes Ioanne Castellæ Re-  
*VI.* ge; contra Urbano adhæsit Anglia; iam re-  
 ligione distrahente infensos animos: Nec  
 Urbanus parcebat curis, vt propagaret impe-  
 rium, dicebaturque Anglum inflammasse, vt  
 in Regem Castellæ, Comitēque Flandren-  
 sem exercitus mitteret, pronuntiata eam in  
 rem sacra militia, collectaque ingenti pecu-  
 nia ad stipendium militis. Copiis bipartitis;  
 partem in Castellam Dux Lancastrius duxe-  
 rat, partem in Flandriam Episcopus dictus,  
 sed & Franciam nouo fulmine Urbanus per-  
 cutit, Duce Andegauensi in Italica expedi-  
 tione extincto. Cuius mali origo ab eodem  
 fonte est arcessenda. Etenim Ioanna Rober-  
 ti Regis ex filio neptis Neapolitanum Re-  
 gnum obtinebat, iam annis grauior, & quar-  
 tum nupta Ottoni Comiti Brunswicensi. Ea  
 primum vxor Andree Regis Hungariæ sui af-  
 finis, nam Hungariæ Reges ab Carolo clau-  
 do ducebant originem; dicebatur ipsi ob  
 mores asperiores mortem intulisse; ideò Ur-  
 banus ipsi infensissimus, quod Clementem  
 foueret, machinam adornat, quā feminam  
 odiosam opprimeret. Ludouicum Regem  
 Hungariæ Andree perempti fratrem vehe-  
 menter vrget, vt sopitam de fratre vindictam  
 exigat, gratiam spondet atque auxilium; fla-  
 gitat Carolum Dyrrachinum mitti, ex eādē  
 stirpe Caroli Claudī, cuius quartus filius  
 Ioannes Dux Dyrrachinus, Caroli abauus  
 erat, iusque regni in hæredes transmiserat.  
 Persuasus Ludouicus cum exercitu Dyrrachi-  
 num mittit, qui Romæ ab Urbano Rex Nea-  
 polis coronatus, Neapoli vrbibusque cæteris,  
 victo & capto Brunswicensi, exceptus est.  
 Ioanna interim in castro obseſſa, omni hu-  
 manā ope destituta, spem in Franciam adi-  
 cit, ac Ludouicum Andegauensem, quando  
 maiores sui ab eā domo profecti in Italiam  
 essent,

*Ludo-*  
*wicus*  
*Ande-*  
*gauen-*  
*sis me-*  
*ritur in*  
*Italia.*

essent, adoptat in filium, scribitque hæredem. Ea adoptio Ludouici consilia in Italiam vertit, eamque ob rem Andegauensis à sapiente Carolo amotus ab regimine regni, eadem de causâ tanto studio in id aspirauit, gazam regiam rapuit, Franciamque quam regeret, totam in Italia spem vir ambitiosus, impenderat. At Ioannæ malum prohibere non potuit, quin illa à Dyrrachino caperetur, & aliquanto post in sacello dum orat laqueo extingueretur, iustâ forsitan primi flagitij pœnâ; sed ingrato Carolo & beneficiorum immemore, quibus cumulus primâ adolescentiâ à Ioanna fuerat, habitusque pro filio patrabat iam parricidium. Ergo Ludouicus vt necem indignam, sin minus arceret, saltem vindicaret; simulque regnum relictum tabulis occuparet, validum scribit exercitum, numero viribusque terribilem, nam quin-quaginta millia pugnatorum erant, ex veterano milite; adscito Amedeo Sabaudia Comite, quem Viridem dicunt, præclaro & magni nominis Principe; ducitque primò in Phocensem prouinciam, in quam admissus in Italiam pergit. Sanè euentu infelicissimo, nam cum Dyrrachinus se urbibus contineret, nec pugna, quæ potior Francis ratio belli est, facultatē daret; tantus exercitus fame, arum-nis morbis, imo & veneno infectis fontibus profligatus & victus; morbo Amedeus Comes e viuis raptus est; & ipse Ludouicus ex dolore animi febris correptus paucis diebus extinctus est; Franciæ magnâ iacturâ, militum, atque existimationis. Tres genuerat liberos, quorum natus maximus Ludouicus, Neapolitanum regnum spe & nomine adiit, reipsâ Phocensem prouinciam; Clemente Pontifice & Carolo Rege expugnantibus Aquensium & Tarasconensium voluntatem, detrectantium obsequium Ludouici. At ea spes traducta in posteros, graues calamitates Italiæ pariet,

Anno  
1384.

CA-  
ROLVS  
VI.

XVII.

Rex  
Isabel-  
lam  
ducit.

Anno  
1385.

Belli  
Flandri-  
ci  
finis.

pariet, imò ipsi Franciæ; cui semper Italia, vel victa & domita, damno fuit atque dedecori.

Francia sub eam cladem exultabat lætitiâ, & gratulatione festa personabat. Cameraci Rex Philippo Burgundo aderat duplici coniugio sibi Albertum Hannoniæ Comitem vincienti; nam Ioannes & Margarita Burgundi liberi, cum Guillelmo & Margarita ex Hannonio natis, iniuerunt connubium imò Rex ipse Isabellam Stephani Bauariæ Ducis filiam, ex paterno voto & Patruorum assensu uxorem ducit; excepta sponsa Ambiani, ingenti Regis; omniumque Principum celebritate; ignorantium vt humana sunt gaudia, adduci Helenam quæ Franciam vreret, & ad ruinam propè admoueret. Pompa hæc non diu tenuit; finitis induciis, & Rege ad Flandricum bellum aspirante. Iam ante ad vexandos Anglos Vienniu Admiraliu cum copiis in Scotiam miserat, vt adiunctus Scotis in Angliam ipsam inuaderet, suisque rebus prorsus addictam, ab Aquitania prohiberet. At nullus huius consilij extitit fructus; alienati sunt inuicem animi; Scotis incusantibus Francos, quod tam fœderatos quam hostes diriperent; iis contrà, Scotorum iniurias inhumanitatem atque barbariem insimulantibus; vixque temperatum ab armis, reiectis Francis, captiuoque Viennio, dum pro damnis, Scoto pecunia penderetur. Ergo ne simul spes domandæ Flandriæ euanesceret, in eam arma versa, ardorque militum. Erant in exercitu octoginta millia; nam Rex quadam animi vel altitudine vel immensitate, summa cuncta appetebat & exaggerata, nihil mediocre nihil vulgare passus; magna haud dubiè patraturus, si hos animos prudentia regeret, & paternum aliquid inuitas dotes infunderet. Vni in Flandriâ Gandauenses supererant; quorum perduellio tot  
indurata

indurata sceleribus frangeretur. Ii nuper Damnonam ad Oceanum urbem ex insidiis ceperant, magno ad commercium einolumento, & loco ad excipiendo Anglos opportuno. In eam primum ductus exercitus, circumque positus, sed ambiguum quo tandem modo expugnata urbs est; aliis longam obsidionem, & acceptam deditiorem scribentibus; aliis vim extemplo allatam, captam urbem, direptam, & flammis vastatam. Intercepto mari arque commercio, nihil Gandauensibus præter agrum & pertinaciam suam supererat; ea ut calamitate dometur, in agrum Carolus immittit copias; ferro, & flammâ villas, pagos, sacras etiam ædes perdit, eruit, atque incendit; steriles arbores atque frugiferas euellit radicitus, nulla relicta re unde alimentum peti aut hospitium posset; mox cum hiems immineret, redit in Franciam; proximo vere aggressurus urbem iam spoliata, suisque mœnibus clausam, ut carere. Sed ipsâ hieme bellum feliciter quod cruore tanto constabat, prudentiâ & sagacitate confectum est, Gandauenses haud dubiè fracti miseris, detractâ Damnonâ, vastatisque agris, iam nullâ spe opum, commercio aut culturâ ruris parandarum, sponte ad meliorem frugem propensi, pacem exoptabant, quæ tot calamitates depelleret. Obstabat unus quem dixi Boisius, tum potestaris asserendæ quam inuaserat cupidus, tum pœnæ metuens, quam contraxerat tot patris sceleribus: & adscitis confortibus tam potentiæ quam metus, obtruncabat crudeliter, si qui pacis verbum usurparent. Attamen ciues duo, quibus bonum publicum sua salute foret antiquius, surgunt, Rogerius Crominus, & Iacobus Ardemburgius; ille lanus, hic nauiculator; ut quod ex plebe malum ortum erat, in ipsâ plebe remedium haberet: primumque ciues latenter conciliant, dein prudenter

denter à Philippo Comite præteritorum veniam impetrant, atque immunitates in posterum; tum demùm palam & fortiter vexillum Comitis statuunt in foro medio; bonisque ciuibz in opem conuolantibus, nullo sanguine ciuitatem suo Principi asserunt. Nam Boisius terrore perculsus, cum Anglis abscessit, confugitque in Angliam, tuto receptu; ciuibz voto potentibus, atque in tyranni fugâ paimam collocantibus. Philippus in Flandriam totam admissus est; datumque Franciæ in vnum hostem incumbere.

## XVIII

*In bel-  
lum  
Angli-  
cum  
appa-  
ratu.*

Is Anglus erat, & proluserat Borbonius aliquot oppidis in Santonibus captis, & in Castellâ ac Lusitaniâ auxiliarij Franci atque Angli pugnauerant. Siquidem Ioannes Castellæ Rex, & iure vxoris, Lusitaniæ Regem se professus; cùm in Ioannem eiusdem regni inuasorem arma conuerteret; Lusitanus appellauerat Lancastrium, Francum Castellanus; pugnatumque semel profligatis Francis & Hispanis; donec pax duos inter æmulos coaluit, & Ioannes Nothus Lusitaniam tenuit. Hæc dum aguntur, & Leo Armeniæ Rex depositâ spe subsidiorum in Franciâ hæret; Carolus Parlamento Procerum conuocato, de ratione belli Anglici consultabat. Variæ deliberantes distrahebant sententiæ, Clissonij, Coucij, Comitis sancti Pauli, Vieni j Admirali j, & plurium id consilium erat, vt magno exercitu bellum transportaretur, in Angliam, semelque monstrum enecaretur in capite. Eam in rem dicebat Viennius; *aliter debellari Anglum haud posse. Eos transmittere opportunitate captâ in Franciam, nullo incommodo deligere militem, quem ad prædam mittant; Aquitanos fortissimam gentem se iis adiungere, præda cupiditate, & gloria desiderio, pugnare illos pro aris & focus, vnosque hætenus qui Anglis tot palmas confecerint; quieturos tandem si bellum è prouinciis suis*  
ultra

ultra Oceanum traducatur, & spectatores otiosos fore alieni periculi; Nunc Angliam intestinis malis laborare; Regem & Patruos suspectos inuicem; in Lancastrum Ducem passim Ordines fremere, quod pecuniam totam ad Hispanicam expeditionem corraderet; suisque intentus, publica negligeret; Tum addebat eam initam belli rationem, ad domandum hostem peruicacem; ita Gracos in Persidem immisisse exercitum, sic Romanos à visceribus suis auulsiisse Annibalem, & sub ipsam Carthaginem Cannas vindicasse. Affirmabat sibi perspectam atque exploratam penitus Angliam, propugnaculis, & propugnatoribus urbes destitutas, ineptum bello ciuem, paucisque exceptis, qui olim in Franciam transmississent, ceteros otio & voluptatibus emarcuisse. Accedebant Scoti ad eas rationes momentum haud leue; excusantes noxam priorem, pollicebantur se valido exercitu peruasuros in meditullium Angliæ. Ad ea Proceres assentiebantur, & ipse Rex magno animi impetu ferebatur; vnus contra Biturigum Dux repugnabat præfractè; affirmabat eius generis expeditiones Francorum genti semper infensas; eos suis in finibus depugnare egregiè, hostem fortiter arcere, submouere & pellere; verum in alieno, ubi prudentiâ & patientia fortitudini non socia modo, sed Duces sunt, imparem bello Francorum impatientiam, vnòque momento multa & præclara facinora deprauari. Retexebat expeditiones Italicas, quam sape aberrassent à scopo; nuper quid Andegauensi contigerat, ipsamque Angliam quàm parum foeliciter Ludouicus VII I. inuasisset armis. Quid ingentem classem magno sumptu instruerent? num prestaret totas vires in Aquitaniam vertere, Anglos disicere, ac primos Francia restituere limites, vasta aquora interfusimque Oceanum? Addebat suspicionem, imò

CA-  
ROLVS  
V I.

periculum imminere à Britannia Duce, cuius litteræ ad Regem Angliæ interceptæ retegebant clandestina consilia. Hæc Regis Patruus, siue quia ad Regni bonum ita sentiret, siue in Clissonium æmulatione, quem auctorem transmissionis agnouerat; siue potestatis seruandæ cupidus, quam pace commodius tueretur, quam bello, ab Comestabili administrando; siue quietis & voluptatum amans, quas negotium martis opprimebat. Sanè Britannia Dux, confictas litteras affirmavit; atque ad restringendam suspicionem Brest arcem obsedit, quam Angli ex pacto fœderis nondum dimiserant, & consilium belli tantisper deferbuit, dum in Hispaniâ de Lusitaniâ decertatur. Verùm postquam Hispaniæ pax restituta est, & Dux Lancastrius Ioanni filiâ in matrimonium datâ, omnia iura in Castellæ regnum concessit; rediitque in Angliam; tunc rursus de Anglicâ expeditione deliberatum, & inflammata in bellum studia.

X I X.

*Appa-  
ratus  
irritus.*

Ad eam rem numerosissimam classem instruit Carolus, apparatus mille & trecentæ naues, & ab vltimâ Hispali ad extremam Prussiam conductæ, quot in Oceano nauigabant; Procere omnesque nobiles ad delectum vocati; sexaginta millia, ex infinito numero lecta. Fremebant viæ plaustrorum strepitu, vehabatur annona, atque omnis generis commeatus; tela & machinæ apparabantur, instruebantur nauigia, & arcesso ad pompam ornatu, pictis coloribus, imò & auro illuminabantur; vno verbo videbatur Francia in nouas sedes migrare. Comestabilis classem suam ex septuaginta duabus nauibus adornauerat, nouoque inuento ligneam urbem fabricauerat. Ex prægrandibus tignis validisque afferibus, ingentem ædificiorum molem extruxerat; quæ instar urbis compacta inter se atque diuisa, regium exercitum in hostico

hostico tegeret, atque propugnaret. Huic tur-  
res adiunxerat, muros, munimenta, tectisque  
singulis sua conclauias ad usum distinxerat, ut  
cuique suæ ædes suaque commoda in solitu-  
dine forent. Tantæ molis trabes clauis ferrei  
compingebant, atque committebant, quibus  
detractis soluta machina imponebatur in na-  
ues plusculas, & vehabatur nullo incommo-  
do. Sclusa Flandriæ vrbs classem excipiebat,  
atque apparatus, hincque in Angliam trans-  
mittendus exercitus erat. Iam Brugæ Rex  
venerat, dixeratque Regentem Ludouicum  
fratrem, Turonum Ducem, adiuncto Cancel-  
lario, cuius consilio regnum administraret;  
ora Flandriæ nauibus curribusque feruebat,  
& expectabatur ad profectiorem, classis Co-  
mestabilis, quæ iam ex Britannia soluerat, &  
Biturigum Dux à Rege arcessitus. Sed vnus  
hominis cunctatione, terribilis ille apparatus  
somnia instar euauit. Ac primum cælum &  
pelagus interturbare consilium visa; ventis  
totâ æstate resstantibus, procelloso mari, &  
præter solitum intumescente. Et Comestabi-  
lem à Britannia soluentem tempestas exce-  
pit; tam atrox & fœda, ut classem disiectam  
in varias oras effuderit; septem ad Zelandiæ  
littora impulsæ; quinque impactæ in scopu-  
los; maximè diuulsæ, quæ urbem ligneam  
deportabant; quarum vna vi procellæ in An-  
gliam acta, atque in Tamisis ostium pulsa,  
partem abruptæ molis hostibus intulit; quasi  
cœlo indignante vim naturæ factam, elemen-  
torum usum mutatum, imponique vrbes ocea-  
no, quæ terræ debentur. Euadit Sclusam cum  
reliquis nauibus Comestabilis, Regemque ad  
profectiorem vrget vehementer, & is sponte  
ad eam ruebat; tenebaturque vniuersam clas-  
sem vnica remora Biturigum Dux. Ille primi  
consilij tenax, Auarici Biturigum nesciebat  
moras, & assiduus tametsi nuntiis à Rege com-  
pellatus, ut properè in Flandriam se conferret,

*Bituri-  
gæ cum  
clatio.*



classe[m] apparatus, instructum exercitum, vnum ipsum expectationi esse & moræ, aduolare[re] extemplo, nec diutius afflantibus ventis vela subtraheret; tamen loco haud se mouebat. Verba quidem Regi per nuntios dabat, se affuturum prope diem, nunc se proficisci, mox leuem morbum, negotia publica modo prætexebat; tandem Auarico profectus, paruis itineribus, Parisios venit, hæsitque mensem integrum cunctando de industria, theatralibus Comædorum ludis atque spectaculis tempus terens; donec voti compos sub Nouembrem medium se in viam dedit, atque expectatissimus mense exeunte Sclusam venit. Eius aduentus mirâ lætitiâ celebratus, plausu militum amotam remoram gratulantium, votisque incensis discessum optantium. At Biturix vocato consilio, nodum expeditioni nouum innectit; *negat Regi suscipiendam nauigationem, sacrosanctum caput non committendum ventis ac procellis; iam nimium quod toties obuiisset terra discrimina, non oportere Principem unde pendeant cæterorum fata, mitti ad pelagi scopulos atque tempestates; profecturum se cum Burgundia Duce, quicum bellum in bonum publicum administraret.* Aderat Carolus dum consulebatur, & affirmabat identidem profecturum se, & vel solum, si cæteri omnes deficerent, transmissurum Oceanum. Quâ re perspectâ, cum iam opportunum nauigationi tempus effluxisset; communi calculo omi[s]sa est expeditio, & in proximum annum prolata. Tunc enim verò Francorum lætitiâ in tædium & mœrorem conuersa; nobiles militesque facultates ad se instruendum impenderant, nunc bonis & spe cassi, inopēs atque propemodum nullâ mercede, quasi exauetorati in lecta dimittuntur. Cæteri immensa tributa pecuniamque ingentem, ad militem classe[m] atque annonam subministrauerant, rati oppresso tandem diurno

turno bello, fore ut exaresceret, fons ille perpetuus vestigalium; nunc spem interuersam, frustratam pecuniam, vestigalia perditā, & proximo vere grauiora imminere querebantur. At Flandri gaudebant immodicē, quod hospites tam molesti facerent, & qui cunctarentur eiiciebant molestius. Ad Anglos quod spectat, haud dubium est, quin classis, si commodo tempore nauigasset, imparatos atque attonitos deprehensura, rem prosperē gessisset; Verū dato spatio ad obfirmandos animos; oram muniendam, portusque claudendos, quo ij accuratē vsi & prouidē; stultæ erat temeritatis, sub hyemem, mari intempto, tam arduam expeditionem suscipere. Ita vastissima illa belli moles leuissimo momento diffuxit, tantamque machinam vnius hominis dissensus affixit.

Nec ideo Regi nouæ professionis voluntas excussa, in ver proximum indicta professio; ac munus datus Coucyo, ut in Normannia classē appararet; Comestabili in Britannia alteram. Quam cum is curaret, improuisus scopulus ipem totam nauigationis infregit. Erat Comestabilis Proceribus multis odiosus; Guesclini dignitatem non virtutes obiuerat; morum superbia, cumularum opum cupiditas, & multa in dictis factisque arrogantia, abalienauerant Principum animos; ac tametsi militari virtute atque peritiâ Princeps omnium esset, tamen vanus gloriæ tumor, defectusque inodestix, vnam illam dotem opprimebant; maximè cum inter & Britannix Ducem acerbissima odia erant. Et quidem ille à Ducis partibus olim stabat, in pugna Aurænsi oculo altero orbatus; verū postea à Carolo Sapiente abstractus à Duce, ipsi omne molestix genus facebat, non tantum armis dum vigeat bellum, sed pace ipsa se Domino suo professus æmulum. Noua res Ducem inflammavit pe-

CA-  
ROLVS  
V l.

XX.  
Crispo-  
nim a  
Duce  
Britā-  
nia ca-  
pitur.

CA-  
ROLVS  
VI.

nitus, atque in perniciem aduersarij impu-  
lit. Comestabilis Ioannem Caroli Blesensis  
filium magnâ pecuniâ ab Anglo redemerat,  
illique Margaritam alteram filiam colloca-  
tam optabat; nam maiorem Rhoanio Vice-  
comiti dederat; hinc Ducis animo timor obo-  
ritur, ne homo superbus, & ambitiosus, litem  
veterem de Ducatu Britannia suscitaret,  
Ioannem Blesensem sibi opponeret, ac Re-  
gis gratiâ atque potentiâ in imperium tan-  
dem eueheret. Nec temerè suspicionem com-  
mouerat, quare vt perpetuum suis votis obi-  
cem amoliretur, statuit hominem de medio  
tollere. Eo consilio nobilium Comititia indi-  
cit Venetiâ, qua in vrbe versabatur pluri-  
mum, scribitque amicè ad Comestabilem vt  
dignaretur, accedere. Ille accessit magnâ no-  
bilium cateruâ stipatus, aptior ad faciendum  
metum quam excipiendum. Solutis Comi-  
tiis, in quibus Dux egregiè iram atque odium  
dissimulauit; Barones Clissonius excepit con-  
uiuio, rogatusque Dux, adfuit sub prandij  
finem, & cibus familiariter degustatis, con-  
uiuas inuitat, ad inuisendam Herminiam  
domum, quam ad Oceani littus vrbe haud  
procul magno sumptu exædificabat: & spe-  
ciatim Clissonium, quando ædificandi peri-  
tus foret atque studiosus, noua testâ obser-  
uaret, errorésque carperet. In eam Clisso-  
nius, aliique haud pauci se conferunt, Dux  
per singula conclauia spectantes deducit;  
ac cum ad præcelsam turrim peruenisset, las-  
situdine simulatâ, rogat Clissonium vt ascen-  
dat, & accuratè munimenta omnia specule-  
tur. Ille nihil suspicatus, postquam aliquot  
gradus scandit, foribus repente obstructis,  
ab armatis capitur, ferreisque compedibus  
grauis, in obscurum carcerem conditur. La-  
uallius Clissonij sororius ac Belmanerius ei-  
dem charissimus, qui cum Duce colloqueban-  
tur, ad strepitum pessulorum, sinistram quid-  
piam

*La Val.*  
*Beau-*  
*manoir*

piam suspicati, Ducem orant suppliciter, vt ad ipsum accedant; at ille fractis erumpenti furori, repagulis, Lauallium dimittit, Belmanerium necem comminatus, in carcerem impingit; atque arcesso Baualano imperat, vt nocte mediâ Comestabilem culeo insutum, in subiectum mare præcipitet. Erat prudentiâ in paucis præditus Baualanus, amantissimus Principis, fide grauissimis in rebus probatâ; is posteaquam irrita monita atque preces adhibuit, vt Ducem ab sententiâ dimoueret, recepit se impleturum quod imperabatur; verum apud se statuit, hac nocte rem intentatam omittere, vt pœnitentiâ, si pœniteret Principem, locus foret; sin perseveraret, pauculas horas haud defuturas, quin heri imperium exequeretur. Ita sapienti consilio se ad somnum recipit. Similiter Princeps it cubitum; cùm illicò curæ animique angores Soporem excutiunt. Super Comestabilis imperatâ nece, conscientiam morsus acerbè vexant atque dilaniant; Primùm quidem vltionis suauitas, explendique odij licentia, voluptate mentem diffundebat, mala, iniuriæ, contumeliæ, occurrebant, quibus Clissonius ipsum affecisset, eratque gratissimum dolori iustissimo tandem parentare. At retractanti iniurias irrepebat memoria beneficiorum, & vel inuito extorquebat miserationem, tum patrata cædis inuidia, odium publicum, à Rege Franciæ bellum & vindicta implacabilis, ceu facto agmine irrumpebant in animum; dein deflagrante vltionis libidine, incendebat hominem facinoris probrum atque infamia, fidem publicam violatam; necatum virum amplissimæ dignitatis inauditum atque indemnatum, tot scelera vt priuato odio fieret satis; humanas diuinâsque pœnas impendere; iamque cœlitus in caput suum fulmen intentari. Inter eas angustias nocte transactâ, nec delibato vel leuiter somno, primâ

luce accersit Baualanum, & quærit nunquid iussum suum impleuerit. Postquam is impleuisse respondit. Princeps mali quod præceperat impatientia, palmis stragulas pectusque percutiens. *Heu me miserum*; exclamat, *ah Deus mi, in quam miseriam me conieci! heu Britones meos! heu Sponsam charissimam.* Inter hæc lamenta Baualanus abscedit, & ad confirmandam Ducis poenitudinem, totum diē dolori permittit; quē mīser reiecto omni cibo, & amicorum colloquio, in acerbissimo luctu consumpsit; donec sub vesperum Baualanus rediens, & Duci calamitatem suam deploranti, affirmavit Comestabilem saluum, vitamque seruata, dum tranquilla mens ab furore præcipiti sese reciperet. Tunc enim uerò virum Dux amplecti, gratulari prudentissimæ cunctationi, & se seruatum inobedientiæ famuli. Mox decem millia aureorum data in præmium tam felicitis contumaciæ; admissusque Lauallius, qui de libertate Comestabilis ageret, scriptæ illico conditiones, nihil Lauallio recusante; numerata Duci centum librarum millia, arces plures commissæ, fatente Clifsonio se iustè captum, ob plura scelera patrata in Dominum. Quibus perfectis is liberatus est; veritumque flagitium ingens Baualani prudentiæ; tanti est affectibus moderari, non suis modo sed alienis, & iuuat in potestate haberi, qui se non habet.

XXI.  
Comestabi-  
liis libera-  
tus.

Solutum ergastulo Comestabilem sui vicissim affectus incendunt, contumeliæ grauitas, pacti iniquitas, carceris squalor, probrumque compedum, proximum teterrimæ mortis periculum, superbæ atque altissimæ menti subiiciebant ultionis faces. Ergo liberatus, altero die veredariis equis Parisios venit; atque ad genua Regis prouolutus, deplorat iniuriam, Regi potius quam sibi illatam, æquisissimamque vindictam flagitat. Vocatâ re in consilium, cūm plexique omnes graue supplicium

placitum exaggerarent, censerentque repetendas à Britanno pœnas ; vni Regis patrui Bituricensis & Burgundus, inuidiâ & maleuolentiâ in Comestabilem, iniuriâ eleuant; *Privatum esse, Ducem inter suumque hominem iurgium, Clissonium temeritatis & inconsiderantia luisse pœnas ; quid imprudenter inimico suo committeret se ? persequendum publicum hostem armis publicis, non priuatas inimicitias ; permittendas eas dolori ac sensui singulorum.* Ea sententia, quamuis indignante Rege & repugnante, obtinuit ; ac demum statutum vt Legati ad Britannum Ducem mitterentur. At Comestabilis doloris impatiens, quem adaugeret, obex oppositus, reddito Regi Comestabilis gladio, in priuatam domum secessit ; statimque filiam Ioanni Blesensi in vxorem tradit. Crauis tamen tempestas oriebatur, atque Britannia imminebat. Primum legiones quas in Britannia Clissonius scribebat, audito eius carcere, signis raptis, rectâ viâ Erminiam ad eruendam arcem aduolabant ; ac tamen in viâ libertatem viri audiuerant, tamen castra ipsius multa receperant, expugnato in primis S. Maclouij fano. Nec erat dubium quin reuocaret Comestabilem Carolus ; nam habebat charissimum, & armorum cupidus, militarem virum armisque clarissimum, completebatur artissimè. Nihilominus legatis adeuntibus, Episcopis Lingonensi & Bello-uacensi, & Viennio Admiralio ; & petentibus satisfactionem, Dux respondit arrogantius ; se clienti iuste pœnam indixisse ; satis ipsi esse quod à morte reus eriperetur ; non fuisse animum Regi obesse regisve consiliis ; quem nunc adire sibi per negotia sua non liceret. Moxque haud ignarus eo responso Bellonæ facem inflammatum iri ; vt se compareret ; nouum fœdus cum Anglo contrahit ; filiam Caroli Mali. Regis Nauarræ secundo

coniugio in vxorem ducit , & Geltium Du-  
cem , temerarium iuuenem atque improui-  
dum, ad bellum Franco indicendum impel-  
lit: ita bello in plura loca disposito , sperat  
procellam à se dispellere & in hostem reiici-  
cere. Interea ingens ille ad Anglicum bel-  
lum apparatus secundùm euauit , qui maxi-  
mè vno Comestabile nitebatur. At verò dum  
Rex dolorem ob interuentum consilium alit;  
expeditque in Nauarrum atque Geltium  
militem, tandem à Nauarro iustas scelerum  
pœnas exigit Deus. Carolus ille Nauarræ  
Rex, Malus dictus , mitiori pro tot flagitiis  
appellatione , ob frequentem libidinem con-  
tractâ inualetudine , natium calorem penè  
extinxerat , frigidissimo gelu per intimas ve-  
nas inhorrescente ; cutémque extimam per-  
uadente ; medici vt calorem illum suscita-  
rent, præscripserant eum inuolui linteo, aquâ  
vitali imbuto. Rege inuoluto, & intra culeum  
insuto, cubicularius filum vt abrumperet, for-  
ficum defectu , id candelæ lumini admouet,  
cùm repente flamma decurso filo , fomite  
haud dubie rapiente , inuadit in linteum , &  
momento vniuersum incendit. Ita Rex im-  
pius conflagrauit incendio , vitam tamen in  
septimum diem protraxit, in acerbissimis cru-  
ciatibus , inter eiulatus & insanas desperan-  
tis voces ; suppare vitæ stadio exitu, ( nam &  
exarserat libidinis flammis , & belli facem  
Europâ totâ incenderat atque aluerat ; & ve-  
nenato puluisculo , viscera incendio subito  
corrodente , plures interemerat ; ) donec vi-  
uus flammis sepultus est. Eâ morte molestis-  
simus hostis Franciæ periit ; imò & nouus  
detractus , Britannix Dux. Etenim Carolo  
Malo filius alter Carolus successit , ab patris  
indole planè alienus atque consiliis, qui pace  
contractâ cum Franciâ, spem Britanni affixit.  
Ille igitur partim metu , partim animi leui-  
tate quâ in diuersa sæpe ferebatur , persua-  
sus

fus à Regis patruis Blesas accedentibus, Parisios venit, & Controuerſiam cum Clifſonio Parlamente permifit; cuius ſententiâ pacta prius inita reſciſſa ſunt atque abrogata, imperatûmque vt à Duce pecuniam datam atque inuaſa caſtra Clifſonius reciperet. Eo iudicio ſibi factum ſatis Comeſtabilis ratus, Aulæ ſe ac dignitati reſtituit; occluſit ſe Angliſ Britannia, & in vnum Gelrium arma conuerſa ſunt; quanquam inter Ducem & Comeſtabilem odium perſeuerauit; Duce haud reſtituente quod erat iuſſus & Comeſtabile generum impellente, vt Britannix nomen atque inſignia uſurparet. Ad Gelrium quod ſpectat; Guillelmi Ducis amens ſuperbia eò intumuerat, vt Regi per Feciale bellum indiceret; & dolorem iniuriæ Rex diſſimulauerat, Feciale donato pecuniâ & diſmiſſo; verûm exacturus pœnam iniuriæ, ingentem exercitum ſcribit, ducitque in Gelrium. Erant in eo centum hominum millia, tantuſque apparatus, vt in immenſum diſfuſus ſpatium, quatuordecim leucas obtineret. Ad Venceſlaum Imperatorem legatos miſerat; excuſatum quod in ditionem Imperij penetraret, atque aſſertum nihil ſe contra dignitatem eiſdem Imperij moliturum. Properanti occurrit Dux Iuliacenſis Gelrij pater, qui conciliantibus Colonienſi & Leodienſi Præſulibus, admiſſus ad Regem, veniam filio ſupplex implorat, inſanam iuuenis arrogantiam culpat, ſatisfactionem & demiffionem humillimam pollicetur; ſe poſtremò Regi ſuaque omnia in Vadimonium tradit. Cùm Regium conſilium paternis precibus annuiſſet; ille ad filium conuolat, deductis iſdem Præſulibus, nec parûm laborauit, in frangendâ iuuenis contumaciâ, qui auiditate belli flagrabat, & ſperabat hyemis iam imminentiſ ſæuitiâ, perditum iri tantum exercitum; at patris minis abſterritus, ſe vinci paſſus eſt,

*Pax cū  
Gelrio.*



CA-  
ROLVS  
VI.

XXII.  
Rex re-  
gnum  
admi-  
nistrat.

ducique ad Regem; à quo veniam temeritatis petiit atque impetrauit; totâ Franciâ in bellum excita, ad rem tam leuem; vt verè apologum parturientis montis excerpserit.

Huius tamen expeditionis extitit fructus, quod Rex administrationem regni suscepit, Auctores huius consilij Comestabilis, & Orgemontius Cancellarius, quibus Patruorum Regis auctoritas atque potentia erat dudum grauissimū onus & molestissimum. Iis adiunxerat se Ludouicus Regis vnicus frater, Dux ante Turonum, mox Aurelianensis, Duce Aurelianensi Regis Ioannis fratre sine liberis mortuo, & quidem Ludouicus Valentinam Ioannis Galeacij Vicecomitis filiam vxorem duxerat; dato in dotem Comitatu Astensi, ac stipulante Galeacio, vt absque prole masculâ si decederet; omnis ditio ad Valentinam filiam eiusque liberos perueniret; eoque pacto in Mediolanum Aurelianensi stirpi ius quaesitum, quo in Franciam calamitates tantæ inuectæ sunt. Ergo in reditu, Rhemis habito Procerum Concilio, actum est de Regni regimine, primusque rogatus sententiam, Asselinus Episcopus Laudunensis, & postmodum Cardinalis, vir probæ pietatis, & integritatis; dixit, Regi tradendum sceptri regimen; iam impleuisse annum vicesimum, dotes animi atque corporis supra ætatem, omnibus administrationi esse & gaudio; non supersedendum, quin is vocaretur ad gubernandum, cuius maximè saluam esse nauem interesset. Ea sententia apud singulos tenuit; nec Regis Patruï dissentire ausit, ne apertè sibi imperium prorogarent; hæsit tamen in animo stimulus, mox in consultores exerendus; primusque omnium Asselinus, haud multo post propinato veneno periit. Dimissi Patruï recesserunt, Burgundus in Flandriam, Bituricensis in Occitaniam, sibi pridem traditam ad gubernandum; in quam euocauit aliquantò post Regem.

Rex in  
Occi-  
tania  
venit.

gem ipsum ; etenim cùm Prouinciam acerbè vexaret atque diriperet , vrbes plurimæ apud Regem de Proregis peculatu conquestæ , Cometabile querelas promouente , eum impulerunt ad nouum iter aggrediendum. Itaque Carolus venit Auenionem, à Clemente summâ exceptus magnificentiâ, & Ludouico Andegauenfi patruale in Neapolis Regem coronato , exostulationibus Occitanorum intendit. Comperto quadraginta mille familias Proregis auaritiâ & rapinis familiarium , deturbatas bonis & laribus , in syluas & antra ad euitandam sœuitiam confugisse, tutiusque lupos inter & feras degere , quàm in mediis urbibus , sub redemptorum & publicanorum immanitate ; ad subleuandam Prouinciam, Tolosam profectus est. Illic Biturige iussu facessere, ac quodam Betifaco, qui Proregis potentiam ad sua flagitia detorquebat in pœnam vocato, audiebat querimonias , & damnum quantum fas erat miseris farciebat. Post constitutam Prouinciam, incitatis equis Parisios venit, iuuenili lusu atque proteruiâ cum fratre Aurelianensi sponsione factâ ; vter velocius Monspelio Parisios veredariis equis decurreret ; ac quinto die paucissimis horis anteuertit Dux Regi. Porro libet antequam auolet ; tantisper cum eo in Occitania demorari , & Comitem Fuxiensem aduentantem, vt clientem se dicat, paulo attentius contemplari. Is Gasto nomine , ob eximiam corporis pulchritudinem Phœbus nuncupatus , ornamenta corporis animique assequutus quam plurima , totâ Europâ celebrabatur omnium ore, Membris ad dignitatem Principis conformatis, vultu, staturâ, flauo capillitio, vigentibus oculis, mirâ dexteritate, firmoque robore: dignissimus imperio videbatur. Nunquam caput vlllo tegumento inuoluerat , semper enudo incedens , primum vt admirabilem comam ostentaret , mox vt se in cœli intempe-

Gasto.  
Phæ-  
bus Co-  
mes Fu-  
xiensis.

CA-  
ROLVS V I. riem æstus & frigora induraret. Generosissimus atque fortissimus in Anglos affinesque Principes, multa bella gessit, victorque in omnibus famâ egregiâ, ac terrore iusto inuidiam oppressit, odiumque restinxit. Ditissimus ac magnificentissimus Principum habitus. Ædificia sacra & profana ingentia erexit, & plurima; illustrem atque amplissimam è nobilibus familiam alens, dona in meritos luculentissimè cumulabat: nec ideò subditos quibus charissimus erat diuexauit vnquam, sed ab honestâ parcimoniâ annuos redditus, & vestigalia iusta geminabat. Musicam ardentiore studio prosequabatur, siue quæ vocibus, siue quæ fidibus canit, ac perpetuo gratis concentibus aures & conclauia personabant. Litteras & litteratos diligebat impensè; eos potissimum donis ornans & beneficiis. Verùm vt indoles militaris erat, impotenti animo ad venationem atque aucupium ferebatur, atque alebat duo millia canum, & volucres ducentas doctas ad venandum; vt per ea felicissimus ac felicitate dignissimus haberetur. Duo tamen, vt est vita mortalium, grauissima infortunia passus est, quæ prosperitatis sensum infecerunt; alterum quod sine legitimo hærede, alterum quod inimico herede obiit. Erat illi filius Gasto nomine, ab sorore Caroli Nauarræ Regis susceptus, in spem patrimonij tanti educatus; ille ab Patruo pessimo bipedum quem inuiserat, donatus puluisculo quem patri porrigeret; vt cum ipso matrem reconciliaret, nam inter se dissidebant; forte in iurgio cum fratre Notho oborto, detectus is puluisculus est, & ad patrem delatus; eoque iubente cani in frustulo panis oblatus, vorantem extinxit illicò: Quamobrem Pater in furem æstus, postquam didicit donum à Nauarro profectum, non dubitauit quin Nauarrus filium ad parricidium instituisset. Eum itaque ægrè à Domesticis è manibus suis creptum

ereptum carceri mancipat, & conuocatis Comitibus ignominiosæ neci destinabat; cum adolescens miser atque innoxius repertus est in carcere animam egisse; seu dolore, infamia parricidij cum innocentia depugnante; seu sponte, alimentis abstinens, ne infortunio ignominia mortis accederet; aut forsitan, patris nutu immisso carnifice, sibi ipsi ignominiam & dolorem nouum indulgentis. Sanè hæc labes fœlicitatem Principis contaminauit; erântque in præclarâ indole turpiores næui; quod suspicax atque iracundus, ad sæuitiam atque vindictam vltra æqui metas agebatur haud rarò. Eo animo exercebat inimicitias cum Vicecomite Castelbono Patruuele suo; erâtque molestissimum quod cæso filio cum hæredem habiturus foret. Quam molestiam vt auerteret, Regem conuenit, cùmque impetrare haudquaquam posset, vt ad notum filium transiret hæreditas; Comitatum primò Regi donauit; mox quinquaginta librarum millibus vendidit; frustra tamen in ius & æquitatem pugnavit; nam eius post obitum Carolus recepto pretio Castelbono Fuxienses addixit. Fuit autem mortis ratio vt vita cætera singularis. Cùm sub æstum caniculæ ætatis anno post septuagesimum secundo, sed senectâ robustâ & viridi, Saluaterra Orthas profectus, in vrsu incurrisset, eum vt venationis erat amantissimus, persecutus venatusque; cœli intenso corporisque ardore, ad sumendum cibum in conclaue subit, quod à domesticis ad captandum frigus, vernantibus arborum ramis conuestitum, & ad subleuandum æstum instructum accuratè, tanto frigore incalescentem Principem afflauit; vt infusa ad accumbendum manibus frigida, exanimis procubuerit; ea duntaxat voce usurpata; ah parce Deus mi; sic mors inter charissimæ & suauissimæ voluptatis vsum irrepsit; vt frustra pericula, bella, & naufragia vitentur,

CA-  
ROLVS  
V I.

XXIII  
Varia  
expedi-  
tiones.

In  
Africa  
expedi-  
tio.

vitentur, cùm in ipso asylo vitæ atque ali-  
mento, quæ per ea cauentur occurrant. Hæc  
de Gastone Phœbo fortasse fusius, sed non  
pigebit hoc diuerticulo aliquantisper viæ re-  
giæ tædium mitigasse.

Interea cum Anglis pactæ in plures annos  
induciæ, domesticam quietem Franciæ & ali-  
quot foris expeditiones pepererunt. Primum  
in Aruernis & Lemouicibus grassatores ex-  
tincti; quorum Duces Marcellus & Testa-  
nerius, famosissimus ille torrapinis prædo, à  
Biturgium Duce capti, arcibus euersis in  
quas confugerant, Parisiis supplicio palam  
necati sunt; affixis in arborum ramos scele-  
rum sociis. Tum in Africam, ac postmodum  
in Italiam deductæ copiæ. Expeditionis pri-  
mæ ea ratio fuit; Genuenses internecinis cum  
Venetis bellis fracti & obtriti; ab Mauris  
Africæ toto mari interdicebantur. Molestissi-  
mum erat iis quibus antea Pelagus regnum  
atque adeò luculentissimum fuerat, ab gen-  
tè vilissimâ deiici, suoque portu seu custodiâ  
clausos, gloriâ Imperij & commercij fructu  
spoliari. Eam ob rem auditis Francum inter  
atque Anglum induciis, erecti in spem ho-  
stem perdomandi, legatos mittunt ad Regem  
vtrumque qui auxilia flagitent; maxime ad  
Regem Franciæ, qui suæ stirpis Principem  
in expeditionis Ducem designet. Excepta in  
Francia summo plausu legatio; extemplò mi-  
litares nobilium animi stimulo gemine re-  
ligionis & gloriæ concitati, passim dant no-  
mina; opusque fuit ad impetum continen-  
dum edicto, quo vetabatur ne quis sine Re-  
gis concessu in delectum se daret. Major in  
dicendo Duce controuersia fuit; cùm Regis  
frater Aurelianensis, ad belli gloriâ anhel-  
ans iuuenis, eam Prouinciam sibi deposce-  
ret; obstarent Patruj Burgundus & Bitur-  
rix, pretextentes imperitam Principis adole-  
scentiam; viciariam amulî, & generosam  
indolem.

indolem oppressuri, detractâ laudis atque honoris materiâ. Ita eorum sententia desig-  
 gnatus Dux Borbonius, veteranus iam Imperator, quique in Africâ, non ita pridē pugna-  
 set. Adiuncti Proceres, cum Regis veniâ, Phi-  
 lippus Artesius, Eufius Comes, Beraldus Co-  
 mes Claromontanus, Viennius Admiralus,  
 Coucyus, Trimollius, Harcurius, Sancerra,  
 Sullius, aliique; quibus Angli magno nu-  
 mero accesserunt, multique Bauari. Genua  
 trecentis triremibus & centum nauibus sol-  
 uit exercitus, in quo triginta militum mil-  
 lia, magna pars nobiles, Eutopæ flos deliba-  
 tus. Procellâ iactati in Africam applicant,  
 ipsamque urbem cui Africa nomen aggredi-  
 untur. Est Africa vrbs, veteribus Aphro-  
 disium seu Phanum Veneris, posita in arcto  
 ad Mediterraneum promontorio, quod vtrin-  
 que mari alluitur, & erectis munimentis de-  
 fenditur; eam Rex Tunetanus, expeditione  
 compertâ, egregiè instruxerat, dum cæterum  
 exercitum Tunetum contrahit. Producta ob-  
 sidio ad mensem alterum, quo postquam vrbs  
 in potestatem concessit; ij ad Tunetum du-  
 xerunt copias. Verùm Tunetanus Rex ad  
 priores artes se conuertens, quibus sui maio-  
 res Ludouicum sanctum profligauerant; ere-  
 ptâ pugnæ facultate, quam ardentè Franci  
 appetebant, cepit velitationibus, incursioni-  
 bus, nocturnis & improuisis aggressionibus,  
 hostes fatigare, vexare, atque opprimere; vt  
 frangerentur belli laboribus, & nullâ victo-  
 riâ recrearentur. In eiusmodi impressioni-  
 bus duo maximè Francis salutis fuerunt, quæ  
 Dei tutelæ calculo omnium debebantur. Pri-  
 mum quod canis nullum huiusmodi proprium  
 ab Europa sequutus, Christianis hæsit, ac Mau-  
 ros quodam instinctu, vel diuino, vel na-  
 turæ odorans sagaciter, cùm accederent si-  
 gnificabat latratu; vt iam pro vigilantissimo  
 excubitore & sonorâ tubâ castris esset. Alte-  
 rum

CA-  
 ROLVS  
 VI.

Anno  
 1390.

CA-  
ROLVS  
VI.

Arma-  
niacus  
in Ita-  
lia.

rum fatentibus Mauris, fuit indubitatum di-  
uini præsidij signum. Nam Franci cùm totum  
diem sub signis stetissent, æstu & armorum  
pondere defessi plurimùm, nocte proximâ  
alto somno se dederant; & ecce Mauri toto  
exercitu irrupturi adueniunt. Tam arctè so-  
por fessos artus adstrinxerat, vt latratu canis  
nusquam excitati, in magnam cladem incur-  
suri forent; quando Mauris spectaculum im-  
prouisum obiiicitur; primùm ingenti lumine  
perstringuntur; tum apparet Matronarum co-  
hors, specie venerabilium & fulgore miro  
lucentium, quarum princeps dextrâ vexillum  
præferens, colore candido roseoque distin-  
ctum, excellebat præ cæteris, vestium luce,  
& totius corporis dignitate. Quo spectaculo  
hostes perterriti terga illicò vertunt, & se in  
sua castra recipiunt. Franci interim æstu, &  
grassantibus malis imminuti, spe obtinendæ  
Tuneti depositâ Genuensibus pacem confe-  
cerunt; quâ soluti captiui, mari parâ liber-  
tas, commercij securitas asserta; & classi om-  
nes redditæ, pars in Europam, pars in Palæ-  
stinam Religionis causâ nauigauit. Eam ex-  
peditionem excepit missus in Italiam nouus  
exercitus, vnde noua Burgundum inter, &  
Aurelianensem causa dissidij. Bernabus Vi-  
cecomes Mediolanensis in vxorem duxerat  
Ioannis an Iacobi Armaniaci Comitæ sor-  
rem; ille à Galeatio patruele, & socero Au-  
relianensis Mediolanensi ditione expulsus,  
Armaniaci sororij opem implorabat; foue-  
batque Armaniacum Philippus, vt Aurelia-  
nensem deprimeret; contra hic rem soceri  
promoturus, suamque, quando vxori illuce-  
bat spes hæreditatis, contendebat ne Barna-  
bo mitterentur auxilia; atque optabat vt pa-  
truelium pugnantium armis res permittere-  
tur. Obtinuit tamen Burgundi auctoritas, vt  
Regis voluntate & stipe legeret exercitum  
Armaniacus; quem triginta millibus militum  
constatum

conflatum in Insubres duxit. Sub initium fausta omnia, plurésque vrbes aduenientem excipiunt. Alexandria vincentem stitit, eripuitque victoriam. Urbem expugnare aggressus, & soluto licentiâ milite, cum hostilis exercitus nullus timeretur, perniciem sibi suisque confecit. Quippe Vermius peritus Galeatij Dux, captatâ occasione quam offerebat vberriam effusus ad prædam miles & securè diripiens; in Francos inuadit; confertoque prælio in fugam agit: ipse Comes septem vulneribus saucius interfugam, dum siti oppressus, fonti se applicat, in ipso potu deliquio correptus procumbit, & ab hoste captus paulo post expirat; cæsa sex Francorum millia, reliquos fuga disiecit. Galeatius sensum victoriæ in clementiam vertit; nam Comitis corpus conditum aromatibus ad affines misit; captiuos milites donatos pecuniâ liberos fecit, ac fugientibus fugæ facultatem; vindictam honestissimam ratus, quæ hosti parcendo, diligendi se necessitatem imponeret.

In iis incommodis leuibus admodum, tranquillum & securum Franciæ orium, nouus & inexpectatus casus, vnius hominis furore abruptit. Petrus Cranensis Ludouico Aurelianensi familiaris admodum erat, & in eius consuetudinem se penitissimè insinuauerat. Is malè passim audiebat ob vitia, idémque Ludouicum Andegauensem Dominum suum ad necessitatem mortis deduxerat; nam ab eo in Franciam missus dum ageret in Italiâ, vt pecuniam conficeret, afflictumque exercitum subleuaret, ab vxore Ducis muliebri mundo diuendito; dum iter Venetiis habet, in vrbe peraccommoda voluptatibus hæret, Luxu & ganeis stipem militum absumens, dum exercitus inopiâ atque miserâ soluitur, & ipse Andegauensis dolore animi vitam agit. Ille igitur eos mores ad Aurelianensem

CA-  
ROLVS  
VI.

XXIV.  
*Comen-  
stabilis  
casus.  
De  
Craon.*



CA-  
ROLVS  
VI.

sem applicat, iuuenem in amorem mulierem  
proniores; atque auctoritate, aureo imbre,  
& flore ætatis, machinis in imbellem Sexum  
validissimis, pudorem virginum, & nuptiarum  
thalamos expugnantem. Ille aliquando amo-  
res Principis Valentinae uxori aperuit; quam  
rem demum ab ipsa coniuge Princeps com-  
periens, Cranensem aulam pellit, causam indi-  
ctam, tamque acerbè auctoritate Regis perse-  
quitur, ut in Andegauis patriam suam intuto,  
vnum Britannia Asylum patuerit, vnusque  
hospes Monfortius; eorum perfugium qui  
in offensionem Regis incurrissent. Exem-  
plo ab Rege querelæ ad Monfortium defe-  
runtur, quod extorrem & Regi parum gra-  
tum exceperat, eamque ob rem Rex ac Bri-  
tannus Turones conuenerunt; ubi mutuis ex-  
postulationibus incitati potius, quam pacati,  
recesserunt; nouo tamen fœdere illigati,  
& Cranensi facultate datâ hærendi in Britan-  
niâ. At ille infortunij ferendi impatiens,  
dum auctorem vestigat animo, in quem vin-  
dictam exerat, præter Comestabilem nemo  
occurrit, quem, quod ipse se insinuerat in  
Principis gratiam, actum inuidiam suspicatur.  
Monfortius suspicionis particeps factus, eam  
auget, & Comestabili infensissimus, Cranen-  
sem ad ultionem incendit. Concepto facino-  
re, diem ac modum Cranensis disponit, Cu-  
stodem ædium quas habebat Parisiis, iubet  
clam comparare loricas, atque alia arma,  
quibus quadraginta viri induantur; tum de-  
lectos ad eadem Sicarios singulos deinceps  
ad easdem ædes quadraginta mittit; & ipse  
ad designatum diem; qui erat sacro-saucto  
Christi Corpori festus, mense Iunio se  
in ædes suas abdit ignotus. Eo die Rex  
Proceres omnes cœnam exceperat; nocte  
concubiam, cum in sua redirent singuli,  
& fortè postremus omnium Comestabilis in  
palatium suum recederet, octo domesticis  
comitantibus

comitantibus ; ecce Cranensis cum quadraginta sicariis in eum irruit, facibusque restinctis se Cranensem profectus, qui ad petendam vindictam venisset, quadragenis entibus solum, diffugientibus tamulis, impetit. Et se Comestabilis breuiori quem gestabat ense aliquandiu textit ; donec ferro in caput impacto, ex equo deiectus, in pistoris fores nondum ocellas prolabitur, omniumque confossus ictibus, pro exanimi habitus iacet, sicariis fugam se proripientibus, nondum reditis ciuitati portis, postquam in seditionis pœnam raptæ erant. Interea discurrentium strepitu ciuem excitante, spargitur rumor Comestabilem cæsum ; quo percussus Rex in locum aduolat, faucium inspicit, solatur amicissimis verbis, & Chirurgo iubet mederi vulneribus. Illi renuntiant quanquam plurima essent & graua, lethale nullum esse, & Deo moderante nullum eiusmodi erat. Nam postquam faucius in pistoris fores deiectus est, percussores equo nusquam exscenso, ne tardarent fugam, ictus in iacentem infirmiores intulerant, & is lorica hamatam gestabat sub vestibus, qua ferri prius retusus impetus, & vetita mors ad viscera penetrare. Continuò patrata in sicarios quantum licuit ultio ; duo è fugam retracti ; truncantur dextra & capite ; Cranensis ædes diruuntur funditus, Custos furcæ suspenditur ; in Cranensem absentem mors pronuntiatur, facultates fisco addicuntur, & arces curante Viennio eueruntur. Hæc pœnæ præludia ; Cranense incolumi, imperfecta duntaxat & inchoata leuiter videbantur : is verò à Britanno exceptus vnâ re infortunium suum accusabat, quod superesset inimicus, suis curis periculisque frustra impensis. Et ad eum tradendum compellatus à Feciale Regis Monfortius, insolenter responderat ; se Cranensem haud excepisse ; ignorare vbinam gentium esset, eamque

CA-  
ROLVS  
V I.

que curam ad se minimè pertinere ; seque flocci habere , quid iurgij inter Cranensem & Clissonium foret. Eo responso Rex exacerbatus, bellum parat Monfortio, & Italicæ expeditionis immemor , quam instruebat ut Clementem Pontificem , expulso Bonifacio, qui Urbano successerat , toti Italiæ obseruandum ingereret, vna ultionis cupiditate flagrabat.

XXV.  
*Aure-  
lianen-  
sis &  
Burgun-  
da  
factio.*

Erat tamen quod voluntati pronæ obniteretur ; nam in Comestabilem duo Regis Patruum , Burgundus & Biturix , dudum odium alebant , ac ab eo dolebant administratione rerum deturbari ; antea illarum regni que compotes , nunc auctoritate precariâ , atque occluso cupiditatibus suis ærario , se à gradu pulsos patiebantur ægerrimè, Proceresque & Nobiles conciliabant ad creandam sibi factionem. Contra Comestabilis tametsi Regem in potestate haberet , tamen quoniam apud Francos sanguis Regius magni momenti est, Aurelianensem opponebat , quem blandimentis, regiis Donis, magnâ in suos munificentia sibi allegerat atque adiunxerat ; adeo ut iuxta illi gratus ac Regi foret. Et ab iis cunis duas inter familias , Aurelianensem & Burgundam inimicitia ortæ sunt, quæ deinde Franciam disciderunt, & admouerunt ad perniciem ultimam. Ideò in decernendo in Britannum bello discrepabant sententiæ, distrahebantque consilium. Aurelianensis bellicum insonat ; atrox facinus sub aspectum Regis perpetratum , violatam maiestatem regni in Principe magistratu , Regem inter & Comestabilem neminem esse medium , ut qui impunè Comestabilem perimit , iam gradu proximo Regi immineat ; quid tutum quid securum Principibus ? Si in urbe primariâ , ad fores regias, sacrosancto die , religiosis initiato mysteriis , in conuocatis palam nobilibus ; grassatores, impunè virum innoxium , dignitate

tate & perpetuis in regnum meritis, Regi regnóque toti charissimum, ad arbitrium mactent? qua causa iustior belli decernendi, quam ut puniatur atrocissimum scelus, sanciat iustitia, & ipsi Regi comparetur securitas. Bituricensis in eas machinas obiciebat omnem induitiam; primum auctor fuerat ut compellaretur Britannus; dein affirmabat inimicitias Clifsonium inter & Crannensem priuatas; eius quidem grauissimum facinus; sed indictas poenas, quantum ad iustitiam & terrorem satis; quid Britannum bello aggredi opus; cum illicò Anglicum oriturum esset, quod tantis aruinis curisque sollicitis nuper ipse Rex petitis induciis oppressisset? Verum iis potentior Regis in Comestabilem amor, quo urgente bellum in Britannum decretum est ac paratum. At paulò post nouus intercedit obex, Burgundiæ Dux; qui conquestus inconsulto se bellum indici, nec vocatis eam in rem comitiis, omnem artem adhibuit, ad profectiorem Regis inhibendam; nam adornauit medicos, qui Regi valetudinem obnuntiarent; eum proximo morbo nondum recreatum, etenim Ambiani ardentissimâ feбри cum discrimine salutis vexatus, infirmo adhuc corpore erat, & cœli magno æstu, periculum esse ne recrudesceret: Reclamabat populus, negabátque Regem inualidum debere pro vno Clifsonio agi in bellum; Antistites atque vniuersitas Parisiensis grauib. admonitionibus dehortari Regem à bello conati; Bitutix peritissimus ille morarum Artifex, omnia excogitabat ut impedimenta bello annecteret. Nec Regis ideo deferuebat ardor; imò Clifsonio insinuante, nouis suspicionibus mentem implicabat; sibi iam non obtemperari, coqui arcana in Regnum consilia, & proditiōem iis moris texi; visusque est aliquoties atrâ bili cerebellum mouente, aliqua dicere quæ minus sanum hominem

CA-  
ROLVS  
V l.

Regis  
fonticuli  
mor-  
bus.

hominem saperent. Eâ corporis animique imbecillitate, cunctationem omnem abrum- pens expediri copias iubet; ac paulo post Carnutum, dein Cœnomanum venit. In eâ vrbe, Patruorum arte moratus octiduum, tan- dem impatientiæ plenus & tædij, die quintâ Augusti, ex vrbe versus Britanniam tendit. Erat intentissimus caloris æstus, quo equi- tabat Rex, capucium indutus, & pallium ex heteromallo serico, panni spissitate ardorem cœli adaugente; ibatque silentio, anxio ani- mo, ac reuolvente quas ante conceperat mo- lestias & suspiciones; cùm duo casus men- tem bili afflatam in fonticum morbum im- pulerunt. Prima res creditur à Burgundo Duce adornata, altera plane fortuita, & diui- no consilio, ad Franciæ scelera ægritudine Regis punienda. Itaque cùm Rex iter per syl- uam haberet, repente inter arbores vir rusti- cus prodit, staturâ supra modum procerâ, cute æstu incoctâ, capillis hispidis squallidisque, membra nudus, præter centones quibus me- dium corpus tegebatur; tum equum habenis sistens, Regi terrificâ voce inclamat; *quò ten- dis Rex miser, regredere, proderis*; mox agrè ab equo adstantium concursu abstractus, se in densissimam syluam immittit; euanuitque ab oculis. Ea res melancholiam concitauit; at quæ consecuta est concitatum sparsit, & ra- tionem planè deturbauit. Postquam Rex syl- uâ egressus est, elabentibus cæteris, ne com- motus puluis officeret, equitabat solus, duo- bus ephebis ponè sequentibus; alter Regis galeam induerat; alter lanceam demissam gestabat, porrò hic postremus sopore oppres- sus, forte lanceam in galeam socij præceden- tis impegit; cùm ex illisu sonitus ederetur, ad eum Rex conuersus, & quâ perstrictus fulgore galez, quâ demissâ perterritus lanceâ, ratus sibi parari insidias, furore corripitur, & tumultu cogitationum ad repentinum specta- culum

culum adhærente , in Phrenesim momento agitur. Tunc quasi inter medios hostes versaretur , vt erat generosi fortissimique in periculis animi , districto ense in Ephebos ruit, illi diffugiunt , & clamoribus proximos euocant : Aduolat Aurelianensis , statimque incum Rex mucrone stricto inuehitur ; necabatque ni se fugâ celeri proripuisset. Affluit vndique Aulicorum turba , & passim obuios furiosus Rex ferro tundit, iamque tres quatuorve mactauerat, cum omnibus fugientibus, tandem cursu æstu & labore fessus , simul cum equo in fossam decedit , vnde eductus, Cœnomanum fertur. Hicque est morbus quo non modo Rex , sed misera Francia laborauit, tantis calamitatibus domi forisque vexata, vt diuinæ opis illustrissimum sit monumentum , quod superfuerit.

CA-  
ROLVG  
VI.

Anno  
1392.

XXVI.

*Regis  
morbus  
incura-  
bilis.*

Continuò ad ægrotum adhibentur medici atque remedia; adstant Principes & benivolentiâ grati, per vniuersas prouincias preces & supplicationes instituuntur; viæ ac templa feruent virorum & mulierum piè peregrinantium precibus , qui nudis pedibus misericordiani Dei compellarent. Verùm perseuerabat contumax morbus , exhaustiebat medicorum artem atque remedia; Proceres omnes affines & charissimos respuebat æger; Deus precantium vocibus obduruerat; Rexque miserandus iacebat in lectulo, mente deturbatâ; & furore identidem irrum-pente , se regi passus à nemine , præter Valētinam Aurelianensis coniugem, cui vtcumque ad capiendum cibum obsequebatur. Postquam inspectum est , morbum supra remedia furere , deliberatum est de Regente Regni designando ; tuncque primùm ambitus, mox discordia, postremo grauissima odia, Proceres & miserum Regnum disciderunt. Ambiebat regimen Dux Aurelianensis , vt Regi propinquior, eumque promouebat Come-

CA-  
ROLVS  
VI.

Philip-  
pus  
Burgun-  
dus  
regens.

stabilis, cum totâ factione, iisque qui incolumi Rege res administrabant; & ipse Rex per lucida intervalla, cam sibi voluntatem esse declarabat. Burgundus contrâ, immaturam oneri ætatem Aurelianensis, imperitiam rerum, mores etiam & consuetudinem vitæ obtendebat; iisque accedente Biturige, & magnâ Procerum parte, quibus Comestabilis potentia foret odiosa, Regni Regens dictus est Regisque curator, dum valetudini restituëretur. Primum Regentis facinus, (tu cætera à principiis collige) ultio fuit & petitus sanguis. Potestas in Comestabilem & sectatores eius conuersa; initumque consilium ipsius damnandi ob peculatum. Et ille gnarus quæ inimici intenderent, saluâ pecuniâ, primum montem Ericum se recepit, dein Ioselinum validam in Britannia arcem. Burgundus cum nequiret in truncum sæuire, ultionem in ramos deprompsit; nam Comestabilis summam præfecturam ereptam Clissonio, dedit Philippo Artezio Eufio Comiti, viro qui è Regio sanguine, & indole, vt Artesij erat, præferoci, intrepidè concessum munus tueretur. Tum rapti in carcerem sectatores Clissonij, Nouiantus & Riuerius; & Beguius Villanius; Montacutus diligentior Auenionem cum gaza se proripuerat; sed Villanius haud multo post, amicis contentibus, & conciliante fortitudine bellica, quâ insignis erat, missus est carcere; alij duo suâ pecuniâ, & Iuuenalis vrsini gratiâ, vitam & libertatem mox assequuti sunt. Vnus Clissonus sibi vni salutem pristinamque amplitudinem debuit: Etenim tuto in Britannia receptu, suis in Ducem copiis depugnauit triennium; moxque pace conditionibus æquis perpetrâtâ, Ducem ipsum generositate animi expugnauit. Quippe eius filium cum in obsidem tradi & paternæ fidei pignus potulasset, ipsum traditum ad patrem remisit,

& omni suspicione abstersâ, Ducem Venetiam conuenit, restituitque eo facinore odium insanabile, quasitâ in posterum amicitia firmâ & inuiolatâ, atque ita Clissonius in facultatum usu, suæque amplitudinis perstitit, fremente Burgundo; longè aduersis clarior; vnde veram & securam prosperitatem adeptus est. Interea vnus medici curâ; cui nomen Guillelmus Herselæus, Laudunum patria, Regi restituta est valetudo; Deo actæ ingentes gratiæ, & ipse Rex religiosè in S. Dionysij Profectus, dona plurima obtulit, pietatem testatus. Nec vt vulgò creditur, in morbum recidit, tristi ludicræ saltationis euentu, quâ quinque ex charissimis aulicis; lanâ & stupis pice telæ adstrictis, in speciem agrestium hominum tecti; Rege ipso simili habitu deducente, admota iussu Auxeliensis face, flammis correpti sunt, & viui combusti; nam & Rex seruatus est à Ducisâ Bituricensi, stolâ fœmincâ in ipsum iniecta; & aliquanto post mentis compos Abbauillam venit, vt quæ res tum agebatur, pacem cum Anglo firmam contraheret. Verùm eâ in vrbe recrudescit morbus, nec sanandi spes occurrit; Herselæo medico vitâ functo, cæterisque ignaris, quo remedio Regi is consuluisset. Ergo Burgundo Regni regimen capessente, reuocantur cum Anglo induciæ, atque vt pax stabiliretur, Ricardo Isabellam Regis filiam in vxorem poscenti, impellente Arnaldo Corbiensi Cancellario, viro politicarum rerum peritissimo, pactæ sunt nuptiæ. Moxque ipse Ricardus magnâ Procerum vtriusque regni frequentia, Caleri Isabellam vxorem despōdet, & postmodum in Angliam abduxit; quanquam illibatam ob teneram ætatem; nam octauum annum decurrebat, pace inter Reges firmâ & sancitâ; ingenti Franciæ gaudio, cui tandem liceret ab Anglico bello respirare; & Carolo feliciter con-

CA-  
ROLVS  
V I.

*Rex ad  
tempus  
sanatus*

*Pax cū  
Anglo.*



CA-  
ROLVS  
V I.

Hun-  
garica  
exped.-  
tio.

Anno  
1396.

ualefcente ex ægritudine diuturnâ. Verùm  
ca felicitas pro somnio fuit, & obiectum dor-  
mienti ludibrium ; tam citò euanuit, & in  
tristissimum luctum repente desit. Et deliba-  
ta in Hungariâ expeditione calamitas, quam  
in Turcos susceperant pro Sigismundo Rege  
Hungariæ, plerique Franciæ nobiles ; quo-  
rum Principes Ioannes Comes Niuernensis  
Burgundi filius, Philippus Artesius Comefta-  
bilis, Coucyus, Viennius Admiralius, &  
Comes Marchiæ. Primò quidem re prosperè  
gestâ, & quindecim Turcarum millibus de-  
letis à Coucyo ; sed postmodum orto Come-  
stabilem inter & eundem Coucyum graui  
dissidio ; Comeftabilis culpâ, pugnâ ad Ni-  
copolin in Baiazetem Turcarum Imperato-  
rem confertâ improuidè, Franci deleti sunt,  
fugati Hungari ; cæsi in acie Guillelmus Tri-  
mollius, Philippus Barrensis, & Ioannes  
Viennius, clarissimus bello Dux ; qui vi-  
tam illustrem dignâ morte clausit ; repertus  
exanimis, vexillum Imperatorium ambabus  
manibus tenere, in quo Deiparæ virginis pi-  
cta imago. Comeftabilis, Coucyus, & Guido  
Tremollius, vinculorum tædio lucem amise-  
runt ; redempti ex vinculis Comes Niuer-  
nensis, Comes Marchiæ, Barrensis, & Bou-  
cicautus ; reuersique in Franciam, luctum ex  
sociorum clade in multas familias reporta-  
runt.

XX  
VII.  
Rex  
An-  
glie  
casus.

Eo infortunio prælusum sequentibus, quo-  
rum initium ab Angliæ casu. Richardus quem  
dixi, beneuolo in Franciam animo, studuif-  
se paci, & Isabellam in coniugem adduxisse,  
repente Throno deiicitur, vitæque orbatur.  
Diræ tragœdiæ auctor, Henricus Lancastrii  
filius, Regis patruelis, qui ab exilio reuoca-  
tus, Ricardum vicit, cepit, ac necauit ; atque  
occupato solio in Regem se gessit ; Henricus  
dictus eâ appellatione I V. Rei gestæ seriem  
Angli narrant. Necis tristissimæ nuntius Re-  
gem

gem iteratò in morbum impulit, iterumque Burgundus vocante nemine suscepit regimen; Isabella firmatis induciis dimissa in Franciam, dotalis pecunia & gemmæ seruata; quando Tyrannorum nusquam integra beneficia sunt. At Burgundo regni regimen haud tranquillum erat; Aurelianensi ad locum principem aspirante, & secundum spernente, atque accedebat vxoris ambitio, Valentina, superba admodum, nescia cedere; quæ inflammabat coniugis animum, artesque varias ad conciliandam aulam vsurpabat. Contentionem incendit mors Ioannis Britannia Ducis, quodque est consequutum. Illi quatuor liberi erant; Ioannes successor, Arturus Comes Riquemontius, Ricardus Comes Stampensis, & Ægidius. Eos Carolus vt haberet in potestate, fratrem in Britanniam miserat, qui pupillos abduceret; verum Proceres Britones intercedunt, sibi que impuberum custodiam poscunt atque conficiunt. Aliquantò post eorum mater, Henrico Angliæ Regi patrueli, atque interfectori fratris, cum nuberet; iidem Barones ne pupilli in Angliam deferrentur, Carolum appellant, ac venienti Burgundo Principes suos vltro permittunt. Id Aurelianensis inuidiam atque odium suscitatur; cui molestissimum erat, Burgundo cum pupillis permissam Britanniam prouinciam opulentissimam. Iamque odia accusationibus palam gliscebant, seque mutuò proscindebant, regi que morbi auctores dicebant; & eam in rem Aurelianensis, Iudicum, sententiâ, flammis subiecerat, quendam Ioannem Barrensem è Burgundi familiâ, magiæ postulatû, quasi ea arte morbum Regi fecisset: pariterque Burgundus duos Augustinianos necauerat suspendio, qui ab Aurelianensi ad curandum Regem admoti, inciso capite propè necauerant. Imo ex ciuili contentione ad bellum odia incli-

*Dis-  
sidium  
Aure-  
lianen-  
sem in-  
ter &  
Bur-  
gundum.*

CA-  
ROLVS  
VI.

Aure-  
lianen-  
sis Re-  
gens.

Anno  
1400.

nabant, nam Aurelianensis ad Guillelmum Gelria Ducem accesserat, turbulentum virum; & turmis equestribus Comitatus, in Franciam venerat; & Burgundus armabat quos obiiceret; cum à Regina, & Biturice ac Borbonio Ducibus, aliquatenus reconciliantur. Interea Carolus è morbo respirans, auditâ Principum lite, iubet vt si in ægritudinem relaberetur, Aurelianensis pro Rege esset. Ac paulò post eo relabente, Aurelianensis administrationem suscepit; nec tamen in ea diutius hæsit; à Burgundo deiectus decreto Ordinum, quibus molestum Aurelianensis exhibebat se; tum importunè ingerendo Ecclesiasticis Benedictum Pontificem, qui successerat Clementi VII. vic Hispanus, minúsque passim gratus; Bonifacio nono vero Pontifice iam in Francorum animis præpollente; tum quod tributa plurima indicebat plebi iniucundus. Deiecto vi atque arma supererant; quæ vtrinque sumpta, ciuili bello implicabant regnum; iamque ad Parisios plurima equitum millia conuenerant, cum curâ Principum & studio Arnaldi Cancellarij & Iuuenalis Visini, decernitur; vt neutri permissa administratio Regina esset ac cæterorum Principum, quorum suffragiis pluribus Regnum regeretur. Ad eam pacem stabiliendam, desponsa sunt eos inter coniugia; vt Carolus Aurelianensis natu maximus filius, Isabellam ab Angliâ redcem duceret; Ioannes Britannia Dux, Ioannam Regis filiam; Ludouicus Delphinus Margaritam Burgundi ex Ioanne filio neptem; nam Ludouicus Carolo iam natu erat primus; duobus fratribus natu maioribus quibus Carolus nomen erat, morte præreptis. Ea pacis larua insensos animos vtcunque inhibuit, donec Philippi Burgundi morte, noua & grauiora dissidia orta sunt. Is morbo extinctus est, dum è Flandria in Franciam ve-

Bur-  
gundi  
mors.

nit, commodioris cœli captandi gratiâ; atque in publico diuersorio inter hospitem turbam emisit animam, frustra palatii tam multis erectis. Princeps haud dubiè magni animi atque intrepidi, cuique Francia haud parum debeat; sed regendi cupidine, longè plurima bona interuertit, atque in filio hærede præterita beneficia omnino corruptit.

Is Ioannes dictus, ante Comes Niuernensis, qui cum duobus fratribus ad Regem obsequij præstandi causâ se conferens, existimauit dimidiatam hæreditatem patris se cer- nere, nisi ad Franciæ regimen eueheretur. Eò itaque contentionem omnem intendit, in- stâtque vt pactum Delphini cum Margaritâ filiâ matrimonium impleatur. Aurelianensis indignans nouum obicem potestati suæ ex- surgere, ad eum amoliendum studium adino- uet, atque optato Delphini coniugio moras nescit, & in Flandriam profectum Burgun- dum, mox Caletensem obsidionem paran- tem, ultra progredi vetat. Iam ante Burgun- dus molestiam Auteliânensi facellierat; Ete- nim cum is capeffito regimine nouum subsi- dium Regis nomine plebi imponeret, Bur- gundus obstitit, beneuolentiam plebis colligens, simulato boni publici studio: In præ- sentia iratus, quod Caletensi obsidione pro- hibitus foret, statuit vi in consilio principem locum inuadere; daturusque indolis speci- men trucidis ac ferocis, cui præ ambitione, per- leue esset omne flagitium, octingentos equi- tes armatos sub sagulis, Atrebatē versus Pa- risios ducit: atque aduentans, audit, Aurelia- nensem cum Reginâ Delphinum rapuisse, & in Germaniam tendere. Etenim Aurelianen- sis percepto rumore de Burgundi aduentu, & de Parisiensium fide subdubius, Reginâ con- siliiorum consorte & comite, Delphino per- suaserat vrbe egredi, in quâ salus in pericu- lum vocaretur; præibant Corbelium versus

CA-  
ROLVS  
VI.  
Anno  
1404.

XX  
VIII.  
Ioannes  
Bur-  
gundus  
patri  
succe-  
dit.

— Regina & Aurelianensis, dum Ludouicus  
 CA- Bauarus Reginae frater, armatis stipantibus  
 ROTVS Delphinum lecticâ vectum deduceret. At  
 VI. Burgundus profectioe auditâ, equis incita-  
 tis Parisios venit; urbemque nullâ morâ per-  
 transiens, Delphinum haud Corbelio procul  
 assequitur, & reuerenter precatur Parisios re-  
 deat; esse res tractandas, quæ præsentem ip-  
 sum reposcant. Intercedit Bauarus & Delphi-  
 num hortatur, vt Reginam matrem & Pa-  
 truum consequatur; vetâtque præterea ne  
 quis in lecticam Principis manum iniiciat.  
 Postquam altercati sunt aliquandiu, tandem  
 præpollente Burgundo, conuersis lecticariis  
 equis reductus est Delphinus; nec ab eo Ba-  
 uarus abesse voluit; Reginâ & Aurelianensem  
 ad rem nuntiata, Melodunum tutam in vr-  
 bem celeriter euadentibus. Exceptus à Pari-  
 siensibus Burgundus instar triumphantis,  
 egitque gratias ob rem gestam Vniuersitas,  
 cuius tunc temporis ingens auctoritas, ma-  
 gnûmque momentum in quam partem se  
 verteret. Et verò Burgundus, vt Parisios po-  
 pulosam urbem atque regni caput sibi totam  
 addiceret; obtinuit vt catenæ ferreæ redde-  
 rentur, quas olim Rex ob seditionem admo-  
 uerat, atque arma erepta restituerentur; prauo  
 consilio, quo furenti gladius, furor bellæ,  
 atque impotenti plebi nocendi vis permitte-  
 retur. Nec se minùs foris in Aurelianensem  
 communiebat; quâ libellis scriptis admini-  
 strationem eius carpendo; quâ delectu mili-  
 tum, ad vim opprimendam. Quippe Aurelia-  
 nensis postquam acerbè de Burgundi tyran-  
 nide publicato scripto exposulauit, amicos &  
 socios euocauit sub signa; iamque ciuile im-  
 minebat bellum; eratque Aurelianensis in-  
 signe in vexillis pictum, stipes nodosus cui  
 Epigrammate *Inuideo*; Burgundi rutrum, cui  
 voce *Teneo*; scilicet innuens, se hoc rutro  
 leuigaturum nodos stipitis, seque obtinere  
 quod

quod æmulus frustra percuperet. Ruentes in bellum, Procerum intercurfantium cura continuit, effecitque vt totius controuersia disceptationem committerent Regibus Neapolis ac Nauarra, ac Ducibus Bituricensi atque Borbonio; iisque satagentibus reconciliati sunt, obliterated eorum quæ gesta erant memoriâ. Imo ne odia nondum extincta recrudescerent, visum est consilio non abs re fore, si in aliquod tempus seiungerentur. Quare designata Picardia Burgundo regenda, Aquitania Aurelianensi, & quando Anglus utrobique solutis induciis bellum inferret, utrique data ad bellum gerendum copia. Enimverò à prudenti consilio noua odiorum seges enascitur; Aurelianensis in Aquitaniam ducto exercitu, Blauiam obsidet, fractamque machinis, ad deditionem impellit; sed conditione iniquâ, vt deditionem exequatur, vbi Burgum captum; sic admotâ illico ad Burgum copiâ; sed vrbe præualidâ, & egregio defensâ milite, iam Franco deficiente, abscedendum fuit Aurelianensi; neutram vrbe captâ, atque vt plerumque fit, spe incertâ certum lucrum perdente. Burgundus ad expugnationem Caleti, exercitum validum, ingentisque magno numero machinas comparauerat; cum instructis omnibus vetatur à consilio Regis ultra conniti; fuitque id molestissimum obsequenti; quod iterum materia gloriæ detrahebatur; idque inuidiâ æmuli assignauit, qui sibi laudem fomitemque laudis præriperet.

Eo aculeo stimulatus Parisios venit, dolo-  
remque immoderatè auget, quod per interualla morbo remittente, Rex Aurelianensem complecteretur amantiùs, atque exciperet magnâ testificatione amoris; quare constituit semel vno ictu, tam importunum obicem tollere, atque Aurelianensem per occultas insidias obtruncare. Furore egregiè dissimulato, pridie quàm patraretur flagitium, ad facien-

XXIX.

Bur-  
gundus  
Aure-  
lianen-  
sem ne-  
cat.

CA-  
ROLVS  
V I.

dam concordiaē fidem , cum Aurelianensi interfuerať sacris myſteriis, ſimulque cum eo ſe Chriſti ſacroſancto corpore paue- rat ; laruam religionis terribiliſque myſterij præ- tendens crimini , vt iam ſacrilegium caput ſcel- eris eſſet, & fratricidium appendix. Igitur ad ne- faſ inſtructis omnibus , ſub Nouembris ſinem, horâ de meridie ſeptimâ , cū Aurelianenſis Regi- nâ adeſſet , ex puerperio decumbenti ; vocatur Regis nomine à ſubmiſſo ab Burgun- do ſicario ; Rex autem longiùs ab Regi- nâ ædibus habitabat ; tum Aurelianenſis ſaluta- rî Reginâ vt conueniat Regem egreditur , nullo comitatu , præter ephebos aliquot qui faciem præferrent ; duos domeſticos qui vno equo inueſti, ac ſcutarium equitem, natione Germanum; ipſe mulâ nihil ſuſpicatus veſtus incedit ; domeſticis aliis negligentius & pe- vicorum compendia conſequutis. At cū ad Barbetæ portam peruenit , ad quam collocati ſicarij erant, equus quo domeſtici duo vehe- bantur , odoratus quidpiam , hinni- re vehementius cepit; ſequæ ultro in præcipitem curſum effudit , fruſtra ſeſſoribus lora adducen- tibus. Mox in Ducem ſicarij impetum faciunt, facibusque reſtinctis, ipſum mulâ deie- ctum , gladiis ſecuribusque maſtant , atque confodiunt. Ad primos ictus exclamauit miſer, ſe eſſe Aurelianenſem, cūque illi gemitibus dicerent , eum eſſe quem cupe- rent , impactâ ſecuri in caput , effuſo cerebro vicum ſternit , alio ictu dextrâ manu trunca- tur ; plurimisque perfoſſus vulneribus , nam octodecim percussores erant, emittit animam. Eques ſcutarius ſimili fato occumbit ; is præ- claro in herum amore, deiectum toto corpore rexit, eo ſolatio ſe morientem ſuſtentans, quod vitam domino vel morienti impende- ret. Patrato ſcelere ſicarij, quorum Dux erat Roletus Haquetonuilla Normannus , à quo- dam munere quo malè fungeretur ab Aure-  
lianenſi

lianensi amotus, ut conuentum erat in domum proximam flammam iniiciunt, viam quâ fugiebant muricibus sternunt, ac securi se in Atrebatenses ædes recipiunt, quæ Burgundi palatium erant. Ita Aurelianensis in luto & sanguine, inultus iacuit, ac die consequenti in Cælestinorum æde sepultus est; cæsus ingenti quidem flagitio, sed non sine diuino numine, qui contumaciter partes Benedicti Pontificis tueretur, quique magnâ vitæ offensione, & bonorum morum perniciem, impune se adulteriis virginumque stupris macularet. Agebat annum tricesimum sextum, ac tres reliquit masculos à legitimâ coniuge; quorum maximus Carolus, natus annos sexdecim, Philippus Virtutum Comes, Ioannes Comes Inculisimensis; è primo Ludouicus, è tertio Franciscus nati, qui magnâ laude & gloriâ sceptrum Franciæ obtinuerunt. Eidem natus ex vxore Auberti Cannij, Ioannes Aurelianensis, Dunensis Comes, insignis ille bellator, spes Franciæ decus & columna; ut paternæ noxæ, tam egregius filius, sin minus laus, saltem venia sit. Perfectis exequiis actum est de inquirendis sicariis, mandatūque Tribuno capitali, ut diligenter inquireret. Is comperto sexuum coquinarium adhibitum à sicariis, ut egressum Principis exploraret, diuertisse in Burgundi ædes, facultatem à Burgundo petit, penetrandi in ædes ad hominem rapiendum. Conueniebant Proceres ad consultandum, ac Burgundus cum Sicilia Rege patruale, & Bituricensi Patruo colloquebatur, cum ad Tribuni vocem expallescit conscientiæ stimulo, hæretque ambiguus; Rex Sicilia deprehenso pallore, ipsum seducit, oratque ut fateatur nunquid foret criminis conscius. Ille suo agitat scelere, & terrore maleficij, prorumpit in lacrymas, & fateatur flagitium; quod aiebat prauus Dæmon in suum animum immisisset. Ad hæc Bituri-

CA-  
ROLVS  
VI.

Bur-  
gundus  
fugit.



centis cū accederet, & rursū fatentem audiret, prae dolore exclamat, *hei mihi duos hodie nepotes amitto.* Quibus verbis Burgundus, horrore criminis in metum poenae iam descedente, ex stupore reuocatus; dum duo Principes colloquuntur, ex conclavi se subducit, equisque celerrimè incitatis, fugā se proripit, & ponte Sanctae Maxentiae abrupto, nullibi constiit, donec ad Artesiae fines saluus euasit. Ea fuga auctor sceleris patuit, plurēque suspitione graui liberati. Continuò Valentina interfecti vxor ad Regem aduolat, miserōsque liberos in squallore & luctu ostentans, vindictam iustitiāque efflagitat. Rex ingenti affectus dolore, nam fratrem diligebat ex animo, lugentibus liberis vindictam spondet. Verū in eā perficiendā labor & opus est. Consultati eā de re Proceres censent dissimulandum sensum iniuriæ; non agendum ad extrema reum, qui si veniam desperaret, seque Anglo adiungeret, ut pollebat viribus, opibus, ditione, & plurimā apud ipsos Francos auctoritate, & vindictam repelleret, atque in regnum grauissima damna importaret. Ideò statutum, ut dilatā in commodius tempus vindictā, mitigaretur animus ferox, nec impelleretur in necessitatem noui flagitij.

XXX.

Bur-  
gundus  
Parisios  
venit.

Ad eam rem Legati, Rex Siciliae ac Bituricensis, qui animum eius explorarent. At iam conscientiae callum obduxerat, & gnaviter impudens, affirmabat se dignum praemio patrasse facinus, quod Tyrannum immanem & odiosum cunctis sustulisset. Legati Principes ad eas voces, cū exhorrescerent, rogarentque, imo Regis nomine vetarent, ne Parisios se conferret; ille confirmatā ad quoduis scelus audaciā, se iturum respondet; ac magno comitatu Nobilium proficiscitur. Adfunt ad sanctum Dionysium Proceres, orantque vehementer, ne parricidio tam recenti

cruore

cruore Aurelianensis etiam tepente, in Aulam veniat, ac triumphum inulti sceleris coram instituat. Aspernatus monentes pergit ulterius, & à Parisiensibus ingenti plausu lætitiæque excipitur; nam Aurelianensem ob vectigalia oderant, atque occulta de eadē odia, modò palam, & securo risu expromebant, & discurrebant per vicos pueri, lætis vocibus Noëllum ingeminantes: quæ vox Christi Domini natalitium ortum significat, in magnis gaudiis vsurpata. Ductus hac pompâ in Atrebatenses ædes Burgundus, easque contra vim muniens, prodiensque in publicum magnâ frequentiâ stipatorum, audiri se à Rege postulat; nec vlllo in contrariam partem hiscere auso, Delphino, Proceribus, Turbæque populi audientibus, oratorem inducit, qui pro se orationem haberet. Is Ioannes Paruus, Theologiæ doctor, gente Normannus, quem Franciscanum plurimi scribunt, negat Iuuenalis; vir quidem doctus & Celebris eloquentiæ, eoque ad fucum verbis faciendum lectus, sed præclaras dotes assentationis studio in prauum detorquens, priuati commodi studiosus, linguam & animum licitans pretio, tutelamque criminis propudiosâ nundinatione suscipiens. Oratione Burgundum defendit; ac quando eadem inficiari non posset, iustam esse contendit, pluræque in Aurelianensem impegit crimina, falsa pleraque & ad inuidiam ficta; quod inuadere regnum affectasset; studuisset conciliare Benedictum Lunensem, vt Rege ob impotentiam mentis amoto, eueheretur in solium; cum Anglo eam ob rem communicasset consilia; magos & veneficos adhibuisset, ad Regem extinguendum; vectigalia grauius indixisset, vt pecuniâ fretus voto potiretur; quod eâ arte multas illustres fœminas violasset; aliæque addidit orator proteruus ac mendacissimus, quibus necati Principis, tam dirè oblæderetur memo-

CA-  
ROLVS  
V l.

Noël.

Iean  
Petit.

CA-  
ROLVS  
VI.

ria, quàm crudeliter vita esset erepta. Tandem post deblateratas multas ineptias conclusit, gratias pro tanto facinore Burgundo agendas, qui Rempublicam tyranno, & graui pernicië vindicasset; indignantibus bonis, & in sinu lugentibus; eò impunitatis prouectam audaciam, vt parricidium iam laudi verteret, ac doctrina Theologiæ iret in patrocinium sceleris. Eâ oratione Regina percipiens quæ Burgundi proteruia foret, cum fratre Bauaro Delphinum abducens Melodunum secedit; ac Regem potestati dominantis tradit. Ita Rex breui interuallo morbi, petenti Burgundo scelus condonat, scribitque tabulas suâ manu ac sigillo munitas, eâ verborum formulâ quæ reo placuit. Verùm hic dum ad nutum Regem moderatur & factiõis contrariæ viros a dignitatibus mouet, subito Leodium euocatur, aduolatque ad Cives in officium redigendos, qui Episcopum suum ipsi affinem expulerant. Eo absente inimica factio statim exurgit; nouique actores in scenam subeunt. Valentina cum liberis, dato consilio, pullata & in mœstissimum habitum conformata, Burgundum accusat, nec vllum ad grauitatem facinoris adhibet oratorem; ipsa denarratâ re quam aduersarius fatebatur, perorantibus lacrymis, scriptum offert, quo mariti innocentiam comprobabat. Delphinus Regem ægrum referens, Proceribus adstantibus, respondet de cæsi innocentia constare admodum, ad satisfactiõnem iniuriæ pœnâque criminis quod spectaret, consilium breui curaturum. Probatâ innocentia, dum de satisfactiõne deliberant, Burgundus subactis Leodiensibus, à Parisiensibus de inimicorum consilio certior factus, copias quibus Leodium vicerat, ducit Parisios. Continuò metu in Aurelianenses iniecto, ipsi, Regina, Delphinus, Rege simul abducto vrbe egressi, quam ocyssimè Turones fugiunt, locumque æmulo vacuum deferunt. Ille ingenti

Concor-  
dia in-  
ter Bur-  
gundū  
& Au-  
relia-  
nensem.

ngenti ciuium gaudio admissus Parisios ,  
 Guillelmo Duci Bauariæ aures præbet, com-  
 pellanti de concordia reuocandâ. Et erat Ba-  
 uarus affinis vtrique partium , Turonésque  
 profectus, tantum contendit, vt ad deponen-  
 das inimicitias cuncti consenserint. Condu-  
 cible plurimum ad pacem fuit , quod collo-  
 quia dum habebantur, Valentina morbo ex-  
 tinctâ est ; quippe vltionis impotens fœmina,  
 cum eò rem deduci spectaret, vt impunè par-  
 ricidâ esset, inulti manes lugerent , atque sibi  
 & liberis pro hereditate contemptus, inopia,  
 & lacrymæ superessent , dolori succubuit , vi-  
 tamque dedit Burgundi , non ferro quidem,  
 sed auctoritati. Ita destituti defensoribus libe-  
 ri, iubente Rege , conuentis à Bauaro pactis  
 assenserunt, & in vrbe Carnuto, ea iurata sunt,  
 & concordia inita. In maiori templo, erecto  
 pegmate, & circumcluso, admissisque vnis Pro-  
 ceribus , Burgundus nitens genibus, per Do-  
 langium Aduocatum suum veniam à Rege  
 petiit; ob eadem Ducis Aurelianensis, eam ta-  
 men affirmans patratam in Regis regni que cõ-  
 modum ; idemque Aduocatus præsentis Au-  
 relianensis liberos rogauit , vt omnem vindi-  
 ctæ cupidinem ex animis tollerent, adiungen-  
 te duntaxat Burgundo, *idque vos rogo*. Eaque  
 satisfactione, quæ noua potius & acerba iniu-  
 ria erat , in Euangelij codices pacem & con-  
 cordiam mutuam Principes sanciuerunt , ani-  
 mis malè cõhæsuris, quos nosteret vinculum  
 tam infirmum. At lætitiâ eâ de pace conce-  
 ptam fœdauit rebellio Genuensium. Ij septi-  
 mo antè anno seditionibus turbisque dome-  
 sticis fessi , à Rege impetrauerant Bucicau-  
 tium, Marescalli filium, digni patris dignissi-  
 mum fœtum, à quo regerentur. Et ille præcla-  
 rus belli pacisque artibus, primo pœnis ac se-  
 ueritate, deinde mansuetudine ac liberalitate,  
 ita Genuenses perdomuerat, & conciliabat, vt  
 ij per legatos , à Rege petierint Boucicauti  
 præfectu

CA-  
 ROI. VS  
 VI.

Genua  
 rebel-  
 lat.  
 Висси-  
 quant.

CA-  
ROLVS  
VI.

præfecturam perpetuam. Eam dum exerce-  
vnius hominis poenâ abalienat civium ani-  
mos. Gabrielem Vicecomitem, Ioannis Ga-  
leatij spurium ob nova consilia suspectum,  
capite plectit, qui pecuniam multum à Flo-  
rentinis promissam suo nomine cauerat. Ideo  
malè audiens quasi creditorem innoxium at-  
cessitâ noxâ sustulisset, & Mediolanum paulo  
post euocatus, existimatione deperditâ, perdit  
& Genuam. Quippe Ciues in absentem rebel-  
lant, Francos perimunt, séque tradunt Mar-  
chioni Monferratensi Aduolat quidem ad re-  
primendum motum Boucicautus, sed repul-  
sus in Franciam redit; beneuolentiæ popula-  
ris exemplum, eum deprimentis, quem paulo  
antè efferebat ad Sidera.



HISTO



# HISTORIÆ FRANCICÆ,

## LIBER DVODECIMVS.

**C**ONCORDIAM inter Principes initam Burgundi impotentia paulò post rupit. Erant tandem impletæ Delphini cum Margareta filia nuptiæ, & nouo vinculo Regiam affinitatem contraxerat, Michaëlia Regis filia Philippo filio Carolesij Comiti in uxorem data. Sic totius auctoritatis compos, quasi fortunam lecto excepisset, euehi supra omnium capita, regnum ad arbitrium moderari, suos promouere atque Aurelianenses studiosè deprimere. Potestas illicò in Tribunos ærarij versa, seu ad plebem arctius demerendam, cui eiusmodi homines semper odio sunt, siue ex eorum spoliis, vt priuatam opulentiam publico plausu conficeret. Ergo in eos ob pecuniam Regiam instituta questio, & ipse Burgundus sibi Ioannem Montacutum damnandum se posuit. Is primarius ærarij Præfectus, merito suo, & gratiâ Aurelianensis, ad id munus euectus; opes ingentes,

CA-  
ROLVS  
VI.  
I.  
Burgundus  
Montacutum  
dam-  
nat.

CA-  
ROLVS  
VI.  
Anno  
1409.

*Gien.*

gentes, plurimam auctoritatem, & potentes affinitates paraerat. E duobus fratribus alter ad Insulas Senonenses, ad Parisienses alter prouecti erant; tres filias totidem Proceribus nuptui dederat, ac nuper filio Albrechtij Comestabilis filiam magno sumptu effusoque luxu uxorem adiunxerat. De peculatu apud Iudices postulatus, quod optinatum vel innocentium crimen est, & postremum fortunæ os vertentis telum, rem virgente Burgundo damnatus est, & capite palam truncatus. Probus quisque ob supplicium innocentis ingemuit, & paratas opes accusauit; quæ dominum perderent, atque hospiti suo celerent perniciem. Triennio post veritas patrum & laudandi Cœlestini Patres, qui beneficii memores, quo Montacutus ipsis cœnobium Marcussij condiderat, lite instauratâ, & ex flagrante inuidiâ damnati memoriam absolui curarunt; restitutus in perempti bona Carolus filius, & cadaueri exequiæ honorifice præstitæ. Burgundus interea cæteros Aurelianensium partium pergit fortunæ suæ subiacere. Albretius Comestabilis dignitate deturbatur; Cluquetius Admiralius deturbatur, cæteri que omnes, quibus Aurelianensis gratia nunc flagitio est, bonis spoliantur & dignitatibus. Principes ad eam Burgundi Tyrannidem conuersis animis, ne aliorum malis inuoluerentur, egressi Parisiis, Gien quæ ad Ligerim vrbs est, conueniunt, Duce Bituricensis, Aurelianensis, Borbonius, & Britannus, Comites Alenconius, Armaniacus, Richemontius, Albretius, plurimique & ad societatem stabiliendam, Armaniaci filiam, quæ Bituricensis neptis erat ex filio Aurelianensi in coniugem locat, mox armis & militem legunt; & inde Aurelianensis factio quasi in contemptum ab aduersariis Armaniaci dicta est. Nec fuit Burgundus in legendo segnior; cum Regis Nauarræ & Britannici

bantini Ducis intercessione, ad Bicestrum propè Parisios castrum de pace conueniunt; ea conditione, vt Principes quique ab Aulâ abessent, & se in sua reciperent, donec à Rege arcesserentur, interea res à designatis viris administrarentur; & regeretur à Bituricensi Delphinus. Sed altius in animum Aurelianensis iniuria penetrauerat, quam vt verbis vllis scriptisve fœderibus deleri posset; reposcebat sanguinem sanguis, & magno quidem fœnore ab vtraque parte refundendum. Primus Aurelianensis fœdus infregit; ac conquestus quod in viris designandis, qui res publicas gererent, plures è Burgundi partibus quam è suis appellati essent; Croyum nobilem, Burgundo charissimum, & ab eo missum ad Bituricensem intercipit; & per acerbos cruciatus inquit de interfecto patris, & de Burgundi consiliis, nihil fatentem reposcit Burgundus, retinet Aurelianensis. Ita recalescentibus animis, post mutuas prouocationes, ad arma & sociorum opem recurritur; atque duodecim Equitum millia Aurelianensem sequuntur, Burgundum quinquaginta millia bellatorum. Hic vt viribus prapollebat, plures vrbes in Veromanduis capit; cùmque Mondiderij agit, à Flandris repentè deseritur. Ij affirmabant elapsum tempus quo receperant se militaturos; nec vllis ducis obtestationibus precibusve, imò nec lacrymis prohibiti sunt quin abirent; ita cùm maximam exercitus partem conflarent, Burgundus seu in sicco destitutus, similiter abcessit. Eo discessu Aurelianenses iam superiores, ad Parisios cupiditatem admovent copiasque, cùm ea in vrbe Rex & Delphinus simul capi possent; & quidquid potestatem prætextu armaret, sed Petrus Essartius Burgundo fidissimus eos occupauit. Ille ante Præpositus Mercatorum, permittente Burgundo eiectus erat Parisiis, nunc vrbe exceptus,

CA-  
ROLVS  
VI.  
*Bice-*  
*stre.*

*De*  
*Croy.*

*Des*  
*Essarts.*



CA-  
ROLVS  
VI.  
Cabo-  
che.

exceptus, in Aurelianenses vt foedifragos declamat, populum concitat, armátque ad publicam defensionem; accedit ad furorem plebis inflammandum quidam Caboquius, arte lanius, qui fautores Aurelianensium rapit in carcerem, ducem Bituricensem, effra-ctis palatij foribus vrbe expellit; Rege instar pinnulæ ad proximum statum se versante, & Delphino Burgundi soceri partes propugnante. At Bituricensis ad Aurelianenses transit; cumque Burgundus validum exercitum instaurasset, ac Parisios redux Clodouæi fanum expugnasset, cepissetque Stampas Delphinus; Aurelianenses iam inferiores, publico foedere Anglum appellant, clientelamque vt domino præstant. Verùm eo foedere arma inimicis, sibi opem nullam confecerunt; Nam Burgundus ceu in pel-duelles inflammato Rege, scriptoque exercitu centum millium hominum, rectà Auaricum Biturigum tendit, quo foederati receperant se, Anglicis auxiliis nondum submissis. Et ad eam urbem inter armorum strepitum pax audita. Quippe egregiè propugnabant se obsessi, nec vnquam urbis occluserunt portas; assiduis eruptionibus hostem infringendo; imò & morbi quasi subsidarii milites in Burgundi copiis sauebant; tam multis intemperie cœli extinctis, vt opinio quamuis falsa increbuerit, fontes & puteos ab Aurelianensibus veneno imbutos. Tandem cum Clarentiæ Dux iam phalanges Anglicas admoueret; Delphinus Burgundo plurimum renitente, pacem præoptauit; cuius pacta erant, vt principes veniam à Rege poscerent; arces & viri vltro citroque capti, redderentur; Obliterarentur factiosa Burgundi & Armaniaci nomina, & Anglo communi sumptu daretur pecunia. Dataque sunt iam vastanti Cænomanos ducenta quadraginta nummorum millia, & promissa plura; & ipse

Anno  
1411.

ipse paulò post morte Henrici Regis reuocatus, properauit in Angliam.

Iam tertium fœdus inimicitiiis Principum laruam obtenderat, ipsas adeo non pacauerat, vt mox ferociiores ceu collecto impetu foras proruperint. Tunc à Burgundo cogitatum crimen, & seditio Parisiensium, res vt-cumque tranquillās iterum perturbarunt. Delphinus à Burgundo defecerat, & Auarici obsidione explorato Burgundi animo, compertoque ob bonum priuatum non publicum agi, pellique vno ambitionis momento, in factionem oppositam conuerterat studium. Ideo Burgundus, ne Rex cum Delphino deficeret, simulque euanesceret cupiditatis prætextus, vir audaciæ roboratæ, statuit tres fratres Aurelianenses de medio tollere, vno ictu triplicem nodum scindere, tergeminumque Gerryonem semel exscindere. Id consilium Petro Essartio fidissimo capiti aperit, locusque delectus Antisiodorum, quò conuenire debebant Principes, ad priuatas cuiusque res amicè tractandas. Verùm Essartius atrocitate tam horrendi criminis territus, potio-rem æquitatem amicitia ratus, imo & veram amicitiam quæ vetaret flagitium, consilium declarat Principibus, & liberi Aurelianenses Delphinum conueniunt, arctiusque fœdus cum eo colligant. Burgundus facinore deiectus, vt se & factionem penitus stabiliret, regni Comitias Parisios vocat, auditque Vniuersitatem grauitè in Administratos regni conquerentem. Delphinus similiter in vrbe agebat, conatus animos à Burgundo diuidere, sibi-que pro potestate adsciscere. In eâ contentione Essartius qui in Normanniam ante confugerat, sperauit se tutò posse versari Parisiis, imò non leue momentum Delphini rationibus fore: nam à Burgundo detectum crimen abduxerat; Itaque se in ciuitatem suam restituit. Illicò Burgundus

CA-  
ROLVS  
VI.  
II.  
Burgundi  
scelus.

Seditio  
Pari-  
sienſiū.

CA-  
ROLVS  
V I.

Ingre-  
ssus.

Anno  
1412.

gundus irâ & vindictâ face incensus, quod sibi infensissimum coram agere impunè cer- neret, in vulgus per emissarios nuntiat, ve- nisse Essartium, urbem ut proderet, conue- nisse ipsum cum Delphino, ut prætextu ha- stiludij, admitterentur quingenti equites, quorum ope urbem diriperet atque incen- deret. Accedit Iacauilla in Bituricensis lo- cum Prorex constitutus; iamque seditionis tubicem & antesignanus, populi facem ad tumultum vocat; nec desunt, Duces Cabo- quius ille Ianius, Ioannes Trecensis Chirur- gus, & Denisotus Caluomontanus. Per eius- modi furoris ministros, Burgundus aggredi- tur potestatem Delphino pulso inuadere. Ac- primùm cum flamma ultionis impotentius vreret, Essartium in Bastillam confugien- tem vim minatus sibi reddi curat, afficit- que supplicio, capite in platea abscisso, & trunco corpore furcis affixo. Tum se- ditiosos capitiis albis indutos ut se digno- scerent, in Delphini ædes impellit, qui sibi quosdam Procerum dedi efflagitent, quos in supplicium rapiant. Delphino de Proter- uia ac vi exoptulanti, Burgundus interue- nit, atque comminanti postquam is reponit, melius consulturum, cum ira deferbuerit, seditiosi impetu facto irrumpunt in concla- uia, reuulsisque foribus Proceres quosdam, & Delphini domesticos rapiunt in custo- diam; in iis Eduardus Barrensis Dux, & Priuerius; quorum ille emissus, hic in carce- re cæsus causâ indictâ multisque alij per vim necati sunt, proiectis in profluentem corpo- ribus. Moxque amentia eò promota est, ut turbulenti Delphinum ipsum inuaserint, ca- pto custodes dederint, deiectumque regimi- ne, ut incapacem, & consiliis prauis, nimis obnoxium, decreto suo dixerint. Tum Regem adeunt, & per Monachum Carmelitam, mo- nita quidem in speciem, sed re ipsa oppro-  
bria

bria pluresque contumelias in ipsum congerunt ; coguntque Corbiensem Cancellarium, Præclarissimæ fidei virum exauctorare. Ac quoniam vna Reginæ domus adhuc integra ab vesania erat , in eam inuadunt similiter, Ludouicum Bauarum Reginæ fratrem corripunt, matronasque nobiles quindecim, compinguntque in carcerem. Ea res plerosque ciuium à Burgundo auerit ; erantque haud pauci qui meliores partes tuebantur, quorum principes , Henricus Marlius primarius Præfex Senatus, & Ioannes Iuuenalis Vrsinus, magnæ apud probum quémque auctoritatis. Nec Vrsinus sine elogio appellandus , qui ex illustri Vrsinorum familia Neapoli orta , ducens originem , è maiorum sago sponte ad togam transiens, diu in Curia Parisiensi Causidicum egerat ; mox ob fidem atque eloquentiam celebris Regi innotuerat , à quo Præfecturâ Parisiensi donatus , incorruptæ morum integritate , & prudentiâ singulari, tantum auctoritatis comparauerat, vt ciuium animos, cum abesset furor , ad nutum flecteret , nusquam potentiâ nisi in bonum usus. Ille igitur vnâ cum Marlio tantum industriâ & solertiâ contendit, vt annuente Burgundo, cum Aurelianensibus qui armati concurrerant, Pontifex, nouum fœdus pangeret, quo quidquid parratum esset , condonaretur, soluerentur capti, passimque Principes vtriusque factionis admitterentur ad regimen. Id fœdus Parisiensium effusis gaudiis celebratum ; simul campanæ omnes pulsatæ ; biduo ludæ festæque epulæ plebem tenuerunt ; vt illa facile ad extrema transit , & immoderatiùs quæ placent arripit. Corbiensis Cancellarius restitutus , statimque is ob graue senium, vltro magistratu cum se abdicasset , suffectus est Marlius ; pacis auctor & tranquillitatis , quanquam incertæ admodum & nutantis.

CAROLVS  
VI.

De  
Marle.  
Iuue-  
natis  
Vrsinus.

Anno  
1413.

Etenim

CA-  
ROLVS  
V I.

III.

Aure-  
lianen-  
ses Pari-  
sis ex-  
cepti.

Etenim seditionis principes eâ haud satis  
fisi, clam Parisiis in tutiores Sedes confuge-  
rant, & Burgundus sensum iniuriæ à Delphi-  
no veritus, cogitabat secessum; sed gnarus  
quantum vel in umbrâ Regis auctoritatis  
apud Francos esset, statuit Carolum in Flan-  
driam secum abducere. Eam in rem Carolum  
Saueusum conciliauerat, Regi charum, qui  
ipsum ad venationem vrbe educeret, equis  
dispositis in Flandriam recipiendum. Omnia-  
que ad compactum conuenerant, nisi Bituri-  
censis magnâ Procerum cateruâ simul cum  
Rege prodiens, siue suspicatus consilium, siue  
Francorum more Regem comitantium, excus-  
sisset prodicionem; sic tacitus atque incomi-  
tatus Burgundus elapsus est. Illius absentia  
euocati extemplò Aurelianenses atque vrbe  
excepti; Delphinus exultat, compedem fra-  
ctam; rescinduntur edicta Regia per Burgun-  
dum extorta; suas vices patiuntur fautores;  
ensis Comestabilis Albretio restituitur, atque  
Ludouicus Siciliæ Rex, iam totus Aurelia-  
nensium partium, Catharinam desponsam  
filio, patri Burgundo cum ignominiâ remit-  
tit; affinitatem eiurans, odiûmque facto atro-  
cissimum. ians. At breuem serenitatem  
timor procellæ statim interturbat. Duces in-  
ter Britannum & Aurelianensem, orta con-  
tentio vter præcederet, alienauit Britannum,  
quippe Regis sententiâ Aurelianensi postpo-  
situs, ratione Regij sanguinis habita, mole-  
stia plenus discessit in Britanniam. Et Del-  
phinus in quo auctoritatis cardo & momen-  
tum, in Burgundi partes propè abductus. Is  
vtebatur familiariter quatuor viris Burgundo  
addictissimis, eosque adhibebat in collo-  
quium frequenter; ea res cùm Aurelianen-  
sibus suspecta admodum esset, Regina vt sus-  
picionem omnem amoueret, vi in Delphini  
ædes inuadi iubet, virósque abduci, & in car-  
cerem condi. Enimverò Delphinus acerbè  
conqueri,

conqueri, se in nouam seruitutem prolapsum, & appellabat Parisienses ad vim repellendam, & quanquam Aurelianensium precibus placatus in speciem, tribus tamen epistolis ad Burgundum scripsit, se captiuum, opem ad libertatem implorans. Burgundus acceptis litteris, occasionem arripens, copias quas ante diligenter instruxerat, Parisios ducit, ad Regem domumque Regiam à seruitute hostium vindicandam. Aurelianenses interea, conciliato Delphino, & in contrariam mentem perducto, octo equitum millibus vrbe exceptis, eiectionis qui ciuium suspecti erant, vel in carcerem trahis, sic se intra urbem munierant, vt Burgundus adiens, sperato & expectato frustra tumultu, inani operâ post aliquot dies regressus sit. Aduersarij lato rerum successu elati, vt Auarici obsidionem rependerent, regiis edictis Burgundum proscribunt, legunt exercitum in quo armaturâ grauis octodecim millia equitum, mouentque in Burgundum, Rege simul & Delphino ductis; Parisiensibus ante exarmatis, & vicorum catenis in castra Luparâ & Bastillâ delatis. Primum in Picardiam ductus exercitus, & post Sueffionem captam, direptam, atque incensam, quâ Regi obsistere ausa esset; in Atrebates promotâ copiâ. Attonitus percussusque Burgundus Atrebato se communicabat, eratque spes feram aliquando in latibulo posse oppugnari. Nam Flandri quandiu Rex abstineret Flandriâ, opem denegabant; Niuernensis frater Regi adiunxerat se; vnâque ciuitas validum ac numerosum exercitum frustra excluderet. Iam hebdomade septimâ producebatur obsidio, rerumque penuriâ laborabant obsessi, paucis diebus in potestatem venturi hostium; cùm intercedentibus Duce Brabantia & Comitissa Hannonia, de pace agitur. Fremebant Aurelianenses eripi palmam sibi è manibus, comprimi atque extin-

*Burgundus  
Atrebatibus ob-  
sessus.*

CA-  
ROLVS  
V I.

Pax  
Atre-  
batei-  
fis.

gui vindictæ incendium, belluamque indu-  
ctam in retia ad furorem nouum expediri;  
sed assensus accommodandus fuit Delphino,  
qui omnino pacem appetiit, nec Burgundum  
prorsus perditum voluit. Arbitror, generosus  
iuuenis cum administrare regnum ipse vel-  
let, duasque inter factiones positus, potesta-  
tem alterutrius pertimesceret, libratam vtram-  
que lance æquâ voluit, ne præpollenti obno-  
xius foret; facilius clauum inter æquales mo-  
deraturus, quàm si alteram opprimendus at-  
tolleret. Ita pax contracta, reuocatis condi-  
tionibus quæ Carnuti conuenerant; Rêxque  
admissus Atrebatum, Burgundi clientelam  
excepit; soluti mox exercitus, atque Aula  
Parisiis reddita. Et statim Delphinus proposi-  
tum vrgens, perorante Episcopo Carnutensi  
suo Cancellario, administrationem regni ca-  
pessuit, tum ærarij; tum rerum quæ ad pa-  
cem bellumque spectarent; quamuis Bituri-  
censis aliique Principes intercederent; qui-  
bus iam diuturnum regimen pro patrimonio  
erat. Hactenus Franciam miseræ singulæ ap-  
petebant, dato identidem ad respirandum  
spatio; nunc turmatim faciunt impetum,  
ardore tanto atque frequentia, domestica  
mala extraneis cumulantibus, vt videantur  
omnia infortunia conspirasse in vnam, qui-  
bus diuino tantum numine seruari po-  
tuit.

IV. Angliæ Regi Henrico I V. Henricus filius  
eius nominis V. successerat, qui stabiliendo  
nouo imperio, postquam inducias cum Fran-  
cis aliquoties protraxit, firmam vt pacem  
constitueret, Catharinam Caroli filiam, formâ  
pulcherrimam, geminâ legatione in vxorem  
petierat. Et primâ quidem repulsam passus,  
generoso Francorum consilio, qui fratricidæ  
filium affinitate regiâ indignum rati, nuptia-  
rum spem interciderant; secundâ legatione  
petebat easdem nuprias sed armatus propo-  
modum,

modum, & victoris more. Nam expeditus  
proditione domesticâ, atque ad supplicium  
raptis auctoribus, ardens animi, gloriæque  
cupidor, sponsam quidem ambiebat in con-  
iugem, sed maximam partem Franciæ opta-  
bat dotem, easdem prouincias ac eodem iure  
quas Bretiniaco fœdere Eduardus tenuerat.  
Cum eæ conditiones grauissimæ Francis vide-  
rentur, Legatos honorificè exceptos infectâ  
re dimiserunt. Quamobrem Henricus, quo  
die cessabant induciæ eo exercitum iam pa-  
ratum, nauibusque mille & quingentis im-  
positum, Sutantonensi portu versus Franciam  
ducit: in eo erant grauium Equitum sex mil-  
lia, sagittariorum viginti quatuor. Directa in  
oram Normanniæ classis, & Aristorum in Se-  
quânæ Ostio vrbs obsessa; ita ultioni & op-  
portunitati bellum patrabatur; expugnandâ  
vrbe, in quam Piratæ se recipiebant, Angliæ  
spoliis dudum opulenti, & claudendo amnis  
ostio, quo Rothomagum totâmq; in Fran-  
ciam quam plurimæ merces importabantur.  
Etouteuilla Præfectus urbem propugnabat.  
Datum Duci Glocestrensi Regis fratri munus  
oppugnandi oppidi, dum Rex in proximo cli-  
uo castris positus subsidia, si qua induceretur,  
repellit; tegitque obsidentes. Et Glocestrensis  
primo machinarum impetu, tum ad muros  
actis cuniculis, urbē die tricesimo septimo ad  
deditiōnem adegit; tam duris conditionibus,  
vt præsidio duntaxat emissio, ciues direpti sint,  
& magnam partem Caletum traducti. Enim-  
vero propugnantium fortitudine imminutus  
erat Angli exercitus, vt præter morbos passim  
vulgatos, imminente iam hyeme, Caletum  
recedere ad instaurandas copias Henricus  
statuerit. Verum, vt erat ingentis animi atque  
intrepidi, ne crederetur victi instar aut fu-  
gientis abscedere, placuit dimissis nauibus  
terrestri itinere per Normanniam, Picardiâ-  
que militari agmine ingredi. Consilium erat

*Har-  
fleur.  
Aristo-  
rum ca-  
pitum.*



CA-  
ROLVS  
VI.

Henri-  
ci An-  
gli pie-  
tas.

alex plenum atque discriminis ; nam tota Francia delectu feruebat , aduolabant Proceres, Nobilesque , ingensque exercitus imminabat ad Somonam , quem amnem omnino oportebat traicere , & vastati agri commeatum omnem abscindebant : Henricus nihilominus pergit , & Eduardi abauī harena vestigiis , eiusdem etiam felicitatem consequitur. Magnis incedebat itineribus , accurata in milites disciplina , lege proposita , ut si quis ad eam sacram violasset , capitale foret. Et obseruatur religiosi animi Principisque quem ambiret victoria factum eximium , quippe cum audisset raptum esse de templo vasculum , in quo Sacrosanctus Christianorum cibus seruabatur , iussit exercitum totum eò loci consistere , nec se inde mouit , qui festinabat tantopere , donec repertus Sacrilegus , redditum vas , & de reo sumptum supplicium. Accedenti ad Somonam patuit vadum antea incolis inexploratum , transmisitque amnem , Peronam inter & Corbiam ; iam securus & Caletum properans. Sed Franci celeritate quam maxima iter occluserant , atque in Morinis castra posuerant , Taruannam inter , atque Hesdinum , ad pagum cui Azincurtio nomen , ante ignobilem , mox Francorum clade longè celeberrimum. Francicum exercitum regebat Albretius Comestabilis & Bucicautus Marescallus , viri peritissimi rei militaris ; erantque sub signis Principes , Aurelianensis , & Borbonius , Duces Barrensis , Alençonius , & Brabantix ; Comites Eufius , Richemontius , Niuernensis , & selecta ex vniuerso regno nobilitas. Quin ardebat ipse Rex copias ducere , pugnamque conferere , ab ea prohibitus ægerrimè à Bituricensi , qui memor cladis Pietauiensis , cuius pars fuerat , cum Francos à prælio dimouere rationum momentis haud posset , Regem Delphinumque Rothomagi inhibuit ; affirmans minorem cladem futuram , si periret exercitus,

tus, quam si Rex ipse cum Delphino in necem aut vincula raperetur. At vero prudens animus præfagebat quod accidit. Contra Franci ruentes in perniciem, crepabant arma atque victoriam. Iam Henricus hosti insequenti, & prouocanti ad certamen responderat, se suo non hostium arbitrio bellum gerere, venturum in prælium, vbi commodum foret; Caletum se ire; si Francis tantus sit præliandi ardor, se euntem ad certandum cogant. In præsentia postquam animaduertit, nullum saluti nisi vincat locum superesse, in id incumbens, prælium comparat. Nocte quæ diem Octobris vicesimum quintum quo pugnatum est antecessit, gemino subsidio confirmat militem, religione & confidentia. Indicit omnibus peccatorum exomologesim, eam ipse primus cum Tribunis & Centurionibus obit, imò militum plurimi, quod ea ætate sub discrimen vitæ haud infrequens erat, sibi pugillum terræ inuicem porrigunt, ad ceremoniam sacræ Eucharistiæ referendam. Quod postquam religiosè perfectum est, reliquâ nocte securos iussit saltare & canere, instrumentis musicis tubis & tympanis, ad faciendam hilaritatem adhibitis.

Vbi sol illuxit, copias disponit multum imminutas; erant duntaxat tria armatorum milia, sagittariorum tredecim. Ideò ne immenso hostium numero obrueretur, vires arte & peritiâ supplendas censuit. A tergo erat colliculus Siluestri arbore vepreisque densis conuestitus, qui muri instar ab hoste regeret atque defenderet; præterea iussit palos aprari, senos pedes oblongos vtrinque ferro indutos, quod singuli pedites præ se ferrent, atque in loco pugnae infingerent, vt iis circumclusus & obuallatus exercitus, in hostium equites muniretur, eorumque maximum robur infringeret. Tum vnum agmen ex vniuerso milite componit; in fronte Sa-

CAROLVS  
VI.

V.  
*Pugna  
An-  
curtia.*

— gittarios collocat, atque ad alas, duas præ-  
 CA- ualidas equitum turmas. Suum militem Fran-  
 nolvs ci in agmen triplex partiuntur, primum du-  
 VI. cebat flos Procerum & Nobilitatis, Comesta-  
 bilis Boucicautus, Aurelianensis atque Bor-  
 bonius; alterum Duces Bārrensis & Alen-  
 sonius, tertium plurimi æquo imperio Pro-  
 ceres. Non initur pugnantium à Scriptoribus  
 numerus, fatentibus cunctis, nobilitatem,  
 omnem è regno excitam, atque vni Anglo  
 sex septemve opponi. Aberat Burgundia,  
 Dux, qui se Belgio suo continuit, intutum  
 ratus ad exercitum accedere, cuius impe-  
 rium penes Aurelianenses totum erat; eam-  
 que ob causam prohibuit ne Philippus filius  
 se ad hunc conferret, quanquam cupidissi-  
 mus pugnae adolescens, id vehementer ar-  
 deret. Britannia Dux aliique multi die quæ  
 pugnam secuta est, aduenere. Ita dispositi  
 promouentur vtrinque exercitus; at prima  
 Anno Franci pernicies, quod ante in Creciaca &  
 1415. Pictauiensi pugna contigerat, ab Anglis Sag-  
 gittariis. Ii in Francos equites qui proue-  
 bant temerè & incompositè, primùm eiacu-  
 lantur Sagittas, equos fauciant atque trans-  
 uerberant; tum in disiectos & solutis ordini-  
 bus palantes inuadunt; proiectis arcubus,  
 gladios securesque corripunt, & magnâ ce-  
 leritate interfusi vagantibus, passim equos  
 equitèssque mactant & fodiunt. Postquam eo  
 facto nutare cepit Francorum acies, Henri-  
 cus cum armatis equitibus in eos irrumpit,  
 & loco pulsos in agmen alterum disiecit: sic  
 perturbatis confusisque agminibus, Proce-  
 ribus Tribunisque frustra pugnantibus, vtrū-  
 que agmen profligatur, & tertium vix dire-  
 pto ense in fugam agitur. Locus Franco dif-  
 ficilis erat, atque incommodus, angustus ad-  
 modum prohibebat ne se equitatus explica-  
 ret in latera, nève turma expediri commodè  
 in aciem possent; vt plurimi turbâ oppressi  
 sint,

sint, ne dato quidem ad ferrum exerendum spatio; tum in pratis humido solo & vliginoso pugnatum est, in quo vix stare equi possent, & firmare vestigia. Ita partim quâ loci difficultate, quâ sua temeritate atque audaciâ, Franci victi, cæsi, & in Fugam acti sunt. Cæsi in acie quinquies mille, fermè omnes Nobiles, quorum Principes, Comestabilis, Dux Babantiæ, & Comes Niuernensis, Ducis Burgundiæ fratres, Robertus Dux Barrensis, Comites Martius & Vaudemontius; Boucicautus captus, dum in Angliam ducitur, expirauit ob vulnera; & cæsus Dux Alenfonius, qui instaurato fortiter prælio, sibi ferro in Anglico agmine viam patefaciens, ad Regem ipsum penetrauit, eius fratrem Ducem Eboracensem occidit, istûque in Regis caput impacto, coronæ partem deiecit, tandèmq; ab irruente turbâ necatus est. In captiuis quatuordecim millia numerata; in quibus Duces Autelianensis atque Borbonius, Comites Eufius, Vindocinensis, & Riquemontius; Domini Harcurius, Cranensis, Humerius, Caunius, aliique. Angli è suis præter saucios plurimos, mille sexcentos numerabant in cæsis. At Francorum adauxit perniciem, Bournouillæ facinus, qui in castra hostium indefensa irruens, ea diripuit, cæsis calonibus & lixarum turba. Nam Henricus fugientium spectaculo motus, virtusque ne victus hostis instauraret prælium, suique seruandis captiuis & repellendis hostibus essent impares, necari captos iussit, plurimique perempti sunt. Sic patrata ad Azincurtium victoria, quæ Anglis monumento gloriæ perillustri fuit, Francis temeritatis atque ignominie. Henricus flexo genu, Deo victori gratias egit; tum suos tum hostes, qui occubuerant nullo delectu, tumulari iussit; ducensque captiuos Caletum, mox in Angliam venit; nullâ re post victoriam tentatâ;

— Quippè copix infirmæ admodum erant ; & præter salutem contra spem partam , tam insignis palma , & consequuta laus , pro pluribus prouinciis erat , vrbibusque obtentis.

CA-  
ROLVS  
VI. Regi Parisios redeunti dubia erant omnia & suspecta ; imminebat Burgundus, calamitatis pondus non leuamentum , qui periculum Franciæ immotus spectauerat , nunc in eam deiectam incumbens, adducit exercitum, æmulisque iam captis aut cæsis, non dubitat quin sibi prædæ futurum regnum sit. Bituricensis quanquam annis grauior , publicam rem tutatur egregiè ; Parisienses compescit, Regi auctor est vt nouum Comestabilem dicat, cuius fortitudine & fidelitate fulciatur regnum ; & arcessitus Ioannes Comes Armaniacus , focer Aurelianensis, cui commissus ensis ; isque adduxit è Vasconiâ Nobiles, pro genio gentis, militares viros atque intrepidus, celebrisque prosapiæ; quales, Fimmarco, Castra, Goularsius , flammarensius, Casaubonus , Eusius , Termæsius, Arnæus, Negrepelisseus , & Terrida , qui in officio ciues continerent , & muris hostem generosè arcerent. His munitus præsidiiis Rex vetuit Burgundo Lutetiam versus accedere ; & pergenti nihilominus sic Parisiensium portas animosque occluserat, vt is pluribus frustra

*Burgundus Parisiis excluditur.*  
tentatis, quanquam Latiniaco capto , consumptâ sub spem inanem hyeme, tandem in Flandriam voti cassus abscesserit. Mox attamen visus spem suscitasse, Ludouici Delphini obitu, qui vicesimum annum delibans, morte raptus est, non sine veneni suspitione. Ille ab Burgundo prorsus alienus , cuius fraudes perspexerat , & spretâ vxore, nouis amoribus inescatus , Aurelianensium erat : quanquam medius partium aspirabat ipse ad regimen, quod iam capebat, vtrique imperaturus, non seruiturus alterutri. Ioannes proximus frater Delphini nomen & spem regni suscepit,

*Lagny.*  
*Ludouici Delphini mors.*

pit, totus ipse Burgundo addiſtus; ſiue vt fratri factionem opponeret, ſiue indole ad deteriora; & vxorem dixerat Hannonij Comitſ filiam, Burgundi ex ſore neptem; agebátque in Hannonia, cùm frater obiit. Statim igitur tacitum fœdus cum Burgundo & Hannonio contrahit, quo ad eorum partes adſtrungebat ſe, tum Pariſios venit. At Bituriciſis, vt aggerem venienti opponeret, curat Carolum Delphini fratrem dici Gubernatorem Lutetiæ, ipſique in Conſiliarios & Cuſtodes assignat; Armaniacum Comeſtabilem, & Taneguyum Caſtellium, qui Burgundo inſenſiſſimi erant; præterquam quod Carolus Mariam Regiſ Siciliæ filiam duxerat, implacabili in Burgundum odio diſſidentis. Ita Francia ſuorum ipſa malorum artifex, præter cauſas veteres calamitatum, nouas at-  
texebat, & prudentiâ cæca neſtebat ſibi laqueum. Et verò Burgundus poſtquam animaduertit Ioannem Delphinum minùs pol-  
lere Pariſiis, clam adornat coniurationem, quâ non modò Armaniaci, ſed ipſe Rex, tol-  
lendi eſſent è medio, & iam ad exitum per-  
ducebatur flagitium, ipſo Paſchatis die; cùm à mulierculâ declaratur, & diligentiâ Can-  
cellarij atque Taneguij coniurati opprimun-  
tur, atque in ſupplicium rapiuntur; ipſorum  
Caput Almenius Orgemontij Cancellarij ſi-  
lius, perpetuo carceri mancipatur, vir Eccle-  
ſiaſticus, opúmque ingentium; vnâ ambi-  
tione ad crimen impuſus, cùm alia omnia  
tam abundè ſuppeterent. Inter has procellas  
illuxit quædam ſpes ſerenitatis, Sigifmundus  
Imperator exceptus Pariſiis. Ille ex Arago-  
niâ redux fruſtra tentatâ Petri Lunenſis con-  
rumaciâ, vt ad Concilium Conſtantienſe pro-  
fectus, depoſitâ tiara, Chriſtianæ reipublicæ  
bono conſuleret; iter per Franciam habet,  
perrecturus in Angliam, ſi Reges poſſet con-  
ciliare, curâſque omnes ad tollendum ſchiſ-

CA-  
ROLVS  
VI.

Sigis-  
mundus ex-  
ceptus  
Parisijs  
Anno  
1416.

CA-  
ROLVS  
VI.

ma, & subleuandam Ecclesiam Regum & Principum simul traducere. Verùm nihil ab Franco Anglove, quod componeret pacem, impetrauit. Imo Franco offensionem fuit; quod honoris causâ deductus in Curiam, & lite coram disceptatâ, litigantium alterum cui ad causam impetrandam nobilitas deerat, ad se acciuit, & dato insigni Equitem dixit; quod à Rege & Francis malè exceptum est, quasi Imperator ius sibi in Franciam arrogaret: atque ideo cùm in reditu Amedzum VIII. Sabaudia Comitem, Ducem vellet dicere, prohibitus est ceremoniam Lugduni obire, & in ipsam Sabaudiam remissus. Breui hoc interuallo sopita discordia, mox recruduit. Bello in Anglum perseuerante, cum eodem Burgundus priuatas inducias pactus erat quod Regi atque Consilio permolestum fuit; subditum absque Regis permisso cum hoste pacisci. Et postmodum detrimentum in Bituricensis morte Francia patitur, hic suo fato obiit, senectute ad annos septuagenos senos perductâ; extremum ruentis patriæ fulcrum; cui præter auaritiam rara vitia erant, moderata ambitio, cæterisque affectus; paci & otio quam labori & bello aptior; ideò istis infensus, illa promouebat; decessit sine prole masculâ; vir magnificus, atque ædificandi percupidus, extantque pro liberis egregia profanz magnificentiz monumenta. Nec multò post Ioannes Delphinus improuisâ morte extinctus est, siue, vt rumor inualuit, veneno à matre præbito, difficilem nati indolem verita; siue, vt similis vero, vitæ intemperantia, vsuque libidinum, quibus indulgebat immoderatiùs; nec enim toxicum vllum perniciosius.

Bituri-  
censis  
mors.

Et Ioã.  
nis Del-  
phini.

Anno  
417.

VII.  
Arma-  
niaci  
vulgo  
ediosi.

Carolus postremus Regis filius, natus annos quindecim, cum Delphini appellatione regni regimen ad Armanicos totum deriuauit. Discordiâ tandem ablegatâ, & omni spe Burgundo

Burgundo abscillâ , videbatur regnum suble-  
uari, atque in Anglum vires verti posse, com-  
munem hostem , resque in Normanniâ non  
mediocriter promouentem. Penes Comesta-  
bilem administratio erat, & Consules sibi ad-  
sciuerant viros præclaros, Martinum Cancel-  
larium, Taneguyum vrbis Præpositum, Dam-  
martinum, & Cambiensem, quorum consen-  
su vnanimi regebat rempublicam. Verùm  
idem qui tenebat clauum Comestabilis , is  
nauem , seque ipsum in scopulum & naufrâ-  
gium impulit. Præclaras dotes tria potissi-  
mum vitia inficiebant ; parsimonia quæ aua-  
ritiam saperet, seueritas quæ accederet ad su-  
perbiam ; atque amor imperij , qui nimium  
ambitionem exscriberet ; ita odium collige-  
bat in vulgus, tributa plurima indicendo, mo-  
rum fastu dignitatẽ tutando, & præfecturas  
tum ciuiles , tum militares sectatoribus suis  
assignando. Excusabat quidem se & virtutum  
speciem prætexebat vitiis ; inopiæ aratij par-  
simoniam tribuens, superbiam dignitatis curæ  
& tutelæ , & præfecturas suorum temporis  
necessitati , ne quis oppositæ factionis turba-  
ret rempublicam ; sed malè populo per has  
laruas imponitur, & optimatum vitia sub per-  
sonâ patent. Porro eorum ambitio molestissi-  
ma postremò regnum pessumdedit. Regina,  
immoderata potentix Comestabilis, vna ob-  
ex erat ; illa iam ab Regis morbo assueta in-  
teresse consiliis, regimen vel totum vel in  
partem capeßere, quia tunc Burgundo infen-  
sa admodum erat, Comestabilem patiebatur,  
& loco principe exclusa, ambiebat secundum.  
Enimverò ille Reginx præsentiam ferebat  
impatientiùs, & siue impotentis feminx am-  
bitionem subueritus, siue omnem scrupulum  
amoliturus, statuit Reginam ab consilio amo-  
uere, & penitus deturbare. Ideò contumelias  
per gradus promouens, primùm Regis nomi-  
ne abstinere à consilio iussit ; dein per Del-

*Regina  
anti  
pellitur.*



CA-  
 ROLES  
 VI.

phinum gemmas aurumque factum abripuit,  
 mox unum è domesticis ipsi percarum, rapi  
 ex aulâ, & fluuio mergi imperauit; postremo  
 aula pulsam Blesam, dein Turones cum Ca-  
 tharina filia ablegat, orbatam domesticis, da-  
 tisque custodibus, quorum acerbitas augetet  
 miseriam, carceremque efficeret, quod assi-  
 gnatum erat hospitio. Subita & improuisa  
 conuersio tam altum odium in Reginae men-  
 te ingenuit, vt in posterum inexpiabile, vel  
 vindictâ patrata, fuerit. Non in vnos Arma-  
 niacos conceptum est, sed in regnum, ipsûm-  
 que Delphinum, vt Isabella se Reginam ma-  
 trêmque oblita, regno & filio grauissimas  
 æumnas inuexerit, ad extremum spiritum  
 odij pertinax atque vltionis. At quoniam  
 muliebri ingenium ad vindictam acutissi-  
 mum & celerrimum est; illa, extincto ve-  
 tere odio, se ad Burgundum applicuit, sta-  
 tuitque Catharinam filiam calamitatis suæ  
 participem, Anglo tradere, ipsisque regnum,  
 Delphino raptum conficere. Telam orditur  
 primûm à Burgundo. Is Reginae litteris com-  
 pellatus, arma & consilia in Armaniacos in-  
 struit. Sic plures vrbes ad seditionem com-  
 mouet, Rothomagum maximè; illis expe-  
 ditis Parisios properat, captisque haud pau-  
 cis oppidis, triginta hominum millia ad eos  
 admouet. Verûm strenuitate & diligentia  
 Comestabilis, tam oppressis intus seditiosis,  
 quàm vi foris repulsâ, discessit ab obsidio, &  
 ad proximas vrbes se conuertit; iamque Car-  
 nutum, Monsericum, Siluanectum, Ponti-  
 saram expugnauerat, cùm Turones celeriter  
 aduolans Reginam opportunitatem paran-  
 tem, dùm ad Diui Martini adem proficisci-  
 tur, excipit, potitur vrbe, & Carnutum præ-  
 dam spontaneam, ducit. Regina extemplò  
 testata scriptis, attineri Regem captiuum ab  
 Armaniacis, gerit se pro Regente, Parisien-  
 sem Curiam abrogat, geminasque instituit,  
 Ambiani

*Regina  
 libera.*

Ambiani alteram, alteram Trecis; Lotharingiæ Ducem Comeftabilem dicit, nouosque ad arbitrium regni adminiftratos. Interca Armaniaci feditionem Rothomagenfem com-  
prefferant, & caftelli ope magnam urbem reuocauerant ab infaniâ, iis in pœnam raptis, qui necauerant Regios Magiftratus. Contra foluerant Siluanefcenfem obfidionem, eratque in uisceribus regni bellum intestinum, Burgundis decuffatam crucem colore miniato pro infigni ferentibus, Armaniacis candidam. Eos inter motus Martinus V. oppreffo schifmate creatus Pontifex, legatos Cardinales in Franciam mifit, quorum curâ & diligentia pax Delphinum inter & Burgundum Ducem fancita est; eâ conditione ut præteritarum rerum obliti, fimul regnum concordibus animis adminiftrarent. Idque fœdus præconio publico Parifis magno populi gaudio enuntiatum est. Atque ita fcribenti Iuuenali Vrfino affentior potiùs, quàm Monftreleto Burgundarum partium feftatori, atque affirmanti reieftam pacem ab Armaniacis; credo ut Parifienfium immanem fœuitiam quæ confe-  
cuta est excufaret, culpamque in Armaniacos verteret.

VIII.  
*Arma-  
niaci  
dirè  
Parifis  
necan-  
tur.  
Villiers  
Sei-  
gneur  
del'Ifle  
Adam*

Pace promulgata, dum fecurius Armaniaci agerent, tetrâ proditione Parifis in fede imperij opprimuntur. Erat Pontifaræ cum præfidio valido Villerius Infulæ Adami Dominus, nuper ab Armaniaco ad Burgundum transgreffus; ille clam adornatâ confpiratione, per urbis portam quam referabat Perrius Clericus Confulis filius, è puluinari dormientis patris clauēs fuffuratus, noctu cum oſtingentis equitibus admiſſus, iuſto agmine ad Caſtelletum incedit, adiunctiſque quadringentis è confpirantibus, ciuem per vicos ad res nouas concitat, repetitis clamoribus, *uiuat Rex & Dux Burgundiæ*. Ad eas voces vniuerſus populus conuenit, armisque raptis.

CA- raptis quæ sub manum erant, furcis, malleis,  
 ROIVS verubus, fustibusque; nam alia detraxerat  
 VI. Comestabilis; ad quoduis facinus se accin-  
 git. Eo affluxu Burgundi factio iam urbis po-  
 tens, in duo agmina copias diuidit, alterum  
 tendit ad Sancti Pauli palatium, fractisque  
 foribus Regem somno excitat, atque equo  
 impositum per urbem deducit, ut ea aucto-  
 ritatis Regiæ specie vim atque amentiam  
 suam obsignarent. Alterum agmen longè  
 maiore infantiâ grassabatur; in Armaniacos  
 conuersarabies, violatæ ædes, atque heri in-  
 terempti crudeliter. Festinatum in palatia  
 Comestabilis, Præpositi, Cancellarij, nobi-  
 lium & Magistratum; & quotquot occur-  
 runt trucidati nefariè. Primo tumultu Co-  
 mestabilis è Palatio suo profugus in vicini  
 inopis obscuras ædes abdiderat se; Tane-  
 guyus Castellus, immemor sui, curam om-  
 nem in Delphini salutem impenderat; ad-  
 uolansque in Palatium raptum è somno,  
 & sicut erat linteo inuolutum, Bastillam de-  
 tulerat; mox Melodunum transmiserat, sub-  
 stitueratque Bastillæ, socios qui è strage eua-  
 derent, excepturus. At crudelissima laniena  
 urbem implebat; audiebantur passim cla-  
 mantium voces, *vinat Burgundus, Arma-  
 niacus pereat*, & promiscuè mactabantur vi-  
 ri, matronæ, pueri, quot suspecti Armania-  
 carum partium erant. Ita Marlius Cancellar-  
 rius, Guerrius, Curia Magistratus, Consi-  
 liarij pecudum instar contrucidantur, & ipse  
 Comestabilis ab hospite proditus educitur  
 è tugurio, & in carcerem conditur. Agebat  
 paulò mitiùs Regium agmen, temperansque  
 à cadibus, omnis generis homines rapiebat  
 in carcerem, isque Parisienses custodiæ om-  
 nes opplotæ sunt. Sed non ideo popularis fu-  
 ror defauit, die consequenti nouo cæstro  
 perculsi, carcerem custodiæque perfringunt  
 Comestabilem necant, aliosque omnis gene-

ris ad mille sexcentos , in iis Præsules Con-  
stantiensem, Ebroicensem , Baiocensem, Sil-  
uanestensem & Santonum ; aliosque Abba-  
tes haud paucos, nullâ religionis reuerentiâ;  
atque cadauera promiscuè carris plaustris-  
que imposita , extra urbem deferunt , atque  
insepulta vel in profluentem coniiciunt , vel  
feris vulturibusque in prædam deferunt. Tria  
ad contumeliam seruata, Comestabilis, Can-  
cellarij, & Guerrij, quæ postquam in palatio  
ad ludibrium omnibus patuerant, à fæce po-  
puli per lutum & vicos raptata sunt triduum,  
& proiecta inter putrescentia animalium  
corpora. Et Villerij obseruata crudelis pro-  
teruia, qui è mortui Comestabilis tergo duas  
corrigias decussatas, dereptâ ferro cute, de-  
traxit ; vt Burgundi notâ insigniretur vel  
mortuus. Taneguyus tentauerat quidem à  
Bastilla in ciuitatem irrumpere, & comitan-  
tibus Rieusio & Barbasano cum armatis mil-  
le sexcentis, pugnam in ipsa vrbe miscuerat;  
sed oppressus numero repulsusque, quadrin-  
gentis amissis, Bastillam primùm dein Melo-  
dunum ad Delphinum confugerat. Ex templo  
Burgundus Diuione Parisios venit , adducit-  
que Reginam, incredibili Parisiensium plau-  
su exceptus , capeffitque cum ea regni admi-  
nistrationem , nouis Magistratibus & Præfe-  
ctis ad nutum suum constitutis. Nec ideo in  
vrbe cessabatur à cædibus, aut conscribe-  
batur suam, intra materiam furor. Nam plebs  
rapinis vexata , cruorémque intemperantiùs  
sitiens , Duce Capeluca carnifice, Lanienam  
instaurat , carcerem infringit, vinctos inter-  
ficit , & opulentum quemque, Armaniaca-  
rum partium specie, impune cædit, ædesque  
diripit. Equo inuectus Capeluca princeps  
incedebat purpuream, è serico indutus clau-  
mydem, versoque pollice confodiebat quem-  
que ad libitum. Nec cædium erat finis , ci-  
uēsque pluriui clam vrbe excedebant; cum

*Capelu-  
ca sum-  
ror.*

Burgundus,

Burgundus tandem tot miseriarum pertæsus, veritúsque ne furor ad se aliquando proferperet; prætextu expugnandi Montis-Erici, seditiosam turbam educit, mox Capelucam correptum suspendio necat, atque vrbi tranquillitatem restituit; post immensa flagitia, & patratam infontium sanguine vltionem. Pœnas ab aliis interfectoribus repetiit Deus; plerisque, vt scribit Monstreletus, morte impiâ raptis; nullâ criminum pœnitentiâ, aut veniâ, desperationem inter & furorem, & ipse Burgundus, cui per tot flagitia parabatur regnum, eodem fato aliquantò post cadet.

## IX.

*Del-  
phinus  
pacem  
Burgū  
do ne-  
gat.*

*La  
Hiro,  
Xain-  
trailles.*

Ille postquam Regem & Parisienses habuit in potestate ad Delphinum conciliandum incumbit. Aderant Delphino viri armis & consilio optimi. In bellis militarem artem collegerant, Rieusius Marefcallus, Torfæus Balistariorum Præfectus, Aquila, & Barbasanus; erântque iuniores, sed egregio animo præditi, Stephanus Vignolius Hira dictus, Xantraliij fratres, Petrus & Potonius, Vascones nobiles; Comes Dunensis Ludouici Aurelianensis filius, quorum in sequentibus præclara memorabuntur facinora. Promoueabant arma consilio, Taneguyus Castellius, Vicecomes Narbonensis, Petrus Loria, Ioannes an Thomas Louuetius in Prouinciâ Phocensi Præses, & Robertus Massonius. Iis Delphinus instructus Præfidiis, se in Burgundi dolos & vim propugnabat. Burgundus castrum Coucyum Delphino eripuerat, cæso Præfecto Petro Xantrallio, meretricis quâ utebatur, proditione: Contra Potonius Petri frater Burgundi turmas in fugam egerat & profligauerat; verùm cum alterutro, & victore, semper Francia detrimentum pateretur; Legati Pontificis, qui post tumultum Parisiensem ad Sancti Mauri, vrbe haud procul, secesserant, tantoperè contenderunt,

tenderunt, ut pax iterum Delphinum inter & Burgundum conuenerit, utroque in regni administrationem adscito. Annuebat Delphinus, nisi à suis in diuersum consilium raptus foret. Docent *Burgundo summam esse perfidiam, nullam fidem, assuetum eum pactorum illecebris lethales obuelare insidias; nociturum minùs apertum hostem quàm te-ctum.* Ita reiiciendæ pacis auctores sunt. Cùm Anglus interea occupatâ Normanniâ, regni intima carperet, & suas res per Francorum turbas promoueret mirificè. Etenim Henricus sublimis animi, atque illustrem gloriam appetentis, ne elaberetur occasio, cum ingenti exercitu ex Anglia in Normanniam uenerat. Sub signis erant quinquaginta hominum millia; nobilitatis flos, Duces Clarentiæ, & Glocestriæ Regis fratres; Duces Excester, Varuicius, Sombressetus, alique. Rex quarto aduentus die Tucham arceri cepit; breuîque tempore inferiorem Normanniam quâ terrore quâ vi, cum plurimis urbibus sub iugum misit. Nempe Comestabilis ut se & Parisios in Burgundum muniret, ex urbibus præsidia euocauerat, atque inuadenti prouinciam nudam obiecerat. Præter Rothomagus regionis caput, duo erant oppida Cadomum & Larca quæ tenebantur præsidio & vim repellebant, nam Chereburgum iam Anglorum erat, turpi Ioannis Engennij proditione, qui acceptâ pecuniâ arcem tradiderat. Ergo Cadomum munitum cum arce oppidum Henricus aggreditur; vi urbs expugnatur; miserèque diripitur; arcem Fayeta & Montenus Franci Nobiles duos propè menses propugnant; quo exacto tempore cùm auxilij spes nulla illuceret, vitam suorum pacti incolumen, deditionem faciunt. Et memorabilis Henrici pietas, qui vota sacra ex auro atque argento plurima, quæ in arcem Normanni ex vicinis oppidis custodiæ causa detulerant

CAROLVS  
V I.

*Anglus  
Normanniam  
occupat.  
Tota  
ques.*

*d'Engennes  
Caen.*

— tulerant, suis quæque templis curauit resti-  
 CA- tui, ne minimo quidem delibato; quâ ab-  
 ROIVS stinentiâ non Dei modo, sed hominum gra-  
 V I. tiam conciliauit summoperè. Capto Cado-  
 Pont de mo, antequam Rothomagum aggrediretur  
 l'Ar. Larcam impugnat. Est Larca oppidum situm  
 che. ad Sequanam, quem ponte iungit, octo mil-  
 liatibus Rothomago distans, & magni mo-  
 menti ad immittenda vel excludenda subsi-  
 dia; eratque in oppido Ioannes Graullius,  
 qui præclare hostem exceptum, ab ponte ca-  
 pitis fortiter repulit. Nec Henricus ad pon-  
 Rotho- tem expugnandum pertinaciter institit, sed  
 magam amne noctu è superiore loco, clam transmis-  
 capium so, oppido militem admouet, deditumque  
 obtinet, cum è Franciâ nihil submitteretur  
 auxilij. Tunc Henricus subactâ Normanniâ,  
 Rothomagum tandem totis copiis obsidet.  
 Erant in vrbe armatorum quindecim millia,  
 quâ ciues, quâ Præfidiarij milites, expediti  
 ad defensionem, certique extrema omnia  
 pati, antequam Anglum admittant. Nec Hen-  
 ricus ausus est armis consilium exequi: sed  
 lentæ fami committendam rem censuit, quâ  
 fortissima quæque deiciuntur, & illibatis  
 propugnaculis vrbes euertuntur. Eo consi-  
 lio ciuitatem amne & solo excludit, tribus  
 catenis ferreis ab vnâ ripâ in alteram ductis,  
 spatio inæquali in fluuium mersis; iisque  
 omnia nauigia prohibet; tum vallum præal-  
 tum latamque fossam castra inter atque vr-  
 bem obtendit, quibus tutus & reclusus, tum ab  
 vrbe com meatum omnem arcebat, tum se ab  
 crebris eruptionibus muniebat. Et quidem  
 breui in obsessam urbem fames penetrauit,  
 nec ideo præclarissimi ciues deiecti sunt ani-  
 mis. Sanè Rothomagenses nemo satis pro  
 dignitate laudauerit, tantum fidei, animi,  
 patientiæ, & inuictæ ad extrema constantiæ,  
 ne detraherentur Franciæ exhibuerunt, post-  
 quam erumpendo frequentius hostem non  
 amouent,

amouent, famésque iam grassari incipit; duodecim mortalium millia, qui atate bello impares forent, vrbe committunt, ac patiuntur miserè in fossis perire, Anglo transitum pernegante. Tum admoti ad extrema, Regem, Delphinum, Burgundum, de subsidiis mittendis compellant; supplices addictissimis precibus se seruari orant, & spe à Burgundo oblatà, luctantur in miseras, famémque intimam, iam cibo ad coria traducto, & egregià fidelitate se glorià suà & laude pascēte; Ac iam fame extincta erant quinquaginta hominum millia, ab Rege & Burgundo perierat tandem auxilij spes; cū inopes omnium & agrè afflictum trahentes spiritum, Anglum de deditioe appellant. Ille haud ignarus quàm extrema vr-  
bis calamitas esset, eam sibi reddi nullà conditione postulat, habendam arbitrato suo. Ciues egregij hoc responso audito, perditum animum desperatione armantes, statuunt recta incendere, quæ tueri non poterunt, armisque correptis vnà cum vxoribus atque liberis vrbe prorumpere, in hostium castra irruere, sibi que vel honestam mortem, vel salutem certam comparare. Henricus eo consilio per proditores comperto, iram mitigauit, & meliores condiciones concessit, per quas in urbem admissus est, octauo mense postquam aggressus obsidium erat; Anno supra ducentesium vicesimo quinto, quo Anglis Philippus Augustus eam detraxerat. Subeunti urbem Henrico prælata est cauda vulpeculæ pendens è lancea, credo ad retundendam Francorum ignominiam qui veteri scommate caudatos Anglos solebant appellare. Normanni derelicti à Francis, Anglo in posterum conuersis animis adhæserunt, donec iterum pristinam fidem cum victoribus Francis recipiant. At Burgundus cū armis coercere Anglum haud posset, pacem obiecit, habuitque

CA-  
ROLVS  
VI.

Anno  
1419.



CA-  
ROLVS  
V I.

buitque cum Henrico colloquium, ad quod Regina & Catharina deductæ sunt; si forte spectatâ pulcherrimâ Virgine Angli ferocitas mitigaretur, & ille admisit quidem amoris flammam, sed excandescens quod illicò Virgo iussu matris fuisset subducta, nec quidpiam à postulatis remittens, quibus Aquitaniam & Normanniam summo iure exposceret; solutum est colloquium; Anglo etiam interminante; obtenturum se, vbi libuisset, & regnum & Virginem, & depulsurum à Franciâ tam Burgundum quàm ipsius Regem; adeò prosperitate intumescerebat superbia, & futura ex præteritorum cursu metiebatur.

X.  
Delphi-  
ni pax  
cū Bur-  
gundo.

De  
Gyaci.

Monte-  
rean.

Deiectus spe pacis ineundæ cum Anglo, ad Delphinum se Burgundus conuertit. Et quidem Delphinus in eam propendebat voluntatis inclinatione; nam intus forisque dilapidari patrimonium suum permolestum erat, atque hoste gemino ingruente, alterum sanè conciliari oportuit. Igitur incumbit in concordiam, atque vt superbam Burgundi indolem ad æquiores condiciones perduceret, Gyaci nobilis coniugem adhibet, quæ apud Burgundum muliebri potentiâ præpollebat; quippe femina cui permiserit corpus, eius animum regit. Ipsius operâ perfectum est tandem, vt primùm ad Possiacum, deinde ad Melodunum Delphinus cum Burgundo conuenit, contractis pactis, quæ ab vtriusque partis proceribus subscripta sunt; indictoque Monterigoli ad Septembrem proximum nouo colloquio, recesserunt, Burgundus osculatus Delphini dexteram, & Delphinus Burgundum amplexus. Res vrgebat, etenim Henricus promouens felicitatem, Gisortium expugnauerat, atque Pontisfaram, magno Parisiensium metu; quo factum vt Burgundus Regem, Reginam & Catharinam Treca in fidam urbem deduceret. Hinc bellum atrox &

à Delphino coquebatur atrociùs. Etenim ipsius familiares concordiam cum Burgundo initam vetiti, ad eam abrumpendam enitebantur sumntoperè. Hi olim Aurelianensi charissimi, & quà futuri domini sui vindices, quà vindictæ metu, ob iniurias Burgundo illatas, vt salutis suæ consulerent, in alienam conspirant. Auctores præcipui noui consilij Taneguyus & Louuetus, qui apud Delphinum pollebant plus ceteris. Primum iniquitatem conditionis obtendunt. *Quid cum Principe subditus partiatur imperium? consortem potestatis tuæ Burgundum pateris? quasi tu vnus sis impar regimini, aut monarchia Francia duos Reges admiserit? Ignoras quam lati ambitioni sint limites? Ut qui contentus suo gradu non sit, qui Regi proximus, par esse cupiat; mox superiorem locum ambiturum, & amoliturum vnum illud caput per quod stat ne regnet. Sanè ea Burgundi virtus modestia & temperantia fuit, quas in suspitionem vocare non possis? Scilicet qui fratrem Regis peremit nefarius parricida, qui fratres tuos Delphinos geminos veneno sustulit, qui adhuc Regem & Reginam vt vilia capita in potestate habet, qui regnum præ regnandi libidine suis deque miscuit; qui Comestabilem, Cancellarium, ceterosque dignitatis tuæ studiosos immanissimâ nece extinxit; ille alium vel superiorem vel æqualem feret; nec reuocabit priora crimina ad obicem nouum amouendum? Caue tibi Princeps, per eas artes tibi paratur perniciēs, ferrum aut venenum iam iam instruitur, & noua victima ad cultros ornatur: Nam de nobis non contendimus admodum, peribimus quidem, & vltionem Burgundi quid vincat? sed tua necis vel prolusio vel appendix; hoc miseri quod dominum seruare nece nostrâ non possumus. Eiusmodi sermonibus postquam Delphini mentem conturbant, aggrediuntur*

— tur quod caput erat peragere ; suadentque ut  
 CA- regni pestem semel extinguat : nec bellum  
 ROLVS- nec pacem eo incolumi tutam esse posse, iuste  
 VI: ferro cædi , qui tam multos necasset , penes  
 Delphinum Dei, & Iudicum esse potestatem;  
 quem per Iudices iuste damnaret atque mor-  
 te afficeret , cum per milites tot criminum  
 reum in pœnam vocaret, ac quando Monte-  
 rigoli se ille sisteret, præteritis sceleribus tol-  
 leretur impunitas, & futuris occasio. Ita Del-  
 phino Burgundi cædem persuadent ; quæ ut  
 patraretur tam tutò , quam secretò instituta  
 esset , animi sensum altâ simulatione præte-  
 xunt. Aderat tempus constitutum colloquio,  
 & Burgundus hærebat , excusans locum rei  
 gerendæ incommodum , & facilius Trevis  
 amplâ in vrbe conueniri posse. Contra Del-  
 phinus ut rem perageret , primùm per Gyaci  
 coniugem suspicionem omnem amolitur ,  
 mox missò Taneguyo ; tandem cunctantem  
 & nescio quo naturæ sensu subtimidum ,  
 missò Episcopo Valentino , expugnat , & ad  
 Lanienam adducit. Monterigolum oppidum  
 est in Senonibus ad Icaunam positum, quâ in  
 Sequanam is amnis influit ; tunc pons ca-  
 strum ab oppido seiungebat ; concessum Bur-  
 gundo castrum, Delphinus exceptus oppido;  
 in ponte medio exstructum cubiculum in quo  
 Principes ; colloquerentur , ligneis claustris  
 hinc inde erectis. Burgundus cum cohorte  
 armatâ castrum ingressus , stipatus decem  
 Proceribus ad pontem incedit. Operiebatur  
 in cubiculo Delphinus , totidémque Proce-  
 res, coniurationis participes ; quorum Duces  
 Taneguyus, Louuetus, & Vicecomes Narbo-  
 nensis. Ad primos cancellos venienti Bur-  
 gundo occurrit Taneguyus. Delphini nomine  
 salutem ferens : At Burgundus hæret clau-  
 stris inspectis , consulitque suos an pergeret ;  
 affirmantibus cunctis, nihil esse periculi, ultra  
 pergit , & iam ad tertios cancellos peruene-  
 rat,

rat, cùm aduertens alios ponè claudi, cepit  
pertimescere seriò; attamen regressu vetito,  
metum dissimulans ad Delphinum accedit,  
flexo genu summâ corporis inclinatione.  
Delphinus lorica indutus, gladiòque accin-  
ctus, pro salute, cum acrem vituperationem  
rependeret; Lorius Ducem apprehensum  
brachio iubet exurgere; Tunc Burgundus  
haudquaquam dubitans, quin foret proditus,  
manum ad ensis capulum admouet; iterum-  
que Corius eo momento increpitans; *Ete-  
nim*, inquit, *in Dominum meum ferrum  
stringis?* & extemplo Taneguyus oculis in  
coniuratos coniectis, *nunc*, ait, *tempus est*,  
vocémque facto vrgens, securiculam in Bur-  
gundum impingit, abscissòque mento humi  
sternit. Ille conatur direpto ense exsurgere,  
sed coniuratorum gladiis securibúsq; peri-  
mitur, iacétque exanimis. E decem sociis,  
vnus occiditur, Nouallius, qui vt Ducem de-  
fenderet strinxerat ferrum; vnus Montacu-  
tus super claustra insiliens fuga se proripit,  
cæteri octo captiui s. ruantur. Cæsi cadauer in  
ponte iacuit, spoliatum præter thoracem  
cruore infectum & ocreas, mox ad pistrinum  
sicut erat delatum, & sequenti die absque fe-  
retro & Syndone in sacrâ æde terrâ obrutum  
est; è tantis opibus ne Syndone quidem re-  
portatâ; quam vnâ ad exemplum humanæ  
inopiæ Saladinus ille ingerebat mortalibus.  
Ita cæsus Princeps multipliciter reus, & diui-  
nis humanisq; pœnis obnoxius, sed iniustâ  
& importunâ planè ratione; inimicis Del-  
phini adolescentiâ ad vltionem priuatam  
abusis (nam is agebat annum decimum sep-  
timum) & immensis calamitatibus inuoluen-  
tibus Franciam. Sanè ferro Deus nusquam  
pareit, & diuturnam facti pœnitentiam ab au-  
stioribus petet.

Delphinus patratâ cæde litteras in prouin-  
cias scribit, quibus scelus excusat, culpam in  
Burgundum

CA-  
ROLVS  
VI.  
Anno  
1419.

*Nouallius.*

XI.  
*Frâcis &  
Angli  
in Del-  
phinū.*

CA.  
ROLVS  
VI.

Mor.  
williers.

Burgundum vertit, se tentatum insidiis, vim à cæso illatam eamque inferentis malo repulsam. At Montacutus fidem litteris tollit, quo res gesta sit modo palam omnibus facit, & ut sit miseriâ misericordiam concitante, in Delphinum, eiusque affeclas ciuitates fremunt. Regina imprimis nullis finibus furorem continens, sublato Burgundo, cum se inopem, destitutam & aduersariis traditam crederet, quod vnum supererat Regiam auctoritatem armat in filium, ut parricidam proscrit, exheredatum & deiectum paterno solio. Parisienses similiter haud leuiore furentes insania, Moruillerium Senatus Præsidentem ad Philippum Burgundi necati filium legant, cui se suaque omnia offerant, & ad vindictam ob iniquissimam cædem patris inflamment. Et ipse suo conflagrabat incendio; necatum per insidias patrem, per fidem publicam, per Sacrosanctum iurantium vinculum, per violata tum humana, tum diuina iura, exaggerabat sensum iniuriæ; turpitudine sceleris vltioni laudem conformante. Ergo Atrebatum conuocatis comitiis, cunctisque certatim opem pollicentibus, ut de Delphino, quem Comitem Pontiuensem dicebant, vindictam exigeret; ipse Trecas aduolat, seque Regi ac Reginae optatissimum sistit, moxque in flagitium erumpente vindictâ, ne huic Anglus moram obiceret, cum Henrico Rege pacem sancit. Conditiones non iniquæ modò, sed propudiosæ: Catharina Henrico data in coniugem, dos ipsum regnum Franciæ; ut viuo Carolo Regentis nomine Henricus regnum administraret, ipso demortuo Rex diceretur. Ita Franciæ corona clarissima, quæ ab condito regno imbecillem sexum depulerat, eo ne in minimam quidem partem admissio, modò vnus feminæ impotentia, in dotalem fundum conuertitur, furoris in vindictam ruentis appendix. Anglus Rex suâ sorte latissimus,

mus, Trecas raptim venit, sponsam ducit, & Regens nuncupatus versùs Parisios cum Philippo tendit. Híque vt aliquo facinore inclarescerent, vrbes in itinere positas quæ obtemperabant Delphino, expugnare statuunt. Prima illarum partium ciuitas Senonum occurrebat, quæ vltro deditiorem paciscitur; tum Monterigolum, desertam oppidum, castrum captum, ac Ioannis corpus à filio refossam, missumque Diuionem in Carthusiensem ædem; Melodunum deinceps & Meldæ captæ sunt; Melodunum quidem multo labore, & quinto post mense, fortitudine Preausij & Barbasani; quæ alimentorum inopiâ tandem fracta est; atque penuria eadem postmodum Meldas aperuit; Præfecti Chisæi incuriâ; qui captius, vt & Barbasanus abductus est. Iis insignes victoriis Parisios expectatissimi veniunt; scribi non potest quàm effuso omnium ordinum gaudio excepti; nempe amentia à capite in membra transfusâ. Ingressi sunt equites Carolus atque Henricus, ille dextram occupans, hic sinistram, magnoque comitatu Nobilium ex vtraque gente, post actas in Deiparæ gratias, in ædes Sancti Pauli recessit Carolus, Anglus in Luparam. Mox ne iniqua possessio tituli specie destitueretur, ob Burgundi eadem solemne iudicium instituitur. In atrio Palatij Regij cætus institutus; confidebant in vno subsellio Rex vterque; tum Ioannes Clericus Cancellarius & Moruillierius; in medio atrio inter Angli fratres Clarencium & Betfortium sedebat Philippus Burgundiæ Dux; deinceps, Episcopi, Proceres, & Consiliarij. Tum exurgit Nicolaus Rolinus, qui pro cæsi viduâ & Philippo filio perorauit; consequutus Petrus Marinius Advocatus Regius pro infligendis in reos pœnis habuit orationem, & Cancellarius suscepto in vicem Regis sermone pollicetur iustitiam. Nec multo post ad marmoream mensam D-

CA-  
ROLVS  
VL

PREAUSI  
& BAR-  
BASANI

LE  
CLERC.

CA-  
ROLYS  
VI.

phino & consciis vadimonium dicitur; iisque non comparentibus, Parlamenti iudicio, Delphinus perpetuò à Franciâ exulare iussus, indignus coronâ & exheres dictus; criminisq; participes ignominiosâ morte damnati. Nemine ad iniquissimam sententiam refragante, ne naturâ quidem matrem appellante; adeo vindicta in vesaniam induruerat; nam patrem excusabat morbus, suâque potestate deiectus animus. Henricus posteaquam ad nutum omnia fausta eueniunt, vt se victorem Anglis ostentaret, cum nouâ sponsâ in Angliam soluit; Clarentio fratre Gubernatore Parisiis dicto, atque imposito in captas vrbes præsidio, maximè Luparæ & Bastillæ arcibus. Ita Francia quod tot antè annis horruerat, se Anglicam vidit, quòdque funestius suâ sponte, vltro ceruicibus in iugum insertis.

XII.  
*Delphi-  
ni cura  
in ho-  
stes.*

At Delphinus postquam animaduertit prauis consilij quàm diuersus à proposito esset effectus, seriùsque pœnituit effusi sanguinis, cum se peti tam inflammatis odiis cerneret, regnum, suâmq; animam in exitium rapi, contendendum omnino censuit, vt se propugnaret. In tot regni prouinciis paucas admodum suarum partium numerabat; easque vltra Ligerim, præter Andegauos; vt ad regni fines pulsus videretur; erantque illæ, Andegavi, Turones, Pictones, Aruerni, Biturices, & Occitani; obsequij quidem in legitimum Principem studiosi, sed multum inopes, & ob priora ciuilis belli incommoda, exhausti propemodum, & ad nouos sumptus parum apti. Occitani præcipuè incorrupta fide illi adhaerant; ad eos seruandos curæ statim traditæ, & quia Princeps Orangiùs à Burgundo missus, Aquis mortuis, Sancti Spiritus Fano, & Nemauso captis, neumbebat prouinciæ, Delphinus Comitem Fuxiensem Proregem dicit; ratus ob viciniam atque potentiam opportunum qui Orangium pelleret. Verum

Occitanis

Occitanis geminata per cum molestia ; quippe à Fuxiensi tributis supra modum grauati, cum remedium morbo esset deterius, Delphinum appellant. Et ille obiuit expeditionem feliciter, Fuxiensi pulso, & receptis vrbibus, Nemauso & fano spiritus; inde pacatam prouinciam Carolo Borbonio Comiti Claramontio regendam tradidit. Aquas mortuas cogitabat, cum indidem ciues Burgundicum præsidium impositum ab Orangio aggrediuntur, vincunt, ac cadunt, eorumque corpora in lapideis cupis condiunt sale ; alludente pœnâ ad vulgare dictærium, quo Burgundiam olim saliti dicuntur. Auditâ postmodum Parlamenti sententiâ, ad Deum supremum omnium Iudicem, suumque ipsius gladium prouocans, Parlamentû Parisiense, & Vniuersitatem Pictauium euocat, vim Regi ab hostibus illatam exposulans. Ita dum fulcra solerter inquirat, Britannix Ducem alienat, & suâ culpâ. Margaritæ Clissonij filix ex Ioanne Pontiuensi Comite, erant liberi quatuor ; eorum natu maximus Oliuerius, à matre Monfortiorum familix infensissimâ impulsus, cum Delphino conuenit, vt Ioannem Britannix Ducem interceptum per insidias, Delphino ipsi traderet, pacto ob prodicionem mutuo præmio. Cogitatum scelus inceptum est, Dux captus, in vincula raptus atque in carcerem; sed Pontiuensi ad consummandum crimen deficiente, Dux quæ peteretur, pollicitus, suis restitutus est. Sic Delphino nouus hostis exurgit, à quo deinde graua incommoda inferentur. Huius auctor consilij, qui omnium propè, Louuetus ille Præses, importunè quidem atque iniquè ; nec Delphinum excuset, quod Britannix Dux vel in Anglum propenderet, vel neutri partium se addictum vellet; nam erat beneuolentia illicienda beneficiis, non odium graui facinore concitandum. Sed hæc illorum temporum calamitas erat, & vna.



CA-  
ROLVS  
VI.

Louueti ciuilis prudentia, vt per infidias venena & cades grassaretur ambitio, & pro iure vis esset, artesque perfidiae. Ad iacturam illam sarcindam noui foederat<sup>us</sup> se Delphino adiungunt. Ludouicus Barrensis Dux, idemque Presbyter Cardinalis, interclusa spe liberorum, Renatum vnum è liberis Ludouici Siciliae Regis adoptat in filium atque heredem, eidemque nuptias conficit Isabellae Caroli Lotharingae Ducis vnicae filiae: porro familia Ludouici Regis Delphino erat prorsus addicta. Praeterea Orangius à Burgundo desciiuit, quod Anglus ab eo pro Principatu clientelam exigeret. Tum etiam Scoti magno numero transmissio mari ad Delphinum accesserant; ducibus Ioanne Stuarto Comestabile Scotiae, Comite Bonkentio, Thoma Setone, & Guillemo Hamiltone; nam quanquam Iacobus Rex, ab Anglo nuper eam ob rem è custodiâ missus foret, vt Scotorum subsidia interdiceret Francis; tamen vetus societas praepollebat Regis imperio, eratque obsequio fides antiquior. Et ex copia Delphino victoriam pepererunt. Dux Clarentius Angli frater Vindocinos atque Andegauos pernastabat; cum audito Delphini exercitum Baugæi agere, Andegauo haud procul, & numero inferioreni; ad eum profligandum continuo tendit; nec Delphiniani detrectant praelium. Atrox id conseritur, quo Angli victi, caesi in acie bis mille, & capti plures; ipse Clarentius fortiter dimicans caesus est, cum Comitibus Kentio & Suffoltio. Scotorum eo in praelio laus praecipua fuit, & Comiti Bonkentio datus à Delphino Comestabilis gladius.

Anno  
1421.  
*Angli  
visti.*

XIII.  
*Henricus ex  
Anglia  
reduxit.*

Ea clades Henricum ab Angliâ properanter exciuit; eo maxime quod Delphinus Carnutum urbem obsidione cingebat. Nec transmisit incomitatus, ducebat in supplementum exercitus, sex equitum millia viginti quatuor sagittariorum; primoque aduentu Carnutes soluit;

soluit; Delphino impare copiis recedente. Tum partitus bellum cum Burgundo, illi Piccardiam, sibi Vindocinenses attribuit. Et quidem Burgundus Delphini Duces graui clade afficit, caesis equitum sexcentis, & capto Xantrallio qui mox redemptus est, reddito Sanriquerio oppido; ediditque Burgundus quantumuis iunior fortitudinis bellicæ specimen. At Henricus cum Vindocinum oppugnaret, crebrò & cum strage à propugnanti- bus repulsus, post amissâ quatuor millia, recessit inglorius. Nec idè minus superbè at- que arroganter cum Francis agebat. Nam redditas vrbes diripiebat crudeliter, violatâ quam iurauerat fide; captiuos plerunque ene- cabat fame, fœno illis in cibum oblato; ami- cas tributis grauissimis vexabat, vnûmque imposuerat nuper, quod pondo aureum di- ctum est; adactis ditioribus ob argentum fa- ctum, aliâmq; supellectilem, pecuniam im- mensam pendere. Præterea Proccres ceu vi- lia capita aspernabatur; & semel Villerium Marscallum, increpitum quod inter collo- quendum auderet in os suum oculos tollere, & liberiùs respondentem, in Bastillam trusit, rapiebâtque ad mortem, nisi multis precibus intercessisset Burgundus. Nuper effuso gau- dio, vxorisreditum celebrauerat, ortûmque pueri, cui patris nomen Henricus datum est, cum euocatus Delphini successibus, ad pel- lendum eum exercitum ducit. Quippe Del- phinus cum viginti hominum millibus, Cha- ritate oppido expugnato, Cosnum ad Lige- rim impugnabat, & impetrauerat deditio- nem, nisi dicto die submitterentur auxilia. Id Burgundum premebat admodum, cuius ditionis erat vtraque vrbs; Ideo ab Henrico militem flagitat; Henricus quanquam leui febriculâ tentaretur, exercitum ipse voluit ducere, at morbo crescente Meloduni sub- sistit, traditque exercitum fratribus Betfor-

CAROLVS  
V I.

Saint  
Ri-  
quier

Cosme.

Henri-  
ci mors

dio & Glocestrio: verum Delphinus prudente consilio declinans à decretoria pugnâ, parcensque militi, quem ægerrimè repararet, relicta vrbe, ad Bituriges se recepit; Nec cum Angli persecuti sunt, graui Regis morbo inhibiti. Is cum ingrauesceret ægritudo; ad Vincennatum nemus delatus, euocatis fratribus, regimen vtriusque regni constituit. Adhortatus ad concordiam, petiit vt filio suo loco Patrum essent; Franciæ regimen offerrent Burgundo, si recusaret, id capefferet Betfortius, Glocestrius Angliam administraret; nec in pugnâ Azincurtiâ captiuos Principes liberaret, donec per ætatem Henricus filius regni capax esset; Carolum Valesium toto nisu depellerent; ac si tandem pax contraheretur, Normanniam & Aquitaniam summo iure haberent. Post ea monita, piè ac religiosè animam egit, ætatis anno tricesimo sexto, in flore ætatis & prosperitatis. Plures in morbo variant; Monstreleto assentior scribenti, sacro igne periisse, anum corripiente, & ad viscera peruadente. Virtutibus regiis summus Princeps, magnanimitate, prudentiâ, fortitudine, & militari peritia, superbiâ tamen & arrogantia morum incommodus; quam excusant labem vota toties faustis euentibus cumulata. Betfortius frater suscepit regimen, recusante Burgundo, proclamato postea in Regem Henrico pupulo, qui erat in Anglia, decimo vitæ mense vix decurso. Is regnandi obex Delphino sublatus, & alter secundo post mense pariter tollitur. Carolus pater vitæ anno quinquagesimo secundo, post multas demùm calamitates, quartanâ febri extinctus est; si quis vnquam Regum, corpore & animo calamitosus. Dotes egregias à naturâ acceperat, probam indolem, mali expertem animum, humanitatem morum & facilitatem; tum insigni præterea, corporis robur, vt clauâ impactâ

*Et Regu Caroli.*

Anno  
1422.

paſſâ equitem ipſumque equum humi pro-  
ſtrerneret, & ſpiſſam lanceam ad genu in-  
fringeret; ſed ea dona corruerunt primùm  
Aulici, quibus à primis annis obnoxius fuit;  
tum Sonticus morbus; vt ſemper alienæ po-  
teſtatis fuerit, tum æger, tum ſanus. Is mor-  
bi erat furor, vt ad permutanda lintea cogi,  
niſi adhibitâ vi non poſſet fœdore ſqualli-  
dus, & animalculorum turpium pabulum;  
donec inducerentur laruati homines qui re-  
nitentem ſpoliarent, nouâſque veſtes induce-  
rent; aliquando repertus eſt *caco* lateri fer-  
rum infixiſſe, graui vlcere inde enato. Vi-  
ginti ſex annos morbo laborauit; quos re-  
gnanti adeo non imputes, vt ne viuenti qui-  
dem annumeres. Nam quæ mors tam fune-  
ſtâ vitâ non optatior ſit: aut quale regnum,  
ſeruire, non ſubditis modò, ſed hoſtibus, at-  
que in tyrannum furorem ſuum alere?

Delphino Carolo patris interitus Regis ti-  
tulum contulit, ſed inanem, & niſi aliunde  
opes ſuppeterent, pernicioſum. Tunc Eſpal-  
lij agebat, quod in Aruernis caſtrum eſt;  
vnòque die lugubrem veſtem indutus, con-  
ſequenti ſplendens purpurâ, poſtquam in  
ædicula caſtelli ſacro interfuit, erectum eſt  
vexillum Franciæ, ipſique vt Regi ab abſtan-  
tibus fauſtè acclamatum. Mox vt aliqua ce-  
lebritate innoteſceret ſuis, quando Rhemi  
in poteſtate hoſtium erant, Piſtauſij corona-  
tus eſt, quam in urbem Senatū exciuerat,  
admiſitque Procerum aliquot clientelam. Ve-  
rùm Regis titulo, nulla vtilitas ſolida inerat;  
nam ætas adhuc tenera, vicesimo anno non-  
dum expleto; addictæ raræ prouinciæ, eæque  
adeo exhaustæ, vt in Regem deſiderium &  
vota duntaxat conferrent; adhærentes pro-  
ceres, ſed priuati compendij cauſâ, vt ſua  
quiſque in ditione regnaret; Regem infir-  
mum quam potentem mallet, & ad arbitrium  
commiſſas ſibi gentes diriperet. Carolo in  
iis anguſtiis vna ſpes erant præclariffimi Du-

CA-  
ROLVS  
V I.

XIII.  
*Caro us*  
VII.  
*Victor*  
*dictus.*

CA-  
ROLVS  
VII.

ces, quorum animo & fortitudine recreatus, statuit, si pereundum esset, armatus perire, & regni spem ad extremum spiritum ducere. Vbi coronatus est, Rupullam extemplò profiscitur; periculum erat, ne ea ciuitas arcanis Britanniae Ducis consiliis cum adiunctâ prouinciâ eriperetur. In ea dum agit opprimique insidias, nouis insidiis regnum propemodum cum vitâ amittit. Etenim proditorum dolo, cum in amplo atrio haberet consilium, resectis clam trabibus quibus pauimentum innitebatur, atrium ruinam traxit, eaque inuoluti Consiliarij in discrimem praesens adducti sunt; Iacobus Preausij Dominus extinctus, Rex agrè suorum ope seruatus, & saucius quidem; futurae felicitatis praesagio, ut post graues arumnas plurimâque discrimina, saluus tandem è ruinâ regni emergeret. Enimuerò magnae constantiae & pertinacis patientiâ opus. Et res primò permittenda alex Martis fuit, qui admodum incertus, modo has, modo illas partes promovebat, Regem tandem ut infirmissimum obruturus, nisi è cœlo subministratum esset auxilium. Ioannes Grauillius Meulancum expugnauerat, illicò ipse à Betfortio expugnatus, atque vrbe deiectus; cum ad Grauellam pugna Regis obscurum nomen illustrauit. Angli bis mille hominibus è praesidiis proximis collectis, deuastabant Cœnomanos; cum Ioannes Harcurius Comes Aumalius, cohortibus aliquot raptim contractis, hostes assequitur, ad Grauellam pagum in Cœnomanorum Britonumque confinio, eosque aggressus post grauem dimicationem profligat; caesis mille ducentis, & capto Polo Suffolcij fratre. Victoriae laus Ioanni Hayo debita, Baroni Coulonchio, qui à tergo Anglos tam opportunè tunc inuasit, ut perturbatos in fugam egerit. Recepta ingens praeda, & praeter greges ceteros, duodecim bouum milia.

*Pugna  
ad Gra-  
uellam.*

Anno  
1423.

*De  
Poole.*

*De la  
Haye.*

lia. Et accessit ad victoriam, ortus Ludouici Delphini, Regis lætitiâ geminatâ; quam is postea patri damno erit, gaudiûmque præproperum longâ molestiâ compensabit. Interea Betfortius, postquam Henricum sextum dici Regem curauit Parisiis, ipse agens Regentem, ad expellendum perendumque Carolum vires intendens, nouam concordiam cum Burgundo & Britanno init. Atque vt fœdus per matrimonia vinciret artius, ipse Annam ducit Philippi Burgundi sororem, & quoniam Britannix Duci vxor erat Caroli soror, fratri eius Arturo Richemondix Comiti datur Margarita, & Philippi soror, quæ prius Ludouico Delphino nupsierat. Porro Arturus postquam in Azincurtiâ pugna captus erat, ab Henrico sub fidem suam libertati præcariæ restitutus, eo demortuo, ceu solutâ fide, liber perstiterat; vir ingentis animi, peritus militiæ, & vulgò militi charus probatusque. Minuta prælia recensere, quibus inuicem partes attollebantur & deprimebantur, vt leuis sunt ad historiam momenti, nec scribenti animus est, nec legenti fructus. Iis itaque prætermisissis ad illustriora conferam styplum. Et quidem Carolus geminam cladem postmodum passus, molestissima regni rudimenta expertus est, cum Betfortius Campaniam totam subigeret, missumque à Rege Tanneguyum depulisset; Stuartus Comestabilis ad tutandam prouinciam missus repente ex itinere Creuantum diuertit; Audito id oppidum ab Anglis captum, Francicumque præsidium perfugisse in turrim, vnde hostem excluderet. Sed turri ad ipsius aduentum deditâ, Anglos atque oppidum oppugnat, omisâ curâ Campaniæ, excipitque à Rege nouum subsidium militum. Contra Betfortius ad seruandum oppidum copias ducit, & Icauna transito conserit pugnam; inflammante partes æmulatione laudis & gloriæ;

*Franci  
ad Cre-  
uantum  
victi.*

CA-  
ROLVS  
VI.

cum hinc Franci & Scoti; illinc Angli & Burgundi pugnarent; gentes ab æuo ultimo æmulæ, odiisque mutuis nobiles. Dimicatum acerrimè, ac tandem Scoti in fronte pugnantes victi, & erumpente ex vrbe milite, Franci à tergo cæsi; illorum mille ducenti, ferro necati Comestabilis Ventadurius Comes, Ducisque plurimi. Id detrimentum solabatur Carolus supplemento militum ab Galeacio Mediolanensiu Duce submisso, tum ab Arcambaldo Comite Douglassio Scotis bis mille exceptis; datisque Douglassio Ducatus Turo-  
num, & in præmium fidei Scotorum cohors ad custodiam Regis designata; quæ postea ad nostra tempora perstitit. Et Tolongone in Bellijocensibus capto, eo permutato Comestabilis Regi & libertati est redditus. Verum ad Vernolium in Normannia, noua grauique strage obruitur.

Dou-  
glas.

XIV.

Pugna  
ad Ver-  
nolium

Gerardus Pallerius Vasco cum Yuriacum in Normannia oppidum expugnasset, continuo ab Anglis obsessus, deditionem paciscitur, nisi dictâ die mitterentur subsidia; quæ ratio propugnandi vrbes ea ætate inualuerat, ut alienâ celeritate non sua fortitudine starent. Rex ut oppidum conseruaret, omnes contrahit copias quas constabant octodecim hominum millia, traditque Comestabili, expeditionis sociis Douglassio, Fayeta Marescalco, Vicecomite Narbonensi, aliisque Proceribus. Ii ut erant fortitudine quàm prudentiâ clari-  
ores, dum iter faciunt, Vernolium obuium impugnant & quidem capiunt; atramen eo intervallo præstituta dies elabitur, atque Yuriacum Anglos admittit. Tum eâ curâ solutus Berfortius, ut Vernolium eriperet, legiones proximas euocat, octo millia sagittariorum, & grauis armaturæ equites mille octingentos, adiunctis Comitibus Salisberienfi atque Suffolcio; sed oppido iam capto, constituit pugnam Franco offerre, quando is alex  
iactus

Iuri.

iactus cedebat Anglis tam prosperè. Habito consilio Franci & Scoti Duces abstinendum à prælio censebant, præter vnum Vicecomitem Narbonensem, qui affirmabat, prælio repudiato, infractum iri fœderatos, confirmatum hostes, nec Anglos posse à Francia pelli, nisi victos. Nec dicto contentus; factum adiunxit, & cunctantes Duces sua temeritate in pugnam adegit, nam quas ducebat, raptis cohortibus in hostem mouit, Ducesque cæteri renitentes sequuti sunt, iam cum integrum non esset absistere. Pugna committitur, atrox quidem, victoriâ per quatuor horas ancipiti, quæ demùm ad Anglos flexit, victis Francis. Longobardi in primo conflictu in fugam acti sunt; ij cum alas tegerent, reliquam aciem nudam atque apertam hosti obiecerunt, & sepositi à Berfortio bis mille sagittarij, tam opportunè in defessos Francos recentes inducti sunt, ut pugnam profligaerint, iamque nox inuoluebat lucem, & pudorem fugæ detrahebat. E Francis ad quinque millia occisi, in iis Bourentius Comestabilis, Comes Douglassius, Aumalius Harcurij filius, Ventadurinus, Tonnera, & Vicecomes Narbonensis; Capti Dux Alenforcus, Fayeta, Gaucurius, pluresque alij. Nec Anglis leui pretio stetit victoria; eorum cæsis duobus millibus; sænitum in Narbonensis cadauer, & Burgundi cædes vindicata; discerptum in partes est, pluribusque patibulis affixum. Ramburius alimentorum inopiâ Vernolium reddidit; séque adiunxit Xantrallio exercitum naufragum colligenti. Eâ clade in summas angustias Rex adductus, iam oppidis pluribus certatim deficientibus, pecuniæ, spei, atque consilij inops erat. Iam per ludibrium ab Anglo Rex Auarici seu Biturigum dicebatur, quod ea in vrbe plerunque ageret, eratque tanta pecuniæ difficultas, ut palam cibum capere non ausus, ne innotef-

CA-  
ROIUS  
V I I.

Anno  
1424.

Ram-  
burius.

Regis  
angu-  
stia.

Roy de  
Bour-  
ges.



CA-  
ROIVS  
VII.

Rex ad  
Britan-  
niam se  
vertit.

ceret paupertas, foribus clausis pranderet, semelque est deprehensus ab Hira & Xantrallio Castelloduni prandere, appositâ duntaxat caudâ veruecinâ, pullisque geminis; eò luxu regio decidente, depressioque fastigio; adeò calamitas magistra est temperantiæ, bonosque mores vel à Regibus exigit. Tot inter aduersa constituto Carolo, tabula vna supererat, si Burgundi aut Britanni opem imploraret; & quoniam Burgundus tam recenti vulnere inexpugnabilis foret, ad Britannum conuersa sunt studia, qui leuiore affectus iniuriâ, quique maximè necessarius ad Cœnomanos atque Andegauos propugnandos, ipsamque Normanniam, si faueret Deus expugnandam. Ad Arturum fratrem, Richemondix Comitem adiecti sunt oculi, quando & bello Dux egregius foret, multi apud Britones nominis; & commodum exorto ipsum inter & Betfortium iurgio, secesserat in Britanniam. Igitur ad Britannix Ducem Louuetus mittitur, qui fratri Arturo Comestabilis dignitatem offerat, & Ducis cum Rege beneuolentiam nectat. Negotium ab ipso limine prope afflictum est, quippe Britannus Louueto infensissimus, quem sui carceris grauissimique periculi auctorem nouerat, ægrè ab eo violentas manus abstinuit; datumque fidei publicæ, vt incolumis abscederet; moxque Rex Reginx Siciliæ rem permisit, cuius industriâ pacati animi, profectusque Arturus ad Carolum. Verùm is duras condiciones efflagitat; primùm vt Ducum Sabaudix atque Burgundix consensus accederet; tum vt qui Regi Britanni vincula persuaferant, ab aulâ facerent; quando ipse inimicorum fidei permissum se nollet. Postulata enim uerò ardua & difficilia; sed necessitas perrumpit omnia, obicisque ferreos amolitur. Sabaudus consensum haud ægrè præbuit; Burgundus similiter contra spem omnem, Arturum foror-

rium

rium ad consilium nouum inflammauit. Et ipsi erat Anglis contentio, quam nisi Betfortius sagaci prudentiâ oppressisset, vel detrimento fratris, erumpebat in odium atque dissidium. Ex vnus intemperantiâ feminæ iurgium ortum. Ea Iacobina Hollandiæ & Hannoniæ Comitissæ filia, hæresque vnica; quæ primùm Ioanni Delphino nupserat, secundo Ioanni Brabantix Duci, annorum sexdecim adolescenti. At illicò mox mulier impotentis libidinis, mariti infirmioris pertæsa causata affinitatem, impetratâ à Benedicto pseudopontifice facultate, tertias nuptias cum Glocestrio contrahit. Brabantius non inuitus dimittebat coniugem, sed dotem retinebat, Hannoniam atque Hollandiam; & Philippus patruelis promouebat consilium, opem pollicitus. Contra Glocestrius dotem appetebat, bellumque inferebat, minis etiam tentato Burgundo. Porro in ea contentione, Philippus auerso ab Anglis animo, non difficulter in Arturi dignitatem consensit. Eo impetrato admisit quidem Arturus Comestabilis gladium, quem ei Rex ad Chinonem in conspectu totius exercitus tradidit, sed alterum implendum erat, vt designati aula excederent; nec Britannix Dux è Britannia legi militem fineret, quandiu ij cum Rege agerent. Ergo ad truncum admouenda securis, & dimittendi Tanneguius Castellus, Louetus Præses, Massonius, Auagourius, aliique necis Burgundi participes. Verùm nec id sine graui ærumnâ perfectum est. Ægrè permittebat Rex diuelli à se Tanneguium, quem patrem appellabat, cuique salutem à Parisiensi tumultu debitam profitebatur; & Louetius haudquaquam se pelli patiebatur; collocatam in Regem operam referebat, indignum fidos, veteres, totque ærumnis probatos, vnus ob nutum, pelli munere, ac loco quem tam egregiè tuebantur. Ambicionem fulciebat

CA-  
ROLVS  
VII.

Bur-  
gundi  
cum  
Anglo  
iurgiū.

Аван-  
гону.

fulciebat auctoritate Dunensis Comitis & ioyeuſij quibus ſuas filias in matrimoniũ dederat. Etiis explicandis laborabat Rex, cum mors illinc, hinc moderatio, expediuit nodum & ſecuit. Tanneguius vltro ab aula diſceſſit, multiſque precibus quaſi beneficium poſceret, diſceſſu à lachrymante Rege impetrato, boni publici quam priuati amantior, *Bello-*  
*ca-* *cadium* ſeceſſit, Senefcallus eius o pidi dictus, atque ibi vitã reliquam tranquillẽ exegit, felici naufragio vectus in portum. At Louuetium filia mors quã nupſerat Dunenſi afflixit, nam ſoluto vinculo Dunenſis diſceſſit ab ſocero, qui hoc fulcro orbatus Auenionem ſe contulit, caſſæ ambitionis formes & pabulum, quam in ſeceſſu quaſi Eri- ctheus ſeipſo paſceret.

X V. Aulã expurgatã, ſibi que vt Comeſtabilis affirmabat, Rege reſtituto, Britannia Dux cum Salmurij conuenit, clientelãque pro Britannia præſtat, tum Britonibus Regi dare nomen permiſſum; legítque Comeſtabilis validas copias. Atenim ipſum ampla cogitantem, & Martis operã pretium meditantem, ambitio aulica ſtatim diſtraxit. Quippe vt alti animi erat; ingenuã indole, bellatrice, atque adeo feroce, cum ius & æquum iuxta ab aliis quam à ſe coli vellet, Aulicos illos Regi gratioſos ferre non poterat: qui voluptatum plerumque miniſtri, aut ludicrarum rerum, vel à rebus ſeriis dominum amouent, vel adminiſtrationem ipſi capeſſentes, conturbant omnia, prauis que conſiliis benè conſtitutas res perditum cunt. Et erat Carolus, tum propter ætatem, tum ſuã indole obnoxius aliis, proniorque ad eiſmodi homines amplectendos. Eam ob rem amoto Louuetio, nec perſanatã infirmitate, nouus morbus nouaque beneuolentia Regi incubuit. Nam Gyacus admiſſus in gratiam, tum ſuis artibus, tum vxoris ſolertiã. Ea Inſulæ Iordanis Domina, ( Catharina erat nomen ) olim apud

Brav-  
caire.

Artu-  
rus Co-  
meſta-  
bi. is.

Regi  
charos  
pellit.

Ioannem Burgundiæ Ducem potens, mox ob ipsum proditum Regi accepta, nequaquam se intra colum & fufum continens, immiscebat se negotiis publicis, prouexeratque ad summam gratiam coniugem; qua is vsus inconsideratius, non modo Regem ad nutum flectebat, sed ararium spoliabat, pecuniæ publicæ molestus auersor. Ea res maximè Comestabilem pupugit, quod in tantâ pecuniæ inopiâ, circumflueret ad voluptuarios sumptus Gyacus, deficeretque stipendium militi, tanto publicæ rei incommodo. Ergo quod ab Rege nequibat impetrare, à fortitudine vel audaciâ suâ impetrat, Gyacum domi suæ Vxelloduni agentem aggreditur, cubili detrahit, raptumque Regil-duni in amnem mergit, Saxo ad collum adstricto. Id facinus tam impunè fuit quàm immane; nam Carolus quanquam id molestè tulit; auctorem dignitate atque auctoritate pollentem vocare in pœnam haud voluit, & mox alter Camusius Beaulixus dictus, Gyaci malo nusquam perterritus, successit in eius locum & gratiam, eundemque vitæ modum instituit. Quapropter in eandem pœnam mox incurrit, Pictauij iussu Comestabilis confossus à Petro Bouffaco Franciæ Marefcallo, in Palatij Regij limine. Post eam eadem reconciliatus cum Rege, necessitate, doloris & vindictæ sensum, expugnante, vt se in eiusmodi telâ communiret, Trimollium nobilem adolescentem, cuius amicitia fidebat plurimùm, Regi insinuat, qui gratiam occuparet, nullo, vt rebatur, suo detrimento vel rei publicæ. Sed malè adolescenti potentia & fauor creditur. Post aulicas turbas Comestabilis bello se accingit, & Pontorsone expugnato, quod in Britannia & Normanniæ finibus oppidum est; ad sanum lamæ, in eadem Normanniâ copias admouet, exantque in iis viginti hominum millia. Tutabatur oppidum Edmundus Sommerfeti Dux, quod ante

CA-  
ROLVS  
VII.

*Iffondum.  
Dun le Roy.*

*Le Camus.*

*De Beaulien.*

*De Bouffac*

*La Trimouille*

*Pontorsen.  
Sainte Lame.*

CA-  
ROLVS  
VII.

ante dirutum instaurauerat, atque munie-  
rat, eratque Anglorum præsidium admodum  
validum. Ij ex oppido erumpentes Francos  
inuadunt, & multa cæde in castra expellunt,  
adeo subito metu perterritos, ut proxima  
nocte fugam inceperint, in sua quique dilapsi  
oppida, Comestabile frustra minas & preces  
ad coercendos eos adhibente. Postmodum  
Varuicius Pontorsonem recepit, coactusque  
Dux Britannia pacem ab Anglo redimere;  
sed nec Comestabili diuturna cum Rege con-  
cordia fuit; nam Tremollio in intimam gra-  
tiam statim recepto, prior indignatio atque  
contentio illicò nata sunt. Quippe molestum  
Comestabili erat, eum quem ipse Regi insi-  
nuauerat, sibi præpollere, iamque suo nutu  
omnia regere; Trimollius contra, quando  
ambitioni nihil modicum placet, Regis studio  
in se vnum conuerso, aliorum fortunam veri-  
tus, se in Comestabilem muniebat, & quo-  
niam amor Regis vnum sibi munimentum  
foret, ab eo Comestabilem deturbabat; fero-  
ciam indolis quæ in tyrannidem flecteret, ver-  
bis exaggerans, & in culpam vocatâ postre-  
mæ expeditionis fortunâ. Ideo Comestabilis  
Aulâ exclusus, fœdus cum Proceribus con-  
trahit, cum Claromontio & Marchia Comitibus,  
Boussaco Marescallo, pluribusque, ad  
Trimollium expellendum, gratiâ Regis detri-  
mento regni abutentem. Nec Segnior Trimol-  
lius ad se defendendum, fretus voluntate  
Regis copias instruit; sic in Francia alterum  
bellum enascitur, quasi non satis hostium  
aliunde esset, & regnum lentius in ruinam  
iret. Ita dum inter se Rex & Comestabilis in  
mutuam perniciem grassantur, variisque præ-  
liis atque urbium direptionibus litant cupi-  
ditati atque amentia; Angli proferebant  
limites, capto Lauallio, & recepto Canoma-  
no, turpi Francorum socordia, qui postquam  
urbem ceperant, arce in Anglorum potentia  
perse

perseuerante, somno & quieti altè indulgebant, cùm Talbotius per arcem exceptus in sopitos ruit, cædit, ac capit, vrbemque validam vno die captam, nocte proximâ recipit. Ad Montargium successus felicior Francos iuuit. Eam vrbem Ricardus Varuicensis Comes tribus hominum millibus obsidebat, erantque castra amne Lupia interfluente, in tres stationes diuisa: missi ab Rege erant, ad inducendum vrbi commeatum armati supra mille quingenti, impar numerus, sed egregij Duces Comes Dunensis Hira, Gaucurius, atque Oruallius. Ij infra castra amnem aggressi, erectis in profluentem aggeribus; aquas refluentes in fontem, & pontibus, quibus castra committebantur infusas, tandiu à cursu prohibent, dum ipsi singulas hostium stationes inuadunt, primam & alteram fundunt, & tutò commeatum in vrbem perferunt. Ex Anglis quâ necati quâ mersi mille & quingenti; cæteros Varuicensis solutâ obsidione reduxit Parisios. Sed ea lucis vmbra calamitatum nocte statim euauit.

CAROLVS  
VI.

Montargiũ  
liberatum.  
Loing.

Quippe Angli leuiorum certaminum perterriti, vt semel vltra Ligerim penetrarent, Regemque Carolum, suo vel cubili vel arce depellerent, Aureliam vrbem expugnare aggrediuntur. Est Aurelia vrbs in Belsia, ampla & munita, affluentem Ligerim ponte iungit, & Secalauniam obiectam prouinciam beneficio pontis opportunam suis commodis habet. Duo hætenus illibatam Anglis eam præstiterant; tum egregia munimenta quibus cingebatur, tum Aurelianensi Principi Londinî captiuo fides data, ditionis eius dum captiuus esset nusquam inuadendæ; sed istum obicem amouebat cupiditas, & immensum violatæ fidei præmium; alterum Comitis Sarisburij fortitudo amoliri atque infringere connitebatur. Erat Thomas Montacutus Sarisberius Comes, ad militiæ munera paratissimus Dux;

XVI.  
Angli  
Aureliam  
obsident.  
Sologne

ad

— ad pericula adeunda audaci confidentiâ, inter  
 CA- ipsâ prudenti consilio ; nullo labore , nullâ  
 ROLVS vigiliâ frangi corpus , nullâ difficultate ani-  
 VII. mus vinci ; vt militum amor, spes, & fulcrum  
 esset , eoque ductore nihil arduum admo-  
 dum, inexpugnabile nihil videretur. Illi Guil-  
 lelmus Comes Suffolcius, ac Ioannes Talbo-  
 rius , Fomambergius, Glacidas, & Lancello-  
 tus , & ipsi præclarissimi adiuncti socij , de-  
 cémque pugnatorum millia tradita , quibus  
 vim vrbi inferret. Primum proxima circum  
 oppidula capiuntur ; dein ad exitum pontis  
 castra posita, ad Secalauniam excludendam ;  
 tum postremò miles vltra amnem deductus  
 fossâ & aggere circumuallatur , erectis inter  
 spatia castellis, tormentisque dispositis, vrbis  
 Anno pomœrium circumclauditur. Octobri medio  
 1428. cepta obsidio , in opportuna quidem tempe-  
 state ; verùm obsessis claudebantur omnia,  
 quæ obsidentibus procliuia erant. Propugna-  
 bant urbem armati mille & ducenti ; præter  
 ciues ad repellendum hostem promptissimos,  
 & cum imperio eminebant, Dunensis Comes,  
 patrimonium fratris defensurus , Bouffacus  
 Marefcallus , Hira , Santrallius , Gaucurius,  
 Grauilla , & Vaucurius ; atque haud multò  
 post, traiecto Ligeri, cum ducentis equitibus,  
 De Cu- Ludouicus Culanus Admiralius Franciæ per  
 lan. obiectos Anglos in urbem saluus peruaserat.  
 Nullibi acriùs huius belli decursu pugnatum  
 est ; erumpebant Franci frequentius, & stra-  
 gem plurimam hosti inferebant ; vicissim ho-  
 stium quâ tormentis aneis , quâ Sagittis  
 obruti sæpius & repulsi. Exposcebant tamen  
 subsidia, casuri in potestatem hostium ni sub-  
 mitterentur. Nec Carolus à se impetrabat, vt  
 amoto Trimollio admitteret Comestabilem,  
 magnâ parte copiarum fultum ; sed inani  
 adhærens beneuolentiæ, agrè quatuor homi-  
 Barbu- num millia conscripserat, quæ tradit Ludoui-  
 nus. co Borbonio Claromontio Comiti ( is nuper  
 à

à Comestabile ad Regem transiuerat) in ob-  
sessam urbem inducenda. In itinere audit am-  
plum commeatum Anglos Parisiis in castra  
vehere, futurumque ipsis magno incommo-  
do, si præripiantur cibaria. Euocato igitur ex  
urbe Dunensi, cum milite prædiario in par-  
tem prædæ & gloriæ, ad Rouuræum pagum  
Anglos inuadit. Commeatum militumque  
præsidium Ioannes fassolus Anglus perduce-  
bat; is repente curribus iussis consistere,  
equites relictis equis pediti admiscet, curri-  
busque in coronæ modum circumfundit, Sa-  
gittariis in fronte dispositis. Franci postquam  
eos explorauerunt, in diuersas sententias  
ibant; nam Scoti eundum pedibus in hostem  
dicebant, Franci equis; atque in disceptando  
primi omnium Scoti exscensis equis inue-  
hantur in prælium, Franci nullo ordine quâ  
equis quâ pedibus insequuntur. Sed discor-  
diam illicò sua pœna excepit; Scoti dum te-  
merè accedunt stertuntur à Sagittariis; quin-  
genti circiter cæsi. In iis Ioannes Stuartus,  
eiusque filius; è Francis cæsi nobiles aliquot,  
Oruallius, Diuræus, Graua, atque alij Vasco-  
nes; Dunensis grauitè saucius agrè serua-  
tus est. Id prælium Halecum dictum est, quod  
ex iis maximè commeatus constaret, sacra  
quingagesima ineunte. Claromontius reli-  
quum militem in urbem inuexit, clade per-  
culsum; egressusque paulò post ad Regem  
perrexit. Leuamentum obsessis aliquantum  
fuit, Sarisberij mors; hic sexagesimo die ob-  
sisionem dum vrget, prospectatque è fenestrâ  
hospitij in subiectam urbem, tormento in fe-  
nestram exploso, fragmentis lapidum lædi-  
tur, atque altero die emittit animam, grauif-  
simâ haud dubiè iacturâ, quam Angli postea  
magno suo detrimento ferent. Interea Neuyl-  
lus, vir impiger strenuusque militiæ, in  
eius locum suffectus, vrgensque ex consilio  
mortui institutam oppugnationem, ciuitatem  
ad

CA-  
ROLV9  
V 11.

Pigna  
Halt-  
cum.  
Rom-  
ney.



ad extrema egit. Nec iam amplius spes vlla obsessis in Carolo erat, cum ex calamitate sua solatium elicere enituntur. Legatos mittunt ad Burgundiæ Ducem; qui enixè precantur, vt iuorum patruelium causam suscipiat; nullâ eum iniuriâ affectum à Principibus Aurelianensibus, eos paterna necis haudquaquam conscios; nam pluribus annis attineri captiuos in Anglia, qui pro salute regni depugnassent; quid libertate orbatos, contrâ fas Angli spoliarent bonis? meminissent pacti & iurisiurandi, & captiuos permitterent, vnde aliquando conficeretur pretium libertatis; nec armis opprimerentur innoxij; obieciunt taxat iniuria, quia captiui & calamitosi. Ipse Burgundus misereatur sanguinis sui, urbem excipiat qua se ipsi dederet, iustisque Dominis conseruaret, dum se redimerent. Placuit Burgundo legatio, remque æquissimam à Bedfordio flagitauit. Ille postulatam in consilium vocat; assensu omnium repudiatum, negantibus Anglis se tantoperè in Burgundi commodum contendisse; nec venatori post cursum & Sudores eripiendam prædam è manibus. Ita hæc calamitosis occlusa ianua; nihilque Carolo præter desperationem relictum. Deliberabat quid agendum foret; consulentibus plurimis, vt de salute sollicitus, extemplò se in Delphinatum reciperet; ibidem Lugdunum urbem, Aruernos, & Occitaniam defensurus; atque operiretur dum durities fortunæ sese inflecterët. Ibâtque in eam sententiam; nisi Maria vxor, ornatissima corporis animique dotibus femina, intercessisset. Ea desperatis rebus spem fortissimo pectore faciebat; tam præclaras fidæque prouincias nusquam deserendas; id esse tantæ fidei præmium, vt Regi addictissima hosti prodantur? quid infensis atque inimicis accidere molestius posset, quàm vt tyrannidi Anglica obiciantur? an non Lugduno atque Delphinatu

*Delphinatu mox pelleretur, qui pra metu  
vberimum Francia solum defereret? per-  
standum in loco ad extremum spiritum; nec  
saluti parcendum, qua subditi seruarentur.  
An Christiano Principi inter angustias ullas  
desperandum? quoties praesto coelestis auxi-  
lium implorantibus fuit? quoties adfuit ca-  
lamitati propitius Deus? orarent ipsum im-  
pensius, ac sperarent submissum iri vel è caelo  
subsidium. Iis vocibus confirmatus Rex, pre-  
ces & supplicationes passim indicit. Et ple-  
rumque ipse in conclaue se abdens, perfusus  
lacrymis; Deum vehementius precabatur;  
misero adesset, subleuaret calamitatem ex-  
tremam, & quod nascenti contulisset regnum,  
adulto seruaret.*

*Et verò Franciâ vnâ ope seruari poterat; &  
quemadmodum in theatralibus scenis, quan-  
do res ita inuolutæ sunt & perplexæ, vt ex-  
plicari humanâ industriâ nequeunt, euoca-  
tur Deus è machina; Ita hoc tempore ad  
euoluendam Franciam malis, arcessendus  
fuit è superis Deus. Nec ipse regno amantis-  
simo defuit; præstititque auxilium, verum  
vt amat facere, ab re infirmissimâ atque in-  
speciem despiciatissimâ. Ea Virgo nata annos  
oâodecim, è parentibus rusticis, ex Caulâ &  
pascuis ad militiam atque victoriam repentè  
euecta. Tam insignem euentum, quoniam  
ad laudem Franciæ supra cæteros eximius est,  
diuinâque opem contestatur ac præsens  
deploratis rebus auxilium, delibare paucis  
Scriptorem haud decet. Ioanna (Id Virgini  
nomen) nata erat Dam regij, in pago ad Mo-  
sam fluuium in Tullensi agro; pater Iacobus  
Darrius, Isabella Valleria mater, ex agro-  
rum cultu vitam sustentantes, morumque  
integritate consolantes inopiam. Ioannæ à  
primâ infantia pascendæ oues traditæ sunt;  
simulque in virginis animum irrepebat  
Deus, erudiebat ad pietatem, immittebatque  
frequentius*

CA-  
ROLVS  
VII.

XVII.  
*Puella  
Aure-  
lianen-  
sis.*

*Ioanna  
Darc.*

CA-  
ROLVS  
VII.

Vau.  
conleut

Anno  
1429.

De  
Fier-  
bois.

frequentius cœlites, maximè sanctas Catharinam atque Margaritam, Virginitate & martyrio celebres, quarum consortio castimoniam & fortitudinem in futuros euentus hauriret. Iam accedebat ad annum decimum octauum, cùm insuper viso cœlesti nuntio, quem pie Michaëlem Angelum interpretamur, iubetur ad Franciæ Regem proficisci, arma induere, liberare obsidione Aureliam, Regemque Rhemos ad inaugurationem perducere; diuinâ ope ea in facinora largè promissâ. Eo spectaculo sæpiùs repetito, tantùm apud parentes contendit, vt eam duxerint ad Robertum Baudricurtium, qui pro Rege Præfectus, Vallis-colorem proximum oppidum obtinebat. Is puellam primò deridiculo habitam, mox Constantem in iis quæ visa affirmabat; imo antè Vaticinantem quod in Halecum prælio contigit; tandem honesto cultu instructam, tribus ipsius fratribus Comitantibus, ad Regem mittit. Tunc Chinnone in Turonibus versabatur Carolus, mœrore se conficiens, cùm lectis Baudricurtij litteris, admittit virginem immixtus Proceribus, purâque veste quæ Regem tegeret; at illa nusquam ante perspectum secernit ab aliis, orationem modestam & prudentem habet; atque affirmat se immissam cœlitus ad liberandam Aureliam. Rex ne temere tam inusitatæ rei fidem haberet, iubet puellæ mentem atque consilium explorari, primum à Proceribus, mox à doctis viris, dein à senatoribus Parlamenti; postremò à Reginâ probatâ virginis castimoniâ, in spem Diuinæ opis adductus, iubet illam armis cæterisque rebus ad bellum instrui. At illa postulat sibi enseni inquiri, locumque designat, ædiculam sanctæ Cathariæ de Fera-siluâ in iisdem Turonibus, & inuentum iri appensum de tholo. Et is quidem repertus rubigine obsitus, cùm ad incrementum miraculi,

li, repentè ferrum deterfa rubigine in tra-  
ctantium manibus splenduit; viſæque ſunt  
Cruces quinque inſculptæ in laminâ, & ſi-  
gnata vtrinq̃ lilia. Vexillū armis adiunxit  
puella, in colore candido ſacroſanctis Ieſu  
& Mariæ nominibus auro inſcriptis; appicta  
ex vna parte Chriſti è Cruce pendentis ico-  
ne, ex altera Angeli Mariam Virginem ſa-  
lutantis, albo lilio in vtriuſque manu reful-  
gente. Sic adornata cum modicâ militum  
manu pergit Aureliam, expeditionis ſociis  
Culano Admiraglio, Brienſio Mareſcallo, &  
Dunenſi Comite. Admota ad Anglos, eos  
per ſecialem hortatur ab obſidione abſcedere,  
ſe à Deo miſſam vt Carolum in poſſeſſio-  
nem regni induceret. Angli indignati, ſecia-  
lem in vincula agunt, & contumelias in puel-  
lam iactantes, flammas comminantur, ſi in  
ipſam manus vnquam iniiciant. At illa pri-  
mùm adhortata Francos ad pœnitentiam  
criminum, expulſiſque feminis quæ ad libi-  
dinem ducebantur; cum ducentis equitibus  
viâ per hoſtes patratâ in urbem inuaſit; tum  
poſt confirmatos ciues ſpe ingentis ſubſi-  
dij, Bleſiam per eoſdem hoſtes regreſſa,  
vberriſimum rerum omnium commeatum, at-  
que ſeptem hominum millia recipit, nauigiiſque  
impoſita poſt acerrimum prælium in  
urbem iſmittit. Effuſâ omnium ducum, mi-  
litum, ciuiumque lætitiâ Virgo excipitur, co-  
liturque pro cœleſti miraculo. Illa in Diui-  
nam potentiam omnia referens, cuius viri-  
bus ſua infirmitas niteretur, vt urbem pror-  
ſus liberaret, poſt indiſtas adeoque obitas  
publicas preces, militem vrbe educit. Validiſ-  
ſima hoſtium munimenta vltra amnem erant,  
tum quia eâ ex parte immittebantur ſubſidia,  
tum quia prouinciæ ex oppoſitâ parte obie-  
ctæ, Anglorum Imperio tenebantur. Præter  
continuum foſſam, munitam aggere, per in-  
terualla Caſtella crexerant, valido deſenſa  
præſidio,

CA-  
ROLVS  
VII.

præsidio, quæ bastillas vocabant. In primam quæ Sancti Lupi dicebatur directus Impetus, atque amne transito, ductu Virginis; profligati ad bastillam Angli, quadringenti cæsi, peruenitque Castellum in potestatem Francorum; deinceps festinatum ad proximam, eademque fortitudine erepta est hosti. Consequenti die pugna instauratur, ducit Virgo ad bastillam pontis delectum ducum & copiarum. Castellum hostes in faucibus pontis posuerant, instruxerantque turribus, atque accuratè muniuerant, proximis aquis in fossam inductis; in eo spe capiendæ vrbis collocatâ, quod arcem castrorum & propugnaculum constituerant, fortissimis militum ad præsidium vocatis. Eam ob rem cruenta dimicatio ab horâ decimâ ad nonam vespertinam pugnautes tenuit; at flagrante quam maxime prælio, Virgo sagitta collum inter & humerum sauciatur; penetrante altius vulnere; quo Francorum animi cùm infringerentur, iubebat Comes Dunensis receptui caui. At illa profligato dolore, & ne vulnere quidem obligato, precata Comitem vt tantisper consisteret, dum ipsa Deum orat; instaurato diuinitus per preces robore, aggressionem renouat, atque tandem irrumpit in Castellum, magnâ hostium internecione, submerso Glacida, ruina ponticuli, dum recedit. Ita pons vrbi restitutus, atque aperta ingens prouincia. Angli continuis stragibus perculsi, octo suorum millibus imminuti, cùm inspicerent urbem milite & commeatu instructam, obsidionem soluunt, & in proxima oppida se recipiunt. Liberata Aurelia crexit postea eodem in ponte victoriæ monumentum, quod hodie perstat; positis ex ære seruatoribus suis, simulacris; Christo Cruci affixo, Regi Carolo, & puellæ; quæ deinceps dicta est Aurelianensis; quasi in eâ ciuitatem transcripta, quam virtute suâ seruasset; imo velut in eâ ortum

ortum duxisset, in qua sua primùm laus nata atque adulta mirificè foret. Rex tum illam tum fratres & posteros nobilitate donauit, adiunxitque futuræ Illustrissimæ genti Infignia ; Impressum Scuto Cæruleo ensẽ argenteum, Capulo & Cruce aureis ; cuius mucroni inniteretur Corona aurea, geminis liliis hinc inde appictis. Atque appositè, vt Imago assertæ Franciæ iret in posteros, isque ensis futuris seculis præluceret, qui depulsâ Caligine, securitatem regno induxisset.

Puella post primam sui muneris partem impletam, Regem ad alteram adhortata, vt Rhemos ad inaugurationem iret, expeditioni præficitur, adiunctis in socios Alençonio & Dunenfi. Sed prius oppida circa Aureliam recipere oportebat, ne vicinia incommodo foret. Et largum quidem aggressionẽ altera captum, Suffolcio Comite capto, & quadringentis Anglis necatis ; plus ærumnarum Balgenciaci impensum, recipiente se in arcem Anglo, tribusque hebdomadis vim propulsante. Id dum expugnatur, parum abfuit quin Rex in nouas turbas sese inuolueret. Nam Comestabilis gratulaturus faustum euentum, cùm ad Regem accederet, ab ipso prohibitus, nihilominus pergebat, Rexque iusserat, instigante Trimollio & riualetem procul amouente, vt in accedentem quasi in hostem impetus fieret, enimverò aderat, ducebatque mille ducentos equites, eratque tumultus in proximo ; cùm Puellæ precibus procerumque, iracundia Regis deuicta est, admissusque Comestabilis ; sed eâ conditione vt ab aulâ abscederet, bellumque in Normanniæ finibus administraret ; inexpugnabili ambitione Trimollij ; quæ permetuebat consortem ; nec Comestabilis postea vllis precibus perficere potuit, vt inaugurationi Regis pro dignitatis munere interesset. At Betfordius vt Balgen-

CA-  
ROLVS  
VII.

*Puella*  
*infi-*  
*gnia.*

XVIII

*Rex*  
*Rhemos*  
*duci-*  
*tur.*

*largeam*

*Ban-*  
*gency.*

CA-  
ROLVS  
VII.

*Paray.*

ciacum eriperet, selecta quatuor hominum  
millia clavis ducibus tradit, Talbotio, Scalz,  
& fastolo; qui in via deditioe arcis audita,  
cum regrederentur; Puellâ hortante & du-  
cente, Franci Duces ad insequendos eos im-  
pelluntur. Erat opera celeritatis, imo discrimi-  
nis; nam Angli Paræo quod Belfiæ oppi-  
dulum est; receperant se; nec Ij erant, qui  
tuti mœnibus vincerentur facilè. Verum ea  
fuit Francorum celeritas atque fortitudo,  
ut nullo permisso ad muniendum se spatio,  
in oppodum irruperint, hostem vicerint;  
ac post mille octingentos casos, mille du-  
centos in captiuis habuerint: ad Virginis  
latus præliabantur Comestabilis, Boufa-  
cius, Ricusius, Alensonus, Dunensis, Hi-  
ra, Fantralius; isque postremus cum Tal-  
botum haberet captivum, generosè virum  
pretio nullo dimisit, libertate pariter ab eo  
donatus postmodum; ita viris fortibus victo-  
riæ præmium erat ipsa victoria. Mox Rhemos  
instituitur iter, ac Trevis puellæ industriâ pa-  
tefactus aditus, quem cum Regi Trecentenses  
negarent, nec sine tormentis aperiri posset,  
quæ Rex in festinato itinere haud deduce-  
bat; Virgo ut imponeret ciuibus, moles ad  
locanda tormenta erigi ac parari iussit, quâ  
legitimâ fraude concepto metu, Trecentenses  
Regem exceperunt. Continuo Catalaunum  
venienti patuit, ipsique Rhemeneses, excusa-  
tis prioribus, admittunt Regem; & inau-  
guratio celebritate magnâ perficitur. Exin  
res Caroli semper incrementum, quamquam in-  
cremento admodum lento, & prosperitate  
ærumnis redemptâ: Contra Angli felicitas  
retro labi, & per intervalla ultra Oceanum  
pelli. Nunc plures vrbes excluso Anglo Re-  
gipatuerant, Laudunum, Sueffio, Compen-  
dium, atque Bellouacum; cum Bedfordius  
recepto ex Anglia supplemento, exercitum  
educit,

ducit, Regique occurrit, in campis ad Sil-  
cuanectum expassis. Post aliquot velitationes,  
neutro decretoriam pugnam ambiente, vtrin-  
que discessum est; profecto Betfordio in  
Normanniam, ad Comestabilem repellen-  
dum, qui prouinciam deuastabat; & Carolo  
Parisios verso. Clam cum Burgundo actum  
erat de conciliatione, isque promiserat se  
Parisios Regi traditurum; at spe pacis abruptâ,  
tentare urbem voluit, vimque adhibere, re-  
pugnante Puella; Franci cum strage depulsi  
sunt, plerisque sub ipsa mœnia interfectis;  
Virgo ipsa in femore grauitè saucia, agrè ab  
Alenfonio à pugna abducta est. Quare Rex  
adactus receptui canere, Meloduno & Se-  
nonibus in solatium receptis. Verùm haud  
multò post grauiorem molestiam ob infor-  
tunium Virginis traxit. Ea quod postea fa-  
tebatur, vocata cœlitus ut Aureliam libera-  
ret, Regemque ad inaugurationem perdu-  
ceret; perfectò utroque, impletaque prouin-  
cia, arma tamen tractabat, cœlestis iussi fi-  
nes prætergressa. Nec Deus ultra tutari mi-  
raculo Virginem voluit, & quæ fortè præfi-  
deret sibi, infirmitati suæ deseruit. Nempe  
Dux Burgundiæ post institutum aurei velle-  
ris ordinem, Compendium obsidebat, urbem  
propugnante Puella, atque Xantratio. Ea se-  
mel cum in hostes ductis sexcentis homini-  
bus prorupisset, repulsa fortiter cum in ur-  
bem suos reciperet, tergaque tegeter inter  
vltimos pugnans, occluso fraude Flauij præ-  
fecti repagulo, inuidentis famæ & laudi Vir-  
ginis, hosti obiecta est. Spurio Vindocinensi  
capiendam se tradit, & postea Ioanne Lu-  
xemburgio redimente turpissimoque com-  
mercio diuendente, ad Anglos peruenit, præ-  
da optatissima, & furoris noui materia. Ii  
quasi Troiæ Palladium eripuissent, atque ex-  
tinxisse spem surgentem Franciæ, festis

CA-  
ROLVS  
VII.

*Puella  
capitur*



CAROLVS  
VII.  
Puella  
mors.

Anno  
1430.

ignibus sibi gratulati, in puellæ innoxie vitam conspirant; tum ne fortè libertati redita noceret iterum, tum vt ignominia suæ fontem quantum licebat obstruerent. At cum belli legibus captiue mors vetaretur, prætexunt odium nouâ fraude, traduntque infontem, postulante vniuersitate Parisiensi, Petro Cochonio Bellouacensi Episcopo, Burgundie Ducis sectatori; à quo per nefas vt conuicta hæresis & veneficii, perpetuo carceri mancipatur, nullo alimento præter panem & frigidam. Verùm nec eâ poenâ hostium vesaniae factum est satis; atque iis virgētibus iniquissimi Iudices retractatâ causâ, quod Puella virilem vestem nondum deposuisset, quasi hæreticam relapsam flammis addicunt, traduntque laïco Iudici confecturo supplicium. Nec mora, palam Rothomagi integerrima virgo igne exstinguitur; eâ tum animi constantiâ, tum Christianâ demissione, & vitæ contemptu, vt spectantibus admirationem adauxerit, congeminatâ fortitudinis laude; vt quæ tam præclara egerat, dura non minus fortiter toleraret. Et Deus prodigiis morientem dicitur prosequutus. Nam proximè cum rogo succederet, vultus admirabili lumine coruscavit; & cum afflata incendio emisit animam, euolauit è busto columba candida, ad cælum vecta alarum remigio; & carnifice combustæ cineres in amnem spargente, cor illibatum flammis repperit: etenim virgo pura postquam leuem culpam purgavit ignibus, illicò vt creditur raptâ in cælum est; nec incendio cor obnoxium fuit, quod impurâ flammâ nunquam flagrauerat. Iudices cœlitus in poenam vocati, vel repentinâ morte, vel acerbis morbis extincti sunt; atque post restitutam Regi Normanniam, delegati à Callisto III. Pontifice integri viri, reuocato iudicio, pronuntiarunt innoxiam

innoxiam virginem , ac per summum nefas damnatam. Ita fama , quod vnum d. erat, restituta , vt memoria quacumque integerrima in posteros iret. Ibítque haud dubiè ; quam nuper Capellani præclarissimum Poëma excitatam Phœnicis instar è busti cineribus rediuuiam præstat ; & sempiterno, si quid æternum in mortalibus est , monumento consignat.

Interea haudquaquam belli ardor deflagrabat ; magno animo Franci Duces incumbabant operæ, Alenfonius , Rieusius , Culanus , Dunensis & Villaud-Casius Tribunus Hispanus ; nec torpebant Angli ignauia, Betfortio, Talbotio, & Arondello, omni ope nitentibus fortunam ruentem sistere. Eámque in rem Betfordius Henricum Regem ex Angliâ exciuerat , & palam Parisiis redimitum coronâ, ostentabat populis , magnâ liberalitatis iactantiâ. Nec animus est sigillatim leues pugnas , aut captas receptasque vrbes recensere , leuia ad historiam & documentum momenta , nullaque re præter fortitudinem Ducum insignia ; quæ frequenter summa in minimis , & se totam in paruis exhibet. Sed ea sors est mortalium rerum , vt in memoriam eant splendentia & inusitata , quamquam sæpe inania ; solidâ & verâ laude prægnantia præterfluant cito atque euanescent. Tamen lentè res Francis procedebat, quandiu staret cum Anglo Burgundus abduci autem quando non poterat nisi ægerrimè, rem totam Deus per incrementa lentâ disposuit. Ac primum fuit maximúmque momentum, quod Trimollius tandem gratiâ Regis deiectus est. Ille cùm ad nutum omnia regeret , amoueret suspectos studiis suis Proceres , atque in vnam intentus rem , vt gratiam Regis sibi assereret, cætera omnia magno regni damno posthaberet , Regis tandem stu-

CA.  
ROIVS  
VII.

XIX.  
*Varia  
vrbes  
captæ.*

*Tri-  
mollius  
gratiâ  
Regis  
excedit*

—  
CA.  
VOLVS  
VII.

Du  
Bucil.

dio paululum deflagrant, inimico priuato in  
cum grassandi opportunitas data est. Beu-  
lius ipsius ex sorore nepos, alij coniugem  
matertera dicunt, nescio quâ ab eo affectus  
iniuriâ, ultione flagrans, viginti sociis con-  
iurantibus, noctu in cubiculum eius irrum-  
pit, Chinone intra Regis ædes hospitantis, &  
gladio in ventrem adacto, è lecto rapit nu-  
dum & saucium, & Montresorij sua in arce  
in custodiam tradit; nec soluit, nisi datis sex  
nummorum millibus, & liberato Tonarsio  
quam vinciebat Trimollius. Rex tantâ au-  
dacia inflammatus magnoperè, reum & Tri-  
mollium reposcebat, nullam admittens ex-  
cusationem, grauisque procella regno im-  
minebat; nisi Regina suauissimis monitis  
sponsum aggressa malum depulisset. Demon-  
strabat quanta incommoda Trimollius inue-  
xisset publicis rebus; uti odio in Comestabi-  
lem regnum propemodum perdidisset, uti Re-  
gis animum suspicionibus in optimum quem-  
que implicabat; sigillatim enuntiabat praua  
consilia, artesque improbas, quibus Proceres  
ab animo & amore Regis excluderet, euolue-  
bat modos quibus exaggerabat potentiam  
suam, dominumque præ impotentia gratia  
focci haberet; tum modeste hortabatur, re-  
gendum ipse clauum susciperet; datum esse  
à Deo Francia Regem, eam ut regeret, non  
ut regeretur; nihil esse infirmius, nihil ab-  
iectius Rege seruiente; subditos nihil mole-  
stius ferre quam eum cui parerent non tra-  
ctare Imperium; indignum existimare qui  
regeret, quando ipse qui regit nec se dignum  
existimat; peccare in prouidentiam Numi-  
nis, qui regno natus duci sepatitur, atque  
ipsi summam potestatem tradit, quem man-  
cipatum obsequio Deus nasci iussit. Si place-  
ret frui amicitia bono, aptiorem seligeret, è  
Proceribus aliquem, suoque ipsius sanguine  
principem,

*principem, quicum sortis inaequalitas minor, ac subditorum maior veneratio.* Ita Carolum Andegauensem subiiciebat Comitem Cœnomanorum, iam Regi gratum & commendatum suauissimis moribus. Sic Regis placatus animus, obliteratus Trimollius, & Carolus Andegauensis admissus in gratiam. Nec leue commodum eam conuersionem excepit. Nam statim Comestabilis in Aulam vocatus, datâ exercendi amplissimi muneris facultate. Imò, quod contumaciter prohibebat Trimollius, serîo de abducendo ab Anglis Burgundo, curâ susceptâ. Iam solutum erat vinculum affinitatis demortuâ coniuge Betfordiensis, & nascentia discordiæ semina erumpebant, æqua vtrinq; potentiâ, ideo ad leues offensusunculas irritandâ. Priuata contentio Duces Burgundum atque Borbonium exagitauerat, sæpiusque Borbonius in Burgundiam penetrans, agros diripuerat, aliquotque vrbes vastauerat. Placuit tandem amicorum communium operâ in concordiam ire, nam cognati erant atque sororij; & Niuernum ad componenda pacta conueniunt. Dum in itâ pace, magno cœtu nobilium, omnia lætâ gratulatione personant; adueniunt Comestabilis, & ipse Burgundi sororius, & Reginaldus Carnutensis, Rhemensis Episcopus, & Cancellarius Franciæ; Ii à Rege submissi, vt pacem Burgundo insinuarent, postquam amicè & honorificè sunt excepti, sensim dum Borbonio & Nobilibus, mox cum ipso Burgundo de ineundâ pace verba faciunt. Erat Philippus indole admodum commoda, à paternis vitiis planè alienus, compos ambitionis, humanitate ab sæuitiâ omni abhorrente, auctoritatis atque opum plenus; quique veteri probitate, affines amaret ac patriam. Iam deferbuerat sensus iniuriæ; quâ temporis lapsu, quo non saxa

CA-  
ROLVS  
VII.

CAROLVS  
VII.

modò sed animorum affectus mollescent; quà ipsa indole, humanitate vindictam pel-  
lente, quà mentis altitudine reputantis, pa-  
tratam ipse vindictam, vbi reus pœnitens sup-  
plicaret; & accedebat Anglorum fastus, su-  
pra æqualitatem iam eminens, nomenque  
Francicum pro hostili habens. Iis Itaque  
mitigatus admodum Burgundus, pacis vo-  
cem non auersatus, Comestabilem audit,  
Præterea legati missi à Concilio Basileensi,  
Cardinales Cyprius & Arelatensis, ad sua-  
dendam Christianis Principibus pacem, com-  
mode aduenientes, à Duce impetrant, vt  
Franci atque Angli Atrebatum Augusto  
proximo, ad contrahendam pacem conue-  
niant.

XX.  
*Legati  
pro pa-  
ce  
Atre-  
batum  
conue-  
niunt.*

Die dictâ ingens Legatorum factus est  
concurfus: erant magno numero Ecclesiasti-  
ci; ab Eugenio Pontifice, & Felice Pseudo  
Pontifice, & à Concilio Basileensi; (nam  
miserè in partes discindebatur Ecclesia) An-  
tistites multi præterea, & obseruatus est Leo-  
diensis Episcopus, ducentis equis candidis  
Comitatum vehens, & ipsum colore niuco  
candicantem. Ab singulis Christianis Princi-  
pibus Legati accesserant, tum ad concordiam  
restituendam Ecclesiæ, tum ad Francos An-  
glosque potentissimas gentes abducendas à  
bello; nam spectabantur à Sigismondo Im-  
peratore, ab Regibus Castellæ, Aragoniæ, Por-  
tugalliæ, Nauarræ, Neapolis, Siciliæ, Cyprij,  
Daniæ, atque Poloniæ. Ipse Burgundiæ Dux,  
cum sponsâ, pluribusque Proceribus coram  
adfuit præsens. Ab Carolo missi sunt, duo è  
Borbonia stirpe Principes, Borbonius & Vin-  
docinensis, Comestabilis, Cancellarius, Ma-  
rescalli Rieusius, & Fayeta, Adamus Came-  
racensis, Parlamenti primarius Præses, plu-  
resque alij. Ab Henrico Anglo Cardinalis  
Vincestrius, Regis propatruus Archiepisco-  
pus

pus Eboracensis, Comites Suffolcius & Varuicensis, multique peritissimi ciuiliū rerum. Totā interea Franciā preces ad Deum & supplicationes institutæ, vt Cœlestis flexanimus Principum mentes ad pacem flecteret. Primū actum in Legatorum Comitibus, de conciliandis Francis atque Anglis, & quidem offerebant Franci Normanniam & Aquitaniam Anglo dimittere, sed onere clientelæ, ex maiorum more Franco præstandæ. Contra Angli iuri fictitio, quod ab Eduardo primo repetebant; affingentes pondus, & Caroli VI. nuper mortui supremas tabulas obtinentes, vniuersam Franciam reposcebant; attamen ob pacis & tranquillitatis Christianæ bonum, passuros se regni diuisionem, vt prouinciis quæ cis Ligerim essent ipsi imperarent; quæ trans amnem Carolus, clientem ob eas se Anglo professus: qua in re Angli non absimiles erant muliereulæ illi apud Salomonem de puero disceptanti, vt hinc facile vter Rex foret legitimus colligeretur, falsâ matre alieni fœtus partitionem optante. Ad ea tam diuersa tamque opposita, cū Legati reliqui intercederent, conati medium quid elicere; Angli indignantes, postulata non vtrō concedi, minis plurimis in Carolum iactis, repente & cum omnium offensione; dimisso Concilio recedunt Parisios. At Burgundus perstabat; quodque Franco optatissimum, iam ab Anglo diuulsus oratorum discessu, eorumque superbiâ multum offensus. Ergo Legati se ad eum accingunt, nec difficulter de conditionibus conuenitur, cū ad omnia Burgundi postulata Rex annueret. Ita pax tandem cum Burgundo icta, pactis Franco molestis in speciem, sed ipsa re vtilissimis, cū regni salus inde emergeret, & bona solida speciosa gloriâ redimerentur. Eorum præcipua erant; vt Rex fateretur, iniquè & per-

Anno  
1435.

fidè eadē Ioannis Burgundiæ Ducis esse  
 patratam; is ob eam veniam posceret, conte-  
 statum eam se prohibiturum si per ætatem gra-  
 uitatem flagitij licuisset perspicere. Monterai  
 ædiculum conderet, in qua sacrum pro cæsi  
 animâ celebraretur, præterea Rex Carthu-  
 siensibus monasterium poneret. Plurimas ter-  
 ras præter quinquaginta nummorum millia  
 Duci Rex traderet; in quibus Matisco in He-  
 duis, Perona, Fanum Quintini, Abbauilla,  
 multæque in Picardiâ vrbes; Dux quandiu  
 viueret à clientela Regi præstanda immunis  
 foret; successores præstarent post eius obi-  
 tum; Rex Ducis subsidio veniret, si eum An-  
 gli aggrederentur; nec Dux Regi in bello An-  
 glico opitularetur; sed medium inter vtrum-  
 que se gereret. His compositis, Legati Ducem  
 Sacramenti vinculo exsoluerunt, quo se An-  
 glis ante obstrinxerat; tum Franci Proceres,  
 Dux Borbonius, Comestabilis, Rieusius, &  
 Fayeta, Regis nomine Ioannis cæsi innocen-  
 tiam testati, veniam à Duce flagitant; mox  
 proclamata pax; Rege omnibus pactis assen-  
 tiente; ad quæ firmanda, Catharinam filiam  
 Carolo Ducis filio in vxorem sponpondit.  
 Quanto Francorum gaudio, tanto Anglorum  
 dolore pax excepta est. Et ipsi damnum in-  
 consultâ arrogantiam adaugebant, & Burgun-  
 dum penitus alienabant. Nam cum hic sta-  
 tuisset neutram in partem moueri, Legatos  
 ad Anglum mittit, qui nouam cum Carolo  
 pacem Henrico Regi nuntiarent, atque excu-  
 sarent, Sanctissimæ Sedis & Principum pluri-  
 morum votis contractam; ad quæ Henricus  
 præ dolore non temperauit à lacrymis, &  
 ipsum Anglorum consilium graues in Bur-  
 gundum effudit minas & contumelias; mox-  
 que à verbis ad facta Angli progressi, Bur-  
 gundi subditos deturbant ex Anglia, eorum  
 plurimis à tumultuante plebe necatis. Quo  
 facto.

facto prorsus Burgundus descivit ; seque totum ad Francos contulit. Porro eam in culpam Angli impegerant , destituti Botfordio, prudentiâ & rerum experienciâ præcellente, qui Rothomagi æger animam egerat. Nec Isabella superuixerat diu , quæ audito Burgundi fœdere , & præuisâ Anglorum ruinâ, morbo indignatione contracto, intra biduum extincta est. Quamvis scribat Carterius , dolorem quo vita extincta est, conceptum ob vexationes quas ab Anglis patiebatur, nullo honore de se tam bene meritam prosequentibus, Carolumque spurium opprobrantibus; eo dolore contractum morbum lentum crediderim, nono mortem citò festinatam; cum haudquaquam ferret impotens femina, frustra naturæ ius violatum , eiuratum matrem , natumque abdicatum , ad ultionis libidinem , opprimendæ illicò atque suffocandæ.

Nec falsa morientis coniectura erat, passimque oppida confluebant ad Carolum. Iam in Normannia Dieppam Brieusius , Arislorum Xantratus aliaque minoris nominis ceperant ; iam Corbelium, Pontifara , & Castrum Vicenarum Francos admiserant ; cum ad Lutetiam adiunctum votum & studium ; quippe auctoritatis Anglicæ ea ciuitas fundamentum & caput , totique Franciæ in exemplum futura. Eam in rem Franci & Burgundi Duces coniungunt copias, Comestabilis , Dunensis, Loheacius Marefcallus , ex Laualliorum familia, Lalanus , & Villerius Insulæ Adami ; atque à ciuibus bonarum partium moniti, destitutam urbem præsidio ; primum Sanctum Dionysium occupant, vnamque turrim quam tenebant Angli impugnant. Thomas Belmontus præsidij Anglici quod Parisiis permodicum erat præfectus, ausus ad seruandam turrim ex vrbe progredi , ab veteranis Ducibus

CA-  
ROI. VS  
VII.

*Botfordij & Isabella mors.*

XXI.  
*Parisijs à Rege recepti.*

*Loheac Lalanus.*



CA-  
ROLVS  
VII.

Anno  
1436.

Bur-  
gundus  
Caletum  
pulsus.

interceptus, pluribus caſis victus & fugatus eſt, turriſque poſtmodū capta eſt. Ad ea nūtia, probi ciues, quorum princeps Michaël Lulerius, in ſpem erecti, in Anglos exurgunt, arma corripuiunt, & Comeſtabili urbem addicunt, ſi præteritorum veniam Rex condonat, extemplo à Rege diploma conficitur, quo eorum quæ Pariſienſes patrauerant aboleretur memoria, ipſique in gratiam reciperentur. Eoque obice ſic amoto, Comes Dunenſis cum Villerio ſcalis in urbem admittitur, eodemque Villerio qui plebi erat gratiſſimus, Liliatum explicante vexillum, conuolat populus, portam Sancti Michaëlis perfringit, per quam Comeſtabilis ſubiens quadrato agmine, Regi urbem aſſerit, caſis Anglorum pluſculis, & Baſtilla poſtridie reddita, inquam Henricus Lucemburgius Cancellarius Angliæ fugerat. Cum eo Angli cæteri pulſi Pariſiis, caudam acclamante ad Ludibrium populo; quæ contumelia moleſtiſſima genti ad depulſionis ſenſum accedebat. Eam mox Pariſienſibus lætitiā ſubitus caſus in partem excuſſit; nam Pontifaram Anglus occupauit, validumque immiſit præſidium, quod annem infra clauderet & continuò Pariſiorum portis immineret; imò ad Burgundum pars etiam infortuni perſtiguit. Contraxerat ingentem exercitum, Flandroſque ad vindictam impulerat, quorum populares in Angliā plures bonis deiecti fuerant, & vitā haud pauci; & facturus operæ pretium bello, Caletum terrā marique obſidebat, claſſe inductā quæ portum ſubſidio excluderet; verū hinc illata in exercitum totum pernicies. Etenim Claſſis præfecti; cum per Imperitiā naues vehente fluctu immiſſent in terram penitus, ex pelago reſluente in ſicco hærentes, relictæ ſunt in hoſtium poteſtate, atque ab iis erumpentibus flammis incenſæ. Et eo caſu Flandri abſterriti,

absterriti, cùm diceretur Dux Glocestrius iam soluisse ex Anglia, affuturus cum delectis copiis, repente colectis Sarcinis, castra turpiter Ducemque deserunt, regressi suique in oppida; tertia hebdomada postquam accesserant, affuitque mox ut prauisus erat Glocestrius, hærenique fugientium tergo, in Flandriam penetrat, peruastratque Campos vetante nemine; adeo metus atque ignominia Flandros abiecerat; rediitque prædâ vberimâ locupletatus, quam carucis mille ducentis ceu instrumentum triumphi abduxit. Nec in eos Philippos licebat educere, quem Gandauenfium, Brugenfiumque rebellio distrahebat; patrum animo in nepotibus excitato, nouisque cædibus instaurato, per quas interfecti Hornius, & Villerius, Insulæ Adami dominus; ille Parisiensis in Armaniacos stragis auctor & artifex, ipsique Ducis cum matre liberi magno periculo in custodiam dati. Perstititque duodecim annos tetra perduellio, multo cruore pasta identidem, atque omnis generis calamitatum ingens materia. Burgundus interim animaduertens, dum bellum Anglicum perseueraret; se haudquam rebelles posse perdomare, de pace inter vtramque gentem contrahenda sollicitus, colloquium impetrat ad Grauelingam. Delegati vtrimque eam in rem viri cùm nihil perficerent, Anglis obstinatè clientelam negantibus, Francis poscentibus, antequam discederetur, actum est de Ducis Aurelianensis libertate, qui iam annum vicesimum quintum Londini in custodia erat. Et in eam Angli consenserunt, spe discordiæ infraurandæ Aurelianensem inter & Burgundum, & Franciæ ut olim in contrarias partes discindendæ; quamquam diuerso plane exitu res successit, & ex vtriusque amicitia discordia

*Caroli  
Aurelianensis  
libertas*

CA-  
ROLVS  
VII.

Anno  
1440.

discordia orta. Burgundum Anglorum animus non latuerat, atque ideo malo occursurus, tum pronâ ad humanitatem & inimicitias restinguendas indole, cum Aurelianensi captiuo conuenerat, ut suam ipsius ex sorore neptem Cliuensis filiam vxorem duceret, dein redemptionis partem multo maximam de suo soluit, sibi Principem amicū & beneuolum pro infensissimo hoste paraturus. Nec Aurelianensis diuerso animo in beneficio fuit, liber continuo ad Burgundum tendit, gratias agit, sponsum matrimonium contrahit; iuratque sanctum amicitiae fœdus, odiorum causis vtrunque restinctis: verum ea grati animi beneuolentia nouum Franciæ malum pœnè parturiit. Regi durum visum est, quod Aurelianensis ad Burgundum prius quam ad se venisset, & vinculum affinitatis se inconsulto contractum vocabat in suspicionem; atque eam gratiosi aulici fouebant, concepto metu, ne Aurélianensis quondam Regi charissimus, animo regiminis belli & amplarum rerum capace, ipsos aliquando è Regis gratiâ atque aulâ deiiceret. Ergo Regem impellunt, Aurélianensem frequenti Procerum Comitatu accedentem ad se, misso nuntio iuberet solis stipatum familiaribus in aulam venire. Quod iussum Aurelianensis in contumeliam vertens, insalutato Rege diuertit Aureliam; mox Hesdinum ad Burgundiae Ducem profectus, & victo arctius fœdere, Duces Britanniae & Alensonium colligant sibi. Tum dictâ de Niuernum cuncti conueniunt; multisque Procerum in eandem dissensionem consentientibus, scripto quasdam conditiones exposcunt à Rege, praeclaras in speciem & in bonum publicum constitutas; ipsâ re, ut amotis qui grati Principi erant, ipsi in gratiam & ad-

ministra.

ministrationem succederent. Regi opportunius visum est arte malum discutere, quàm vi opprimere: ita singulis Procerum multa pollicitus, Aurelianensem præcipuè ab iis diuulsit, donatum pecuniâ, & com-  
moda in singulos annos pensione. Isque in posterum egit tranquillus, tutum otium turbulento negotio sapienter anteferens. Ea quanquam diuersis gesta temporibus, nar-  
rando coniunxi; nunc quæ omiseram, re-  
petitis superius annis, retexenda.

Dum Comestabilis recipiebat Parisios, Ca-  
rolus procul Aruernos, Lugdunenses, &  
Delphinates constituebat è quibus euocatus,  
vt Parisiensibus iucundior aduentus suus ac-  
cideret, statuit vicina circum oppida Anglis  
eripere. Giani contractum exercitum septem-  
decim hominum millia conficiebant, con-  
ueneratque flos ducum. Post oppidula quæ-  
dam expugnata, Monterigolum ductæ sunt  
copiæ; quod validum munimentis spisso  
præsidio Angli firmauerant. Per sex heb-  
domadas crebris aggressionibus tentatum,  
propugnantium fortitudine municipium sta-  
bat; eratque in exercitu Ludouicus Del-  
phinus, tredecennis adolescens, cui pater  
militaribus muniis imbuendo, impugnatio-  
nis curam commiserat. Is Innatæ Indolis for-  
ti præludio, qua vehementissimè ad ea quæ  
cuperet ferebatur, tandem urbem aggres-  
sione inuadit, cùmque pluribus Anglorum  
caësis, se in arcem aliquot recepissent, de-  
ditionem postmodum pacti sunt liberis An-  
glis, transfugis Francis in patibulum actis.  
Idque facinus, quemadmodum Delphino  
primùm laudi & gloriæ fuit, ita prima mo-  
lestiæ causa, & origo secessionis à patre.  
Etenim cùm Angli duces arce emissi in di-  
scedendo Regi gratias agerent, magnis lau-  
dibus extulerunt Delphinum quod acerr-

CA-  
ROLVS  
VII.

XXII.  
Rex Pa-  
risiu  
excep-  
tum.

Anno  
1437..

Del-  
phinus.  
aula  
missus

CA-  
 OLVS  
 VII.

mus urbem expugnasset; at Rex aduertit  
 tum ob eas laudes, tum ob gestam rem, in-  
 creuisse iuueni animum, quem supra mo-  
 dum dominandi cupidum iam exploraue-  
 rat; ideoque ambitionis suspectum à se  
 amandat, datoque quasi puero morum Præ-  
 fecto, aulâ procul in Turonensem agrum  
 relegat. Ita patri domesticus hostis paraba-  
 tur, qui impleret Anglos, Regemque per-  
 deret post receptum regnum. Carolus ru-  
 ptis Parisiorum compedibus, urbem in-  
 genti ciuium gratulatione ingreditur, obli-  
 teratâ priorum memoriâ, & præpollente  
 præsentium sensu, quanquam haud multò  
 post regressus est Turones, & prouincias  
 ultra Ligerim amabat impensius, seu Cha-  
 ras ob præstitum calamitoso asylum, seu ob  
 sitis amœnitatem cœlique mollitiem gra-  
 tas; seu conceptum primâ ætate Parisien-  
 sium odium, quamquam mitigatum non-  
 dum extinxerat, & ab oculis monumentum  
 iniuriæ placeret tollere. Eo in secessu, vt  
 Scotos arctius neceret, Margaritam Iacobi  
 Regis filiam Delphino in uxorem tradit,  
 quem nihilominus præfecto morum subesse  
 voluit; dein quoniam bellum deferbuerat,  
 & cum Anglo agebatur de pace, ad mili-  
 tiam constituendam intendit animum. Tunc  
 erat Francia calamitatum omnium fomes;  
 præter Anglicum bellum, quo deurebantur  
 prouinciæ, Franci etiam milites si quid pa-  
 catum erat deuastabant; cum sanciri disci-  
 plina tam diuturno bello non posset, ipsique  
 Duces licentiam militum alerent raro in sti-  
 pendium nummo; rustici instar hostium ra-  
 piebantur, oppida & municipia exhaurie-  
 bantur, agri inculti exhorrescebant spinis  
 & sentibus; breuîque fames passim inualuit,  
 tum atrocissima pestis, quæ decursis cam-  
 pîs, in vrbes peruadens, immensas strues  
 Cadâuerum:

Fran-  
 cia Ca-  
 lamitas

Cadauerum cumulabat. Parisij maximè internecinâ lue vexati, opulentâ sua in funera ciuitate, & quinquaginta hominum millia fefquimense rapta, cæteris diffugientibus: eoque solitudinis frequentissima vrbium venit, vt in amplissimis vicis vix duo triaue capita incedenti occurrerent, lupique in eam ad voranda Cadauera penetrarent; nec solum noctu prædam inter tenebras raperent, sed ipsâ luce etiam viuos inuaderent; adeo omnia ad incrementum mali consenserant. Ibatque in vastitatem miseram ciuitas, nisi quosdam ciuium Adamus Cameracensis, Præses senatus, & Ambrosius Loræus vrbi Præpositus, tum exemplo tum imminenti vitæ periculo, confirmassent, nusquam muris egressi; & salute in omne discrimen vltro coniectâ. Præterea cessante bello belli miseræ non cessabant. Plerique Ducum in prædones versi, tam addictas vrbes quam hostiles crudeliter diuexabant. In iis spurius Borbonius, & Antonius Chabunius, Picardiam atque Campaniam seposuerant in prædam; Rodericius Villandrasius ille Hispanus Aquitaniam premebat. Eorum quidam se dicebant Excoriatores alij Retonfores; digna flagitiorum appellatione; cùm illi sin minus miseris cutem detraherent, sanè facultates omnes eriperent; Ij retonderent si quid forte miseris boni accreuisset, & spoliatos iterum per sæuitiam summam spoliarent. Ergo iis incommodis Carolus vt mederetur, primùm equitum turmas componit. Equitibus singulis erant decem equi ad vehenda impedimenta, totidem quâ sagittarij, quâ calones, eaque Capita plus mali hospiti inferebant quam hosti. Ergo iussi equites, tres ad summum equos ad bellum ducere, totidem sagittarios, reliqua turbâ vt perniciofa prorsus abscissâ.

Mox

*De Lo-  
ré.*

*Ecor-  
cheurs.  
Reton-  
deurs.*

— Mox in Villandraſium, cuius inſignis erat in prædando barbaries, immiſſæ copiæ, ad inſaniam hominis comprimendam; qui vt priſtinam fidem recuperaret, ducto in Anglum milite, in Burdegalenſi agro multa egregia præſtitit, ſed eâ immanitate & ſupra humanitatem omnem ſæuitiâ, vt videretur non tam bellum alere quam furorem; iisſque locis peſſimi Roderici memoria perſtet etiamnum; viuaciore longè miſeriæ ſenſu quam beneficij.

## XXIII

*Bituricensis  
conuē  
tus pro  
Euge.  
nio.*

In eadem conceptæ cum Anglo pacis tranquillitate, res momenti maximi acta eſt Bituricibus. Aliquot ante annos Eccleſiam ſua diſcordia agitabat; ſucceſſerat Martino V. Pontifici Eugenius IV. ac quoniam Martinus Conſtantiensis Concilij erat partus, tribus Pontificibus abrogatis; viſum erat Eccleſiæ rebus opportunum, nouum Concilium Baſileæ indicere, quod hæret Conſtantiensis veſtigiis, & ſperatam Græcæ Eccleſiæ vnionem tandem perficeret. Nec Eugenius primum diſceſſerat, ſperans conſilium ſui regiminis fore, quod per Legatos ſuos moderaretur. Verum re in diuerſum ſteſcente, & Baſileenſibus auctoritatem Concilij ſupra Pontificiam attollentibus, Eugenius nouum Concilium Ferrariæ indicit, & Baſileenſe quaſi ſpurium damnat. Efferatâ per iniurias mutuas controuerſiâ, eò audaciæ Baſileenſes deueniunt, vt Eugenium abrogent, nouumque Pontificem dicant Amedæum VII. Sabaudix Ducem, qui relictâ filio ditone Ripalliam ſeceſſerat, Villam ad Genuenſem lacum delicatam, & voluptarium otium præſtati interſerens, ſolutus curis ſibi admodum viuebat, eremitæ cultum indutus. Is Felix eo nomine V. dictus eſt. Continuò ſciſſus in factiones geminas Orbis Chriſtianus; Principibus quâ Eugenium, quâ Felicem diuerſis

diuersis studiis asserentibus. Vtriusque summa cura in Carolo alliciendo enituit; missi vtrisque Legati, & designata Biturigum vrbs ad rem disceptandam. Felicis causam duo promouebant; primum quod hætenus Rex totaque Francia fouisset Basileense Concilium, atque ibidem Auarici anno seculi tricesimo secundo habita fuerat Antistitum Synodus, qua Concilium pro legitimo admissum fuerat; eaque de causa Regis permisso, ad Eugenium missi Antistites; tum Amedæo Rex ipse affinitate atque amicitia, imò & pluribus beneficiis erat coniunctior; ac videbatur emolumento fore non modico, si Pontifex haberetur, tot de causis Regi & regno addictus. Eam ergo in spem ad Conuentum Præsulum Galliarum, oratores miserant, tum Felix, tum Concilium, Ioannem Segouiensem Hispanum, & Thomam Courcellium Francum, infensissimum Eugenij inimicum; Eugenius verò Cardinalem Turrecrematam & ipsum Hispanum, magni nominis, & doctrinæ amplissimæ virum. Præter Antistites, quorum Principes Patriarcha Antiochenus, Archiepiscopus Viennensis, Carnutensis Cancellarius, ab Eugenio nuper Cardinalis dictus, Proceres plurimos Rex vna secum adduxerat. Post multam ac diuturnam altercationem, tandem Regi placuit adhærere Eugenio, eum habere pro summo Pontifice, itaque habendum vniuersæ Franciæ designare, qua in re gratia Martini Gongæ Claromontensis Episcopi plurimum valuit; is enim administrationi verum cum præisset, Regem ad sanam partem haud difficulter inflexit, & Cancellarium pilæ fulgor ad iustam sententiam allec[t]abat. Duo tamen Eugenius Regem exorare non valuit; primum vt ab Basileensi Concilio planè deficeret, alterum sanctio-

CA-  
ROLVS  
VII.

*De  
Cour-  
celles.*

Ann.  
1440.

*Gongæ.*

ne



CA-  
ROLVS  
VII.

ne pragmaticâ ne vteretur ; quippe ea sanctio ex decretis Constantiensis & Basileensis Concilij ad dispônenda Ecclesiastica beneficia constituta , cùm Pontificiâ potestati multùm detraheret , atque haud parum priuatorum commodis consuleret , Francis erat gratissima ; nec Concilium deferendi Regi animus erat , quod antè comprobasset tantoperè , quodque maximè ex Francis constabat. Additum præterea ne qua iniuria domino Sabaudio ( ita Felicem vocabat , ) inferretur , ob contractam cum ipso Rege affinitatem. Et ea quidem eo Conuentu sancita ; quibus non extinctum quidem Schisma Ecclesiæ ; sed potestas legitima stabilita , & assertæ suæ partes iustitiæ. Imò & aliquot post annos , tantùm Rex contendit apud Amedæum , vt ipse pacis publicæ cupidus , vltro se abdicauerit dignitate , Ecclesiæ vnione in Nicolao V. successore Eugenij , coalescente. Interea , ante bellum cum Anglo quàm recrudesceret , Franci Comitem Eusium ab Arotensiorum stirpe regij sanguinis , receperant , Sommersetum Angli , mutua permutatione ; iique statim in Normannia suæ quisque gentis rem promouet. Etenim resurgente bello rursus ferro miscentur omnia. Franci primùm malè ad Crotoium multantur. Vrbem oppugnabant , & Burgundiæ Dux , nuper traditâ filio Catharinâ Francicâ in vxorem , gratum animum testaturus , copias è Flandria duxerat ; cùm Talbotius Rothomago vrbe educto præsidio , obsidentes aggrediens , Castris pellit ; atque vrbi plenum Commeatum infert ; imò & metu Flandri diffugiunt , restitutâ Caletensis fugæ ignominia. Eam Franci cladem ad Arcflorum compensant postmodùm. Obsidebant Angli munitum oppidum , cùm Rieusius Marefcallus tam opportunè

D'Eu.

*Bellum  
cum  
Anglo  
restitu-  
um.*

*Rieu-  
siusMa.  
rescal-  
lus.*

opportunè in eos inuadit, vt ab obſidione depulerit; moxque totâ Picardiâ paſſim exigebat; cùm vir magnus periit proditiōe peſſimi capitis. Etenim cùm tranſiret Compendio; Flauius vrbiſ præfectus, captiuitate Aurelianenſis Virginis iam infamiſ, virum Comeſtabili ob virtutem gratiſſimum, in vincula agit, exigitque in redemptionem quatuor millia aureorum, quæ ſibi erepta à Comeſtabile querebatur, & Rieuius poſtmodum Neſlam traductus, peſtilentiâ quæ graſſabatur ſauiffimè extinctus eſt; meritiſſimus de Regno Franciæ; idem manu promptus, optimuſque conſilio, antiquâ morum probitate, & diſciplinæ reſtituendæ percupidus. Flauius arcis beneficio ab mortaliū pœniſ euafit, donec in Diuinam incidit, ab vxore intra ipſa munimenta, imo inter blanditiâſ & amplexus in cubili ſuo ſuffocatus. Ægidij Raiſij Mareſcalli planè diuerſa ſors, vt diuerſi mores, qui Magiæ & veneficij poſtulatus, compertuſque plures infantium cædes perpetrâſſe, ab Duce Britanniæ damnatus eſt, & poſt eliſas fauces igne ſuccenſus. Ea inter Regi moleſtiſſimum erat Meldas obtineri ab hoſte; Matronamque amnem occludi. Ideò datum Comeſtabili munus vrbiſ expugnandæ; quod & egregiè præſtitit; nec vllibi toto hoc bello Martiſ munia obita ſunt generoſiùs. Angli tertiâ hebdomade, vrbe captâ, ſe in forum recipiunt, & propugnant egregiè; imò & Talbotiuſ cum Fuſtembergio Francos aggreſſuſ, expugnato Caſtello ligneo, Meldas penetrans, obſeſſoſ milite & Commeatu iuuit, ac ſecuruſ ſe Rothomagum recepit. Nihilominuſ cùm Comeſtabiliſ nulli labori, nulli indiſtriæ parceret, Angli vitam pacti forum tradiderunt. Infeliciùſ ad Abrincas pugnauit Comeſtabiliſ, quas cùm obſideret,

CA-  
ROLVS  
VII.

*De  
Raiſ.*

*Meldæ  
capta.*

*Aurâ-  
ches.*

CA-  
ROLVS  
VII.

deret, ab eodem Talbotio, inuadente pul-  
sus est, multa strage; atque idem Talbotius  
Sommerseio Duce Ariflorum aggreditur,  
tamque validè castra in Francos munit, ut  
illorum conatibus omninò irritis, urbem  
tandem obtinuerit deditioe, quarto mense  
postquam oppugnabat: adeò vir vnus pro  
exercitu est, & qui ducat, quam qui ducatur,  
multo pluris refert.

XXIV.  
*Agitur  
de pace*

*Grand  
Maistre  
de  
France.  
Raba-  
reau.*

*Proce-  
rum in  
Regem  
conspi-  
ratio.*

Decurrebat bellum, cùm iterum interpel-  
latur, de pace Burgundo Anglum appellante,  
& Rex Comitia Aureliam conuocauerat,  
consulturus de pace Proceres quod statutum  
vellent. Porro ij cùm in diuersa secederent,  
placuit sex potissimum eligi, quorum suffra-  
giis ceteri accederent. Ii Comes Vindoci-  
nensis, summus familiæ regis Præfectus,  
Iacobus Iuuenalis vrsinus Pictauiensis Epif-  
copus, Comes Dunensis, Fayeta Marescal-  
lus, Rabataus Parlamenti Præses, & sextus  
Regis Consiliarius; at cùm ij aliquandiu  
disfensissent, tandem sententiæ omnium in  
pacem versæ, si impetrari conditiones com-  
modæ possent. Populi calamitas, inopia æra-  
rij, & exhaustæ tum fame tum pestilentia  
ciuitates, pacis solatium reposcebant. Ve-  
rùm ea nedum confici potuit, pactis tantum  
in aliquot menses induciis. Cùm erupit du-  
dum inita ab aliquot Principum conspiratio.  
Etenim ipsis videbatur durissimum, perpe-  
tuo Regem addici Aulicis, frustra expelli  
qui præpollerent, cùm euulso vno enasce-  
retur alter repente, & fluctuum instar tun-  
deret alterum alter; at ipsi Proceres, è stirpe  
Regia, quorum maximè regnum optimè  
regi intererat, amoueantur procul, nec  
ipsi quid administrationis decerpebant, ad  
iacturam vnâ atque perniciem relegati.  
Equidem iis verbis Harcurium & Claro-  
montanum Episcopum designabant, qui tunc  
temporis

temporis gratiosissimi apud Regem, sedebant ad clauum : at Carolum Andegauensem nemo perstringebat, quamquam gratiâ floret maxime, quippe is supra inuidiam, & Regi tam propinquus excludebat querendi speciem. Ergo in Castro Blefensi ad eos deturbandos clam fœdus contrahunt, Duces Borbonij, duo ij erant, Alenfonius, Durenfis, Bucicautus, Trimollius, Tria, & Nothus Borbonius, recusante Burgundo se iis adiungere; & ad factionem honestiori causa prætexendam, statuunt Delphinum in suas partes adducere. Id fœdus dictum Praqueria; nec causa nominis mihi explorata. Tunc Niorti in Pictonibus agebat Delphinus, sub regimine Comitis Marchiæ, quem Præfectum morum Rex constituerat; diuturnæ absentia quam vocabat exilium haud parum pertæsus; ad quem missus à coniuratis Nothus Borbonius, non contendit multum ut rem suaderet. Statim iraque in eam adductus, sententiam, ad Alenfonium Niorto profugit, frustra Marchiæ Comite renitente, & verbis iuuenilem audaciam mitigante. Delphino abducto arma palam Proceres concitant, & designati Pictones Martis Campus. Delphinus Alenfonio adiunctus Sanmaxentium inuadit adhæretque Nobilitas, sequuta Barbesium, præpollentem auctoritate: agebant Molinis cæteri Principes, quæ Boiorum caput; confinesque prouincias sollicitabant. Is motus Regem atque adeo Aulicos grauitèr percutit, omnisque impensa cura ut dum per Anglicas licebat inducias, opprimeretur ortum incendium. Et firmamentum causæ haud modicum Comestabilis, qui Trimollio hostis Capitalis, ad Regis partes accesserat; Rexque ad Alenfonium misit, qui Delphinum reposcerent, iuberentque patri natum restitui.

CAROLVS  
V I I.

Anno  
1440.

*Pra-  
querie.*

*De  
Barbe-  
sieux  
Mo-  
lins.*

CA-  
ROLVS  
VII.

restitui. At Rex cùm Alenfonius aculeatis  
verbis rescripsisset, minas celeritate præuer-  
tens, in Pictones aduolat, & Sanmaxentium  
recipit. Tum recedentem Alenfonium per-  
sequutus, per vrbes singulas, compellit  
tandem in Boios, exceptum Molinis à Pro-  
ceribus. Interim Dux Burgundiæ & Comes  
Eufius, boni publici gratiâ, pacem conci-  
liabant. Regi subiiciunt; *Belli ciuilis cer-  
tum detrimentum, nullo lucro aut valde  
inani; expirare. Cum Anglo inducias, ac  
simul cum hoste gemino bellum susciperet?  
tantum periculi à Proceribus victis immi-  
nere, quantum à victoribus; nam spe deie-  
cti si ad Anglum confugiant, quanta ma-  
lorum enascetur seges, & quam atrox pro-  
cella regnum inuoluet? eam secessionem, do-  
mesticam potius litem esse quàm bellum; fi-  
lium atque affines stare in partibus, reuo-  
candos eos clementiâ, expugnatâ paterno af-  
fectu breui amentâ, patri pro graui delicto  
leui pœna sat fieri.* Tum verû ad Proce-  
res, crimen perduellionis exaggerant, amo-  
rem patriæ laborantis exsuscitant; quid  
eam patrimonium suum perditum irent? be-  
neuolentiam Regis vi non obtineri, eam ipsi  
obsequio atque officijs demererentur; prope-  
rarent appellare clementiam, atque crimen  
nondum adultum extinguere, festinari pœ-  
nam, armatum Regem & præpotentem in-  
cumbere, & nisi primùm demissione vinca-  
tur, omni ope vacuos profligaturum. His ad-  
monitionibus, conuersi animi, in concor-  
diam assentiunt, Proceribus veniam flagi-  
tantibus, Rege condonante. Eum Delphi-  
nus & Borbonius Cusseti quod in Aruernis  
est oppidum, inuisunt supplices; Alenfo-  
nius procul veniam petiit, suamque in di-  
tionem secessit. Continuo Delphino dome-  
stici omnes amoti, præter Confessarium &  
Coquum;

Coquum, & noui inducti; quasi recens culpa familiarium esset, non heri, honori Principum hac pœnâ parcente; ut noxæ ad-  
ministrari pro auctoribus sint. Nec quidquam ea in re indulgit Rex Delphini precibus, imò interminanti se ad Principes rediturum, prudenter respondit; *Ito Ludouice, fores patent, si arctiores sunt, decem muri stadia Iubebo dirui; sunt Francia Principes, qui eius dignitatem & amplitudinem iuxta ac tu promoueant.* Aliquantò post Nothus Borbonius, qui accerrimè omnium tumultum instruxerat, in pœnam vocatus ob noua scelera, culeo insutus in amnem proiicitur; reus multiplicium criminum; togæ sacræ primùm destinatus, quam exuerat & militari sago mutauerat, licentiâ atque flagitiis quàm fortitudine clarior.

Rex eo functus periculo, finitisque induciis, per Campaniam profectus Parisios, eam urbem ut in libertatem assereret, atque amnem Æsiam expurgaret, Crelium atque Pontisaram eripere Anglis constituit. Crelium quod diu impugnabat Cotinius, Comestabili redditum; Pontisara difficilius opus & grauioris periculi. Rex ipse ducto exercitu, magnâ Principum Ducumque frequentiâ, obsidium ponit, premitque arctius. Non erat animus vi aut machinis urbem expugnare; nam cupiebat ereptam hosti non perditam; tamque muris parcebat, quam incolis, qui magnam partem ciues innoxij, vel rustici in asylum profugij, misericordiâ potius digni erant quàm pœnâ. Ideò lentè promouebat obsidium; sed Regis Clementiam hostis excussit. Talbotius celeberrimus ille defensor urbium, bis in eam commeatum militemque induxerat, nec videbatur aditus posse intercludi; nisi oppidum cingeretur arctissimè,

CA-  
ROI. VS  
VII.

Anno  
1441.

*Bellum  
in Vaf-  
conia.  
Tartas.*

Anno  
1442.

*Sire de  
Ponts.*

visque tandem ipsi inferretur, ad quam necessitate Rex versus, tribus locis aggressi-  
onem instituit, militique immixtus, pugnans  
egregie, armata dexterâ incendit prælium.  
Agger horâ alterâ post atrocem dimicatio-  
nem inuaditur; Rex primos inter in urbem  
penetrat, & flammâ pugnae momento ex-  
tinctâ, eques per urbem discurret ad furo-  
rem militum compescendum; ipsius solici-  
tudine, direptio à templis prohibita, sal-  
uus Matronarum Virginumque pudor, &  
plerique miseri neci erepti: quingenti An-  
gli necati, Franci trecenti; donatique tres  
à Rege præmio, qui primi omnium in agge-  
rem urbis euaserant; Guillelmus Delma-  
sius, Rutenus Nobilis, Ioannes Bequetus,  
& Stephanus Guillerius, plebei; istis attri-  
buita nobilitas, cum insignibus propriis; illi  
concessum ut gentilitio scuto coronam mu-  
ralem apponeret; tunc honore, optatissimo  
virtutis præmio. Dum hæc ad Parisios age-  
bantur, Capitaneus Buchius, Anglicarum  
partium cupidissimus, Tartasium apud Al-  
bretios oppugnabat, & ad conditionem ade-  
gerat, ut se dederet, nisi intra mensem  
quartum Franci exercitum ad soluendam ob-  
sidiionem adducerent. Hæc conditio pacta  
Ianuario, quo Rex ad seruandam urbem  
copias contrahit, multisque Procerum Co-  
mitantibus, Delphino, Carolo Andega-  
uenfi, Eufio Comite, Comestabile, Maref-  
callis, viam in Pictones vertit; nam erat  
apud eos quod gereret. Pontium Dominus,  
& Trimollius, castris aliquot occupatis,  
agros deuastabant, & prædonibus receptum  
præbebant; eratque Taleburgum ipsorum  
arx & munimentum. At Pontium Dominus  
Regem inflectere demissione festinat; Tale-  
burgum vi captum, prædij ad furcas  
suspensi, & Præfectus truncatus capite,  
Tum

Tum Lemouici Rex aliquandiu substitit, ea-  
que in vrbe excepto Duce Aurelianensi, la-  
to vultu & animo, Tolosam pergit cum co-  
piis; adiuncto è nobilitate Vasconum sup-  
plemento. Qui accesserant Comes Fuxien-  
sis, Conuenentis, Perdiacus, Lomanus Ar-  
maniaci filius, Tancarulla, Albretius, Vice-  
comes Narbonensis, & Barones maioribus  
vexillis insignes centum & triginta. Recen-  
sebantur in exercitu viginti hominum mil-  
lia; quem ad Tartasium Rex cum deduxif-  
set, nullo hostium comparente, vrbs ser-  
uata est, & dati obsides à Cognatio restituti.  
Rex deinde, vt selecti exercitus aliquod  
opus extaret, in Aquitaniam penetrans, Fa-  
num Seueri inuadit; propugnabat oppidum  
Thomas Ramestonius Aquitanix Senescal-  
lus, cum cataphractis centum, & bis mille  
Sagittariis: isque propemodum omnes pri-  
mo impetu cæsi. In defendendis suburbiis  
captus Senescallus, ipsumque oppidum il-  
lico deditum. Tum ad Aquas Angustas du-  
ctus exercitus, urbem munimentis & præsi-  
dio validam, pugnatumque ad eam sesqui-  
mense, donec Delphinus, diuturnæ moræ  
impatiens, legit ipse milites, instruitque  
ad caput pontis oppugnationem, quam ipse  
præfens verbo & exemplo adurget tam for-  
titer, vt turri captâ quæ tegebat pontem,  
extemplò à ciuibus deditionem extorserit;  
verùm Aquenses, dum ad alia municipia  
contendit exercitus, euocatum Anglum ad-  
mittunt; & Præfectum arcis quarto die ex-  
clusum à subsidiis pellunt. Hyems interces-  
sit, quominus rex urbem reciperet; licuit-  
que per otium Margaritæ litem cognoscere.  
Illa Raimundi I I. Conuenarum Comitis fi-  
lia, atque heres tribus nupta maritis, tot  
propemodum inimicos sibi parauerat. Pri-  
mum Ioanni III. Comiti Armaniaco nupse-

*Saint  
Seuer.*

*Acqs.*

*Mari-  
garita  
Conue-  
narum.*



rat, è quo duas suscepit filias; secundum Ioanni Armaniaco prioris affini à quo statim discessit; tertium Matthæo Comitis Fuxiensis fratri, vnde pariter filiam peperit. Hic postremus, cum opulentam hæreditatem cupiditate voraret, nec precibus coniugem ad donanda bona posset inducere, vim expertus, in ea inuadit, & partitus cum Armaniaco spolia, illi feminam tradit, iam prouectam senio, propiusque ut rebatur fato adinoram. Ea iam annos plurimos calamitatem carceris passa, Armaniaco miseram è castro in castrum abducente; Regem auditiis in terris agere; & conceptâ spe libertatis, cum clam hæredem scriptum, appellat iudicem, & de Comitum immanitate conqueritur. Iussu Armaniacus & Fuxiensis coram Rege se sistere, & Comitissam adducere; tandem obtemperant; & Tolosani Parlamenti sententiâ Comitissæ libertas restituitur, tabulæ quibus Rex heres scriptus pronuntiantur legitimæ, ac permixtus Matthæo coniugi dum vitam ageret vsusfructus. Ita femina octogenaria seruituti erepta est, Regem in Pictones abeuntem sequuta, vitæque longæua tam solatio fuit, quam miseræ hæctenus fuerat.

XXVI

*Diep-  
pa à  
Del.  
phino  
seruata*

Dum Rex Pictauium peruenit, de Dieppæ discrimine admonetur. Eam Talbotius copiis validis oppugnabat, & quamquam Dunensis commeatum in urbem iteratò inuexisset, ita castra Anglus, Vallo & Turribus muniebat, ut seruandæ urbis spem omnem Dunensis excuteret. Id nuntium cum dolorem Regi multum afferret; Delphinus seruandæ urbis prouinciam à Rege deposcit; qua exorata, concitatis equis se in Picardiam confert, & copias celeriter ex nobilitate præsidiiisque urbium contrahit. Opus erat magni arduique periculi, nam

Talbotius ..

Talbotius accuratè castra vallo & propugnaculis cinxerat, veteranum militem sub signis habebat, & ipse pro exercitu erat. Eam ob rem aggredientes excepit fortiter, sæpiusque eum clade repulit, vincebatque, si quid peruicacem animum Delphini vinceret; quippe ille semper in obices inflammator, impressiones iterari curabat impetu tanto atque ardore, ut compressa hostis ferocia, in amplissimum castrum peruaserit, quingentis Anglorum primo impetu cæsis; nec à dimicatione quieuerit, donec iidem omninò perculsi à castris abcesserunt, seque in proximas naues receperunt: mirante Talbotio, veteranam illam & probatissimam virtutem suam, vnus adolescentis vel fortitudine vel audaciâ adeò contra spem profligatam. Feliciter Dieppam Delphinus soluerat, cum ad expeditionem nouam euocatur. Comitissa Conuenarum Pictauij diem extremum obierat, & calamitates inter viuacior, expirauerat in tranquillitate; illicò Ioannes Armaniaci Comes Conuenas occupat, & Regis vel potentiam contemnens, vel gratiam sperans, illufis testamenti tabulis, tam appellat gratiam, quàm se contra vim munit. Ea audacia regem irâ incendit, & accedebant aliæ odij causæ; quod Armaniacus veluti supremum vsurpans dominium, se Comitem Dei gratiâ diceret, quod vnus fas est supremis Principibus; tum quod filiam suam Rege inconsulto Henrico Regi Angliæ in uxorem sponderat; quod regni legibus nefas est. Mira celeritate ab extrema Picardia in Vasconiam Delphinus aduolans, bellum exoriens illicò opprimit. Salesarium Ducem Hispanum, cui fidebat plurimum Armaniacus, cum legionibus ad repellendum Delphinum, locauerat in prouinciæ finibus, dum ipse auxilia ex amicis

Anno  
1443.

*Del-*  
*phinus*  
*Arma-*  
*niacum*  
*subigit.*  
*Comin-*  
*ges.*

*Salej*  
*far.*

*Del-  
phinus  
in Hel-  
uetios.**Mont-  
beliard  
Basle.  
Stras-  
bourg.**Anno  
1444.*

contraheret. Verùm Delphinus futuram in-  
indolem auspicatus, postquam Salesarium  
pecuniâ victum ad suas partes adduxit, im-  
paratum aggressus Comitem, ad extrema  
agit, & in Castrum insulæ Iordani perfu-  
gentem, cinctum copiis obsidet. Mox ip-  
sum ad conciliandum fœdus castro temerè  
egressum, apprehendit, mittitque in cu-  
stodiam cum vxore & liberis; iam tirocinio  
suarum artium præbito. Egit quadriennium  
in custodiâ Comes, donec exorantibus Ara-  
goniæ & Nauarræ Regibus, libertati & di-  
tioni restitutus est à Rege, Fuxiensi præ-  
dem pro eo se constituyente. Nec Delphino  
ab armis diu otium fuit. In plures menses  
inducias Anglus pepigerat, & fruiturus  
commodo pacis, Regi Henrico vxorem pa-  
rabat, Margaritam Renati Andegauensis  
Siciliæ Regis filiam, formâ corporis atque  
ingenij dotibus ornatissimam. Sponso ma-  
trimonio & intercedente duos Reges inter  
affinitate, nam Maria Regina soror Renati  
erat, ne quid turbæ à solutis militibus con-  
flaretur, placuit eos in expeditionem exter-  
nam ducere. Exercitus duo ex vtraque gen-  
te conflati; cuique adhibita triginta homi-  
num millia; alter, quorum decem millia  
Angli erant, Delphino datus, ne alimen-  
tum turbulentæ indoli deforet, domandos  
Heluetios. Eos enim huius belli scopum  
designatos puto; euocante Sigismundo Au-  
striaco, in quem Heluetij rebellauerant. In  
itinere Montem Pelicardi expugnat, pene-  
trânsque in Heluetiam, Basileam vsque &  
Argentoratum agros impunè vastat. Helue-  
tij ex trepidatione prima recreati, quam-  
quam impare numero, nam quatuor mil-  
lia sub signis erant, Francis intrepidè oc-  
currunt, & conferto prælio obinatissimè pu-  
gnant; donec omnes, centum admodum  
fuga

fuga lapsis, in frustra Concisi, victi quidem, sed Francorum plurimis enecatis. Nec Delphinus victoriam ultra promouit, seu penuriam militum, pugnacissimis suorum occisis, seu specie belli iam euanescente; Sigismundo negante suo impulsu ipsum in Germaniam excitum. Eoque primo facinore gens Heluetica Francis innotuit, ipsis in posterum nescio an detrimento maiore quam usu, vel cladibus, quas intulit, vel ope quam præbuit. Alterum exercitum in Lotharingiam Rex ipse duxerat; postea in Campaniam quam prædonibus liberauit, qui Excoriatorum nomen & crudelitatem suscitantes, infestabant agros, ad obsidendam Metim se contulit. Id precabatur fororius Renatus Andegauensis, qui potitus Lotharingæ Ducatu, urbem Mediomatricum sibi vindicabat, opemque ad eam subigendam efflagitauerat; iamque quintum mensem urbs obsessa in extremis erat; cum ciues, spe omni decessa, ad Petrum Brexum confugiunt, qui eo tempore apud Regem plurimum omnium poterat; eiusque ope impetratis conditionibus quam optimis, soluta obsidione, dimittuntur pristinae libertati; auro duntaxat Regi impenso, tam infecto quam facto. Ita reductus vterque exercitus, & in quinquennium cum Anglò iuratae induciæ, in celebritatem nuptiarum, quas cum ipso Margaritâ contraxit. Dimissæque legiones, ne paci mediæ bellum inferrent, præter equites cataphractos mille & quingentos, & quater mille Sagittarios; quos Rex habere promptos sub signis voluit, & limitaneos in præsidiis urbium habuit. Tum constituit ut in singulis Regni vniuersi pagis & municipiis, singuli homines designarentur, qui prompti essent ad militiam obeundam ubi vacarentur, ii que quoniam pedites erant & ab tributis

CA-  
ROLVS  
V-I II.  
Anno  
1444.

Rex  
Metim  
obsidet.

Metim

De  
Brex.

Franc  
Ar-  
chers.

— omnibus immunes, liberi Sagittarij dice-  
 CA- bantur: prudenti instituto; nec enim ut res  
 ROIVS humana sunt belli Consilia pax excutere de-  
 VII. bet; nec pax vlla securior quam armata.

XX Et verò pactæ decurrebant induciæ; cū  
 VII. in medio cursu repente corruunt. Iam ali-  
 Bellum quantū fides Anglica laborauerat; cum  
 Angli- enim Henricus Carolo Andegauensi resti-  
 cum in- tuere Cœnomanum debuisset; eam urbem  
 fracta- pro facultate, operibus & præsidio commu-  
 tur. niit, nec reddidit, nisi vi adactus, quam  
 exercitus regius inferebat. Mox interceptæ

Forge Filicera pacem prorsus infringunt. Erant  
 res. Filicera urbs in Britonibus ad Normanniæ  
 limites, diues, populosa, & mercimoniis fre-  
 quens; securi ciues induciarum beneficio

De Su- fruebantur; cū extemplò Franciscus Su-  
 riennes. riennius, dictus Aragonensis, quod indidem  
 natus esset, atque Angli stipendiarius, lecto

Anno milite Filiceras inuadit, incautas occupat,  
 1448. fœdat direptione atque omni genere imma-  
 nitatis, atque agrum proximum depopula-  
 tur. Franciscus Britannia Dux, nam Ioan-  
 ni patri successerat, ad eam iacturam & con-  
 tumeliam inflammatus, ad Ducem Sommer-  
 setum qui pro Anglo prouincias Francicas  
 administrabat, fecialem mittit, qui res ra-  
 ptas reposcat, & Sarciri iniuriam; ille suo  
 iussu factum inficiatur, Suriennium Anglo  
 non esse subditum, motūque proprio im-  
 pulsum ad facinus. Ea verba cladem haud  
 reparabant. Ideò Britannus ad Regem mittit  
 Cancellarium & Episcopum Rhedonensem,  
 qui de iniuria expostularent, atque vltio-  
 nem efflagitarent, quando illatum scelus in  
 odium fœderis & amicitia foret. Rex dolo-  
 rem quem conceperat animo contestatus,  
 ne temerè in arma rueret, viros graues tum  
 ad Somersetum, tum ad Regem in An-  
 gliam legat; quibus nec aliud responsum  
 redditum,

redditum, quam inficiatio criminis; adiuncti tamen Oratores ab Anglo, qui pluribus rem apud Carolum excusarent, peterentque ut perstarent induciæ, nihilque urbibus ex parte alterutra periculi esset. At cardo causæ is neutiquam erat, flagitabat Britannus ingentem pecuniam, Anglus pernegabat, responderetque Carolus Oratoribus, se non vadem esse, quin Britannus par pari redderet, & quando de occupandis per insidias urbibus agebatur, quisque sibi caueret, suaque oppida custodiret. Is verbis veluti bellum clam indiceretur; Anglo plura oppida vno propè momento eripiuntur; Pons Arcarum à Brezæo, Couchæ à Flouquetio, aliaque in diuersis prouinciis; exclamat Sommerfetus, accusatque violatum ius pacis; at Filiceræ obiciuntur, malumque ultro suorum facinore arcessitum. Interea Carolus serio de ratione belli deliberat. Videbantur omnia ad illud instaurandum impellere; iam Anglos consilium & fortitudo pristina deserebat; infrequentes erant in urbibus milites, plerique stipendiis cassi, defluerant; qui supererant, disciplinam obliti rapti & latrociniiis alebantur; ipsam Angliam verum caput lacerabat atrox discordia. Margarita Henrici coniunx, ampli ingenij femina, nec contenta sui sexus sorte, regimen regni ambiuerat; nec obstabat maritus, miti indole atque ad otium flexa, regi potius aptus quàm regere; ut in coniugum utroque videretur dotes mutasse natura. Obex erat ad cupiditatem Glocestrius Dux, patruus Regis, qui plurimis iam annis magnâ cum prudentiæ Laude & fœlicitatis Angliam moderabatur. In eum mulier intendit Machinas, tamque peritè & sagaciter admouet, ut vertente anno, clauo depulsum in ordinem redegerit, mox odio Regis in miserum in-

— flammato, apprehensum indictâ causâ, de  
 CA- vitâ sustulit, pressis laqueo faucibus. Tunc  
 ROLVS enimvero veluti mole & aggere ruptis, dis-  
 VII. cordia in Angliam, omniumque calamita-  
 tum series incubuerant. Iis accedebat quod  
 Scoti nuper duobus præliis victoriam repor-  
 tarant, cæsis Anglorum viginti quatuor mil-  
 libus. Contrâ Franciis cuncta ad bellum in-  
 tegra erant atque composita; Duces egregij,  
 perfrequens miles, tormenta bellica ingen-  
 ri numero, pulvis & globi studiosè parati,  
 & pacis otio instrumenta martis diligenter  
 curata. Imò indignatio accendebat vindi-  
 ctam; nam Dieppenses & Rupellani Anglos  
 accusabant, quod commercium perderent,  
 suasque naues vel in asylo portuum raperent;  
 Parisienses, quod præsidia Anglica militares  
 vias circuminfestarent, & Ambianum vsque  
 atque Aureliam in viatores passim grassaren-  
 tur; exoptulabant Nobiles, quod Angli ii-  
 dem laruati noctu per agros discurrerent,  
 Nobilium castra inuaderent, heros occide-  
 rent, prædonesque publici quæuis incom-  
 moda rusticis & mercatoribus per insidias  
 inferrent. Ergo iure & potentiâ conuenien-  
 tibus, bellum capissitur; ac Normannia sco-  
 pus designatur. Tres exercitus in eam im-  
 missi; primum Britannix Dux perditionem  
 suam agebat; alterum Comes Dunensis per  
 Vexinum & Perticenses, tertium Rex ipse,  
 duos priores vt confirmaret atque sustenta-  
 ret. Et mirum quidem est, tam amplam  
 munitamque prouinciam, in qua trecenta  
 admodum oppida, spatio mensium trede-  
 cim, vniuersam Angliis esse ereptam, &  
 Campum tot Anglorum sudoribus, ærumnis,  
 imò sanguine madidum, ad Francos inter-  
 uallo venisse tam breui; adeò in rebus hu-  
 manis occasio Deus est, imò occasionis mo-  
 derator Deus, qui regnis fines propagat &  
 carpit;

Nor-  
 mannia  
 exhi-  
 gnata.

carpit; suoque nutu in immensum res pro-  
uehit. Vernolium in Perticensibus primum  
Francos admisit, ab vno molitore indignan-  
te se vapulasse ab Anglis, per pistrinum ad  
muros vrbs admotum, Franci introducti, &  
Angli in turrim munitam confugientes ob-  
fessi sunt. Tum ceteræ vrbes quæ iponte, qua  
vi, qua pretio, propemodum certatim in Re-  
gem confluunt; Filicera expugnanti Britan-  
no redditæ, Alenfonio Duci sua vrbs patuit.  
At parum admodum actum videbatur, quan-  
diu penes Anglum Rothomagum esset. Regi  
haud dubium erat, quin Rothomagenses in  
se magnopere propenderent, eam ob rem  
eorum vt studia promoueret; diuisas copias  
contrahit, & tabernacula ad vrbe[m] figit,  
ostentatâ potentiâ, & ciuium prouocatis con-  
siliis. Et illi extemplo maiore studio quàm  
prudencia, & consilio nondum maturato,  
muri parte quæ curabant excubias Francos  
accersunt; verum Talbotius aduolans, inua-  
dentes pellit, receptoque muro, Francos cæ-  
dit. Ciues suo malo prudentiores effecti,  
imo fortiores, vno cuncti animo arma corri-  
piunt, Anglos inuadunt, pulso[s]que turrium  
mœniumque procinctu, in palatium atque  
arcem trudent: tum Archiepiscopum ad Re-  
gem legant, à quo impetratis conditioni-  
bus commodis, Dunensem excipiunt; edi-  
cto proclamato, vt omnes vesti aut capucio  
Crucem albam affigerent, & obtemperatum  
tam pronis animis, vt intra tres horas, nemo  
esset in amplissima ciuitate, ne infantes qui-  
dem in cunis, quin candicantem Crucem  
præferret. Biduo post Sommersetus, militum  
inops, & cibariorum, proprias pepigit condi-  
tiones, admodum duras; quibus aliquot op-  
pida restituebat, multam pecuniam tum Regi  
dabat, tum ciuib[us]; per quæ libero abire  
licuit, Talbotio tamen aliisque ducibus in

CAROLVS  
VII.  
Anno  
1449.

Rotho-  
magi  
recep-  
tum.



metastabilis ad Britannum ducit, alteram ad Regem Brezæus; & ille post Abrincas captas, hic Baiocas, simul ad Cadomum adiungunt copias, atque obsidione validissimam civitatem cingunt, quam & sommersetus ipse tutabatur. Designata oppugnantibus statio propria, Comestabili sua, tum Dunensi; atque amne postmodum iuncto, Comitibus Eufio & Niuernensi assignata sedes; postremo Regi statua posita. Postquam castra locata sunt, variisque præliis & velitationibus Angli erumpentes, intra murorum ambitum acti sunt; ad ipsos muros Franci admoti propius, tum machinis tum operibus urbem impugnant. Dunensis postquam tormentis in aggeres sævit, quos Ornus Fluvius alluebat, ducto milite in eos inuadit, & sede fixa urbi imminet: Ex opposita parte Comestabilis, substructis, cuniculis, muri partem turriumque euerterat; iam nuda civitas atque indefensa patebat irrumpentibus, cum deditionem flagitat, & à Rege excipitur, Castro adhuc integro atque illibato. Permissum obsessis tempus, si auxilio iuarentur; quo neutiquam misso, urbs Regi dedita, & sommersetus cum Anglis cæteris nauibus Francicis in Angliam vectus. Comes Dunensis urbi & Castro dictus est præfatus; ut Falesiæ postmodum captæ Santralius, Cheroburgum in tota Normannia vnum supererat, validissimum oppidum, munitumque forti præsidio, datum Comestabili expugnandi munus; qui tormentis bellicis rem aggressus, in littore etiam erectis molibus, machinisque impositis, tam frequenti fulmine urbem continuo mense impetivit, ut ad deditionem impulerit; quamquam non sine damno, Admirale Cotinio ab hostibus cæso: ita nemo Anglus in amplissima prouincia, non urbem, non arcem sed ne tectum quidem

CA-  
ROI.VS  
VII.  
*Cadomum capitur*

Anno  
1450.  
ad

CA-  
ROLVS  
VII.

ad habitandum retinuit. Nec legentibus in-  
iucundum erit, quando facinora singula re-  
censeri nequeunt, nomina procerum per-  
lustrare, quorum maxime operâ ea patrata  
sunt. Porro celebrantur Renatus Siciliae Rex,  
Corolus Cœnomanorum Comes, Dux Alen-  
sonius, Comites Eufius, sancti Pauli, Cla-  
romontius, & Niuernensis, Franciscus Bri-  
tanniae Dux, Petrus eius frater; Comefta-  
bilis, & Comes Dunensis, qui duo maxi-  
mè immortalitatis famâ dignandi sunt;  
Loheacius & Culantius Marefcalli, Coti-  
nius Admiralius, Santralius toties memò-  
ratus (Hira iam in Aquitanis decesserat)  
Blainvila Balistariorum præfectus; Brexus  
Pictorum Senescallus, Valpurius Lugdunen-  
sis Præfectus, aliiquæ quos Annales signant,  
Sed præ omnibus Rex ipse memorabilis; qui  
militari fortitudine regiaque clementiâ,  
quam multa oppida expugnauit. Sanè in iis  
domandis patrem potius quàm victorem  
agebat; adeò pronus ad donandam veniam,  
non hominibus modò sed muris etiam &  
faxis ignoscens, imò ipsis Anglis, quibus  
vitam & libertatem vltro permittebat, de-  
tractis tamen Sarcinis, ne fortè alieno dila-  
rentur, atque vt subditis res suæ forent in-  
tegræ atque intactæ. Ab expeditione Dux  
Burgundiae abfuit, Flandrensiū rebellionibus  
domandis affixus. Quamquam & Re-  
gem inter affluentia gaudia summus dolor  
affecit; nec enim vlla sine luctu latitia; dum  
Iulio bonæ deditionem opperitur, cum Agnes  
conuenit formosissima illa sui seculi mulier;  
in speciem vt quid arcanæ conspirationis re-  
tegeret, reuerâ vt amantem instauratis ille-  
gebris, ceu recusâ compede reuinciret.  
Nam verebatur sagacissima femina, ne gloriæ  
atque victoriæ forma Rex captus, volupta-  
tem veterem aspernaretur, bellicque amor  
turpis

Agne-  
lis  
mors.

turpis otij votum restringeret; verum veneno præbito, ut creditur ab quopiam Delphini cupido, placere simul & vivere desinit. Dicebatur pulchritudinis domina, tum quod formâ corporis prædita esset; quæ Imperium vsurparet in animos; tum quod à Rege villâ purcherrima, quæ & Castrum Pulchritudinis dicta est, præter immensa alia munera, fuisset donata. Villequeria neptis eius locum impleuit, Regisque amorem ceu hereditatem adiuit; Nec ad Franciscum Britannia Ducem victoriæ fructus peruenit; Febri lentâ extinctus est, transiitque ditio ad Petrum fratrem, quanquam dux filia superstites essent; nam ante Comitibus provincie statutum erat ne Ducatus ad feminas iret. Comestabili totius Normannia administratio cessit; ac meritò, ut idem præmij monumentum esset, quod laboris.

Dum Angli à Normanniâ exiguntur, titubant in Aquitaniâ, & pelluntur in ruinæ principia. Nobiles Vascones, Comites Fuxiensis atque Astaracus, Vicecomites Languanius &, Lautrecus, conscriptis Lanceariis septingentis, & decem mille Sagittariis, Maulconeum obsident, castrum ad Pyreneorum radices, Aquas inter & Baionam situm. Id Angli, Regis Navarrae tutelæ subiecerant, iam Consilij infirmitatis; nec ipse Rex cessavit, adductis sex millibus hominum ad arcem seruandam. Verum ad vim impar, rem in colloquium tulit; & Fuxiensem copiarum Ducem eundemque generum suum, amicè monuit atque orauit, ab expugnatione uti excederet; arcem suam potius quàm Anglorum esse; haud decere qui tam arctè affines sunt, alieno commodo depugnare; Id unum rogare se, ut quando aliæ arces sint, in quas belli furor vertatur, ab ea temperet filius quæ sit patri commissa, ad hæc Fuxiensis

CA-  
ROLVS.  
VII.

De  
Bianci.

XXIX.  
Aqui-  
tania  
subasta.

Mass-  
leon.

CA-  
ROLVS  
VII.

Fuxiensis excusata belli necessitate, vnum reponit, *interesse gloria sua & dignitatis, ne ab incepto desisteret; se Francia Regi fidem addixisse, quam nullâ re violatam vellet; in ceteris se Regem socerum patris loco semper habiturum; nunc orare ne velit generi fidem atque honorem in perfidiam atque ignominiam vertere.* Sic Nauarrus regreditur, & castrum redditur. Pari ardore

*Guiche*

Guichium castrum Fuxiensis capit quartâ supra Baionam leucâ, & Nauarræ Comestabilem suppetias ferentem victum prælio in fugam dilicit. Ita Rex in Aquitaniâ spem erectus, post receptam Normanniam, cum annus vergeret in autumnum, ne per hyemen ardor refrigesceret, iubet Pontini Comitem, eundemque Petrocorium & Lemoicensem, Bergeraco obsidionem inducere; simulque Culantios fratres, Oruallum Albreij filium & Santraliu cum copiis designatis mittit. Bergeracenses post constitutam obsidionem, petito colloquio deditiorem faciunt, Anglis expulsis. Mox hyeme incumbente in varias partes dimittuntur copię; atque Oruallio egregio adolescenti Vasates obueniunt. Is otij impatiens, dum bellum circumfert in agros proximos,

*Medoc.*

excurrit in Medulos, ac reportat prædam copiosam, seque recipiens Burdegalenses magnâ clade afficit, quippe vrbis præfectus, ostentari suorum prædam indignatus, ciues ad arma excitos decies millia contra Oruallium ducit, ac temerè prælium conserit; & vertente Oruallio, foedè expulsus, atque profligatus; potuitque vrbs eo facinore capi, si victori tam ad seruandum quam ad capiendum miles suffecisset. Vere appetente Rex ne spem tam præclaram desereret, Comitem Dunensem summum Francicarum copiarum Præfectum, cum exercitu in Aquitaniam mittit;

tit ; nec multum laboris in ea subigenda impensum est. Blauia, Burgum, & Liburnum armis capta, cætera pactis sponte initis red-  
dita. Nam Aquitani, percepta infirmitate Anglorum, ne regio penitus vastaretur, pacta cum Dunensi scripto stipulantur ; vt se ipsi, Burdegalam, cæteraque oppida dederent, nisi intra diem vicesimum quintum ad Fronsacum Angli se sisterent, eo numero qui par esset Francis repellendis ; immunitates Burdegala atque prouinciæ illibata essent. Monferrandus sua pacta priuatim conscripsit ; Gasto Boatum Capitaneus Anglo addictior quam vt ab eo discederet, pro Nepote etiamnū infante cum Franco conuenit. Die dicta ad Fronsacum Franci Proceres, Comites Fuxiensis, Armaniacus, Claromontius, Vindocinensis, Pontinius, cæterique ex Pictonibus, Santonibus, Occitanis, & Vasconibus nobiles, cum triginta militum millibus, ab exorto sole ad occumbentem sub armis steterunt ; atque adeò conditione impletâ, Dunensi Fronsacum, Burdegala, cæteræque vrbes, præter Baionam vnâ patefactæ. Ad eam igitur militem Dunensis admo-  
uet, vixque moles ad locanda tormenta crexerat, cum ciues admitti se dedititios flagitant. Nempe Angli, quod vnum erat in calamitate votum, cum nequirent tueri prouinciam atque conseruare, saltem tabulas scriptas quibus multarum urbium iura continebantur, penes se habere, atque inani-  
bus titulis solari miseriam atque inopiam pascere, vehementer optauerant. Eas porro tabulas postquam Baionâ in Angliam detulerunt, passi sunt æquius sibi urbem eripi, papyraceis Chartis opulenti, exque hæcenus Londini diligenter seruantur, ad vnius historię damnum, cui multa lux conferretur his tabulis. Nec omittendum fauentis  
cœli

CA-  
ROLVS  
VII.

Mont-  
ferrad.

Anno  
1451.

Baiona  
capta.

— cœli prodigium; quo picta in nubibus Crux  
 CA- candicans, quæ Francorum signum, supra  
 ROIVS urbem per dimidiatam horam fulgere visa  
 VII. est; postridiè quam deditio facta sit; Deo  
 pingente cœlitus, quod in terris ipse perfec-  
 cerat; nam quis præter numen, tam vberem,  
 tantam, tam militarem, sic addictam An-  
 glo prouinciam, nullo prope sanguine, nul-  
 lo Marte, multis post annis, restitueret Fran-  
 ciæ; tot studiis, bellis, cædibus, præliis, eam  
 in rem antè frustra collocatis. Sane Dei vnus  
 est, vt magna diffilare, sic minima promo-  
 uere; spēsque humanas vel extinguere ni-  
 mias, vel implere extinctas.

XXX. Verùm & Deus nouo facinore, ac Fran-  
 Agni- corum gloria, Aquitaniam redemptam vo-  
 tania luit. Eam pro Rege Comes Claromontius  
 rebekis Borbonij filius administrabat, cùm repente  
 iterum rebellione percellitur, vrbibusque primariis  
 demissa spoliatur. Aquitani Nobiles crimen inci-  
 piunt, Monferrandus, Esparrus, Rosanus,  
 Durafius, & Langladius; eorum nepotes,  
 qui olim rebellauerant in Carolum V. Hi  
 dum regionem Anglus obtinebat, tyranni-  
 cam licentiam vsurpantes, clientes ad ar-  
 bitrium spoliabant potius quam regebant;  
 nunc in officium redacti, necessitatem vir-  
 tutis pro iniuriâ reputantes, clam simul con-  
 spirant, missoque in Angliam Esparro, Tal-  
 botium cum septingentis armatis impetrant,  
 miscentque arcana cum Burdegalensibus de  
 proditioe consilia. Talbotius ad Medulos  
 applicans, regionem momento subigit, mox-  
 que Burdegala ciuium proditioe exceptus,  
 De Oliuerium Cotinium Senescallum, aliosque  
 Coytini. Francos insidiarum incautos, apprehendit,  
 traditque in custodiam. Felicem, euentum  
 De mox insula Talbotij filius promouet; qui  
 L'ij c. octoginta nauibus commeatum ingentem &  
 quatuor militum millia Burdegalam inue-  
 hens,

hens , magnam conuerſionem animorum & rerum efficit. His copiis ſuccinctus Talbotius , primo Caſtillonem , tum Fronſacum capit, validiſſimas prouinciæ arces , vt Regi in Aquitania præter ignominiam & inualida oppida nihil eſſet ſuper. Nihilominus Rex, vt negligentiam Præfeſtorum emendaret diligentia, præmiſſum itineribus magnis exercitum ſequebatur. Eum Chabannius deducebat, domus regiæ præfeſtus; & acceſſerant Proceres , Montalbanus , Hunaldeya , Petrus Beluaus , Comites Caſtrenſis & Armaniacus ; qui Mareſcallis adiuncti , Caſtillonium Duranio amni impoſitum obuallant. Eriguntur machinarum moles , & locantur ſtatiua militum, quæ nouo ea ætate conſilio , ſed arceſſito à Romanis more , Gaſpar & Ioannes Burelli , latâ foſſâ obductiſque palis munierunt ; ij fratres quorum opera toto Anglico Bello vtiliſſima fuerat , & alter adminiſtrabat machinas, alter ærarium. Talbotius ad nuntium obſidionis, qui tot vrbes ſeruauerat, de Caſtillonio ſollicitus , educit Burdegalâ equites mille ducentos, & quatuor peditum millia, magnâque celeritate incedit, vt Francos incautos noctu inuadat. Primò fortuna promouit conſilium ; occurrit in aliquot Sagittariorum cohortes , quæ in proxima caſtra mittebantur ; cæſque aggreſſus haud ægrè fundit ac diſicit. Poſt delibatam ea ſtrage victoriam , ad ipſa caſtra lætus inuehitur, quæ tam accuratè munita inſpectans , nec vllum vel noctis, vel repentinæ aggreſſionis beneficium eſſe , peditatum ſilentio opperitur ; quem poſtquam aduenit adhortatus ad prælium , ad perrumpenda caſtra immittit. Equites vt præeſſent exemplo peditibus , relictis equis pugnam Principes ineunt , & fulminantium inter machinarum globos propius ſe vallo inferunt. Eo loco accerrimè

CA-  
ROLVS  
VII.

Hu-  
nal-  
deya.  
Beau-  
nean.

Bu-  
rean.

*Talboti  
mors.*

accerrimè dimicatur; Angli fossam per suorum cadauera transmittentes, vallum conscendunt, & quà repentes manibus quà pugnantes, morrem & terrorem Franco obii-ciunt. Franci contra sagittarum grandine depluentes, postquam audacissima capita non repellunt, hastis, contis, gladiis, securibusque aggressi, lacertos & manus detruncant ac metunt. Verum Anglos incendente successu, & inflammante victoria iam admota sub manibus, laborabant Franci inceperantque metuere; cùm Hunaldaya & Montalbanus, quorum statio erat remotior, Britones suos è castris educunt, magnoque animo se in hostem infundunt. Noua pugnae facies oritur, Angli vallo auulsi, à lateribus cæsi atque à tergo, perturbantur atque permiscuntur, eò magis, quod ipsi pedites equitum incursibus patebant obnoxij. In ea trepidatione Talbotius sibi semper constans, equulo vectus, quando per senium pugnare manu non poterat, dum suos ad pugnam incitat, ictus minori tormento deiicitur, suoque casu militum animos sternit. Dicitur præclarissimus senex, cùm desperatam spectaret victoriam, contendisse à filio, vt se morti eriperet, spem Angliæ iuuenis ad meliora seruaret, nec morientem senem curare cui vitam ingloriè ponendam in lectulo, honestè Deus patriæ causa adimeret; at verò filium tanto patre dignissimum, quem æmulari diuturna vita & laudatissima neutiquam posset, voluisse gloriosissima morte æmulari, & in patris conspectu fortissimè pugnantem, abiectà spe vitæ cæsum esse. Sanè Talbotij mors, & fugauit Anglos, & extemplò Castillonium dedit; atque mox Aquitaniam totam; quem vt Græci Philopœmenem, ita Angli vltimum suæ gentis dicerent, nemine Anglo post illustrem Talbotium præclarâ atque



atque eximiâ laude, suum in Franciâ nomen  
 consignante. Interea Comes Claromontius,  
 Aquitaniæ Prorex, cum Fuxiensi, Albretio  
 Santratio, atque Valpurnio, subigebat Me-  
 dulos; & Fronfacum obsidione cinctum post  
 Talbotij mortem expugnauerat; ianque va-  
 cuo Anglis Garumnâ, præter Cadillacum,  
 id arctius premit. Propugnabat arcem Gal-  
 lardetus, turpissimus proditor, quamquam  
 Francus, qui à Fuxiensi ad eam Regi ser-  
 uandam impositus, ad Anglos defecerat, ipsi-  
 que Fuxiensi necem molitus per insidias  
 erat. Ille ergo desperatâ prorsus salute, des-  
 peratissimè pro Castro pugnabat; donec ab  
 Anglico præsidio ad deditionem coactus,  
 nullâ conditione, pro merito, ad Castri por-  
 tam arbori appensus est. Tunc Rex in Aqi-  
 taniâ venit, Collectisque omnibus copiis,  
 ad premendam Burdegalam se accingit. Vi-  
 sum est potius rem fame quam armis con-  
 ficere. Erat classis in anchoris, quæ portum  
 clauderet, Claromontius proximum agrum  
 vastauerat, exercitus Garumnâ atque vr-  
 bes impositas obtinebat. Ita Burdegala ci-  
 uitas populosa breui ad inopiam acta est;  
 præsidio quod quatuor Anglorum millia,  
 Vasconum totidem constituerant, absumente  
 cibaria, nullo facinore, ne tentato quidem.  
 Eam ob rem appellata Regis Clementia &  
 exorata est; Anglis data libertas, Burdega-  
 lensibus immunitates detractæ; parcitum  
 Nobilibus, viginti exceptis, quibus iussu  
 regno exulare. Inter eos Esparrus erat, qui  
 aliquanto post in Santonibus interceptus,  
 dum conspirationem nouam moliretur, ca-  
 pite truncatus est; quod tamdiu tam iniquas  
 res concipiebat. Et ipsi Burdegala frænum  
 an compedes imponi Rex voluit, geminis  
 castellis hinc inde erectis, ad continendam  
 animorum volubilitatem; alterum Ha di-  
 ctum

— —  
 CA.  
 ROLVS  
 VII.

*Gail-  
 lardet.*

*Burde-  
 gala  
 reddi-  
 ta.*

Anno  
 1451.  
 vel  
 1452.

CA-  
ROLVS  
VII.  
Trom.  
pete.

atque, ad occasum solis; in agros proximos dominatur; alterum Tropeta, qua sidus oritur, amni imminet, portumque infranat. Idque prudenter institutum à Rege sequentium temporum experientia docuit. Et per eam expeditionem Angli tandem totâ Galliâ depulsi sunt, præter vnum Caletum, quod propemodum extra Franciæ limites positum, dolori Anglis potius quàm gaudio fuit, æstimantibus vnde excidissent: quibus Aquitania eadem sub Henrico Rege crepta est, quæ Henrico Rege trecentis ante annis aduenerat.



SYNOPSIS



## PARS SECVNDA.

### Synopsis Libri Septimi.

- H**UGO CAPETIVS Rex 1.  
Duces & Comites unde orti. 1.  
Robertus regni consors. 2.  
Eiusdem dotes. 2.  
Comites Parisienses abrogati. 2.  
Arnulphus Rhemensis Archiepiscopus. 2.  
& 3.  
Gerbertus quis. 3.  
Capetij mors. 3. c.  
Robertus Rex. 4.  
Berta reiecta Constantiam ducit. 4.  
Constantia facinus in Hugonem. 4.  
Robertus Melodunum & Burgundiam recipit. 5.  
Motus ob Lotharingiam. 6.  
Roberti cum Henrico Imperatore colloquium. 7.  
Robertus deliberat de Hugone filio coronando. 8.  
Hugo coronatur, rebellat in patrem, & resipiscens moritur. 9.  
Robertus coronat Henricum filium. 10.  
Roberti mors, & poësis sacra. 10. b.  
Henricus Rex, per matrem turbatur. 11.  
Guillelmus Normannus ab Henrico iuuatur. 12.  
Burgundia tripartita diuissio. 12. b.  
Burgundia Iurana Imperatori cessit. 13.  
Campania limites domiti. 13. c.  
Berengarius Hæreticus. 14.  
Fames ingens in Francia. 15.

Henricus

## Synopsis, Libri Septimi.

- Henricus coronato filio moritur. 15.  
Philippus Rex, Balduinus Comes Flandria  
tutor. 16.  
Vascones domiti. 16.  
Philippus in Flandria vincitur. 17.  
Guillelmus Normannus Angliam subi-  
git. 18.  
Bellum primum in Anglos. 18.  
Franci in Hispania Mauros pellunt. 19.  
Portugallia regnum conditum. 19.  
Bellum sacrum 20.  
Philippus Rex excommunicatur. 21. c. &  
absoluitur. 22.  
Ludouicus Philippi filius domat rebelles. 23.  
Philippus Rex moritur. 23.  
Ludouicus Crassus Rex. 23.  
Ludouicus inauguratur Aurelia. 24.  
Domat rebelles. 24.  
Bellum in Campanum. 25.  
Bellum in Anglos. 26. a.  
Gisortium belli causa. 26. c.  
Ludouici querela, Henrici responsio. 27. 28.  
Ludouicus Gisortium obsidet. 28.  
Ludouicus vincitur. 29.  
Henrici Angli nouæ affinitates. 29. c.  
Pax cum Anglo. 30.  
Henrici liberi naufragio merfi. 30. c.  
Henrici bellum in Francia. 31. Imperatore  
adiuncto. 31.  
Ludouici apparatus. 32.  
Imperator deterritus abscedit. 32. c.  
Ludouicus Flandris Comitem imponit. 33.  
Canuti Flandrensis Comititis pietas, & mors.  
33. b.  
Ludouici in Aruernia bellum. 34.  
Aruerni ab Monfortio repressi. 35.  
Turba ob Garlandum. 36.  
Philippi coronati mors. 37.  
Innocentius Pontifex in Franciam venit.  
37. c.


Ludouicus

## Synopsis, Libri Septimi.

- Ludouicus Junior coronatus.* 38.  
*Eleonora Ludouico nubit.* 38.  
*Ludouici Craffi mors.* 39.  
*Philippi Clerici modestia.* 39.  
*Ludouicus Iunior.* 40.  
*Turba inter Regem & Pontificem.* 40.  
*Regis pœnitentia.* 41.  
*Rex in Palestinam proficiscitur.* 41.  
*Regis iter per Asiam.* 44.  
*Pugna ad Meandrum.* 46.  
*Francorum clades.* 47.  
*Rex Antiochiam venit.* 48.  
*Damasci obsidio.* 51.  
*Rex in Franciam redit.* 54.  
*Eleonoram abdicat.* 54.  
*Eleonora Henrico Anglo nubit.* 55. c.  
*Bellum pro Tolosatibus.* 56.  
*Pax cum Anglo.* 58.  
*Philippi natiuitas.* 59.  
*Nouum bellum cum Anglo.* 59. 60.  
*Thomas Cantuariensis.* 60.  
*Philippus Augustus Rex.* 62.  
*Coterelli oppressi.* 63.  
*Veromandui recepti.* 63.  
*Palestina calamitas.* 64.  
*Primum in Anglos bellum.* 64.  
*Campus sacer, & pax.* 65.  
*Decima Saladina.* 65.  
*Bellum in Anglos secundum.* 66.  
*Aqua cœlitus præbita.* 66.  
*Ricardus in patrem rebellis.* 66.  
*Henrici Angli mors.* 67.  
*Philippi in Palestinam profectio.* 68.  
*Secedit à Ricardo in Sicilia.* 69.  
*Rex Ptolemaidem venit.* 70.  
*Ricardus Cyprum occupat.* 70.  
*Ptolemais capta.* 71.  
*Dissensio inter Reges.* 72.  
*Rex in Franciam regreditur.* 73.  
*Ricardi fortuna varia.* 73. c.

## Synopsis, Libri Septuimi.

Cypri regnum conditum. 74.  
 Ricardi captiuitas. 74. & libertas. 75.  
 Bellum Anglicum. 75. & pax 76.  
 Rex Engelbergam dimittit. 76. c.  
 Sacris interdicitur. 77. Coniugem recipit.  
 78.  
 Bellum tertium cum Anglo. 78.  
 Philippi infortunia. 80. & fortitudo. 81.  
 Ricardi mors. 81.



## Synopsis, Libri Octauu.

**B**ellum quartum cum Ioanne Anglo.  
 83.  
 Blanca Regina. 84.  
 Bellum secundum cum Ioanne. 85.  
 Pictauuium miraculo seruatum. 86.  
 Philippus Normanniam subigit. 86.  
 Balduinus Imperator Constantinopolitanus.  
 87.  
 Albigenfium haresis. 90.  
 Monfortius dux Crucigerorum. 92.  
 Pugna ad Muretum. 93.  
 Rex Pictones occupat. 94.  
 Parat expeditionem Anglicam. 95.  
 Bellum Flandrenfe. 96.  
 Otho & fæderati in Philippum. 98.  
 Rex aduersus hostes progreditur. 99.  
 Pugna Bokinenfis. 102.  
 Ioannes Anglus victus. 105.  
 Abbatia victoria. 107.  
 Ludouicus bellum in Joannem parat. 107.  
 Ludouicus dictus Rex Anglia. 110.  
 Ludouici gesta in Anglia. 111.  
 Henricus III. Rex Anglia. 112.  
 Ludouicus ab Anglia difcedit. 114.  
 Regis Philippi mors. 115.

Ludouicus

# Synopsis, Libri Octau.

- Ludouicus VIII. Rex 115.
- Balduinus factus in Flandria. 115.
- Bellum cum Anglo. 116.
- Rex Rupellam capit. 117.
- Et Anglos expellit. 118.
- Rex in Albigenfes. 119.
- Auenio capta. 119.
- Regis mors. 120.
- Ludouicus Sanctus, Rex 121.
- Coniuratio Procerum. 122.
- Blanca distrahit coniuratos. 124.
- Coniurati in Campania victi. 126.
- Regis cum Margarita coniugium. 129.
- Bellum in Marchia Comitum. 129.
- Rex veneno tentatus. 131.
- Rex Taleburgum expugnat. 132.
- Rex bellum suscipit pro socero. 134.
- Regis sancti mores. 136.
- Vouet bellum sacrum. 137.
- Cyprum venit. 138.
- Damiatam capit. 139.
- Prima ad Massoram pugna. 142.
- Roberti Artesij cades. 143.
- Altera pugna. 144.
- Cause calamitatis Francorum. 146.
- Regis captiuitas. 148.
- Margarita Damiatam seruat. 149.
- Regis constantia & virtutes cetera. 151.
- Rex liberatur. 152.
- Rex perstat in Syria. 152. c.
- Assassinorum Rex. 154.
- Pastorum tumultus in Francia. 156.
- Blanca obitus. 156. c.
- Rex in Franciam redit. 157.
- Rex Flandriam pacat. 158.
- Rex pacem Anglo donat. 159.
- Regis in Deum amor. 159.
- Carolus Andegauus Sicilia Rex. 160. c.
- Regis virtutes. 164.

## Synopsis, Libri Noni.


- E**x sacrum bellum parat. 167.  
 Expeditio regis in Africam. 169.  
 Tuneti obsidio. 170.  
 Regis morbus. 171. & mors. 174.  
 Philippus Audax Rex. 175.  
 Caroli in Africam aduentus. 175.  
 Saraceni victi. 176.  
 Pax cum Saracenis. 177.  
 Francorum naufragium. 178.  
 Principum funera. 179.  
 Regis in Franciam reditus. 179. c.  
 Motus in Aquitania. 180.  
 Concilium Lugdunense secundum. 182.  
 Nauarra regnum. 183.  
 Campanus Nauarra rex. 184.  
 Pompelo capta. 186.  
 Bellum cum Hispano. 186.  
 Brossij fortuna & calamitas. 189.  
 Vesperas Siculas quae praecefferint. 192.  
 Vespera Sicula. 194.  
 Bellum Aragonium. 196.  
 Gerunda obsidio. 198.  
 Regis in Franciam reditus. 200. & mors.  
 201.  
 Philippus Pulcher Rex. 202.  
 Bellum Anglicum primum cum Eduardo.  
 203.  
 Bellum in Aquitania. 205.  
 Bellum cum Flandro. 207.  
 Pugna Furnensis. 208.  
 Turba Regis cum Bonifacio. 209.  
 Bellum renouatum in Flandros. 210.  
 Flandria Comes se Valesio tradit. 211.  
 Valesius in Italia. 212.  
 Brugarum seditio. 213.  
 Parisiorum tumultus. 214.

Franc



## Synopsis, Libri Noni.

*Franci ad Cortracum caesi.* 215.  
*Novus Regis exercitus.* 218.  
*Regis cum Bonifacio controuersia.* 218. c.  
*Bellum in Flandrostertium.* 222.  
*Pugna ad montem Pabulanum.* 223.  
*Clemens V. Pontifex.* 225.  
*Templarij extincti.* 228.  
*Ioanna Nauarra Regina.* 231.  
*Adulteria in domo Regia.* 232.  
*Regis mors.* 233.  
*Ludouicus Hutinus Rex.* 233.  
*Marinius damnatus.* 233.  
*Bellum in Flandros.* 235. *Regis mors.* 236.  
*Philippus Longus Rex.* 236. *moritur.* 238.  
*Philippus Pulcher Rex.* 239. *Carolus*  
*Clades in Nauarra.* 240.  
*Bellum cum Anglo.* 241.  
*Caroli Valesij mors.* 243.  
*Spurij Vascones.* 243.  
*Pax cum Anglo.* 244.  
*Regis obitus.* 245.



## Synopsis, Libri Decimi.

**P** *Philippus Valesius Rex.* 247.  
*Europa status.* 247.  
*Anglorum pro Eduino oratio.* 248.  
*Artesij oratio pro Philippo Valesio.* 250.  
*Philippus Valesius rex dictus.* 250.  
*Philippus Rex Nauarram dimittit.* 251.  
*Suscipit bellum Flandrense.* 252.  
*Pugna ad Cassetum.* 253.  
*Contentio contra Ecclesiasticos.* 254.  
*Petrus de Cumeris.* 255.  
*Eduardus Philippo clientelam iurat.* 255.  
*c.* 256.  
*Robertus Artesius ex Francia pulsus.* 257.

# Synopsis, Libri Decimi.

- Artesium Anglum in Bellum inducit.* 260.  
*Bellum instruitur.* 261.  
*Admouentur exercitus sine praelio.* 262.  
*Artauella Gandauu tyrannus.* 264.  
*Anglus Rex Francia dictus.* 265.  
*Franci victi pugna nauali.* 266.  
*Turnacum ab Anglo obsessum.* 268.  
*Inducia inter Reges.* 269.  
*Blesensis & Monfortij contentio.* 270.  
*Monfortia Amazon egregia.* 271.  
*Rex Proceres, necat.* 272.  
*Bellum cum Anglo instauratum.* 273.  
*Artauella occisus.* 273.  
*Eduardus Normanniam vastat.* 275.  
*Cadomum captum ab Eduardo.* 277.  
*Eduardus Lutetiam accedit, & recipit se.*  
 278.  
*Ordo ad pugnam Cressiacam.* 279.  
*Pugna Cressiaca.* 281.  
*Noua post pugnam clades.* 283.  
*Caletum ab Eduardo obsessum.* 284.  
*Ludouicus Malanus Flandria Comes.*  
 286.  
*Caletum redditum.* 287.  
*Caletensium fortitudo, sex praesertim ci-  
 nium.* 288.  
*Caletum frustra tentatum.* 291.  
*Delphinatus Francia accedit.* 292.  
*Philippus Blancam ducit, & moritur.* 293.  
*Blanca laus.* 293.  
*Ioannes Rex, Comestabilem damnat.* 295.  
*Carolus Malus Nauarra Rex.* 296.  
*Carolus Hispanicus occisus.* 297.  
*Nauarrus turbans capitur.* 298.  
*Apparatus ad pugnam Pictauiensem.* 300.  
*Pugna Pictauiensis.* 303.  
*Parisienses primò tumultuantur.* 307.  
*Occitania in Regem studium.* 308.  
*Nauarra Rex per tumultum liberatus.*  
 310.

Idem

## Synopsis, Libri Decimi.

*Idem Parisiis auctoritatem usurpat.* 331.  
*Delphini morbus ex veneno.* 311.  
*Seditiosi Marescallos necant.* 312. 313.  
*Iaqueria rusticorum tumultus.* 313.  
*Delphinus dictus Regens.* 315.  
*Delphinus Parisiis excipitur.* 316.  
*Bellum cum Anglo.* 319.  
*Eduardi exercitus.* 320.  
*Pax ad Bretiniacum cum Anglo.* 322.  
*Pax patrata prodigio.* 323.  
*Joannes Rex liberatur.* 325.  
*Rupella fides in Regem.* 326.  
*Pradones in Francia.* 326. b.  
*Pugna ad Lugdunum.* 326. c.  
*Burgundia regno annexa* 328.  
*Regis itinera.* 329. & mors. 330.



## Synopsis, Libri Vndecimi.


**C***arolus sapiens.* 333.  
*Pugna ad Coquerellum.* 333. c.  
*Blesensis à Monfortio casus.* 336.  
*Guesclinus in Hispania.* 339.  
*Malandrini pradones.* 340.  
*Causa novi belli in Anglum.* 342.  
*Apparatus ad bellum.* 344.  
*Bellum cum Anglo.* 345.  
*Guesclini facta.* 346. *Idem Comestabilis.*  
 347.  
*Lemonicum captum & euersum.* 347.  
*Angli nauali pralio victi ab Hispanis.*  
 348.  
*Rupella à Francis capitur.* 351.  
*Touarsium captum.* 352.  
*Dux Britannia pulsus.* 354.  
*Exercitus Anglicus perit.* 355.  
*Eduardi mors, filij, & patris.* 356.

## Synopsis, Libri Undecimi.

- Bellum instauratur.* 357.  
*Bellum in Nauarrum.* 358. 360  
*Monspelijs poena mitigata.* 359.  
*Carolus Imperator in Franciam venit.*  
360.  
*Res in Britannia varia.* 361.  
*Guesclini mors.* 362.  
*Angli in Francia nouus exercitus.* 363.  
*Caroli Regis mors.* 364.  
*Carolus V I. rex.* 366.  
*Dux Britannia reconciliatus.* 367.  
*Seditio Parisiensis.* 368.  
*Bellum in Flandria.* 369.  
*Pugna ad Rosebeccam.* 372.  
*Malleatores Parisiensis.* 374.  
*Maresius vocatus in poenam.* 377.  
*Parisiensium poena.* 377.  
*Angli è Flandria puls.* 378.  
*Schisma Vrbanum inter & Clementem.*  
379.  
*Ludonicus Andegauensis in Italia moritur.*  
380.  
*Rex Isabellam ducit.* 382.  
*Belli Flandrici finis.* 383.  
*In Anglicum bellum apparatus.* 384.  
*Apparatus irritus.* 386.  
*Biturigis cunctatio.* 387.  
*Clissonius à Britanno captus.* 389. & libe-  
ratus. 392.  
*Caroli Nauarri mors.* 394.  
*Bellum cum Gelrio & pax.* 395.  
*Rex regnum administrat.* 396.  
*Gasto Phœbus Comes Fuxiensis.* 397.  
*Borbonij in Africam expeditio.* 400.  
*Canis castrorum custos.* 401.  
*Armaniacus in Italia.* 402.  
*Comestabilis à Cranensi casus.* 403.  
*Factiones Aurelianensis & Burgunda*  
*oriuntur.* 406.  
*Regis fonticus morbus.* 408.

## Synopsis, Libri Vndecimi.

Regis morbus incurabilis. 409.  
Philippus Burgundus Regens. 410.  
Rex ad tempus sanatus. 411.  
Pax cum Anglo. 411.  
Hungarica expeditio in Turcam. 412.  
Rex Anglia necatus. 412.  
Dissidium inter Aurelianensem & Burgundum. 413.  
Aurelianensis Regens. 414.  
Philippi Burgundi mors. 414. c.  
Ioannes Burgundus Philippo succedit. 415.  
Burgundus necat Aurelianensem. 417.  
Burgundus fugit. 419.  
Burgundus Parisios venit. 420.  
Ioannis Parui pro Burgundo oratio. 421.  
Concordia inter Burgundum & Aurelianensem. 422.  
Genua Francos pellit. 423.



## Synopsis, Libri Duodecimi.

**B**urgundus Montacutum damnat. 425.  
Nova turba in Aula. 426. b.  
Seditio Parisiensis. 429. c.  
Aurelianenses Parisiis excepti. 432.  
Burgundus Atrebate obsessus. 433.  
Pax Atrebatensis. 434.  
Bellum Anglicum. 434.  
Arisflorum captum. 435.  
Henrici Angli pietas. 436.  
Pugna Azincurtia. 437.  
Burgundus Parisiis exclusus. 440.  
Ludouici Delphini mors. 440.  
Sigismundus Imperator Parisiis. 441.  
Ioannis Delphini mors & Bituricensis. 442.

## Synopsis, Libri Duodecimi.

- Armaniaci odiosi.* 442.  
*Regina aula pulsa.* 443. c.  
*Regina libera.* 444.  
*Armaniaci dire necati Parisiis.* 445.  
*Capeluce furor.* 447.  
*Carolus Delphinus pacem Burgundo negat.*  
448.  
*Anglus Normanniam occupat.* 449.  
*Rothomagum capit.* 450.  
*Delphini pax cum Burgundo.* 452.  
*Delphinus Burgundum occidit.* 454.  
*Franci & Angli in Delphinum.* 455.  
*Delphini cura in hostes.* 458.  
*Henricus ex Anglia redux.* 460.  
*Henrici mors.* 461. c. & *Caroli Regis.* 462.  
*Carolus VII. Rex* 463.  
*Pugna ad Grauellam.* 464.  
*Franci ad Creuantum victi.* 465.  
*Pugna ad Vernolium.* 466.  
*Regis angustia.* 467.  
*Rex ad Britannum se vertit.* 468.  
*Burgundi cum Anglo iurgium.* 469.  
*Arturus Comestabilis.* 470.  
*Regi caros pellit.* 470. 471.  
*Montargium liberatum.* 473.  
*Angli Aureliam obsident.* 473.  
*Pugna Halecium.* 475.  
*Puella Aurelianensis.* 477.  
*Aureliam liberat.* 479.  
*Puella & posteris concessa insignia.* 481.  
*Rex Rhemos ducitur.* 481.  
*Puella capitur.* 483. & *damnatur innocens.* 484.  
*Varia urbes capta.* 485.  
*Trimollius pulsus.* 485. c.  
*Borbonius cum Burgundo reconciliatus.*  
487.  
*Legati pro pace Atrebatum conueniunt.* 488.  
*Pax cum Burgundo.* 489.  
*Regina & Berfordij mors.* 491.

Parisijs

## Synopsis, Libri Duodecimi.

- Parisi recepti à Rege.* 491.  
*Burgundus Caletopulsus.* 492.  
*Caroli Aurelianensis libertas.* 493. c.  
*Rex exceptus Parisiis.* 495.  
*Delphinus Aulâ missus.* 495. c.  
*Francia calamitas.* 496. & 497.  
*Bituricensis conuentus pro Eugenio.* 498.  
*Bellum cum Anglo renouatum.* 500.  
*Riensi Marescalli mors.* 500. & Rasijs.  
501.  
*Melida capta.* 501.  
*Agitur de pace.* 502.  
*Proceres in Regem coniurant.* 502.  
*Reconciliantur cum Rege.* 504.  
*Pontizara capta.* 505.  
*Bellum in Vasconia.* 506.  
*Margarita Conuenarum Comitissa.* 507. c.  
*Dieppa à Delphino seruata.* 508.  
*Delphinus Armaniacum subigit.* 509.  
*Delphinus in Heluetios.* 510.  
*Rex Metim obsidet.* 511.  
*Bellum Anglicum instauratur.* 512.  
*Causa belli.* 513.  
*Normannia expugnata.* 514.  
*Rothomagum captum.* 515.  
*Normannia subacta.* 516.  
*Cadomum captum.* 517.  
*Agnetis mors.* 518.  
*Aquitania subacta.* 519.  
*Baiona capta.* 521.  
*Aquitania rebellis iterum domita.* 522.  
*Talbotij mors.* 524.  
*Burdegala reddita.* 525.

Errata,

# Errata in Libro 7. 8. 9. 10.

11. 12.

*Fag. 8. lin. 3. leg. pij. p. 13. ad marg. l. Comites. p. 17. lin. 8. l. aliquot, Balduinus Iunior moritur. p. 45. lin. 41. l. alienisque. pag. 54. ad marg. l. Franciam. p. 76. ad marg. l. Pax. p. 80. ad marg. l. Valerij. p. 126. lin. 29. l. arcessunt. p. 143. lin. 33. l. imbrium. p. 150. lin. 30. l. victos p. 159. lin. 10. l. amicas. p. 176. lin. 5. l. gnauiter. p. 195. lin. 18. l. fœditate. p. 203. lin. 11. l. dignitatem. p. 209. lin. 29. l. Franci eo. p. 215. lin. 12. l. affligi. p. 234. lin. 36. l. venefico. p. 245. lin. 9. l. Francia. p. 256. lin. 20. l. confidente. ibid. l. serico. ibid. lin. 11. l. vestem. p. 261. lin. 39. l. infertum. p. 262. lin. 25. l. fin. p. 274. lin. 4. l. in Francum. p. 279. lin. 5. l. sex. p. 282. lin. 6. l. cultris. p. 283. lin. 17. l. spississima. ibid. lin. 35. l. ex. p. 337. lin. 29. l. Blæsus. p. 345. lin. 32. l. Chandosius. p. 356. lin. 23. l. absumptus. p. 357. lin. 36. l. Esparræ. p. 360. lin. 10. l. tantulo tempore. p. 367. lin. 27. l. Ricusius. p. 378. lin. 30. l. Francicam. p. 411. lin. 18. l. Aurelianensis. p. 416. lin. 26. l. amouerat. p. 464. lin. 4. l. Rupellam. ibid. lin. 20. l. patientiæ. p. 465. lin. 26. l. stylum. p. 467. lin. 26. l. Alenfonius. p. 477. lin. 36. l. Darcus. p. 480. lin. 22. l. cani. p. 482. lin. 17. l. Xantralius. p. 483. lin. 29. l. Xantraliio. p. 487. lin. 33. l. cum. p. 488. lin. 4. l. esse. p. 498. lin. 35. l. Geneuensem. p. 499. lin. 36. l. rerum. p. 504. lin. 11. l. expirare cum Anglo inducias: an p. 511. lin. 40. l. vocarentur. p. 517. lin. 29. l. præfectus.*











